

**ЎЗБЕКИСТОН РЕСПУБЛИКАСИ ОЛИЙ ВА ЎРТА МАХСУС  
ТАЪЛИМ ВАЗИРЛИГИ**

**ТОШКЕНТ ДАВЛАТ ИҚТИСОДИЁТ УНИВЕРСИТЕТИ  
ИНСТИТУЦИОНАЛ ВА ИҚТИСОДИЙ ТАДҚИҚОТЛАР МАРКАЗИ**

**Б.Б. БЕРКИНОВ**

# **ИНСТИТУЦИОНАЛ ИҚТИСОДИЁТ**

**Учинчи нашр,  
қайта ишланган ва қўшимчалар киритилган**

Ўзбекистон Республикаси Олий ва ўрта махсус таълим вазирлиги томонидан олий ўқув юртларида илмий-услубий бирлашмалар фаолиятини мувофиқлаштирувчи кенгаш томонидан олий ўқув юртларининг 230000 –“Иқтисод” таълим соҳасидаги йўналишлари талабалари учун дарслик сифатида тавсия этилган

**ТОШКЕНТ - ИҚТИСОДИЁТ - 2018**

УДК: 330(075)  
65.9(5Ў)-56  
Б57

**Беркинов Б.Б. Институционал иқтисодиёт: Дарслик. З-нашр, қайта ишланган. – Т.: Иқтисодиёт, 2018. – 226 б.**

Ушбу дарслик “Институционал иқтисодиёт” фани дастирига мувофиқ ёзилган бўлиб, унда ушбу фаннинг методологик асослари, предмети ва асосий тушунчаларининг мазмун-моҳияти ёритилган. Шунингдек, дарсликда жамиятда расмий ва норасмий институтларнинг ролига, бозор институти, шартномалар, трансакция харажатлари, хуфиёна иқтисодиёт, мулкчилик, фирма, давлат ва уй хўжалиги ривожланишининг институционал назарияларининг асосларини ёритишга кенг ўрин берилган.

Дарслик олий ўқув юртларининг бакалавриат йўналиши талабалари, магистрантлар, катта илмий ходим-изланувчилар ҳамда ўқитувчилар, шунингдек, институтлар иқтисодиёти масалалари билан қизиқувчи мутахассислар учун мўлжалланган.

**Масъул муҳаррир иқтисод фанлари доктори, проф. А.Ш. Бекмуродов**

**Тақризчилар:** и.ф.д., проф. Т.Ш. Шодиев,  
и.ф.д., проф. Х.П. Абулқосимов.

*Тошкент давлат иқтисодиёт университети илмий кенгаши томонидан чоп этишига тавсия қилинган*

**ISBN-978-9943-330-30-6**

УДК: 330(075)  
ББК 65,9(5Ў)-56  
Б57

© Иқтисодиёт, 2018.

## МУНДАРИЖА

<b>Кириш</b>		<b>6</b>
<b>I боб.</b>	<b>“ИНСТИТУЦИОНАЛ ИҚТИСОДИЁТ” ФАНИ ПАЙДО БҮЛИШИ, ПРЕДМЕТИ ВА РИВОЖЛАНИШИ</b>	<b>8</b>
1.1.	Институционал назарияларнинг пайдо бўлиши ва ривожланиши тарихи	8
1.2.	Институционал иқтисодиётнинг методологик асослари ва вазифалари	14
1.3.	Неоинституционал назариянинг асосий йўналишлари	18
1.4.	Институционал иқтисодиётнинг ривожланиш хусусиятлари	22
<b>II боб.</b>	<b>ИНСТИТУТЛАР ВА УЛАРНИНГ ЖАМИЯТ РИВОЖЛАНИШИДАГИ РОЛИ</b>	<b>27</b>
2.1.	“Институт” ва “норма” тушунчаларининг моҳияти	27
2.2.	Расмий ва норасмий нормалар ва уларнинг шаклланиши	30
2.3.	Институционал матрица	33
2.4.	Институционал ўзгаришлар ва институтларнинг ўзаро боғлиқлиги	34
<b>III боб.</b>	<b>ЎЙИНЛАР НАЗАРИЯСИ ВА ЎЗАРО ҲАМКОРЛИКЛАРНИ МОДЕЛЛАШТИРИШ</b>	<b>39</b>
3.1.	Ўйинлар назариясининг асосий тушунчалари	39
3.2.	Мувозанат турлари ва уларни излаш йўллари	40
3.3.	Ўйинлар назарияси таянч моделларининг таснифи	42
<b>IV боб.</b>	<b>РЕЖА ИНСТИТУТИ ВА БОЗОР ИНСТИТУТИ</b>	<b>47</b>
4.1.	Иқтисодиёт фаолият юритишининг нормалар тизимининг шаклланиши	47
4.2.	Буйруқбозлик иқтисодиёти нормалари	48
4.3.	Бозор иқтисодиёти нормалари тизими	50
4.4.	Мулкчилик ҳукуқларини иқтисодий асослаш	52
<b>V боб.</b>	<b>ТРАНСАКЦИЯ ВА ТРАНСФОРМАЦИЯ ХАРАЖАТЛАРИ ҲАМДА УЛАРНИ ТАҲЛИЛ ҚИЛИШГА ЁНДАШУВЛАР</b>	<b>55</b>
5.1.	Трансакция ва унинг турлари	55
5.2.	Трансакция харажатлари ва уларни таҳлил қилишга Коуз – Уильямсон ёндашуви	59
5.3.	Трансформация харажатлари ва уларни таҳлил қилишга нисбатан Норт ёндашуви	63
5.4.	Трансакция харажатларини оптималлаштириш тажрибаси	67
<b>VI боб.</b>	<b>ХУФИЁНА ИҚТИСОДИЁТ</b>	<b>72</b>
6.1.	Хуфиёна иқтисодиётнинг келиб чиқиш сабаблари	72
6.2.	Хуфиёна иқтисодиёт турларининг таснифи ва уни баҳолашга ёндашувлар	75
6.3.	Хуфиёна бозор институционал тизим сифатида	80
6.4.	Жаҳондаги хуфиёна иқтисодиёт	82
<b>VII боб.</b>	<b>МУЛК ҲУҚУҚЛАРИ НАЗАРИЯСИ ВА МУЛКЧИЛИК</b>	

	<b>ШАКЛЛАРИНИНГ РИВОЖЛАНИШ ЭВОЛЮЦИЯСИ</b>	<b>86</b>
7.1.	Мулк ҳуқуқлари назариясининг асосий қоидалари	86
7.2.	Мулкчилик таърифларининг таҳлили	88
7.3.	Мулкчилик муносабатларини амалга оширишнинг тарихий шакллари	90
7.4.	Мулкий ҳуқуқлар	95
7.5.	Мулкий ҳуқуқлар тақсимоти таҳлили	98
<b>VIII боб.</b>	<b>ШАРТНОМАЛАР НАЗАРИЯСИ</b>	<b>108</b>
8.1.	Шартнома тушунчаси	108
8.2.	Сотиш тўғрисидаги шартнома ва ёллаш тўғрисидаги шартнома	109
8.3.	Шартнома турлари	111
8.4.	Ташкилот тушунчаси ва институт билан ташкилот ўртасидаги чегара	114
8.5.	Кишлоқ хўжалигига шартнома муносабатлари	118
<b>IX боб.</b>	<b>ФИРМА НАЗАРИЯСИ</b>	<b>124</b>
9.1.	«Принципал» билан «агент» ўртасидаги ўзаро муносабатлар муаммоси	124
9.2.	«Принципал-агент» муаммоларини ҳал этиш вариантлари	126
9.3.	Фирманинг ички тузилмаси	129
9.4.	Фирмалар типологияси ва уларни ривожлантириш траекторияси	130
9.5.	Фирмаларнинг асосий турлари	132
<b>X боб.</b>	<b>ТАШКИЛОТНИ АМАЛИЙ ТАҲЛИЛ ҚИЛИШ НАЗАРИЯСИ</b>	<b>142</b>
10.1.	Трансакция харажатлари назарияси асосида ташкилий тузилмаларни амалий таҳлил қилиш	142
10.2.	Фирманинг баланси унинг таркиби тўғрисидаги ахборот манбай сифатида	145
10.3.	Фирмадаги низоларни таҳлил қилиш ва келишувлар назарияси асосида ҳал этиш	151
<b>XI боб.</b>	<b>ФИРМАНИНГ ТАШКИЛИЙ - ҲУҚУҚИЙ ШАКЛИНИ ТАҲЛИЛ ҚИЛИШ</b>	<b>154</b>
11.1.	Мулкий ҳуқуқларнинг тавсифланиши	154
11.2.	Ташкилий-ҳуқуқий шаклни танлаш мезонлари	155
11.3.	Ташкилий-ҳуқуқий шакл фирманинг стратегияси ҳақида ахборот манбай сифатида	158
<b>XII боб.</b>	<b>ДАВЛАТ ИНСТИТУЦИОНАЛ ТАШКИЛОТ СИФАТИДА</b>	<b>163</b>
12.1.	Давлатнинг вазифалари	163
12.2.	Давлатнинг институционал табиати	164
12.3.	Давлатнинг моҳияти ва унинг таърифи	166
12.4.	Давлатнинг шартномавий ва эксплуататорлик концепцияси	167
12.5.	Давлатнинг «муваффақиятсизликлари»	168
<b>XIII боб.</b>	<b>ДАВЛАТ ТУРЛАРИ</b>	<b>171</b>

13.1.	Давлат ва «принципал-агент» муаммоси	171
13.2.	«Шартномавий» давлат тушунчаси	172
13.3.	«Эксплуататорлик» давлати тушунчаси	173
13.4.	Давлат хусусиятини баҳолаш усул ва мезонлари	174
13.5.	Коррупция муаммоси	176
<b>XIV боб.</b>	<b>УЙ ХЎЖАЛИГИ ФАОЛИЯТИ ВА РИВОЖЛАНИШИННИГ НАЗАРИЙ АСОСЛАРИ</b>	<b>181</b>
14.1.	Уй хўжалиги турлари ва унинг оила билан боғлиқлиги	181
14.2.	Уй хўжалигининг инсон капиталини ривожлантиришдаги функциялари	187
14.3.	Турли иқтисодиётлардаги уй хўжалиги шакллари	189
14.4.	Уй хўжаликларининг иқтисодий ва молиявий функциялари	194
14.5.	Ўзбекистон иқтисодиётида уй хўжаликларининг ўрни ва ривожланиш тенденциялари	199
<b>XV боб.</b>	<b>РИВОЖЛАНИШНИНГ ИНСТИТУЦИОНАЛ НАЗАРИЯСИ ВА ТАШКИЛИЙ ИННОВАЦИЯЛАР СУБЪЕКТАЛАРИ</b>	<b>205</b>
15.1.	Ривожланишнинг институционал назарияси	205
15.2.	Инновациялар таснифи	207
15.3.	Инновация субъектларнинг таснифи	208
15.4.	Инновация субъектларининг қиёсий таҳлили	210
<b>XVI боб.</b>	<b>ИНСТИТУЛТАРНИНГ ВАҚТГА КЎРА ЎЗГАРИШИ</b>	<b>214</b>
16.1.	Институционал ўзгаришлар назариясининг асосий қоидалари	214
16.2.	Институтлар ривожланишининг аввалги ҳаракат йўналишига боғлиқлиги	216
16.3.	Институтлар ўзгаришини мафкура назарияси асосида изоҳлаш	217
<b>XVII -боб.</b>	<b>ИНСТИТУЛТАРНИ ИМПОРТ ҚИЛИШ</b>	<b>220</b>
17.1.	Институтлар ривожланишининг инқилобий варианти	220
17.2.	Институтларнинг конгруэнтлиги	222
17.3.	Ўзбекистон иқтисодиётини институционал ривожлантириш йўналишлари	225
<b>АДАБИЁТЛАР РЎЙХАТИ</b>		<b>229</b>
<b>ГЛОССАРИЙ</b>		<b>233</b>
<b>ИЛОВАЛАР</b>		<b>239</b>
<b>МУНДАРИЖА</b>		<b>253</b>

## Кириш

Ҳар қандай жамият институционал мұхитини ташкил этувчи маълум институтлар доирасыда фаолият юритади ва ривожланиб боради.

Ўзбекистонда мустақилликнинг дастлабки йилидан бошлаб, беш тамойил асосида<sup>1</sup> босқичма-босқич амалга оширилган ислоҳотлар жараёнида ижтимоий-иктисодий ҳаётнинг барча соҳаларида ўзгаришларга эришилди, иқтисодиётнинг янги хўжалик юритувчи субъектлари – йирик акциядорлик жамиятлари, холдинг компаниялар ва хусусий мулкчиликнинг турли шаклларидағи корхоналар барпо этилди. Шу билан бирга улар фаолият юритиши шартларини белгилаб берувчи расмий қоидалар (конституция, қонунлар, фармонлар ва б.) ҳамда миллий қадриятлар, урф-одатлар ва бошқа норасмий нормаларни ўз ичига олган институционал мұхит ҳамда мамлакат иқтисодиётининг институционал таркиби яратилди. Бу жамиятда мулкчилик, ишлаб чиқариш ва тақсимот муносабатларининг такомиллашуви, моддий, табиий ва меҳнат ресурсларидан самарали фойдаланишга кучли таъсир кўрсатади.

Шу боис яратилган институционал мұхитни кучайтириш, иқтисодиётнинг ривожланиш қонуниятларини билиш, уни модернизация қилишни чуқурлаштириш ва хавф-хатарнинг олдини олишнинг самарали воситаси зарур. Институционал иқтисодиёт, шубҳасиз, ана шундай воситалардан бири ҳисобланади.

Институционал иқтисодиёт иқтисодий назария ва хўжалик амалиётини институционал ўзгаришларнинг ўзаро боғлиқлигига ўрганувчи замонавий иқтисодий фикрларнинг илмий йўналишларидан биридир. Ушбу йўналиш Ғарб мамлакатлари иқтисодиётининг ривожланиши, талаб ва таклиф қонунларининг ишлаши, хўжалик юритувчи субъектларнинг ҳулқ-атвори, бозор ва маъмурий механизмларнинг фаолият юритиши, иқтисодий ўсиш ва шу каби бошқа бир қатор жараён ва ҳодисаларни ўрганишда кенг татбиқ этиб келинмоқда.

Шуни ҳисобга олган ҳолда ушбу фанни кенг ўрганиш Ўзбекистон Республикаси Президенти Шавкат Мирзиёев тасдиқлаган “2017-2021 йилларда Ўзбекистон Республикасини ривожлантиришнинг бешта устувор йўналиши бўйича Харакатлар стратегияси”<sup>2</sup>да белгиланган устувор вазифаларни ҳал этиш, Ўзбекистон иқтисодиётида институционал ислоҳотларни чуқурлаштириш ҳамда барқарор иқтисодий ўсишни таъминлашда мұхим услугбий асос ҳисобланади ва мамлакатимиз тараққиёти ва халқимиз фаровонлигини янада юксалтиришга қаратилган чоралар мазмун-моҳиятини очиб беришга хизмат қиласади.

Хозирги кунда институционал иқтисодиёт фани иқтисодий назариянинг узвий йўналиши сифатида дадил майдонга чиқди. Ушбу фан Белоруссия, Россия, Украина, Болтиқбўйи ва бошқа ўтиш иқтисодиётига эга қатор мамлакатларнинг иқтисодиёт йўналишида кадрлар тайёрловчи олий ўкув

<sup>1</sup> Каримов И.А. Ўзбекистон иқтисодий ислоҳотларни чуқурлаштириш йўлида. – Т.: Ўзбекистон, 1995. - 269 б.

<sup>2</sup> Ўзбекистон Республикасини янада ривожлантириш бўйича Харакатлар стратегияси тўғрисида. Ўзбекистон Республикаси Президентининг Фармони. ЎзР қонун хужжатлари тўплами, 2017й., 6-сони, 70-модда.

юртларида кенг ўқитилмоқда ва мазкур фан бўйича кафедралар ташкил этилган.

Эътиборингизга ҳавола этилаётган ушбу дарсликда янги институционал назариянинг методологик асослари, асосий қоидалари, тамойиллари, ушбу йўналиш вакилларининг илмий қарашлари, жамиятдаги расмий ва норасмий нормаларни мувофиқлаштириш муаммосига ва норасмий институтларнинг ролига муҳим аҳамият берилган.

Шунингдек, дарсликда институционал иқтисодиётнинг тадқиқот усули сифатида ўйинлар назарияси ва моделлаштириш тавсифи, режа ва бозор институтлари фаолияти нормалари ҳамда шартномалар хилларига катта эътибор қаратилган. Трансакциялар ва трансакция харажатлари назарияси, трансформацион ёндашувнинг ўзига хос хусусиятлари ва унинг аҳамияти ҳамда таҳлилий усуллари, мулкчилик ҳуқуқлари ва мулк шаклларининг ривожланиши, давлат ва уй хўжалиги хиллари, фирмалар турлари ва улар фаолиятининг институционал асослари кенг ёритилган. Дарсликда институтларни янги институционал муҳитга жорий этиш жараёнларини ўрганишга катта ўрин берилган.

Ушбу дарслик Т.Веблен, Р.Коуз, Д.Норт, О.Уильямсон, Т.Эггертсон каби институционализм намоёндаларининг жаҳонда тан олинган асарлари, Мустақил давлатлар ҳамдўстлиги мамлакатлари олимларининг сўнгги йиллар мобайнида чоп этилган, институционал иқтисодиёт назарияси доирасидаги тадқиқотларнинг янги йўналишларини белгилаб берган А.Н.Олейник, Р.И.Капелошников, В.М.Полтерович, В.Л.Тамбовцев, А.Е.Шаститко ҳамда мамлакатимиз олимлари Б.Ходиев, Х.Абулқосимов, А.Бекмуродов, А.Ваҳобов, Н.Жумаев, А.Расулов, Т.Шодиев, Ш.Шодмонов, Н.Юсупова, Р.Яушев, А.Қодиров, А.Хошимов, С.Ғуломов ва бошқаларнинг мулкчилик ҳуқуқи, институционал ислоҳотлар, трансакция ва шартномалар, хуфиёна ва норасмий иқтисодиёт назариялари билан боғлиқ илмий ишларига ҳамда мамлакатимизда амалга оширилган институционал ҳамда иқтисодий ислоҳотлар натижаларини илмий жиҳатдан умумлаштиришга асосланган.


Муаллиф ушбу дарсликни синчиклаб ўқиб, уни яхшилаш бўйича ўз фикр-мулоҳазаларини билдирган профессор А.Бекмуродовга, профессор Т.Шодиевга, профессор Ҳ.Абулқосимовга, доцент Н.Ўрмонов ҳамда кўлланманинг компьютер матнини тайёрлашга катта ҳисса қўшганлиги учун “Институционал ва иқтисодий тадқиқотлар маркази” ходимлари М.Қораев ва Ё.Абдурахимоваларга самимий миннатдорчилик изҳор этади.

Дарсликнинг мазмун-моҳиятини янада бойитиш ва уни такомиллаштириш юзасидан билдирилган холисона фикрларни ТДИУга йўллаш мумкин.

# I - боб. “ИНСТИТУЦИОНАЛ ИҚТИСОДИЁТ” ФАНИ ПАЙДО БҮЛИШИ, ПРЕДМЕТИ ВА РИВОЖЛАНИШИ

## 1.1. Институционал назарияларнинг пайдо бўлиши ва ривожланиши тарихи

Институционал назария аввал классик сиёсий иқтисоднинг, сўнгра эса Экономикснинг муғолиб таълимот сифатида пайдо бўлиб, ривожланган. Америкалик иқтисодчи Бен Селигмен институционализмни «формализмга қарши ғараён», яъни иқтисодий назарияда нафакат расмий моделларни ва қатъий мантиқий қоидаларни, балки бутун жонли ҳаётни акс эттиришга интилиш сифатида тавсифлади. Америкалик иқтисодий тафаккур тарихчиси Роберт Л.Хайлбронернинг таъкидлашича, «ниҳоят, иқтисодий фан ўзининг аввалги салтанати – ишлаб чиқариш ва тақсимлаш салтанатининг тор доирасидан ташқарига чиқди ва энди у ўзининг оиласидан муносабатлардан тортиб то спортгача, антропологиядан тортиб то давлат хукуқигача чўзилган кенг ҳудудга бўлган ҳуқуқларини эълон қилиши мумкин».




Манба: Институционал иқтисодиёт: назария ва амалиёт. Ўқув – услугубий қўлланма. Нижний Новгород, 2012.-706.

### 1.1-расм. Институционализмнинг шаклланиши

Институционализм иқтисодий назариянинг аввалги энг яхши мактабларининг қуйидаги назарий-методологик ютуқларини ўз ичига олди:

- математик аппарат ва неоклассиканинг маржинал принциплари;
- Германиядаги тарихий мактабнинг методологик воситалари;
- Д.Рикардо рентаси назариясининг таҳлили.

### **Институционализм ривожланишининг асосий йўналишлари:**



1.2-расм. Ғарбий институционал оқимлар классификацияси



1.3-расм. Институционал оқимларни классификацияси (Россия ва б. мамлакатлар)

Неоклассик назариянинг асосий тамойиллари икки қисмдан иборат. Асосий тамойилларнинг биринчи қисмини классиканинг “эски” тамойиллари, иккинчи қисми эса, неоклассиканинг “янги” тамойиллари ташкил этади. “Эски” тамойиллар “қатъий негиз” бўлса, “янги” тамойиллар неоклассиканинг «ҳимоя қобиги»ни ташкил этади.

“Эски” тамойилларга қуйидагилар киради:

- бозорда ҳамма вақт мувозанат мавжуд, у ягона Парето (Вальрас-Эрроу-Добре) оптимуми талабларига мос келади;
- бозорда индивидлар томонидан оқилона танлов амалга оширилади;
- индивидларга ташқи омиллар таъсир кўрсатмайди, уларнинг бирор ҳолатни афзал билиши барқарор ва экзоген хусусиятга эга;
- харажатларнинг ягона тури – ишлаб чиқариш харажатлари хисобга олинади. Айни чоғда айирбошлиҳи харажатлари эътиборга олинмайди.

“Янги” тамойилларга кўра:

- бозорда айирбошлиҳи амалга ошириш учун ресурсларнинг хусусий мулкни ташкил этиши асосий замин хисобланади;
- индивидларда битим тўғрисидаги барча ахборот мавжуд;

- айирбошлаш чегаралари камайиб борувчи фойдалилик тамойили асосида ҳамда ресурсларнинг дастлабки тақсимланишидан келиб чиқиб, белгиланади.

«Эски» институционализм назариясининг моҳиятини янада тўлиқроқ кўриб чиқиш учун ушбу илмий йўналишнинг кўзга кўринган вакиллари Т.Веблен, К.Поланьи ва Ж.К.Гэлбрейт [32, 36] қарашларига мурожаат этиш мумкин. Машинали ишлаб чиқаришнинг пайдо бўлишини таҳлил қилишда капиталист билан ёлланма ишчи ўртасидаги муносабатлар тизими меҳнат тақсимоти қабул қиласидаги ташкилий шакллар орқали уларнинг ўзаро таъсирига эътибор қаратилди: табиий меҳнат тақсимоти → кооперация → мануфактура ва мутлақ қўшимча қийматни шакллантириш → хусусий ишчининг пайдо бўлиши → машиналарнинг пайдо бўлиши → фабрика → нисбий қўшимча қийматни шакллантириш.

Карл Поланьининг таъкидлашича, айнан миллий ресурслар ва меҳнат бозорининг шаклланиши асосида давлатнинг аралашуви ётади. Гарбий Европанинг барча ички бозорлари маҳаллий бозорлар табиий эволюциясининг натижаси эмас, балки давлатнинг аралашуви орқали барпо этилган.

Т. Веблен «Бекорчи синф назарияси» (1899) [32] асаридаги одатлар тўғрисидаги таҳлилда холизм методологиясини кўллади. Одатлар индивидларнинг бозордаги, сиёсий соҳадаги, оиласидаги хатти-ҳаракатлари доираларини белгилаб берувчи институтлардан бири ҳисобланади. Инсонлар хатти-ҳаракати Веблен томонидан иккита жуда қадимий одатдан келиб чиқиб, таърифланади. Бу одатларни у ракиблик ҳиссиёти (бошқалардан биринчи бўлиш, умумийликдан ажралиб туриш истаги) ва маҳорат ҳиссиёти (ҳалол ва самарали меҳнат қилишга мослашиш) деб номлади.

Т. Вебленнинг фикрига кўра, ракиблик ҳиссиёти мулкчилик ва бозордаги рақобатнинг асосида ётади. Ушбу ҳиссиётнинг ўзи индивид ўз танловини амалга оширишда ўз фойдалигини кўпайтиришни эмас, балки бошқаларнинг кўз ўнгидаги ўз нуфузини оширишни кўзловчи «ошкора истеъмол»ни изоҳлади. Масалан, сотиб олмоқчи бўлган автомобилни танлашда истеъмолчи унинг нархи ва техник хусусиятларига эмас, балки муайян русумдаги машинага эгалик қилиш орқали таъминланадиган нуфузга эътиборни қаратади.

Ниҳоят, “эски” институционализм намоёндаси Ж.К.Гэлбрейт ўз таҳлилини ахборот ва ахборот алмашувининг иштирокчилар ўртасида тақсимланиши масалаларидан бошлайди. Унинг асосий фикри – ҳозирги бозорда ҳеч ким тўлиқ ахборотга эга эмас. Ҳар бир шахснинг билимлари ихтисослашган ва хусусий аҳамиятга эга, ахборот тўлиқлигига фақат ушбу тўлиқ бўлмаган билимларни бирлаштирувчи ташкилот доирасида эришиш мумкин, деб таъкидлайди.

Бунда ҳокимият алоҳида шахсдан гуруҳга бирлашган, индивидуалликка эга ташкилотлар қўлига ўтади. Сўнгра мазкур ташкилот индивидларнинг хатти-ҳаракатига кўрсатадиган таъсири таҳлил қилиб, индивидлар тавсифларини институционал муҳит вазифаси сифатида кўриб чиқади. Масалан, унинг таъкидлашича, истеъмол талабининг ўсиши истеъмолчиларнинг ички

туйгулари юқори бўлишидан эмас, балки уларни ишонтириш учун рекламадан фаол фойдаланувчи корпорациялар манфаатлари ортишидан келиб чиқади.

Бозор иқтисодиёти муносабатларининг жадал ривожланиши баробарида иқтисодий тадқиқотлар кўлами янада кенгайди ва чуқурлашди. Бу билан ҳозирги замон иқтисодий таълимотларининг йирик йўналишлари шаклланди.

Ҳозирги замон иқтисодий таълимотларини ўрганишнинг энг кенг тарқалган ёндашувларига кўра, улар учта йўналишни ўз ичига олади: неоклассика, институционализм ва кейнсчилик. Бироқ, мамлакатимизда мазкур йўналишлар – айниқса, институционализм йўналиши соҳасидаги илмий-назарий, ўкув-услубий жабхалар яхлит баён этилган адабиётларни етарли, деб бўлмайди.

Институционализмнинг назарий йўналиш сифатида шаклланиши бевосита классик ва неоклассик назариялар билан боғлиқ. Бинобарин, неоклассика тамойилларидағи юқорида кўрсатилган чекловларни ҳисобга олган ҳолда, бозор моделини тузишга йўналтирилган назария – институционализм ҳисобланади. Ушбу назариянинг тадқиқот марказида институтлар – инсонлар томонидан барпо этиладиган ва ўзаро ҳамкорликни таркибловчи сиёсий, иқтисодий ҳамда ижтимоий меъёр ва қоидалар турди. Институционал назария қоидалари неоклассик ёндашувга нисбатан янги назария бўлиб, бозор муносабатларини таҳлил қилишнинг янги соҳасидир.

Институционализм бугунги кунда иқтисодиёт фанининг тезкор ривожланиб бораётган йўналишларидан бири ҳисобланади. Бу кўпроқ неоинституционал иқтисодий назарияга ёки янада кенгроқ қилиб айтадиган бўлсак, неоинституционал назарияга ёки неоинституционализмга тааллуқли.

Илмий манбаларга [30, 32, 34, 40, 41, 47] кўра, неоинституционализм чуқур тарихий илдизга эга. XIX аср охири – XX аср бошида юзага келган “эски” институционализмнинг асосчилари Т.Веблен, Ж.Р.Коммонс ва У.Митчеллар ҳисобланадилар. Ҳозирги замон иқтисодчилари уларнинг ишларидан бугунги кунда ҳам ўз аҳамиятини йўқотмаган ва иқтисодиёт фанининг анъанавий усуслари ёрдамида изоҳланиши қийин бўлган жараёнларни таҳлил қилиш имконини берувчи ғояларни топмоқда.

Бироқ ўтган асрнинг 60-70 йилларигача институционал йўналиш анча суст ривожланган. Кейинчалик эски ғоялар иккинчи босқич институционалистлари – Ж.К.Гэлбрейт, Р.Хайлбронер, Ф.Перру, Ж.Фурастье, Г.Мюрдалъ ва бошқаларнинг ишларida ўз ифодасини топган.

“Эски” (замонавий) институционализмнинг учинчи босқичи асосан Ж.Ходжсон бошчилигидаги [55] “кембридж мактаби” олимларининг фаолияти билан боғлиқ.

Шу билан бирга турли иқтисодий мактабларга мансуб бир қатор иқтисодчилар [30, 31] институционал тизимларни таҳлил қилиш билан шуғулланиб, ўз тадқиқотларида институционал ёндашувдан бевосита ёки билавосита фойдаланганлар.

Институционал назариянинг кўп сонли масалаларини ёритувчи адабиётларда [31, 39, 40, 50, 56] институционализм турли йўналишларининг

методологик хусусиятлари тўғрисидаги фикр-мулоҳазаларга катта аҳамият берилган.

“Эски” институционализм билан неоинституционализмда қўплаб умумийликлар мавжуд, бу институтларни тадқиқ этиш, шунингдек, ижтимоий-иқтисодий ҳодисаларни ўрганишга нисбатан эволюцион ёндашувнинг айrim жиҳатларини таҳлил қилишдир. Умуман, ушбу иккита ёндашув кесишув нуқталарига эга эмас.

Россиялик олим Р.Нуреевнинг фикрича, “эски” институционализм билан неоинституционализм ўртасида, камида, учта асосий фарқ мавжуд<sup>3</sup>.

1) Агар “эски” институционалистлар замонавий иқтисодий назария муаммоларини жамиятдаги бошқа фанлар усуслари билан ўрганишга интилган ҳолда хуқуқ ва сиёsatдан иқтисодиёт томон борсалар, неоинституционалистлар бунга тўғридан-тўғри қарама-қарши йўлдан борадилар, яъни улар ўз таҳлилида неоклассик иқтисодий назария воситаларига таянади, замонавий микроиқтисодий усусларни қўллаган ҳолда сиёсий ва хуқуқий муаммоларни ўрганади.

2) “Эски” институционализм асосан индуктив усулга асосланиб, алоҳида ҳолатлардан умумлаштиришга интилди, натижада, қатор иқтисодчиларнинг фикрича, умумий институционал назария юзага келмади; неоинституционализм дедуктив йўлдан бориб, неоклассик иқтисодий назариянинг умумий тамойилларидан ижтимоий ҳаётнинг муайян ҳодисаларини изоҳлашга интилмоқда.

3) “Эски” институционализм радикал иқтисодий тафаккур оқими сифатида асосий эътиборни инсонлар манфаатларини химояловчи жамоалар (асосан, касаба уюшмалари ва ҳукумат) хатти-ҳаракатига қаратди; неоинституционализм қайси жамоа аъзоси бўлиш унинг учун фойдали эканлигини ўз манфаатларига амал қилган ҳолда ҳал этувчи мустақил индивидга эътибор қаратади.

4) “Эски” институционализм методологик холизмдан фойдаланади, уни умумий тарзда қуйидагича таърифлаш мумкин: “институтлар бирламчи, индивидлар иккиламчи”. Ушбу ҳолат неоинституционал назарияга асос қилиб олинди.

Шу нуқтаи назардан “эски” ва “янги” институционал мактабларни ўзаро фарқлаш лозим. Инглиз иқтисодчиси Ж.Ходжсон [55] у ёки бу йўналишга мансуб олимларни қуйидагича тарзда таснифлашни таклиф қиласди:

**“Эски” институционал мактаб:** Т.Веблен, Ж.Р.Коммонс, У.Митчеллар, Й.Шумпетер, Ж.К.Гэлбрейт, Ф.Найт, К.Полани, К.Айрес, Г.Мюрдаль.

**“Янги” институционал мактаб:** Р.Коуз, Д.Норт, О.Уильямсон, Р.Познер, М.Олсон, Ф.Хайек.

Ж.Ходжсоннинг фикрича [55], агар “эски” мактаб дарвинизмга асосланиб, рақобатлашувчи институтлар тўғрисидаги асослардан фойдаланган ҳолда институтларнинг узоқ вақт мобайнида ривожланишини кўриб чиқкан

<sup>3</sup> Нуреев Р. Институционализм: вчера, сегодня и завтра. В кн. «Институциональная экономика». Учебное пособие / А.Олейник. –М.: ИНФИМ, 2000, 5-7-б.

бўлса, “янги” мактаб ижтимоий дарвинизмдан йироқлашиб, ўз тадқиқотларини методологик индивидуализм нуқтаи назаридан олиб бормоқда. Шундай қилиб, Ж.Ходжсон “янги” мактабни кўп жиҳатдан танқид қиласи.

Унинг таъкидлашича, “янги” мактабнинг ночорлиги шунда намоён бўладики, тадқиқотларга жамият ўзининг “табиий ҳолатида” асос қилиб олинган бўлиб, унда баъзи инсоний муносабатлар мавжуд, лекин институтларсиз; институтлар урф-одатлар ва қоидалар билан бирга пайдо бўлиши, сўнгра эса инсонлар томонидан қонуният сифатида очилиши ҳисобга олинмайди. Масалан, К.Магнер пулнинг пайдо бўлиши муаммосини тадқиқ этишни жамиятнинг унда пул мавжуд бўлмаган институтлардан холи бўлган ҳолатини таҳлил қилишдан бошлаб, сўнгра эса уларнинг пайдо бўлишига индивидуал агентларнинг оқилона қарорлари натижаси сифатида қарайди.

О.Уильямсон ҳам асос сифатида институтлардан холи макон – институтларсиз бозорни кўриб чиқади, сўнгра эса трансакция харажатларини қискартирувчи тузилмалар сифатида фирмаларнинг пайдо бўлишини тадқиқ этган. Ж.Ходжсоннинг фикрича [55], неоинституционал оламнинг бундай тахмини нотўғри, чунки жамият азалдан институционаллашган. Ушбу хулоса, унинг таъкидлашича, кўплаб иқтисодчиларнинг “эски” мактаб институционалистларининг ғояларига қайтишига сабаб бўлди.

Алоҳида таъкидлаш лозимки, “янги” институционал мактаб, неоинституционал назария ва янги институционал иқтисодиёт – битта нарса эмас. “Янги” мактаб, Р.Нуреевнинг фикрича, ўз асосларига кўра ўзаро фарқ қилувчи иккита сўнгги йўналиш: неоинституционализм учун неоклассик назария ва янги институционал иқтисодиёт учун “эски” институционализм йўналишларига асос бўлиб хизмат қилди.

Янги институционал иқтисодиёт вакиллари томонидан нафақат ушбу йўналиш доирасида, балки бошқа йўналишлар доирасида ҳам тан олиниб, кенг қўлланилган бир неча назария ишлаб чиқилди. Булар ўйинлар назарияси (Ж.Фон Нейман, О.Моргенштерн, Ж.Нэш) ва тўлиқсиз оқилоналик назарияси (Г.Саймон) ҳисобланади [30]. Янги институционал иқтисодиётнинг ҳозирги замон ишланмаларини француз мактаби иқтисодчилари – Л.Тевено, О.Фавро, А.Орлеан, Р.Буайе ва бошқалар ишларида учратиш мумкин [30, 31].

Бироқ институционалистларнинг баҳс-мунозаралари бир йўналишнинг бошқа йўналишдан устунлигини исботлашга қаратилган. Бир қатор иқтисодчилар, хусусан, Т.Эггертсоннинг таъкидлашича<sup>4</sup>, “фақат вақт мунозараларда ҳакам сифатида иштирок этиши мумкин. Айнан методологик зиддиятлар туфайли Ж.Р.Коммонс бошчилигидаги эски америка институционалистларининг уринишлари муваффақиятсизликка учради, чунки 1984 йилда Р.Коуз ёзганидек, “хеч қандай назарияга эга бўлмаган улар (америка институционалистлари) ҳали англаб етишни талаб этувчи қуруқ изоҳли материалдан бошқа ҳеч нарсани таклиф эта олишмади”.

<sup>4</sup> Эггертсон Т. Экономическое поведение и институты. – М.: ДЕЛО, 2001, с. 18-19.

## **1.2. Институционал иқтисодиётнинг методологик асослари ва вазифалари**

Хозирги вақтда неоинституционал ёндашувдан нафақат иқтисодчилар ва социологлар, балки юристлар ва сиёсатшунослар ҳам фойдаланмоқдалар. Бу кўпроқ ҳам жаҳон хўжалик тизимини, ҳам алоҳида олинган миллий иқтисодиётни тадқиқ этишга тааллуқли, чунки фундаментал таҳлилни, хоҳ у иқтисодий назария, сиёсатшунослик, социология, хукуқ бўлсин, бир фандоирасида олиб бориб бўлмайди.

Хозирги босқичда *иқтисодий империализм*<sup>5</sup> иқтисодий фаннинг деярли барча оқимларига хос, бироқ неоинституционализмда у яққол намоён бўлади, бу бошқа методологик асослардан воз кечмаган ва неоклассиканинг “қатъий негизи”ни ўзгартирган ҳолда жамият ҳақидаги бошқа фанлар – психология, социология, сиёсатшунослик фанларининг ишланмаларидан фойдаланиш имконини беради. Бу ҳол таҳлил соҳасини сезиларли даражада кенгайтириб, уни бойитади ва аниқликка яқинлаштиради.

Неоинституционализм иккита умумий асосдан келиб чиқади, биринчидан, ижтимоий институтлар аҳамиятга эга, иккинчидан, улар неоклассик назария воситалари ёрдамида тадқиқ этилади. Ушбу икки томонлама хусусият неоинституционализмни “эски” институционализм ва неоклассик назариядан ажратиб туради.

Неоинституционализм неоклассик назариядан инсоннинг кўпайтирувчи хатти-харакати ва методологик индивидуализм тамойилларини мерос қилиб олган ҳолда ўтган асрнинг 50–60-йилларига келиб шаклланди. Неоинституционализмнинг айrim вариантларида ўйинлар назариясидан фойдаланилади. Айrim неоинституционалистлар ўз тадқиқотларида эволюцион назария қоидаларига таянадилар.

Бироқ уларнинг ўхшашлигига қарамай, неоинституционал ва неоклассик ёндашувларнинг методологик хусусиятларини белгилаб берувчи бир қатор фарқларни ажратиш мумкин.

Неоинституционал назария ижтимоий жараённинг реал фаолият юритувчи иштирокчилари сифатида гурух ёки ташкилотларни эмас, балки алоҳида индивидларни ўрганади. Шу тариқа ташкилотларда индивидлар ўртасида юзага келувчи муносабатлар турли ташкилий тузилмаларнинг мавжуд бўлишини изоҳлаш учун ҳал этувчи омил ҳисобланиб, неоинституционал назарияни ўрганиш обьекти саналади, айни пайтда неоклассик назарияда фирма “қора қути” сифатида кўриб чиқилди. Фирманинг пайдо бўлиши масалалари ҳам неоклассиклар назаридан четда қолди, айни пайтда неоинституционал йўналиш вакилларининг кўплаб ишлари, шу жумладан, Р.Коуз ишлари [30]нинг мақсади “фирманинг мавжуд бўлишини изоҳлаш ва унинг фаолияти кўламларини белгилаб берувчи сабабларни қидириб топишдан иборат бўлди”.

Таъкидлаш лозимки, методологик индивидуализм бир қатор жараёнларни тадқиқ этиш учун анча жиддий чекловларни белгилайди. Масалан, давлатни

<sup>5</sup> Неоклассик ёндашувнинг асосида жамият тўғрисидаги фанларнинг бутун тарқоқ саналарини умумлаштириш (унификациялаш) ётади.

ягона, уйғунлашган тарзда фолият юритувчи, бўлинмас организм сифатида аниқ тасавур қилишга тўлиқ таянган тадқиқотни амалга ошириш муаммога айланди; давлатнинг мақсадли вазифасини кўпайтиришга, индивидлар вазифаларининг қисми (агрегати) ҳисобланмайдиган ўзига хос “ижтимоий неъмат вазифаси”га асосланган ёндашувлардан фойдаланиш ҳам қийинде туюлади. Иккинчи томондан, бундай асос тадқиқот натижасида олинадиган хулосаларнинг амалиёт нуқтаи назаридан ахамиятини янада оширади, чунки улар реал маълумотларга асосланади.

Индивидлар ва институтларнинг ўзаро боғлиқлигини таҳлил этишда бошланғич нуқтага нисбатан иккита тамойил мавжуд. Биринчи тамойилда институтлар индивидларнинг манфаатлари ҳамда хатти-ҳаракатлари орқали тушунтирилади ва *методологик индивидуализм* деб номланади. Яъни индивид институтларни таҳлил қилишда бошланғич нуқта ҳисобланади. Масалан, давлатни тавсифлашда унинг фуқароларининг манфаатлари ва ўзига хос хусусиятларидан келиб чиқилади. Методологик индивидуализм тамойилининг давоми *ички сабаб натижасида вужудга келган эволюция* концепциясиdir. Ушбу концепцияга кўра, институтлар инсонларнинг ҳаракатлари натижасида пайдо бўлади деган тахмин илгари сурилади. Яъни индивидлар бирламчи, институтлар эса иккиламчи ўрин тутиши тўғрисидаги тахмин неоклассиклар қарашларида ўз аксини топган.

Аксинча, таҳлил учун бошланғич нуқта сифатида индивидлар эмас, балки институтлар белгиланиши иккинчи тамойилга асос бўлади. Шу тариқа иккинчи тамойилда *холизм* методологиясидан фойдаланилади. Бошқача айтганда, индивидлар институтларнинг таърифидан келиб чиқиб тавсифланади. Институтлар эса, макродаражада муносабатлар тизимини такорор ишлаб чиқаришда бажарувчи вазифалар орқали изоҳланади. Энди фуқаролар ўз ҳукуматини эмас, балки ҳукумат маълум хилдаги фуқароларнинг шаклланишига қўмаклашади. Сўнгра, ички сабаб натижасида вужудга келган эволюция концепциясига *институционал детерминизм* ғояси қарши туради ва у муҳим барқарорлаштирувчи омил ҳисобланади. Институтлар – ўтмишда содир бўлган «жараёнлар натижаси» бўлиб, улар ўтмиш ҳолатларига мослашган ва шунинг учун ижтимоий мўртлик, руҳий омил ҳисобланади ва барча кейинги ривожланиш «доираларини» белгилаб беради. Шундай қилиб, холизмда индивидларнинг манфаатлари ва хатти-ҳаракатлари уларнинг ўзаро ҳамкоригини олдиндан белгилаб берувчи институтларнинг тавсифи орқали изоҳланади. Яъни бунда институтлар бирламчи, индивидлар эса, иккиламчи ўрин тутади. Шу нуқтаи назардан индивидлар ўртасидаги ўзаро ҳамкорликлар ва уни таъминловчи институтлар (тузилмалар) институционал иқтисодиёт назариясининг предмети бўлиб ҳисобланади.

Институционализм ривожланишининг сабаблари ва қонуниятларини тушуниш учун унинг методологик асосини қисқача тавсифлаймиз. Кўплаб тадқиқотчиларнинг фикрига кўра, мазкур соҳада институционал иқтисодиёт Германия тарихий мактаби билан кўплаб умумий жиҳатларга эга, хусусан:

иқтисодий ўсиш йўлларини асослаш учун ижтимоий муҳит омилларини ҳисобга олиш ва тарихий жиҳатдан ёндашиш.

### **Институционалистларнинг ўтмишдошлари (неоклассика танқидлари). Немис тарихий мактаби**

1. Фридрих Лист (1789-1846) А. Смитнинг танқидчиси сифатида.

Асосий иши: «Сиёсий иқтисод миллий тизими» (1841). Илмий қарашларнинг қисқача тавсифи ва таҳлили.

- Мамлакат иқтисодиёти ривожланишнинг тарихий белгилари, маданият, менталитет, географик тавсифлар каби миллий ўзига хос хусусиятларни ҳисобга олган ҳолда ривожланиши керак.

- Классик сиёсий иқтисоднинг формализм ва абстракцияларига қарши эътиroz.

- Инсон омилининг иқтисодиётнинг ривожланишидаги ролини англаб этиш.

### **1.1-жадвал**

#### **Ф.Лист қарашларининг классик мактаб билан қиёсий тавсифи**

<i>Таққослаш мезони</i>	<b>А.Смит</b>	<b>Ф.Лист</b>
Яратилиш жойи	Англия	Германия
Қарашлар	Космополит	Миллатчи
Марказий тоифа	Моддий бойлик	Ишлаб чиқарувчи кучлар – техник ва ижтимоий (манавий, сиёсий ва б.)
Олий қадрият	Айирбошлишга асосланган қадрият	Бойликни яратиш қобилияти
Бойлик ривожланиш манбаи	Меҳнат тақсимоти	Ички бозорнинг ташқи бозордан устуворлиги, якка бўлишга интилиш
Ишлаб чиқариш фаолияти	Жисмоний меҳнат	Жисмоний ва ақлий меҳнат
Иқтисодий ривожланиш	Моддий бойлик ҳажмини ошириш миқдорий жараёни	Иқтисодий ривожланишни сифат жиҳатдан талқин этиш, шу жумладан давлатчилик, аҳлоқ, маданият, санъат, инсонлар ижодий қобилиятларининг ривожланиши
Сиёсат	Фритредерство (эркинлик)	Протекционизм

2. Густав Шмоллер (1838 – 1917).

Асосий иши: «Халқ хўжалигининг янги концепцияси» (1874). Илмий қарашларнинг қисқача тавсифи ва таҳлили.

Классик мактабнинг расмий нормаларини танқид қилган ҳолда ҳақиқий хўжалик хатти-ҳаракатини тавсифлади.

Ривожланишнинг ноиқтисодий омиллари ва, биринчи галда, аҳлоқий нормалар, одоб-аҳлоқ ва маданиятнинг хўжалик фаолиятидаги ролини таъкидлади.

## 1.2-жадвал

### Г.Шмоллер қарашларининг классик мактаб билан қиёсий тавсифи.

Таққослаш мезони	К.Менгер	Г.Шмоллер
Тадқиқот предмети	Инсон	Халқ хўжалиги
Таҳлил методологияси	Индивидуализм	Холизм
Тадқиқотнинг асосий йўналишлари	Хўжалик ҳаётининг элементлари ўртасидаги қонуниятлар (неъматларни танлаш, даромадларни тақсимлаш ва ҳ.к.)	Одоб-аҳлоқ нуқтаи назаридан амалий муаммолар
Тадқиқот усули	Дедуктив	Индуктив

3. Вернер Зомбарт (1863-1946).

Асосий ишлари: «Замонавий капитализм» (1902), «Яхудийлар ва хўжалик ҳаёти» (1911), «Буржуа» (1913), «Немис социализми» (1934).

Илмий қарашларнинг қисқача тавсифи ва таҳлили.

- Институтларнинг иқтисодий тузумни шакллантиришдаги ролини таҳлил қилди.

- Капитализмнинг ривожланиши – рух ҳаётининг ўзига хос намоён бўлиши.

- Тадбиркорлар – бу србиқ қароқчилар, феодаллар, чайқовчилар, савдогарлар, давлат арбоблари шакллантирган синф.

- Иқтисодий циклнинг “юксалиш” – “пасайиш” даврларини ажратган ҳолда «конъюнктура» тушунчасини киритди.

4. Макс Вебер (1864-1920).

Асосий ишлари: «капитализмнинг протестант этикаси ва руҳи» (1905), «Қонуний бошқарувнинг учта соғ хили».

Илмий қарашларнинг қисқача тавсифи ва таҳлили.

- давлатни бошқаришнинг учта «идеал» хилини ажратди;
- рационал-легал – қонун билан расмийлаштирилган рационал ҳукуқда;
- анъанавий – тарихан юзага келган нормаларда;
- харизматик – етакчи шахсининг содиқлигига, унинг ноёб қобилияtlарига ишонишда.
- Европа цивилизацияси иқтисодиёти ривожланишининг муваффақиятларини протестант менталлик билан боғлади.

## 1.3-жадвал

### Анъанавий ва диний инсоннинг қиёсий тавсифи.

	Анъанавий инсон	Протестант
Иш	Яшаш учун ишлайди	Ишлаш учун яшайди
Касб	Ташвиш	Ҳаёт кечириш шакли
Стратегия	Барқарор даромадни иложи борича сақлаб қолган ҳолда иш ҳажмини камайтириш	Ҳатто бу интенсив меҳнатни талаб қиласа, ҳам даромадни қўпайтириш

У бир қатор ижтимоий жиҳатларни кўриб чиқиши орқали классик назарияни кенгайтириди ва ана шундай синтеза асосида ўз иқтисодий ривожланиш назариясини таклиф қилди, яъни у ўз назариясига ҳозирги вақтда институционал хусусиятлар сифатида тавсифланадиган хусусиятларни касб эттириди.

### **1.3. Неоинституционал назариянинг асосий йўналишлари**

Институционализм ўз таҳлилиниң предмети сифатида ижтимоий-иқтисодий ривожланишнинг ҳам иқтисодий, ҳам ноиқтисодий муаммоларини илгри суради. Тадқиқот обьекти – бирламчи ва иккиламчи институтларга бўлинадиган расмий ва норасмий институтлар.

**Институтнинг таърифи.** Институтлар – бу инсонларнинг жамиятдаги ўзаро муносабатларини белгилаб берувчи расмий ва норасмий қоидалар тизими. Институтлар – жамиятдаги «ўйин қоидалари» (Д.Норт)

**Институтлар** – бу инсонлар ўз ҳаётида амал қиласидаги одатий тафаккур тарзи.

**Институтлар** – бу ўтмишда юз берган жараёнлар натижаси. Расмий (ёзилган) қоидалар: Конституция, қонунлар, фармонлар, келишувлар ва ҳ.к.

Норасмий (ёзилмаган) қоидалар: удумлар, анъаналар, шартли омиллар, одатлар ва ҳ.к.

<b>Институционализм</b> - иқтисодий тафаккурнинг XX асрнинг 20-30-йилларида ижтимоий-иқтисодий омиллар (институтлар) йиғиндисини вақтга қўра тадқиқ этиш ва жамиятнинг иқтисодиёт устидан ижтимоий назоратини ўрганиш учун шаклланган йўналиши	
пайдо бўлиш сабаби	

Капитализмнинг монополистик босқичга ўтиши, бу ишлаб чиқариш ва капиталнинг сезиларли даражада марказлаштирилиши билан кузатилиб, жамиятда ижтимоий зиддиятларни келтириб чиқарди	
таҳлил методологияси	

математик аппарат ва неоклассиклар иқтисодий таҳлилиниң маржинал принциплари	Германия тарихий мактабининг методологик воситалари
Асосий қоидалар	

- ✓ моддий омиллар билан бир қаторда тарихий ривожланишдаги маънавий, аҳлоқий, хуқуқий ва бошқа омиллар иқтисодиётнинг ҳаракатлантирувчи кучи ҳисобланади;
- ✓ иқтисодий фанга “институтлар” тушунчасини олиб кирди. “Институтлар” – бу жамиятдаги расмий ва норасмий «ўйин қоидалари». Ушбу институтлар, хусусан, давлат, корпорациялар, касаба уюшмалари, хуқуқ, одоб-аҳлоқ, оила институти кабилар инсоннинг хатти-ҳаракатига таъсир кўрсатади;
- ✓ неоклассик ёндашувнинг қўлланилиши мумкин бўлган чегараларни тавсифлади,

хусусан:

- ахборотнинг тўлиқлиги;
- мукаммал рақобат (битимлар иштирокчиларининг минимал ўзаро боғлиқлиги);
- homo economicus; неоклассика инсонларнинг муайян турдаги хатти-ҳаракатини назарда тутади: инсон – аниқ мақсадга интилган ва рационал, яъни фойдалиликни, фойдани кўпайтириш вазифасини ўз олдига қўйган; – бошқанинг хатти-ҳаракатига нисбатан тўғри кутишларни шакллантиради;
- ✓ иқтисодий фанни ижтимоий фанлар билан интеграциялашга интилиш;
- ✓ ижтимоий-иктисодий ҳодисаларни ижтимоий психология нуқтаи назаридан талқин этиш.

#### **1.4-расм. Институционализмнинг умумий белгилари**


Норасмий нормалар жамиятда расмий нормалар каби муҳим роль ўйнайди, чунки улар қуидаги ўзига хос хусусиятларга эга: эволюциянинг давомийлиги; кўплаб соҳалар фақат расмий нормалар билан тартибга солинади; расмий қоидалар учун асос.

Эски ва янги институтларни мувофиқлаштириш муаммоси:

- янги расмий институтлар ва эски расмий институтлар;
- янги расмий институтлар ва эски норасмий институтлар;
- янги норасмий институтлар ва эски норасмий институтлар.

#### **Институционал иқтисодиётнинг фанлараро хусусияти.**

Иқтисодиёт бошқа фанлар таъсири остида ривожланади. Институционал иқтисодиёт гуманитар фанлар орқали тавсифланадиган ижтимоий турмуш ҳодисалари ва иқтисодий жараёнларнинг ўзига хос синтези.



#### **1.5-расм. Институционал иқтисодиётнинг фанлараро хусусияти.**

## **Неоклассика ва институционализм: ёндашувларнинг умумийлиги ва фарқлари.**

Институционал иқтисодиёт неоклассикага муқобил вариант сифатида пайдо бўлганлиги боис, улар ўртасидаги асосий принципиал фарқларни ажратамиз.

### **1.5-жадвал**

#### **Неоклассика ва институционализмнинг қиёсий тавсифи.**

<b>Мезон</b>	<b>Неоклассика</b>	<b>Институционализм</b>
Юзага келиш даври	XVII → XIX → XX аср	XX асрнинг 20-30-йиллари
Ривожланиш жойи	Фарбий Европа	АҚШ
Давр	Индустриал	Постиндустриал (ахборот)
Таҳдил методологияси	<b>Методологик индивидуализм</b> – институтларни индивидларнинг турли соҳалардаги ўзаро ҳамкорлигини таркибловчи доираларнинг мавжуд бўлишига эҳтиёжи орқали изоҳлаш. Индивидлар бирламчи, институтлар иккиласми	<b>Холизм</b> – индивидларнинг хатти-ҳаракати ва манфаатларини уларнинг ўзаро ҳамкорлигини белгилаб берувчи институтларни тавсифлаш орқали изоҳлаш. Институтлар бирламчи, индивидлар иккиласми
Фикрлаш хусусияти	Дедукция (умумийдан хусусийга)	Индукция (хусусийдан умумийга)
Инсоннинг рационаллиги	Тўлиқ	Чекланган
Ахборот ва билимлар	Тўлиқ, чексиз билимлар	Қисман, маҳсус билимлар
Мақсад	Фойдалиликни, фойдани қўпайтириш	Маданий билим даражаси, гармонизация
Истаклар	Мустақил тарзда белгиланади	Маданият, жамоа билан белгиланади
Ўзаро ҳамкорлик	Товар	Шахслараро
Ижтимоий омиллар таъсирига боғлиқлик	Тўлиқ мустақиллик	Қатъий мустақил эмас
Иштирокчиларнинг хатти-ҳаракатлари	Макр-хийла (алдов) ва мажбурлаш мавжуд эмаспринуждения	Оппортунистик хатти-ҳаракат*

\* Оппортунистик хатти-ҳаракат – макр-хийла, тўғри йўлдан уриш саъй-ҳаракатлари, алдов, ахборотни яшириш ва бошқа ҳаракатлар орқали шахсий фойдага интилиш.

Ўрганиш соҳалари ва объектларининг хилма-хиллиги шунга олиб келадики, неоинституционал назария мукаммал назарий тизим сифатида эмас, балки бир неча муҳим ғоялар билан бирлашган ёндашувлар тўплами сифатида намоён бўлади.

Неоинституционализмнинг асосий йўналишлари ичida ўз моҳиятига кўра, кўп жиҳатдан ўзаро яқин бўлган қўйидаги тадқиқотларни ажратиш мумкин [30, 37, 40, 42, 47, 52, 56]:

- мулк ҳуқуқи назарияси – Р.Коуз, А.Алчиян ва Г.Демсец, Р.Познер, С.Пейович ва Е.Фуруботн – шартномалар назариясига асос бўлди;

- трансакция харажатлари назарияси – Р.Коуз, О.Уильямсон, Д.Норт – иқтисодий ташкилот назарияси (фирма назарияси)га асос бўлиб хизмат қилди – М.Аоки, А.Алчиян ва Г.Демсец, С.Чунг, М.Женсен ва У.Миклинг, О.Уильямсон, Ю.Фама;

- ижтимоий танлов назарияси – Ж.Бьюкенен, Т.Таллок, М.Олсон – бюрократия назарияси – К.Эрроу, В.Нисканен, С.Паркинсон; жиноят ва жазолар иқтисодий назарияси – Г.Беккер, М.Фридмен, Ж.Стиглер, М.Олсон ва б.; коррупция иқтисодий назарияси – Э.Крюгер, Ж.Стиглер ва б.; хуфиёна ва норасмий иқтисодиёт – Э. де Сото, Э.Файг, К.Харт, Т.Шанин, Ф.Шнайдер;

- Д.Нортнинг институционал эволюция концепцияси янги иқтисодий тарихда ўз ифодасини топди – Б.Густаффсон, Д.Норт, Р.Томас ва б.

Россия иқтисодиёт фанида неоинституционал назария Р.И.Капелюшников, О.С.Сухарева, А.Н.Олейник, В.М.Полтерович, В.Л.Тамбовцева, А.Е.Шаститко ва бошқаларнинг ишларида ривожлантирилган [31, 34, 40, 41, 43, 48, 51, 56].

Хуфиёна ва норасмий иқтисодиётнинг институционал жиҳатлари А.Аузан, Л.Косалс, А.Олейник, В.Радаев, Л.Тимофеев, Ю.Латов ва бошқаларнинг ишларида ўз аксини топган [41, 47, 52].

Неоинституционал назариянинг санаб ўтилган йўналишлари ўртасида кўплаб фарқлар ҳам, умумий жиҳатлар ҳам мавжуд. Хусусан, Т.Эгертсон қўйидагиларни фарқлайди [59]:

Биринчидан, барча ушбу муаллифлар алмашувни тартибга соловчи қоидалар ва шартномаларга нисбатан белгиланадиган чекловларни яққол кўринишида моделлаштиришга интиладилар, бунда андоза сифатида кўпроқ неоклассик моделда мулк ҳуқуқларининг энг намунали йўлидан фойдаланилади.

Иккинчидан, тўлиқ ахборот ва алмашувнинг ноль даражали харажатлар тўғрисидаги неоклассик тахминлар ойдинлаштирилди, шунинг учун ижобий трансакция харажатларининг натижалари ўрганилмоқда.

Учинчидан, баҳоланадиган неъматларда факат иккита ўлчов – нарх ва сифат ўлчовлари мавжуд, деган оддий тахмин анча юмшатилди, шу сабабдан иқтисодий натижалар ва иқтисодий ташкилот учун товарлар ва хизматлар сифат ўзгаришларининг натижалари тадқиқ этилмоқда.

Яна бир бор таъкидлаш лозимки, неоинституционал назария ҳозирча тўлиқ шаклланмаган: таърифлар ва атамашунослик борасида тўлиқ уйғунликка эришилмаган, математик моделлардан микроиктисодий назариядагига нисбатан жуда кам даражада фойдаланилмоқда, эмпирик тестлашга катта эътибор қаратилади (бу айниқса ўтиш иқтисодиётидаги жараёнларни таҳлил қилишда, масалан, хуфиёна секторни ўрганишда, турли маъмурий тўсиқларнинг самарадорлигини тадқиқ этишда яққол кўзга ташланади).

## **1.4. Институционал иқтисодиётнинг ривожланиш хусусиятлари**

Институционал иқтисодиёт ривожланишидаги кейинги давр неоинституционал ҳамда янги институционал босқичлардан иборат. Босқичларнинг номланишидаги ўхшашлиликка қарамай, институтлар таҳлилида принципиал жиҳатдан турли концепциялар мавжуд. Биринчи номланиш неоклассиканинг қатъий негизини ўзгаришсиз қолдиради. Институтлар таҳлилига янги унсурни киритиш неоклассика назариясининг «ҳимоя қобиғи» тўғрисидаги фикрларга тузатишлар киритиш ҳисобидан юз беради. Айнан шунинг учун неоинституционал иқтисодиёт «иқтисодий империализм»<sup>\*</sup>га мисол сифатида келтирилади: анъанавий микроиқтисодий қуролдан воз кечмаган ҳолда «империалистлар» илгари неоклассик назарияга бегона бўлган омиллар – мафкура, хатти-харакат нормалари, қонунлар, оила ва ҳоказоларни тушунтиришга интилишади. Иккинчи номланиш, аксинча, институтларнинг неоклассиканинг илгариги қоидалари билан боғлик бўлмаган янги назариясини яратишига уринишни акс эттиради.

Роналд Коуз «Фирма табиати» (1937), «Ижтимоий харажатлар муаммоси» (1960) каби мақолаларида биринчи бор неоинституционализмнинг тадқиқот дастурини шакллантирган эди. Ушбу дастурда неоклассик назариянинг “ҳимоя қобиғи”га куйидаги ўзгартишилар киритилган.

Биринчидан, хусусий мулк билан бир қаторда мулкчиликнинг жамоавий, давлат, акциядорлик шакллари таҳлил қилинади ва уларнинг бозорда битимларни таъминлашдаги нисбий самарадорлиги таққосланади. Яъни мулкчилик шакллари ва шартнома шаклларининг кенг доираси кўриб чиқилиб, улар асосида алмашув амалга оширилади *Мулкчилик ҳуқуқлари назарияси* (Р.Коуз, Р.Познер, С.Пейович) ва *оптимал шартнома назарияси* (Ж.Стиглиц, Й.Макнил)нинг тадқиқот дастури ана шундай. Бу ерда мулкчилик ҳуқуқларининг ўрнатилиши ва самарали ҳимояланиши учун масъул бўлган давлат назарияси, *ижтимоий танлов назарияси* (Ж.Бьюкенен, Г.Таллок), шунингдек, ижтимоий танлов назариясидан ҳосил бўлган *конституциявий иқтисодиёт* (В.Ванберг) ажralиб туради. Айниқса, конституциявий иқтисодиётнинг вазифаси неоклассика, «эски» институционализмнинг таркибий қисми ҳисобланган «тартиб назарияси» ҳамда “ижтимоий танлов” унсурларини уйғунлаштиришдан иборат.

Иккинчидан, неоклассик моделга *ахборот харажатлари*, яъни битим тўғрисидаги ва бозордаги вазият тўғрисидаги ахборотни қидириш ва олиш билан боғлик харажатлар тушунчаси киритилади. *Ахборот назарияси* (Ж.Стиглер) неоинституционализм ривожланишига катта таъсир кўрсатди.

Учинчидан, ишлаб чиқариш харажатлари билан бир қаторда *трансакция харажатлари* мавжудлиги неоинституционалистлар томонидан таъкидланди. *Трансакция харажатлари назарияси* (Р.Коуз, О.Уильямсон) учун марказий бўлган ушбу атама замирида битимларни амалга оширишда юзага келадиган

\* Иқтисодий империализм – неоклассик ёндашув асосида жамият тўғрисидаги фанларнинг тарқоқ оиласини умумлаштириш.

барча харажатлар тушунилади. Трансакция харажатлари назарияси ва мулкчилик ҳукуқлари назариясини қўллаш натижасида *Янги иқтисодий тарих* (Д.Норт), деб номланган тарихий таҳлил пайдо бўлди.

Институционал иқтисодиёт ривожланишидаги иккинчи ўйинлар назарияси (Ж. фон Нейман, О.Моргенштерн, Ж.Нэш)нинг неоклассикадаги умумий мувозанат моделига нисбатан билдирган танқидий хulosаси билан бошланди.

Айнан ўйинлар назарияси янги институционал иқтисодиёт моделларининг тилини шакллантириди. Ўйинлар назарияси қуйидаги тахминларга асосланади:

а) бир неча мувозанат нуқталари мавжуд бўлиши мумкин;

б) мувозанат нуқталари Парето бўйича оптимум нуқталарига мос келиши шарт эмас;

в) мувозанат умуман мавжуд бўлмаслиги мумкин.

Анъанавий институционализм муаллифларининг унинг ривожланиш тарихига қўшган хиссалари ва улар назариялари муҳим аҳамиятга эга.


## 1.5-жадвал

### «Эски институционализм» асосчилари

Вакил	Асосий иши
Торстейн Бунде Веблен (1857-1929)	«Бекорчи синф назарияси», 1899.
Уэсли Клер Митчелл (1874-1948)	«Ишбилармонлик цикллари», 1927.
Джон Р.Коммонс (1862-1945)	«Институционал иқтисодиёт фани», 1934.
Джон Морис Кларк (1884-1963)	«Иқтисодий институтлар», 1957.

**Биринчи босқич** – XX асрнинг 20-30-йиллари. Мазкур босқич вакиллари иқтисодий фанга «институтлар» тушунчасини киритди. Уларнинг фикрича, инсоннинг хатти-харакатига давлат, корпорациялар, касаба уюшмалари, ҳукуқ, одоб-аҳлоқ, оила институти каби институционал тузилмалар таъсир кўрсатади.

**Т.Вебленнинг** фикрига кўра, жамият ривожланишининг асосини жамоа психологияси ташкил қиласи. Хўжалик юритувчи субъектнинг хатти-харакати мақбуллаштирувчи ҳисоб-китоблар билан эмас, балки фаолият мақсадини белгилаб берувчи инстинктлар ва ушбу мақсадларга эришиш воситаларини белгилаб берувчи институтлар билан белгиланади. Одатлар индивидларнинг бозордаги, сиёсий ҳаётдаги, оиладаги хатти-харакати доираларини белгилаб берувчи институтлардан бири ҳисобланади. Т.Веблен «Веблен самараси» номини олган нуфузли истеъмол тушунчасини киритди. Ушбу намойишкорона истеъмол муваффақиятни



Торстейн Веблен  
(1857-1929)

тасдиқлайди ва ўрта қатламларни бойларнинг хатти-ҳаракатига талқин қилишга мажбур этади.

**У.Митчеллнинг** фикрига кўра, бозор иқтисодиёти бекарор. Бунда иш цикллари ушбу бекарорликнинг намоён бўлиши бўлиб, уларнинг мавжудлиги давлатнинг иқтисодиётга аралashiши зарурлигини келтириб чиқаради. Саноат ишлаб чиқариши динамикаси билан нархлар динамикаси ўртасидаги фарқни тадқиқ этди. У.Митчелл инсонга «рационал оптимизатор» сифатида қарашни инкор этди. Оила бюджетларида пуллар сарфининг норационаллигини таҳлил қилди. 1923 йилда у ишсизликдан давлат суғуртаси тизимини таклиф этди.



Уэсли Митчелл  
(1874-1948)

**Ж.Коммонс** корпорациялар ва касаба уюшмаларининг ролини ва уларнинг инсонлар хатти-ҳаракатига таъсирини ўрганишга катта эътибор қаратди. «Корхона ёки касбнинг ижобий нуфузи – бу рақобатнинг қонунга маълум бўлган энг мукаммал шакли». Коммонс қийматга “жамоавий институтлар”нинг хукуқий келишуви натижаси дея таъриф берди. Уюшган меҳнат билан йирик капитал ўртасидаги муроса воситаларини излаш билан шуғулланди. Жон Коммонс 1935 йилда қабул қилинган “ижтимоий ҳимояланганлик тўғрисидаги далолатнома”да баён этилган пенсия таъминти асосларини ишлаб чиқди.



Джон Коммонс  
(1862-1945)

**Ж.М.Кларк** давлат томонидан инқирозга қарши тадбирларнинг амалга оширилишини, хусусан “корхоналар ва аҳоли бандлигини ошириш мақсадида самарали барқарор талаб”ни шакллантиришга йўналтирилган давлат харажатларининг оширилишини ёқлаб чиқди. Кларк капитализм трансформациясининг муҳим хусусияти сифатида «давлатнинг иқтисодий функцияларида инқилоб»ни илгари сурди, бунинг натижасида у умумий фаровонлик манфаатлари йўлида хўжалик ташкилотчиси ролини бажара бошлади. Кларкнинг фикрига кўра, бунга техник ва иқтисодий тараққиёт натижаларининг жамиятдаги барча синflар ўртасида teng тақсимланишида намоён бўладиган «фойдалар диффузияси» ёрдам берди.



Джон М. Кларк  
(1884-1963)



Джон К. Гэлбрейт  
(1908-2006)

**Иккинчи босқич** – XX асрнинг 50-70-йиллари. Мазкур босқич вакили – **Джон Кеннет Гэлбрейт** (1908-2006). Асосий иши: «Янги индустрисал жамият», 1967.

Институционализмнинг энг кўзга кўринган вакили америкалик иқтисодчи **Ж.К.Гэлбрейтнинг** фикрига кўра,

ўзини ўзи тартибга солувчи бозорнинг ўрнини давлатнинг кўмагидан фойдаланувчи ва капитал билан эмас, балки **технотузилма** (олимлар, конструкторлар, бошқарувчилар, молиячиларни ўз ичига олувчи ижтимоий қатлам) томонидан бошқариладиган монополлашган тармоқлар билан намоён этилган янги иқтисодий ташкилот эгаллади. Гэлбрейт янги иқтисодий тизим, ўз моҳиятига кўра, режали иқтисодиётни ўзида намоён этганлигини исботлашга изчил уринди. Айнан шунинг учун Гэлбрейтнинг ғоялари Собиқ Иттифоқда жуда оммалашган эди. Гэлбрейтнинг асосий ғояси – замонавий бозорда хеч ким тўлиқ ахборотга эга эмас, ҳар бир кишининг билимлари маҳсус ва қисман хусусиятга эга.

### **Қисқача хуносаси**

XIX аср охири ва XX асрнинг бошларида бозор иқтисодиёти муносабатларининг жадал ривожланиши баробарида иқтисодий тадқиқотлар кўлами янада кенгайди ва чуқурлашди. Бу билан ҳозирги замон иқтисодий таълимотларининг йирик йўналишлари шаклланди. Улар уч йўналишдан иборат: неоклассика, институционализм ва кейнсчилик. Классик назариянинг маржинал ёндашув билан кенгайиши неоклассик назария сифатида намоён бўлди.

Институционализмнинг тадқиқот марказида институтлар – инсонлар томонидан барпо этиладиган ва ўзаро ҳамкорликни таркибовчи сиёсий, иқтисодий ва ижтимоий меъёр ва қоидалар туради. Институционал назария қоидалари неоклассик ёндашувга нисбатан янги назария бўлиб, у бозор муносабатлари таҳлилиниң янги соҳасидир. Индивидлар ва институтларнинг ўзаро боғлиқлигини таҳлил қилишда методологик индивидуализм ва холизм методологиясидан фойдаланилади. Улар институтлар ёки индивидларнинг бирламчилиги нуқтаи назаридан ўзаро фарқ қиласи.

Институционал иқтисодиёт ривожланишида ўзаро ўхшаш номдаги неоинституционал ҳамда янги институционал босқичлардан иборат. Биринчи босқичда мулкчилик ҳуқуқлари оптималь шартнома, конституциявий иқтисодиёт, ижтимоий танлов, трансакция харажатлари, ахборот назариялари, иккинчи босқичга *ўйинлар назарияси*, Г.Саймоннинг тўлиқсиз рационаллик назарияси киритилган. Д.Норт тадқиқотларида индивидларнинг институционал доираларни ўзгартиришга қодирлиги таъкидланади.

Янги институционал иқтисодиётнинг энг ёйик кўринишдаги дастури *келишувлар иқтисодиётидир*. Уни таҳлил қилиш марказида келишувлар туради. Келишувлар индивидлар ўртасидаги ўзаро ҳамкорликнинг умумий доиралари сифатида қабул қилинади.

### **Таянч сўз ва иборалар**

Неоклассика, институционализм, кейнсчилик, методологик индивидуализм, ички сабаб натижасида вужудга келган эволюция концепцияси, холизм методологияси, институционал детерминизм, «Эски» институционализм, техник таркиб, «химоя қобиги», мулкчилик ҳуқуқлари

назарияси, оптимал шартнома назарияси ижтимоий танлов назарияси, конституциявий иқтисодиёт, ахборот харажатлари, ахборот назарияси, трансакция харажатлари назарияси, янги иқтисодий тарих, ўйинлар назарияси, тўлиқсиз рационаллик назарияси, келишувлар иқтисодиёти.

### ***Такрорлаш учун саволлар***

1. Институционал иқтисодий назариянинг ривожланиши учун нима асос бўлиб хизмат қилди?
2. Институционализмнинг ривожланишидан олдин қанақа назариялар мавжуд бўлган?
3. Институционал иқтисодиёт методологиясининг ўзига хос хусусиятлари нималардан иборат?
4. «Эски» институционализм вакилларининг қарашларини шарҳланг.
5. Инстиуционализмнинг асосий назарияларига тариф беринг.
6. Мулкий ва шартномавий муносабатларга оид назарияларни шарҳланг.
7. “Эски” ва “янги” институционал мактабларнинг принципиал фарқини айтинг.
8. Германиядаги тарихий мактаб ва Америка институционализмининг умумий хусусиятлари?
9. Институтга умумий таъриф беринг.
10. Қуйидаги институтларнинг пайдо бўлиши ва амал қилишини кўриб чиқинг: қўл бериш, хусусий мулк, никоҳ, таълим, бозор, давлат.
11. Институционал иқтисодиётда фанлараро ёндашувнинг моҳиятини изоҳланг.

## II - боб. ИНСТИТУЛAR ВА УЛАРНИНГ ЖАМИЯТ РИВОЖЛАНИШИДАГИ РОЛИ

### 2.1. “Институт” ва “норма” тушунчаларининг моҳияти

Институтлар жамият ҳаётида муҳим ўрин тутади. Агар бир дақиқага барча институтлар йўқ бўлиб кетишини тасаввур қиласиган бўлсак, у ҳолда тартибсизлик бошланиб кетган бўларди ва бу ҳол, ўз навбатида, абадий давом этмас эди. Чунки инсонларнинг ўз ҳаётини тартибга келтиришга уринишлари янги институтларнинг пайдо бўлишига олиб келган бўларди.

Институтлар табиатини янада чуқурроқ таҳлил қилиш глобал хусусиятларга эга қатор саволларга, хусусан, нима учун бозорлар “ишлайди” ёки “ишламайди”? Иқтисодий сиёsatнинг у ёки бу тадбирлари нима учун самарали ёки самараасиз бўлди? Иқтисодиётдаги қайси ўзгаришлар ички сабабларга кўра ёхуд хукуматнинг у ёки бу қарори туфайли юзага келди, деган саволларга жавоб топиш имконини беради.

Институтлар ўзи нима? Турли даврлар тадқиқотчилари институтлар моҳияти ва уларнинг фаолият юритиш механизмини ёритувчи бир неча таърифларни асослаганлар. Т.Веблен [32] институтларни қуйидагича таърифланган: “*Институтлар* – бу инсонлар уларга амал қилган ҳолда турмуш кечирадиган одатий тафаккур тарзи” ёки “*Институтлар* ўтмишда содир бўлган жараёнлар натижаси бўлиб, улар ўтмиш шароитларига мослашган ва, ўз навбатида, ҳозирги вақт талабларига тўлиқ мослашмаган”.

Е.Эрдвард томонидан [60] “*Институтлар* кўплаб индивидумлар улардан ҳамма жойда ва ҳар куни фойдаланадиган ва асосан ўз ноёблиги билан тавсифланадиган ижтимоий неъматлар. Институтлар алмашув жараёнини соддалаштиради. Улар – қарорлар қабул қилиш жараёнининг якка тартибдаги қарорларни ижобий қарорларга айлантирувчи ажралмас қисми”, дея таърифланган.

Ж.Ходжсоннинг таърифлашича [55], “*Институтлар* – анъана, урф-одат ёки қонунчилик чеклови орқали узоқ муддатли ва барқарор ҳулқ-атвор намуналарининг яратилишига олиб келувчи ижтимоий ташкилот”.

Институтларни кўз билан кўриб, уларни жисмонан ҳис этиб ёки ўлчаб бўлмайди. Бу инсон онги билан яратилган ўзига хос конструкциялар, кўзга кўринмайдиган механизмлардир. Институтлар инсонларнинг муайян жамоасига хос бўлган тафаккур тарзини акс эттиради.

Институтларнинг яна бир таърифи Б.З.Милнер томонидан Д.Норт [46] ёзган сўз бошида келтирилган: “*институтлар* – инсонлар томонидан ишлаб чиқилган чекловлар ҳамда уларнинг ўзаро ҳамкорлигини таркиблаштирувчи мажбуrlаш омиллари. Буларнинг барчаси биргаликда жамият ва иқтисодиётнинг ундовчи таркибини ҳосил қиласи”.

Юқорида келтирилган таърифлар институтларнинг асосий хусусиятларини камраб олган ҳолда, уларнинг асосий вазифаларини ҳамда ривожланиш қонунларини акс эттиради ҳамда жамиятни ривожлантириш учун институтларнинг муҳимлигини таъкидлайди. Юқорида кўрсатилган барча

ҳолатларни умумлаштирган ҳолда, институционализмнинг ҳозирги замон талқинларига асосан институтларни қуидагича таърифлаш мумкин:

**Институт** – жамият аъзолари ўртасидаги ўзаро муносабатларни белгилаб берувчи расмий қоидалар ва норасмий нормалар тизими. Институтлар асосини унинг таркибий қисмлари ҳисобланган нормалар ташкил этади.

**Норма** – институционал мухитда индивидларнинг ўз танловини амалга оширишда фойдаланиладиган асосий унсур ҳисобланади. Ушбу унсур: тартибни саклаш вазифасига эга; ўзаро ҳамкорликлар тизимида мажбурий хатти-харакат бажарилишини талаб этади; шахслар хатти-харакатидаги ижтимоий, иқтисодий, юридик санкцияга таянувчи мунтазамлик ҳамда муқаррарликни акс эттиради; шахснинг турли вазиятларда ўзини қандай тутиши лозимлигини белгилайди. Норма амал қилиши учун талаб этиладиган таркиб беш унсурдан иборат:

- ◆ индивидларнинг гурухланиш белгилари;
- ◆ муқаррарлик омили (керак ёки керак эмас);
- ◆ мақсад;
- ◆ норма ҳаракатда бўлган шарт-шароитлар;
- ◆ санкциялар.

Ажратилган ушбу 5 та унсур нормалар турлари, яъни ҳамкорлик стратегиясини, хусусан, норманинг ўзини (тор маънода) ва қоидаларни чеклаш имконини беради. Норма турлари қуидагилардан иборат:

Ҳамкорлик стратегияси = белги + мақсад + шарт-шароит;

Норма = белги + муқаррарлик омили + мақсад + шарт-шароит;

Қоида = белги +муқаррарлик омили + мақсад + шарт-шароит + санкция.

Шаҳарда ёки супермаркетда бир-биirlарини йўқотган киришларни қидириш ҳамкорлик стратегиясига мисол бўлади. Бунда: индивидларнинг гурухланиш белгиси – бир-бирини йўқотганлик факти; мақсад - бир-бирини топиш; шарт-шароит – учрашиш эҳтимоли яқин бўлган кўзга ташланувчи нарса ёки буюмнинг мавжудлиги бўлади.

Торроқ маънода норма келишув тушунчасига мос келади. Чунки келишув кўрсатмасини бажариш ўта ихтиёрий хусусиятга эга. Қоидага ўтишда кўрсатмаларни бажаришнинг ихтиёрий хусусияти йўқолади, яъни бунда санкция ишга тушади.

Норманинг инсон хатти-харакатига таъсири ҳақидаги мунозара социология ва иқтисодий назария ўртасидаги чукур тарихий илдизга эга қарама-қаршилик билан боғлиқ. Социологлар нормада инсонлар хатти-харакатининг уларга ташқаридан берилган ва экзоген хусусиятга эга мутлақ натижасини кўрадилар. *Homo sociologicus* хатти-харакати умуман жамиятнинг норматив таркиби билан аниқланади. Нормаларнинг ўzlари эса, социологларнинг фикрига кўра, жамият хусусиятларидан ҳосил бўлган ва уни такрор ишлаб чиқариш вазифасини кўзлайди.

Иқтисодчилар эса класик сиёсий иқтисод давридан буён нормаларнинг бундай талқин этилишига қўшилмайдилар. Чунки норма танлаш эркинлигини

истисно этади. Номо *economicus* ўз танловида, шу жумладан, норма томонидан қўйиладиган чекловлардан холи. Иқтисодчилар шахс танловининг институционал чекловчиси сифатида нормаларнинг мавжуд бўлишини умуман инкор этади. Ёки нормаларга оқилона изоҳ беришга, аникроғи, уларда ташқаридан берилган хатти-ҳаракат натижасини эмас, балки *англаb этилган танлов натижасини кўришга интилади*.

Умуман, ижтимоий танлов назариясида нормалар: оқилона танлаш натижаси сифатида қаралади. Келишувлар иқтисодётида эса нормалар оқилона хатти-ҳаракат омили сифатида таҳлил қилинади.

Ижтимоий танлов назарияси (Д.Бьюкенен) биринчи галда сиёсий танлов натижасини акс эттирувчи ва ҳуқуқда қайд этилдиган юридик нормани ўрганади. Юридик нормаларни изоҳлаш учун оқилона танловнинг неоклассик моделидан фойдаланилади. Хусусан, шу нарса назарда тутиладики, Бьюкенен учун сиёсат – инсонлар бозорда фақат ўз афзалликлариға амал қилган ҳолда товарни харид қилгани сингари, у асосида улар турли муқобил варианtlарни ўз қадр-қимматлари билан қиёслаган ҳолда, танлайдиган мураккаб институционал жараён ҳисобланади. Бошқача айтганда, норма ва қоидалар сиёсат бозорида шахслар ўртасидаги ўзаро ҳамкорлик натижасида пайдо бўлади. Бундан нормаларни баҳолашнинг навбатдаги мезони – уларнинг самарадорлиги келиб чиқади. Нормалар фақат улар ўзига хос қадр-қимматга асосланганда самарали бўлиб, якка манфаатларни ўзаро фойдали тарзда амалга оширишга кўмаклашади [47].

Ижтимоий танлов назариясига хос бўлган оқилона танлов модели ёрдамида нормаларни талқин қилишдан фарқли ўлароқ, келишувлар иқтисоди нормаларга амал қилишда (бунда нормалар ташқаридан берилган) экзоген ҳисобланишига қарамай, оқилона хатти-ҳаракатнинг омилини кўришни таклиф этади. Бундай бир қарашда ўзига хос хусусиятга эга оқилона танлов натижаси ҳисобланмаган нормаларни бажариш, оқилона хатти-ҳаракатнинг шартига айланади. Аммо бозордаги битимлар иштирокчиларининг оқилоналиқ талаби ушбу ўзига хосликни изоҳлаш имконини беради.

Келишувлар иқтисоди нормани бозорда иштирокчилар томонидан истаклар ва афзалликларнинг ўзаро талқин этилиши учун замин сифатида кўриб чиқишини таклиф этади (2.1-жадвал). Шу нуқтаи назардан нормага амал қилиш шахс учун ўз мақсадлари (*signaling*) ҳақидаги хабарларни контрагентгача етказиш усулига айланади. Шахслар ўз хатти-ҳаракатига нисбатан бир-бирини истисно этувчи талабларни мувофиқлаштириш ва ўз томонларининг ҳаракатлариға нисбатан ишончли фикрларни билдиришга қодир бўлмай қолади. Кўриб чиқилаётган ёндашув доирасида келишувлар нисбатининг қўйидаги варианtlари таҳлил қилинади.

1. *Экспансия* – унда ўзаро ҳамкорликни ташкил қилиш илгари бошқа келишувлар устуворлик қилган соҳалардаги келишувлардан бирининг нормалари асосида амалга ошадиган келишувлар нисбати. Масалан, сиёсий соҳа сиёсий бозорга айланиши мумкин, бунда фуқаролик келишуви нормалари бозор келишуви нормалари томонидан сиқиб чиқарилади.

Бозор келишувининг экспансияси ўта хавфли, у бойликнинг ўта номутаносиб тақсимланишига ва ундан сиёсий ҳокимият омили сифатида фойдаланишга олиб келган ҳолда жамият ривожланишини барқарорликдан маҳрум этади.

2. *Уриниш* – унда бир ўзаро ҳамкорликнинг ўзи бир-бирини истисно этувчи нормалар асосида амалга оширилиши мумкин бўлган келишувлар нисбати. Шу нуқтаи назардан илк бор К.Эрроу томонидан тадқиқ этилган қон топшириш бунга айнан мос мисол бўлади. Гап шундаки, қон одатда пулга (бозор келишуви) ёки бирдамлик нуқтаи назардан бепул (фуқаролик келишуви) топширилади. Ушбу номутаносиблик шахсларнинг қон топшириш юзасидан ўзаро ҳамкорлигига ноаниқликнинг юкори даражасини белгилаб беради.

3. *Муроса* – унда турли келишувлар талаблари ўртасидаги зиддиятга барҳам берувчи эгилувчан нормалар намоён бўладиган келишувлар нисбати. Масалан, ҳар қандай реклама кампанияси бозор келишуви ва ижтимоий фикр талаблари ўртасидаги муросани топишни назарда тутади. Ушбу икки келишув ўртасидаги муросага бошқа мисол – кўр-кўrona истеъмол, бунда шахс ўз истеъмол танловида товар ёки хизматни истеъмол қилишдан фойдалиликни оширишни эмас, балки у истеъмол қилиш туфайли қўлга киритадиган ҳурматга эришишни кўзлади.

## 2.2. Расмий ва норасмий нормалар ва уларнинг шаклланиши

Институционализм асосчиларидан бири Д.Норт [46] институтлар таркибида уларни уч асосий қисмга ажратади:

- расмий қоидалар (конституциялар, қонунлар, суд қарорлари, маъмурий ҳужжатлар ва б.);
- норасмий нормалар (анъаналар, урф-одатлар, ижтимоий шартлилилк);
- қоидаларга амал қилинишини таъминловчи (судлар, полиция ва ҳ.к.) мажбуrlаш механизmlари (масалан, жазолаш тизими).

“Институт”нинг юкорида келтирилган таърифи (2.1)дан келиб чиқиб, институтлар инсон томонидан онгли равища яратилган турли ҳужжатлар (конституциялар, қонунлар ва ҳ.к.) кўринишидаги расмий, “ёзилган” қоидаларда ифодаланиши мумкин. Шу билан бирга улар умумий қабул қилинган шартлилилк, хатти-ҳаракат кодекслари, яъни норасмий, “ёзилмаган” нормаларда намоён бўладиган, жамиятнинг барча соҳаларига кириб бориб, анъаналар, урф-одатлар кўринишида ёки бошқа шаклда амал қилинадиган инсон онгининг маҳсулини ўзида намоён этиши мумкин.

Агар расмий қоидалар тизими инсонлар (давлат)нинг қонун ижодкорлиги фаолиятини ўзида акс эттиrsa, у ҳолда норасмий нормалар тизими қай тарзда шаклланади, деган савол туғилади.

Т.Веблен [32]нинг концепциясига кўра, институтларнинг ўзгариши табиий танлаб олиш қонунига мувофик равища кечади. Инсоннинг жамиятдаги ҳаёти, худди бошқа турдаги ҳаёт каби – бу яшаш учун курашиш ва, ўз навбатида, танлаб олиш ва мослашиш. Унинг фикрича, ижтимоий тузум эволюцияси ижтимоий институтларни табиий танлаб олиш жараёни бўлди.

### Бозор иштирокчиларининг ўзаро келишувлар бўйича хатти-ҳаракатлари нормаси\*

Келишувлар хили	Хатти-ҳаракатнинг асосий нормаси	Келишув предмети	Ахборот манбай	Вақт (ҳозир, ўтмиш ва келажак)	Фаолият соҳаси (мисол)
Бозор Саноатга хос	Бошқа шахслар эҳтиёжларини қондириш орқали фойдалиликни ошириш	Товар ва пул	Нарх	Ҳозирги вақтни назарда тутиш	Классик бозор
Индустрисал	Ишлаб чиқариш узлуксизлиги, ҳамкорликни технология талабларига бўйсундириш орқали таъминлайди	Технологик жиҳозлар	Стандартлар	Битимлар келгусини ҳозирги даврга акс эттириш	Ҳарбий саноат мажмуи
Анъанавий	Анъаналарнинг тақрорланишини таъминлайди; катталик тамойили	Ўтмишга хос бўлган буюмлар	Одатлар, анъаналар	Битимлар ўтган даврни акс эттириш хисобланади	Оила
Фуқаролик	Жамоавий манфаатларга бўйсуниш, мўлжал - Парето оптимум	Ижтимоий бойлик	қонун	Ҳозирги даврни назарда тутиш	Сиёсий хаёт
Ижтимоий фикр	Машҳурликка эришиш, жамоат эътиборини жалб этиш	Нуфузли буюмлар	Дув-дувлар	Ҳозирги даврни назарда тутиш	Оммавий ахборот воситалари
Ижодий фаолият	Ўхшаши йўқ, бетакрор натижага эришиш	Ихтиро	Иқтидор	Дискрет вақт	Ижодий фаолият
Экологик	Табиат билан уйғунлашув, экология талабларига бўйсундириш	Табиат объектлари	Атроф – муҳит хақидаги ахборот	Вақтнинг даврийлиги: табиий даврийлик	Табиат муҳофазаси

\* Манба: Олейник А. Норма как базовый элемент институтов / Вопросы экономики. – М.: 1999, №2, с.142.

Институтлар – инсон жамияти ва инсон табиатининг ривожланишда давом этиши ва шу нуқтаи назарда эришилган тараққиётни умумий кўринишда энг кўп мослашган тафаккур тарзини табиий равишда танлаш ва индивидларни жамият ривожланиши билан изчил ўзгариб турадиган янги шароитларга мажбурий мослаштириш жараёни, дейиш мумкин. Шундай қилиб, Т.Вебленнинг талқинида ижтимоий-иқтисодий ривожланиш (“ижтимоий тузум эволюцияси”) турли хилдаги институтларни “табиий танлаш” жараёнини амалга ошириш сифатида намоён бўлади.

Т.Вебленнинг нуқтаи назари Ф.Хайек<sup>6</sup>нинг қарашларига яқин. Хайекнинг фикрича, жамиятда қарор топган ахлоқ қоидалари ва нормаларини танлашни биологик танловга қиёслаш мумкин. Унинг фикрича, расмий қоидалар билан бир қаторда (анъаналар ва урф-одатлар кўринишида) норасмий нормаларнинг мавжуд бўлиши шу билан шартланганки, “танлаб олиш жараёнида, шаклланган урф-одатлар ва ахлоқда ҳакиқий ҳолатлар сони ҳисобга олиниши мумкин – индивидлар қабул қилиши мумкин бўлган нарсалардан кўпроқ; бунинг оқибатида, анъана маълум жиҳатларда инсон онгидан устун туради”. Жамият қанчалик кўп хилма-хилликка йўл қўйса, ижтимоий мақсадга мувофиқ институтларни танлаб олиш шунчалик самарали кечади.

Юқорида келтирилган фикрлардан келиб чиқадики, агар расмий қоидалар сунъий тарзда ўйлаб топилиши ва мажбуран жорий этилиши мумкин бўлса, Ф.Хайекнинг таъкидлашича, норасмий нормалар “маълум ўтмишдаги воқеалар билан белгиланади, лекин бирор-бир тузилма ёки модел (институционал матрица)нинг онгиз тарзда ўзини-ўзи ташкил этиши жараёнининг таркибий қисми сифатида шаклланади”<sup>7</sup>. Бошқача айтганда, норасмий институтлар – шартлилиқ, ўзини-ўзи қўллаб-куватловчи, учинчи томон (давлат)нинг аралашувисиз, ўз-ўзидан бажариладиган қоидалардир.

Таъкидлаш лозимки, “эволюция” атамасидан фойдаланилса-да, табиий танлов назарияси изчил институционал ўзгаришларга нисбатан ҳамма вақт ҳам қўлланилмайди. Чунки энг “яхши” институт ҳамма вақт ҳам яшовчан бўлмайди. Иккинчи томондан, институтларнинг бир ҳолатдан иккинчи ҳолатга доимий равишда ўтиши ҳамма вақт ҳам ташқи омиллар таъсири остида кечмайди. Баъзи институтлар норматив тарзда мустаҳкамланиб, норасмий турдан расмий институтларга айланади, бошқалари эса, расмий институтлар сифатидаги аввалги аҳамиятини йўқотиб ва ҳукуқий тизимдан чиқарилган ҳолда норасмий кўринишга эга бўлиши мумкин.

Амалиётга кўра, кўп ҳолатларда норасмий нормалар жамиятда “тартибни” таъминлашда расмий қоидаларга нисбатан ғоят катта роль ўйнайди. Бунга қатор омиллар хизмат қиласди:

1. Ҳар қандай жамиятда фаолиятнинг алоҳида соҳалари расмий қоидалар мавжуд бўлмаганда факат норасмий нормалар билан тартибга солинадиган вазиятни кузатиш мумкин. Хўжалик юритишнинг жамоа шакли пайдо бўлиши даврида уруғдошлиқ ва улар аъзолари ўртасидаги муносабатлар ёки мафия

<sup>6</sup> Хайек Ф.А. Пагубная самонадеянность. Ошибка социализма. – М.: Новости, 1992, с.133.

<sup>7</sup> Хайек Ф.А. Пагубная самонадеянность. Ошибка социализма. – М.: Новости, 1992, с. 20.

(криминал) гурухлар ўртасидаги муносабатлар, Ўзбекистонда маҳаллада яшовчи аҳоли орасида кенг тарқалган одатлар ва қоидалар бунга мисол бўлиб хизмат қилади.

Қоидаларга зарурат ҳамма вақт, биттадан кўп субъект мавжуд бўлиб, улар ўртасида баъзи муносабатлар юзага келган тақдирда, туғилади. Бунда субъектларнинг турли гурухларидағи қоидалар бир хил бўлиши ҳам, ўзаро яққол фарқ қилиши ҳам мумкин. Алоҳида оила ёки алоҳида жамоа доирасидаги муносабатлар ана шундай қоидаларга энг оддий мисол бўлиб хизмат қилади. Оила доирасидаги муносабатлар норасмийлигича қолади, жамоанинг қариндошлар бўлмаган аъзолари ўртасидаги муносабатлар эса, аксарият ҳолларда шартнома ёки бошқа ҳужжат кўринишида (фуқаролик кодексида давлат доирасида) расмий тарзда мустаҳкамланди.

2. Норасмий нормалар жамиятда расмий қоидаларга нисбатан анча олдин пайдо бўлиб, кўп жиҳатдан расмий, қонунчилик билан мустаҳкамланган нормалар учун асос бўлиб хизмат қилди. Норасмий нормаларнинг расмий қоидалар сифатида мустаҳкамланишига исталган мамлакатнинг тарихида кўплаб мисолларни учратиш мумкин.

### **2.3. Институционал матрица**

Институционал матрица социология фани доирасида ишлаб чиқилган бўлиб, унда социологик тушунчалардан фойдаланилади. Аммо ушбу концепция жамиятнинг барча соҳаларида, шу жумладан, иқтисодиётда ҳамда ҳукуқий жараёнларни таҳлил қилишда қўлланилиши мумкин.

Шуни ҳисобга олиб, институционал матрицанинг нисбатан янги концепциясини кўриб чиқамиз. Институционал матрицанинг назарий ғояси жамиятни таҳлил қилишга нисбатан таркибий-тизимли ёндашувни амалга оширади.

Институционал матрица – тарихан барқарор шаклланган, дастлабки давлатларнинг пайдо бўлиши ва барча кейинги институционал тузилмаларнинг ривожланишини белгилаб берган, ўз навбатида, моҳияти ҳамон сақланиб қолган бирламчи моделни тақрор яратишга хизмат қилувчи асосий ижтимоий институтлар тизими.

Бу ерда институтлар социум яшовчанлигининг ташқи шароитлари билан шартланган жамият аъзолари ўртасидаги муайян ва муқаррар алоқалар тизими сифатида тушунилади. Ушбу ҳолатда гап инсоннинг тақрор шаклланишини тартибга соловчи ижтимоий институтлар (улар жумласига оила, саломатлик ва бошқа институтлар киради) ҳақида эмас, балки давлатларнинг тақрор шаклланиши ва ижтимоий ҳайётнинг асосий соҳаларини тартибга соловчи ижтимоий институтлар ҳақида бормоқда.

Институтлар жамиятнинг тарихий барқарорлиги ва ижтимоий яхлитликнинг тақрор шаклланишини таъминловчи ўзига хос тузилишини (қобирғасини) ҳосил қилади. Институционал матрица чизма кўринишида жамиятда teng аҳамиятли мавқени эгаллаб турган ягона учта: сиёсий, иқтисодий ва ҳукуқий соҳаларни бирлаштирувчи ижтимоий шакл сифатида



## **2.1-расм. Жамиятнинг институционал матрицаси.**

намоён этилган (2.1-расм). Асосий матрицалар [30] С.Кирдинанинг “Институционал матрицалар ва Россиянинг ривожланиши” китобидан олинган. Бироқ уларга айрим ўзгартиришлар киритилган, хусусан, сиёсий ва мафкуравий соҳалар бирлаштирилган, чунки жамиятда мафкура қўп жиҳатдан бошқарувчи сиёсатчиларга боғлиқ бўлиб, улар фаолиятининг натижаларидан бири ҳисобланади. Матрицада ижтимоий соҳа алоҳида ажратилган ва институционал тизимни шакллантиришда у катта роль ўйнайди.

Матрицаларнинг асосий ва қўшимча институтларнинг муайян тўплами билан тавсифланувчи иккита тури мавжуд – ғарбий (бозор, демократик) ва шарқий (буйруқбозлик, диктатура ёки деспотия) матрицалар.

### **2.4. Институционал ўзгаришлар ва институтларнинг ўзаро боғлиқлиги**

Институтлар қандай ишлайтганлигини, нима учун улар асрлар мобайнида мавжуд бўлиши ва ривожланишини, уларнинг “ҳаётйлиги” ёки барқарорлигини тушуниш учун институционал ўзгаришларга олиб келувчи сабабларни ўрганиб чиқиш лозим.

Жамиятнинг ривожланиш жараёнида институтлар шаклининг ўзгариши рўй беради. Агар расмий қоидаларни у ёки бу қонун, фармонни қабул қилиб ўзгартириш мумкин бўлса, анъаналар ва урф-одатларда ифодаланадиган норасмий чекловларни бир кунда ўзгартириб ёки тугатиб бўлмайди. Улар яна узоқ вақт амал қилишда ва жамият ривожига таъсир кўрсатишда давом этади. Бироқ институционал тизимнинг ўзида доимий равишда ўзгаришларга эҳтиёж сезилиб туради.

Т.Вебленнинг таъкидлашича, институционал ўзгаришларнинг асосий сабаби шаклланган институтлар билан ўзгарган шароитлар, ташқи муҳит ўртасидаги ўзаро номувофиқлик ҳисобланади [40].

Д.Норт [40] институционал ўзгаришлар субъекти сифатида якка тартибдаги тадбиркорни, институционал ўзгаришлар манбаи сифатида эса нархлар нисбатидаги фундаментал силжишларни ажратади.

Ўзгаришлар механизми қуйидагича: нисбий нархлар таркибидаги силжишлар ишлаб чиқариш омилларининг нархлари ўртасидаги нарх улушкига,

ахборот қийматига ва технологиялардаги ўзгаришларга таъсирни назарда тутади. Ушбу ўзгаришлардан айримлари экзоген хусусиятга эга (инкиroz, эпидимия ва ҳ.к.), бироқ аксарият ўзгаришлар эндоген хусусиятга эга бўлиб, инсонларнинг жорий фаолияти кенгайиши натижаларини акс эттиради. Нархлар нисбатидаги фундаментал ўзгаришлар вақт ўтиши билан хатти-ҳаракат эски одатларининг ўзгариши ва инсонлар томонидан хатти-ҳаракат стандартларини ҳосил қиласиган омилларнинг аглаб етилишига олиб келади. Бироқ, нархлар ўзгаришининг ғояларга таъсири даражаси тўғрисидаги масала ҳозирча кам ўрганилганлигича қолмоқда.

Д.Нортнинг фикрича [46], мафкура институционал ўзгаришларнинг яна бир манбаи ҳисобланади. Мафкура деганда, у инсонлар улар орқали атрофдаги оламни қабул қиласиган ва баҳолайдиган субъектив моделни тушунади. Мафкуравий майиллик ҳам иқтисодий ҳисоб-китоблардан ҳоли эмас: оламнинг субъектив манзараси кимнингдир фойдали имкониятларини чегаралashi қанчалик катта бўлса, уни қайта кўриб чиқишдан манфаатдорлик шунчалик кучли бўлади.

Шундай қилиб, институционал ўзгаришлар техника тараққиёти, янги бозорларнинг очилиши, аҳоли сонининг ўсиши ва ҳоказолар, яъни улар натижасида ташкилий ва институционал ўзаро ҳамкорликнинг илгари муваффақиятли фаолият юритган алоҳида шакллари “фойдасиз” бўлиб қоладиган жараёнлар оқибатида юз бериши мумкин. Янги расмий нормалар ўрнига бошқалари қабул қилинади, норасмий нормаларга амал қиласиган инсонлар сони камайиб бориши билан аста-секин йўқолиб боради.

Институтлар пайдо бўлишининг ўзига хос жиҳатлари шундаки, улар ўзлари пайдо бўлишидан аввал амал қилган нормалар ва шароитларга боғлиқ ҳисобланади. Шу тариқа, ҳар қандай янги институт, мавжуд иқтисодий ёки ижтимоий шароитлар (институционал матрица) томонидан белгилаб берилади. Институционал ўзгаришлар сезиларсиз тарзда кечиши ҳам, ёки ўзгаришлар, жамиятдаги мавжуд ижтимоий-иқтисодий тизимнинг тезда такомиллашувига олиб келиши ҳам мумкин.

Институционал ўзгаришлар эски ва янги институтлар ўртасидаги ўзаро боғлиқлик хусусияти ҳам катта роль ўйнайди. Д.Норт боғлиқликнинг қуидаги турларини таъкидлайди [46]:

Биринчиси – ривожланишнинг аввалги йўлига боғлиқлик – чукур алоқа, янги институтларнинг фақатгина эски институтлар негизида пайдо бўлишини таъминловчи янги институтларнинг эски институтларга кучли боғлиқлиги.

Иккинчиси – мутлақ янги институтларнинг пайдо бўлишига бўшлиқ мавжудлиги орқали белгиланадиган нисбатан камроқ.

Боғлиқликнинг ушбу икки тури эволюцион хусусиятга эга, чунки эски институтлардан янги институтларга ўтишда изчилликка амал қилинади. Эволюцион ўзгаришлар жиддий иқтисодий ларзалар содир бўлмаган ва уларнинг жаҳон ишлаб чиқаришидаги улуши устун бўлган бозор иқтисодиёти ривожланган мамлакатларнинг институционал тизимларига хосдир. Изчиллигига қарамай, эволюцион ўзгаришлар сифат жиҳатдан илгари

силжишларни истисно этмайди – миқдорий-сифат ўзгаришлар диалектикаси ўз кучида қолади.

Д.Норт томонидан ажратилган боғлиқликнинг учинчи тури – эски ва янги институтлар ўртасида яққол алоқа (боғлиқлик)нинг мавжуд эмаслиги – инқилобий хусусиятга эга. Инқилобий ўзгаришлар жамият ривожланишининг аввалги ўзгариш чизигига амал қилишни назарда тутмайди ва тафаккур тарзи одатлари ва анъаналарининг тубдан ўзгариши билан кузатилади.

Хатто иқтисодий тизим самарадорлигининг ошишига хизмат қилувчи инқилобий ўзгаришлар ҳам ахолининг кўплаб гурухлари учун жиддий ижтимоий оқибатларни келтириб чиқариши мумкин. Бунга бир яққол мисол тариқасида XV-XVIII асрларда Англияда рўй берган аграр соҳадаги туб бурилишлар билан боғлиқ институционал ўзгаришларни келтириш мумкин.

*Расмий қоидалар ва норасмий нормаларни мувофиқлаштириши.* Расмий қоидалар ва норасмий нормаларнинг мувофиқлаштирилиши жамиятда муҳим роль ўйнайди, чунки у институтлар мавжуд тизими фаолиятининг самарадорлигига катта таъсир кўрсатади.

Одатда, инсонлар баъзан институтлар таркибий унсурларидан бири ҳисобланган жазолаш тизимининг самарадорлигига зиён етказган ҳолда жазолашнинг анча юмшоқ шаклларини назарда тутувчи нормаларни расмийлаштиришга интиладилар. Ўлим жазосини бекор қилиш тўғрисидаги баҳс-мунозаралар бунга мисол бўлади.

Келишмовчилик натижасида институционал низо келиб чиқиши мумкин. Бир ҳолатда, институционал низо ҳеч бир ўзгаришсиз институтларнинг пайдо бўлишига, бошқа ҳолатда эса самарасиз бўлса-да барқарор ҳосилалар – институционал тузоқларнинг пайдо бўлишига олиб келади.

Эски ва янги институтлар ўртасидаги инқилобий боғлиқлик доирасида улар ривожланишининг учта эҳтимолий йўлини таъкидлаш лозим:

- биринчиси – мавжуд институционал матрицага қарама-қарши бўлган расмий институтларнинг пайдо бўлиши (одатда, ҳамма жойда чуқур ислоҳотлар даврида, масалан, ўтиш иқтисодиётида қонунлар, фармонлар кўринишида) ва уларнинг илдиз отиши (кенгайиб бориши) ҳамда қабул қилинган расмий нормаларга мос келувчи янги норасмий нормаларнинг шаклланиши;

- иккинчиси – қабул қилинаётган расмий қоидаларнинг норасмий нормаларга тўлиқ мос келмаслиги шунга олиб келадики, норасмий нормалар анча “ҳаётый” бўлиб чиқади ва натижада янги қабул қилинган расмий қоидаларнинг норасмий институционаллашуви юз беради;

- учинчиси – янги расмий қоидалар илдиз отмайди, бу уларнинг йўқолиб кетишига олиб келади.

Институционал тизим самарадорлигига институтлар билан бир қаторда ташкилотлар ҳам таъсир кўрсатади. Д.Нортнинг фикрича [46], институтлар иқтисодий назария билан ёритиладиган стандарт чекловлар билан бир қаторда жамият аъзоларининг имкониятларини ҳам шакллантиради.

Институционал доиралар қайси ташкилотлар (сиёсий органлар, иқтисодий тузилмалар, жамоат муассасалари) ҳосил бўлиши ва ишлашини

белгилаб беради. Бошқача айтганда: институтлар – “ўйин қоидалари”, ташкилотлар эса – “ўйинчилар”. Бироқ бу ҳол ўйинчилар жамиятда ўрнатилган “ўйин қоидалари”га мажбурий тарзда амал қилишини англатмайди. Худди институтлар сингари ташкилотлар ҳам инсонлар ўртасидаги ўзаро муносабатларни таркиблаштиради. “Ташкилотлар аниқ мақсадга йўналтирилган тарзда фаолият юритувчи, ташкилотчилар томонидан бойлик, даромадни кўпайтириш учун ёки бошқа мақсадларда ташкил этилган бирликлар ҳисобланади. Ушбу мақсадларни кўзлаган ҳолда, ташкилотлар аста-секин институционал таркибни ўзгартиради” [46].

Ташкилотлар (корхоналар, фирмалар)нинг институционал жараёндаги роли ҳозирча кам ўрганилган, бироқ институционал назария доирасида, хусусан, Г.Клейнер томонидан ўтказилган сўнгги тадқиқотлар кўрсатдики, ташкилот нафақат товар ва хизматлар ишлаб чиқарувчиси, балки қуйидаги асосий вазифаларни бажарувчи ўзига хос “институт-провайдер” ҳисобланади [30]:

- ишлаб чиқариш институтлари ва келишувлар ишлаб чиқувчиси ва тарқатувчиси роли. Алоҳида ташкилотнинг муваффақиятли тажрибаси, унда фойдаланиладиган шартномалар тизимининг самарадорлиги, одатда, бундай тузилмаларни ташкилотнинг ушбу усусларидан фойдаланишга ундайди;
- институтлар инкубатори роли. Ташкилотнинг фаолият юритиши натижасида ушбу тузилманинг ўзига хос хусусиятларини ҳисобга олувчи ва якуний натижаларнинг катта самарадорлиги билан фаолият юритувчи янги расмий қоидалар ва норасмий нормалар шаклланади ёки, бошқача айтганда, тегишли институционал муҳитда янги институтлар ҳосил қилинади;
- якка тартибдаги институционал интегратор роли (ушбу нормага амал қилувчилар таркибига янги индивидларни жалб этиш).

Институционал ёндашувга мувофиқ давлатни алоҳида ташкилот сифатида кўриб чиқиши лозим. Давлатни институт (ижтимоий шартнома негизида расмий қоидалар тизимини шакллантириш ва уларга амал қилиш механизми) сифатида ҳам, ташкилот (давлат бошқарув аппарати таркиби, қонуний жазолаш ва мажбуrlаш тизими) сифатида ҳам тадқиқ этиш мумкин.

### **Қисқача хуносаси**

Институтлар жамият ривожланишининг барча босқичларида муҳим роль ўйнаб келган. Улар жамиятда қарорлар қабул қилиш, инсонлар ва иқтисодиёт иштирокчиларининг ўзаро муносабатларини белгиловчи нормалардан таркиб топган расмий ва норасмий қоидалар ҳисобланади. Расмий қоидалар мамлакат Конституциясида, қонунларда, маъмурий ва бошқа ҳужжатларда ўз аксини топади. Норасмий нормалар эса урф-одат, анъаналар ва шу каби бошқа ҳаёт тарзи орқали юзага келган қоидаларда ифодаланади.

Жамият ривожланиши билан мавжуд институтлар ва улар негизини ташкил этувчи расмий ва норасмий қоидалар ҳам ўзгариб боради, такомиллашади. Бундай ўзгаришларни ижтимоий, иқтисодий ва сиёсий шароитлар белгилаб беради.

Институтлар ўзаро мувофиқлаштирилган тарзда ишлаши, давлат тизими фаолиятининг самарадорлигига катта таъсир кўрсатади. Институтлар фаолияти аксарият ҳолларда нормаларга боғлиқ. Норма тушунчаси тартибни сақлаш вазифасига эга бўлиб, у ўзаро ҳамкорликлик тизимида мажбурий хатти-ҳаракат бажарилишини талаб этади. Нормалар ҳамкорлик стратегияси, қоида, хусусан, норманинг ўзи каби шаклларга эга. Рационалликнинг тўлиқ, тўлиқсиз, тартиботли, асосланган, ҳаракат нормаси каби шакллари мавжуд. Ижтимоий танлов назариясида нормаларга оқилона танлаш натижаси сифатида қаралади. Келишувлар иқтисодиётида эса, нормалар оқилона хатти-ҳаракатнинг омили сифатида таҳлил қилинади.

### *Таянч сўз ва иборалар*

Институт, расмий қоидалар, норасмий нормалар, институтларнинг ўзгариши, институционал матрица, институционал ўзгаришлар, мафкура, институтларнинг ўзаро боғлиқлиги, ташкилотлар, ўйинчилар, ўйин қоидалари, норма, ҳамкорлик стратегияси, қоида, келишув, ижтимоий танлов назарияси, келишувлар иқтисодиёти назарияси, уриниш, муроса, оқилона ҳаракат, ташкилот.

### *Такрорлаши учун саволлар*

1. Институтлар нима? Уларнинг таърифларини келтиринг.
2. Институтлар таркибий қисмларига нималар киради?
3. Расмий ва норасмий нормалар қандай юзага келади?
4. Норасмий қоидаларнинг жамиятдаги роли нимада?
5. Институционал матрица таърифини келтиринг ва унинг ғояси нимадан иборат?
6. Норма асосий институт эканлигини изоҳланг.
7. Ўзаро ҳамкорликни қуришда норманинг ўрни қандай тавсифланади?
8. Ўзингизнинг одатий кунингизни эрталабдан кечгача келишув (муроса, экспансия, уриниш) лар атамаларида ёритишга уриниб кўринг.
9. Институционал ўзгаришларга нималар сабаб бўлади? Эски ва янги институтлар ўртасида қандай боғлиқликлар мавжуд?
10. Расмий ва норасмий нормаларни мувофиқлаштириш зарурати нима билан белгиланади?
11. Ташкилотлар институционал жараёнда қандай вазифаларни бажаради?

### **III - боб. ЎЙИНЛАР НАЗАРИЯСИ ВА ЎЗАРО ҲАМКОРЛИКЛАРНИ МОДЕЛЛАШТИРИШ**

#### **3.1. Ўйинлар назариясининг асосий тушунчалари**

Маълумки, неоклассиканинг «қатъий негизи»даги ўзаро ҳамкорликларни таҳлил қилишда дифференциал ҳисоблашдан фойдаланилган. Институционал иқтисодий назарияда юқоридаги тадқиқот усулини таянч усул сифатида қўллаш унча қулай эмас. Институционал иқтисодиёт назариясининг предметини индивидларларнинг ўзаро ҳамкорлиги ҳамда ушбу ҳамкорликни таъминловчи тузилмалар ташкил этса, ўйинлар назарияси унинг тадқиқот усули ҳисобланади.

Институционал иқтисодиёт формал моделларини тузиш учун Жон фон Нейман ва Оскар Моргенштерннинг «Ўйинлар назарияси ва иқтисодий хатти-ҳаракат» (1944) китобидаги фикрларга асосланган *ўйинлар назариясидан* фойдаланади [47]. Ушбу назариянинг ривожланиши Жон Нэш 1950 йилда киритган мувозанат вазияти тушунчаси билан боғлиқ. Бу билан кооперацияга асосланмаган (нокоалицион) ўйинларнинг ечиш усули ишлаб чиқилди. 1994 йилга келиб, бирданига уч тадқиқотчи “нокооператив ўйинлар” назариясидаги мувозанатни биринчи бор таҳлил қилиб чиққанлиги учун иқтисодиёт бўйича Нобель мукофотига сазовор бўлдилар. Булар: Райнхад Селтен (Германия), Жог Нэш (АҚШ), Жон С.Харсани (асли венгриялик – АҚШ). Ушбу тадқиқот усулининг ўзига хос асосий белгилари ичida қўйидагиларни ажратиш лозим. Биринчидан, ўйинлар назарияси индивидларнинг ўзаро шартлашилган хатти-ҳаракатлари вазиятини таҳлил қилиш билан шуғулланади: ҳар бир шартнинг ҳал этилиши ўзаро ҳамкорлик натижасига ва ўз навбатида, қолган индивидларнинг қарорларига таъсир кўрсатади. Индивид ўз ҳаракатлари масаласини ҳал этаётib, ўзини контрагентлар ўрнига қўйиб қўриши керак.

Иккинчидан, ўйинлар назарияси, мукаммал калькулятор сифатидаги индивиддан тортиб то робот сифатидаги индивидгача қатор моделлардан фойдаланган ҳолда, индивидларнинг тўлиқ рационаллигини талаб этмайди.

Учинчидан, ўйинлар назарияси ўзаро ҳамкорликлардаги мувозанатнинг мавжудлиги, ягоналиги ва Парето-оптимальлигини назарда тутмайди. Ушбу сабаблар ўйинлар назарияси ёрдамида қурилган институтларнинг формал моделларига қизиқишини орттиради.

Ўйинлар назариясидаги формал модельни ташкил этиш учун: иштирокчи индивидларнинг мавжудлиги; ҳар бир иштирокчининг имкониятлар тўплами; иштирокчиларнинг стратегиялари ҳисобга олиниши лозим.

Ўйинлар назарияси таркибий жиҳатдан кооператив (коалицияли) ва нокооператив (коалициясиз) назарияларга ажратилади. Бунда ўйин иштирокчиларининг ўзаро келишуви даражасига кўра, кооператив(коалицияли) ва нокооператив(коалициясиз) ўйинлар назарда тутилади. Шартли равишда айтиш мумкинки, биринчи гурух назариялар макродаражадаги таҳлилга, иккинчи гурухдагилар эса, микродаражага эътиборни қаратадилар.

Кооператив (коалицияли) ўйинлар – иштирокчилар ўртасида ахборот алмашиш ва иттифоқ тузиш мумкин бўлган вазиятлар. Нокооператив (коалициясиз) ўйинларда якка иштирокчи таҳлил қилишнинг бошланғич нуқтаси ҳисобланади, бунда иштирокчилар ўртасида ахборот алмашиш ва иттифоқ тузиш мумкин эмас. Ўйинлар асосан матрица шаклида намоён этилади. Нокооператив (коалициясиз) ўйинларда иштирокчилар ўзаро зиддиятли муносабатда бўладилар. Ҳар бир иштирокчи ўз ютугини оширишга харакат қиласи. Бирининг ютуғи иккинчисининг мағлубиятига олиб келади. Ҳар бир ўйин иштирокчисининг зиддиятли вазиятларни ҳал этиш борасидаги харакат дастури ўйин иштирокчисининг стратегияси дейилади.

$$G=F(N, St, P)$$

Демак, ўйин ( $G$ )ни таҳлил этишда уч қисм: ўйинчилар сони ( $N$ ); стратегиялар мажмуаси ( $St$ ); иштирокчиларнинг ютуқ ( $P$ )лари асос бўлади.

### **3.2. Мувозанатлар турлари ва уларни излаш йўллари**

Ҳар бир ўзаро ҳамкорлик учун мувозанатларнинг тури хиллари мавжуд бўлиши мумкин: *устун стратегияли мувозанат*, *Нэш бўйича мувозанат*, *Штакельберг бўйича мувозанат ва Парето бўйича мувозанат*. **Устун стратегияли мувозанат** – бошқа иштирокчининг ҳаракатларидан қатъи назар иштирокчига энг юқори фойдалиликни таъминловчи ҳаракатлар режаси. **Нэш бўйича мувозанат** – ўйинчиларнинг ҳеч бири ўз ҳаракатлари режасини ўзгартирган ҳолда ўз ютугини бир томонлама ошира олмайдиган вазият. **Штакельберг бўйича мувозанат** – ҳеч бир ўйинчи ўз ютугини бир томонлама тартибда ошира олмайдиган вазият. Бунда қарор дастлаб биринчи ўйинчи томонидан қабул қилинади, сўнгра иккинчи ўйинчига маълум бўлади. **Парето бўйича мувозанат** – ўйинчилардан бирининг ҳолатини, иккинчи ўйинчининг ҳолатини ёмонлаштирумagan ҳолда, яхшилаб бўлмайдиган вазият.

Устун стратегия деб иштирокчига бошқа иштирокчининг ҳаракатларидан қатъи назар ўйинчининг максимум фойдалилигини таъминловчи ҳаракатлар режасига айтилади. Ўз навбатида, ўйиндаги иккала иштирокчи устун стратегияларининг ўзаро кесишуви устун стратегиялар мувозанати бўлади. Нэш бўйича мувозанат – ҳар бир ўйинчининг стратегияси бошқа ўйинчининг ҳаракатига яхши жавоб бўладиган вазият. Штакельберг бўйича мувозанат ўйин иштирокчилари томонидан қарорлар қабул қилинишида вақт омили мавжуд бўлганда юзага келади, яъни улардан бири бошқаси қандай йўл тутганлигини билган ҳолда қарор қабул қиласи.

Шундай қилиб, Штакельберг бўйича мувозанат қарорлар бир вақтнинг ўзида қабул қилинмаган шароитда ўйинчиларнинг максимум фойдалилиги мос келади. Устун стратегиялар мувозанати ва Нэш бўйича мувозанатдан фарқли ўлароқ мувозанатнинг ушбу тури ҳамма вақт мавжуд бўлади. Нихоят, бир вақтнинг ўзида иккала ўйинчининг ҳам фойдалилигини ошириб бўлмайдиган ҳолатда Парето бўйича мувозанатга эришилади. Қуйидаги

мисолда мувозанатнинг барча тўртта турини излаш технологиясини кўриб чиқамиз.

Фараз қилайлик, А фирма Б фирманинг муайян маҳсулотни ишлаб чиқариш учун монополиясини бузишга уринади. А фирма бозорга чиқиши-чиқмасликни, Б фирма эса, борди-ю А фирма бозорга киришни ҳал этса, ишлаб чиқариш ҳажмини пасайтириш масаласини ҳал қиласи. Б фирмада ишлаб чиқариш ҳажми ўзгармай қолган тақдирда, иккала фирма ҳам ютқазади. Агар Б фирма ишлаб чиқариш ҳажмини пасайтиришга қарор қилса, у ўз фойдасини А фирма билан «баҳам кўради» [47].

Кўрсаткичлар		Б фирма -ишлаб чиқариш ҳажмини	
А фирмабозорга	кириш	сақлаб қолиш	пасайтириш
	кирмаслик	-3; -2 0; 10 [ $N_1$ St <sub>B</sub> ]	4; 4[N <sub>2</sub> St <sub>A</sub> P] 0; 10

*Устун стратегияли мувозанат.* А фирма иккала вариандаги воқеалар ривожида ўзи ютугини тақослади (агар Б фирма нарх-наво «урушини» авж олдирмаса, -3 ва 0) ва (агар Б фирма ишлаб чиқариш ҳажмини пасайтиришга қарор қилса, 4 ва 0). У ҳолда А фирма учун Б фирманинг ҳаракатларидан қатъи назар энг кўп ютуқни таъминловчи стратегия мавжуд эмас:

0>-3  $\Leftrightarrow$  агар Б фирма ишлаб чиқариш ҳажмини аввалги даражада сақлаб қолса, «бозорга кирмаслик»;

4>0  $\Leftrightarrow$ , агар Б фирма ишлаб чиқариш ҳажмини пасайтираса, «бозорга кириш».

Б фирмада устун стратегия мавжуд: у А фирманинг ҳаракатидан қатъи назар ишлаб чиқариш ҳажмини пасайтиришдан манфаатдор 4>-2, 10=10,. Демак, устун стратегиялар мувозанати мавжуд эмас.

*Нэш бўйича мувозанат.* Б фирманинг ишлаб чиқариш ҳажмини аввалги даражада сақлаб туриш тўғрисидаги қарорига А фирманинг энг яхши жавоби - бозорга кирмаслик, ишлаб чиқариш ҳажмини пасайтириш қарорига эса, - бозорга кириш.

А фирманинг бозорга кириш тўғрисидаги қарорига Б фирманинг энг яхши жавоби - ишлаб чиқариш ҳажмини пасайтириш, бозорга кирмаслик қарори қабул қилинганда эса – иккала стратегия ҳам бир хил натижа беради. Шунинг учун, Нэш бўйича иккита ( $N_1$ ,  $N_2$ ) мувозанат (4; 4) ва (0; 10) нуқталарида турибди: А фирма бозорга киради, Б фирма эса ишлаб чиқариш ҳажмини пасайтиради; ёки А фирма бозорга чиқмайди, Б фирма эса ишлаб чиқариш ҳажмини пасайтиромайди. Бунга ишонч ҳосил қилиш осон, чунки ушбу нуқталарда иштирокчилардан ҳеч бири ўз стратегиясини ўзгартиришдан манфаатдор эмас.

*Штакельберг бўйича мувозанат.* Фараз қилайлик, биринчи бўлиб А фирма қарор қабул қиласи. Агар у бозорга киришга қарор қилса, пировардида (4; 4) нуқтада бўлади: Б фирманинг танлаши ушбу вазиятда бир хил, 4>-2. Агар

у бозорга чиқмасликка қарор қылса, якун икки нүкта (0; 10): Б фирманинг қарори иккала вариантни ҳам қўллаш имконини беради. Буни билган ҳолда, А фирма, 4 ва 0 ни таққослаб, ўз фойдасини (4; 4) нүкталарда кўпайтиради. Қарорлар бир хил ва Штакельберг бўйича биринчи мувозанат  $St_A$  (4; 4) нүкталарда бўлади. Ҳудди шу тариқа, биринчи бўлиб қарорни Б фирма қабул қилганда, Штакельберг бўйича мувозанат  $St_B$  (0; 10) нүкталарда бўлади.

*Парето бўйича мувозанат.* Парето бўйича оптимумни аниқлаш учун, биз «Ўйиннинг исталган бошқа якунига ўтиш бир вақтнинг ўзида иккала иштирокчи учун ҳам фойдалиликнинг ошишини таъминлайдими?» деган саволга жавоб берәтиб, ўйиннинг барча тўртта якунини изчил танлаб олишимиз зарур. Масалан, (-3; -2) якундан биз кўрсатилган шартни бажараётиб, исталган бошқа якунга ўтишимиз мумкин. Фақат (4; 4) якундан биз, бунда ўйинчилардан ҳеч бирининг фойдалилигини камайтирган ҳолда, ҳаракатлана олмаймиз ва бу Парето бўйича – Р мувозанат бўлади.

### 3.3. Ўйинлар назарияси таянч моделларининг таснифи

Ўйинлар назарияси учун бир неча таянч моделлар мавжуд [40]. Ушбу моделлар Нэш бўйича мувозанат нүкталарининг сони билан ва уларнинг Штакельберг бўйича ва Парето бўйича мувозанат нүкталарига мос келиши ёки мос келмаслиги билан фарқ қиласи.

Умумий қўринишда моделлар турлари ўйинлар назариясида фойдаланиладиган иккала иштирокчи учун қуидаги қўринишга эга бўлади<sup>8</sup>:

St/N	2	1	0
=	I. $N_1=St_1=St_2=P \neq N_2$	II. $N=St_1=St_2=P$	
		III. $N=St_1=St_2 \neq P$	
≠	IV. $N_1=St_1=P_1 \neq (N_2=St_2=P_2)$	V. $N=St_1=P_1 \neq (St_2=P_2)$	VII. $St_1=P \neq (St_2=P)$
		VI. $N=St_1 \neq (St_2=P)$	VIII. $St_1=P \neq St_2$

I модел. Масалан, иккита талаба томонидан учрашув жойининг танланиши вазиятини акс эттиради. Улардан ҳар бирини ё кутубхонада ёки буфетда топиш мумкин. Буфетдаги учрашув иккала талабага ҳам фойдалиликни таъминлаши назарда тутилади: улар кофе ёки бирор хил шарбат устида сухбат ўтказишлари мумкин.

1-талаба	2-талаба	
	Кутубхонага бориш	Буфетга бориш
Кутубхонага бориш	0; 1	2; 2[N <sub>2</sub> ]
Буфетга бориш	3; 3[N <sub>1</sub> St <sub>1</sub> St <sub>2</sub> P]	1; 0

<sup>8</sup> Олейник А.Н. Институциональная экономика. Теория игр и моделирование взаимодействий. / Вопросы экономики. №3, 1999, с. 141.

Бу ўйин унинг ёрдамида «фокал нуқта» – иккала талаба томонидан ўзлари танлайдиган учрашув жойи ғояси акс эттирилиши туфайли қизикарли. Агар иккаласи ҳам бир-бирини яхши билса, улар бир-бирини топиши мумкин бўлган жойни тахмин қилиш уччалик қийинчилик туғдирмайди. «Фокал нуқта» буфет бўлиши эҳтимоли кўпроқ.

II модел. Эр-хотин ўртасидаги қатъий шаклдаги кескин вазиятни намоён этади. Эр-хотин иккита муқобил – концерт ёки футболга бориш вариантидан бирини танлаш йўли билан кечки вақтни қандай ўтказишни ҳал этади. Ҳар бирининг фикри равшан: хотин – концертга, эр – футболга боришни афзал кўради. Бунда эр-хотин кечки вақтни биргалиқда ўтказишдан хордик чиқаришни анча паст баҳолашади.

Эр	Хотин	
	Концертга бориш £	Футболга бориш
Концертга бориш	1; 3	0; 0
Футболга бориш £	2; 2 [N <sub>1</sub> St <sub>1</sub> St <sub>2</sub> P]	3; 1

Ўйин шуниси билан қизиқки, бу ерда иккала иштирокчida ҳам устун стратегия мавжуд (£) «концертга бориш» – хотин учун, «футбол матчиға бориш» - эр учун.

III модел. «Маҳбуслар дилеммаси» муҳокамаси.

1-гумондор	2-гумондор	
	Айбни тан олиш £	Айбни тан олмаслик
Айбни тан олиш £	1; 1 [N St <sub>1</sub> St <sub>2</sub> ]	3; 0
Айбни тан олмаслик	0; 3	2; 2 [P]

IV модел. Эр-хотин ўртасидаги аввалги қаттиқ шаклдаги ихтилоғли вазиятнинг юмшоқроқ варианти. Қатъий шаклдаги ихтилоғли вазиятнинг юмшоқ шаклдан фақат битта фарқи мавжуд, эр-хотин биргалиқда ўтказилган кечки вақтдан кўрилган манфаатни юқори баҳолайдилар:

Эр	Хотин	
	Концертга бориш	Футболга бориш
Концертга бориш	2; 3 [N <sub>2</sub> St <sub>2</sub> P <sub>2</sub> ]	0; 0
Футболга бориш	1; 1	3; 2 [N <sub>1</sub> St <sub>1</sub> P <sub>1</sub> ]

V модел. Ушбу модель қуролсизланиш муаммосини ифодалайди. А мамлакат Б мамлакатга нисбатан уруш бошлиш масаласини ҳал этади, Б мамлакат эса қуролланиш ёки қуролсизланиш вариантларидан бирини танлайди. Муаммо шундан ибортки, қуролсизланган Б мамлакт тажовузкор А

мамлакат учун осон ўлжага айланади, қуролланган мамлакат эса тажовузга тажовуз билан жавоб қайтариши мумкин:

А мамлакат	Б мамлакат	
	Қуролланиш	Қуролсизланиш £
Уруш эълон қилиш	0; 0	3; 1 [N St <sub>1</sub> P]
Уруш эълон қилмаслик	2; 2[St <sub>2</sub> P]	1; 3

VI модел. Бирон-бир романни ўқиш тўғрисида қарор қабул қилиш билан боғлиқ оғир маънавий танлов вазиятини акс эттиради. Биринчи китобхон, агар у китобни ўқий олмаса, афсус чекади, лекин, агар у ушбу романни барибир ўқиши бошласа, ўзи бундан уялади. Иккинчи китобхон – мунофиқнинг фикрига кўра, китобни ўқиши ҳаммага таъқиқлаш лозим, лекин агар романни ўқиши керак бўлса, у ҳолда фақат унинг ўзи ўқиши лозим:

1-китобхон	2-китобхон	
	Ўқимаслик £	Ўқиш
Ўқимаслик	0; 3	3; 1 [St <sub>2</sub> P]
Ўқиш	1; 1 [N St <sub>1</sub> ]	2; 0

VII модел қўйидаги ўйин кўринишида амалга оширилади. Ҳар бир ўйинчи ўйин бошида 2 долларга эга ва ушбу сумманинг ярмини қутига солиб қўяди. Сўнgra қути биринчи ўйинчига топширилади, у ушбу суммани ўзида қолдириши ёки қудукқа ташлаб юбориши мумкин. Иккинчи иштирокчи биринчи ўйинчининг хатти-ҳаракатини олдиндан айтиб бериши лозим, агар у бунинг уддасидан чиқса, 1 доллар олади. Бундан ташқари, агар қути қудукқа ташланмаса, ўйинчилар ундаги суммани ўзаро бўлиб оладилар:

1-ўйинчи	2-ўйинчи	
	Қудукқа ташлаш	Қудукқа ташламаслик
Қудукқа ташлаш	0; 2	2; 0
Қудукқа ташламаслик	3; 1 [St <sub>2</sub> P]	1; 3 [St <sub>1</sub> P]

VIII моделда давлат билан сармоядор ўзаро муносабатлар ифодаланади. Сармоядорда ҳаракатларнинг икки варианти мавжуд – мамлакатда инвестицияни амалга ошириш ёки оширмаслик. Давлат эса инвестициялардан олинадиган даромадларга юқори солиқ белгилаши ёки солиқни умуман бекор қилиши мумкин:

Давлат	Сармоядор	
	Инвестиция киритмаслик	Инвестиция киритиш
Солиқ жорий этиш	0; 1	3; 0
Жорий этмаслик	1; 2 [St <sub>2</sub> ]	2; 3 [St <sub>1</sub> P]

Юқорида изоҳланган моделларни кўриб чиқиши индивидлар ўртасидаги ўзаро ҳамкорлик жараёнида юзага келадиган қатор муаммоларни аниқлаш ва таҳлил қилиш имконини беради:

- *мувофиқлаштириши муаммоси* Нэш бўйича иккита нуқта мавжуд бўлган ҳолларда пайдо бўлади (I, IV моделлар). Мувофиқлаштириш муаммосининг ҳал этилиши қўшимча институционал шарт-шароитлар жорий этилиши, «фокал нуқталар» ёки келишувлар мавжуд бўлишини талаб этади. Масалан, эр хотиннинг қизиқишилари бир жойдан чиқсан ҳолларда, улар ўз харакатларини мувофиқлаштириши анча осонлашади;

- *бирга бўла олиши муаммоси* Нэш бўйича мувозанат мавжуд бўлмаган вазият учун хосдир (VII, VIII моделлар). Агар институтлар стратегияларни танлашни чекламаса ва «йўналтирмаса», индивидлар ўз харакатларини мувофиқлаштира олмайдилар. Масалан, давлат билан сармоядор ўртасидаги ўзаро муносабатга давлатнинг нуфузи омилиниң жорий этилиши (2, 3) якунда тўхталиш имконини беради;

- *кооперация муаммоси* - Нэш бўйича мувозанат мавжуд, у ягона, лекин Парето бўйича оптимал эмас (III модел - «маҳбуслар дилеммаси»). Ушбу вазиятда ҳам институционал чекловнинг жорий этилиши Парето бўйича оптимал натижага эришишни таъминлайди;

- *адолатлилик муаммосининг* долзарблиги - Нэш бўйича ягона мувозанат асимметриқ, ютуқнинг ўзаро ҳамкорлик иштирокчилари ўртасида адолатсиз тақсимланиши билан тавсифланади (V, VI моделлар). Адолатсизлик муаммосини ҳал этиш варианatlаридан бири тақрорланадиган ўйинларга ўтиш ва «аралаш» стратегиялар асосида нормалар яъни,  $t_0$  вақт лаҳзасида индивид А стратегияни,  $t_1$  вақт лаҳзасида эса Б стратегия танлагандан бўлади.

### Қисқача хулоса

Институционал иқтисодий назариянинг предметини индивидларларнинг ўзаро ҳамкорлиги ҳамда ушбу ҳамкорликни таъминловчи тузилмалар ташкил этади.

Жон фон Нейман ва Оскар Моргенштерннинг «Ўйинлар назарияси ва иқтисодий хатти-харакат» (1944) китобидаги фикрлар институционал иқтисодиётда ўйинлар назариясини татбиқ этиши учун асос бўлган. 1994 йилга келиб, биринчи бор “нокооператив ўйинлар” назариясидаги мувозанат таҳлили учун бир варакайига уч тадқиқотчи иқтисодиёт бўйича Нобель мукофотига сазовор бўлди. Булар: Райнхад Селтен (Германия), Жон Нэш (АҚШ), Жон С.Харсани (АҚШ). Ўйинлар назариясидаги формал моделни ташкил этиш учун: иштирокчи индивидларнинг мавжудлиги; ҳар бир иштирокчининг имкониятлар тўплами; иштирокчиларнинг стратегиялари ҳисобга олиниши лозим.

Ўйинлар назарияси таркибий жиҳатдан кооператив(коалицияли) ва нокооператив (коалициясиз) назарияларга ажратилади. Ўйин (G)ни таҳлил этишда уч қисм: ўйинчилар сони (N); стратегиялар мажмуаси (St); иштирокчиларнинг ютуқ (P)лари асос бўлади.

Ҳар бир ҳамкорлик учун мувозанатларнинг турли хиллари мавжуд бўлиши мумкин: устун стратегияли мувозанат, Нэш бўйича мувозанат, Штакельберг бўйича мувозанат ва Парето бўйича мувозанат.

### ***Таянч сўз ва иборалар***

Ўйинлар назарияси, расмий модель, кооператив (коалицияли) ва нокооператив (коалициясиз) назариялар, стратегия, устун стратегияли мувозанат, Нэш бўйича мувозанат, Штакельберг бўйича мувозанат ва Парето бўйича мувозанат.

### ***Такрорлаш учун саволлар***

1. Нима учун институционал назарияда математик аппарат неоклассикаси учун анъанавий ҳисобланган математик аппарат тилидан эмас, балки ўйинлар назариясидан фойдаланилади?
2. Индивидлар ўртасидаги ўзаро ҳамкорликнинг қайси асосий муаммолари ўйинлар назарияси ёрдамида моделлаштирилади?
3. Кооператив (коалицияли) ва нокооператив (коалициясиз) назарияларнинг хусусиятларини изоҳланг.
4. Устун стратегияли мувозанатни шарҳлаб беринг.
5. Нэш бўйича мувозанатни шарҳлаб беринг.
6. Штакельберг бўйича мувозанатни шарҳлаб беринг.
7. Парето бўйича мувозанатни шарҳлаб беринг.

## **IV - боб. РЕЖА ИНСТИТУТИ ВА БОЗОР ИНСТИТУТИ**

### **4.1. Иқтисодиёт фаолият юритишининг нормалар тизимининг шаклланиши**

Нормалар индивидларнинг ўзаро мувофиқ муносабатлари барқарорлигининг асосий кафолати ҳисобланади. Индивид томонлар харакатларини тушуниш ва ўз харакатини улар билан мувофиқлаштириш учун бирор-бир нормани танлаш баробарида умуман тизимнинг барқарорлигини таъминлайди. Индивид нормадан четга чиқса, уни нормага қайтарувчи тартибга солиш механизмининг мавжудлиги нормалар тизимини шакллантиради. Шунингдек, нормалар тизими макро ва микродаражалар ўртасидаги асосий боғловчи бўғинга айланади.

Индивидларнинг иқтисодий фаолият юритишини таъминловчи нормалар тизимиға иқтисодиётнинг асосий қонуни (конституцияси) дейилади. Буйруқбозлик ва бозор иқтисодиёти тизимларида ўзаро зид нормаларга амал қиласди. Масалан, бозор тизими фақат индивидлар кундалик иқтисодий фаолиятида у асосланадиган нормалардан фойдаланган даражага кўра барқарор ва такрор ишлаб чиқаришга қодир бўлади. Шахсий манфаатларини кўзловчи индивидлар ўртасидаги битимлардан макроиқтисодий даражага ўтиш бозор хатти-харакатлари нормалари орқали амалга оширилади.

Буйруқбозлик иқтисодиётининг нормалар тизими сурункали тақчиллик, яъни ресурсларнинг етишмаслигини ўзида намоён этади. Тақчилликнинг маълум даражада барқарорлашуви ҳамда иқтисодий агентлар ушбу даражага мослашуви тизимда *нормал тақчиллик* ҳолатини юзага келтиради. Бунда буйруқбозлик иқтисодиётига хос навбатнинг катталиги ресурслар ва тайёр маҳсулотларнинг нормал захиралари ва хоказолар тушунилади. Бошқача айтганда, нафақат Вальрас бўйича умумий мувозанат иқтисодий тизимнинг барқарор ҳолати билан чекланади, балки тизим ҳатто мувозанатсиз ҳолатда ҳам барқарорлашиши мумкинлиги намоён бўлади.

Умуман, буйруқбозлик ва бозор тизимларида қўлланиладиган нормаларнинг таркибий тузилишини қўйидаги жадвалда кўриш мумкин.

Қўйида ушбу нормаларнинг иқтисодиётда намоён бўлиши кўриб чиқилган.

**4.1.-жадвал**

#### **Иқтисодиёт асосий қонуни нормаларининг гурухланиши**

<b>Бозор иқтисодиёти нормалари</b>	<b>Буйруқбозлик иқтисодиёти нормалари</b>
Мураккаб фойда (манфаат) кўриш (утилитаризм)	Оддий фойда (манфаат) кўриш
Рационал мақсадли феъл-атвор	Мафкуравий қадрият рационаллиги
Индивидуаллаштирилмаган ишонч	Индивидуаллашган ишонч
Хайриҳоҳлик	«Сен – менга, мен - сенга»,
Ижобий маънода эркинлик	
Конунга ихтиёрий бўйсуниш	Конунга тилда буйсуниш

## **4.2. Буйруқбозлик иқтисодиёти нормалари**

Буйруқбозлик иқтисодиётининг нормал ҳолатлари учун зарур бўлган нормалардан бири оддий фойда кўриш ҳисобланади. Бунда индивид томонидан ўз фойдалигини оширилиши ўзига хос равишда намоён бўлади. Яъни, оддий фойда олиш индивиднинг самарали фаолияти билан боғлиқ бўлмаган ҳолда ўз фойдалигини оширишга интилишидир.

Индивид истеъмол маданиятидаги оддий фойда кўриш “квартира – машина – дала ҳовли” учлигига акс этади. Индивидда бундай катта орзунинг юзага пайдо бўлиши ва қулай хаёт шароитларини тъминлашга интилиш сабиқ шўролар (советлар) жамияти намунасида XX асрнинг 70-80-йиллардаги ўзига хос шаклга эга тенденциялар билан тавсифланади. Бунда истеъмолнинг маълум даражасига эришиш учун ноёб (тақчил) ресурслардан фойдаланиш имконияти самарали меҳнат бўйича эмас, балки маълум касб тоифасидаги ходимлар (савдо соҳаси, бюрократик аппарат, темир йўл ва ҳаво йўли транспорти ходимлари, чет элга чиқиши имкониятидагилар) ўртасида бўлинган эди.

Яъни фойда (манфаат) кўриш нормаси буйруқбозлик иқтисодиётида фақат оддий шаклда – индивиднинг самарали фаолият билан боғлиқ бўлмаган ҳолда фойдалиникни оширишга интилиши сифатида мавжуд бўлган. Иккинчидан, тақчиллик шароитидаги истеъмолда фойдалиникни оширишга интилиш навбатда туриш зарурлиги, асабузарликлар, оворагарчиликлар, жанжаллар (низолар) туфайли келиб чиқсан юқори руҳий кечинмалар билан чекланди. Буйруқбозлик тизимининг бу тавсифи «сабр чегараси» тушунчаси билан ҳам изоҳланади. Сабр чегараси деганда низолар ва кескинликлар жамланишининг ундан кейин иқтисодий агентлар шикоят қила бошлайдиган ва норозилик намойиш этадиган даражаси тушунилади. Шундай қилиб, буйруқбозлик иқтисодиётининг биринчи нормаси *оддий ва чекланган фойда кўришидан* иборат.

Буйруқбозлик иқтисодиёти нормалари тизимининг иккинчи унсури тўлиқсиз рационал фаолият билан изоҳланади. Бунда, биринчи навбатда ахборотнинг чекланганлиги ва тўлиқсизлиги билан шартланган тўлиқсиз рационаллик тушунилади. Иқтисодий агентлар эркин шаклланмаган нарх ва тақчил ресурслар шароитида нархлардаги мавжуд ахборотни нархга тааллуқли бўлмаган – захиралар ҳажми, навбатларнинг узунлиги ва ҳоказолар ҳақидаги маълумотлар билан тўлдирадилар. Соф кўрсаткичларда ахборот олиш эса, ҳамма вақт уни йиғиши билан боғлиқ юқори даражадаги харажатларни келтириб чиқаради. Натижада тизимда «низо», яъни сотувчи ва харидорлар фикрларини мувофиқлаштиришда кечикишлар пайдо бўлади.

Низо прогнозлардаги хатолар, манфаатдор шахсда бошқа субъектларнинг ҳолати ва мақсадлари тўғрисида ахборотнинг мавжуд эмаслиги, манфаатдор шахснинг қарор қабул қилишдаги бекарорлиги, ўзгарувчан шароитга мослашишдаги нокулайлиги шаклига эга бўлади. Бундан ташқари, тўлиқсиз рационал фаолият, иқтисодий агент учун факат ташқаридан белгиланган мақсадларга эришиш воситаларини танлаш эркинлиги билан ифодаланган. Мафкура билан белгиланган партия-хўжалик аппаратининг мафкуравий

мақсадлари режа топшириқлари шаклини қабул қилувчи муайян маъмурӣ ва хўжалик вазифаларига айланади. Бошқача айтганда, буйруқбозлик иқтисодиётида иқтисодий субъектларнинг фаолияти – мафкуравий қадрият рационаллиги меъёрига асосланади.

Ишонч нормаси иккита шаклда давлатга ишонч сифатида ва бир бирини яхши билган шахслар доираси билан чекланган микродаражадаги ишонч сифатида мавжуд бўлади. Ҳар қандай аҳамиятли битимнинг давлат органига: партия, режа, таъминот органига мурожаат этиш билан боғлиқлиги сабабли давлатга ишонмай, бошқа йўл тутишнинг иложи йўқ. Бундай вазиятда бевосита ҳамкорга ишониш мутақо ортиқча бўлиб, давлат учинчи томон сифатида битим шартларининг бажарилишини кафолатлайди. Бироқ микродаражадаги *ишонч* барibir *максимал индивидуаллашган* шаклда мавжуд бўлади.

Бу норма ҳам уй хўжалигига, ҳам корхонада амал қиласи. Уй хўжалигининг ижтимоий ва иқтисодий ҳаётида оғирлик марказининг оила-қариндошлиқ таркиби, дўстлар ва таниш-билишларга кўчирилади. Масалан, ўзаро ҳамкорлик умуман врач, сартарош билан эмас, балки *tanish* врач ёки сартарош билан амалга оширилади. Корхоналар хатти-ҳаракатини ҳам худди шундай таърифлаш мумкин. Улардан ҳар бири барқарор шерикчилик доирасига эга бўлиб, бунда ушбу корхоналар раҳбарлари ўртасида шахсий даражада ишончли муносабатлар йўлга қўйилади. Яъни директорлар ўртасида ўзаро ёрдам ва ўзаро ишонч тамойиллари асосига қурилган корпоратив муносабатлар шаклланади.

Буйруқбозлик иқтисодиётининг навбатдаги асосий нормаси «*сен – менга, мен - сенга*», ёки ўзаро хизматлар қўрсатиш тўғрисидаги келишувдир. Тақчил ресурсни олишнинг кенг тарқалган вариантларидан бирига кўра, истеъмолчи ва етказиб берувчи вақти-вақти билан вазифаларини алмаштириб туради, яъни “бугун мен пўлат бериб турман, сен эса эртага болтдан ёрдам қилиб турасан”. Айнан ҳар қандай бартер битими асосида «Сен – менга, мен - сенга» нормасидан фойдаланиш ётишига ишонч ҳосил қилиш мумкин. Ҳатто, бартер алмашуви занжир бўйича амалга оширилиши мумкин бўлса-да, ушбу нормага локал ва таниш-билишлар доираси билан чекланган хусусиятни йўқотиш имконини бермайди.

Нихоят, қонунга бўйсунни нормаси. Ҳар қандай ўзаро муносабатнинг давлат назорати остида бўлишига қарамай, буйруқбозлик иқтисодиёти доирасида қонунлар партия манфаатларига бўйсунган. Бунинг учун расмий асос бўлмаса-да, партия қарорлари *de facto* қонун кучига эга бўлган. Ҳатто эълон қилинган *de jure* умумхалқ мулкчилик шакли ҳам *de facto* мулкчилик шакли билан, хусусан, бюрократик органлар – «идоралар» (вазирликлар ва идоралар) мулки бўлган. Бюрократиянинг бундай ўзбошимчалиги оддий фуқароларнинг қонунга нисбатан муносабатига акс таъсир ўтказган. Бошқача айтганда, буйруқбозлик иқтисодиётида иқтисодий субъектларнинг хатти-ҳаракати қонунга *тилда* бўйсунни нормаси сифатида тавсифланади. Демак, буйруқбозлик иқтисодиёти конституциясининг асосий нормалари тизимнинг мувозанатсиз ҳолатини барқарорлаштирга хизмат қиласи.

### **4.3. Бозор иқтисодиёти нормалари тизими**

*Бозор иқтисодиёти нормалари* – бозорда битимларни амалга ошириш ва унда мувозанатга эришиш имконини берувчи хатти-харакатларнинг ўзаро шартланган нормалари йифиндисини ташкил этади. Бозорлардаги барқарор мувозанат бозор нормаларидан фойдаланишнинг натижаси ҳисобланади Бозор нормалари тизими асосида ётувчи биринчи норма – *мураккаб фойда кўриш* нормаси бўлиб, у нафақат индивидни фойдалиликни оширишга йўналтириш, балки унинг олинадиган фойда билан ўзининг самарали фаолияти ўртасидаги алоқани англаб етишини назарда тутади. Яъни фойда (манфаат) кўриш индивид томонидан ўз фойдалилигининг самарали фаолият асосида оширилишидир.

Мураккаб фойда кўриш нормаси индивиднинг эҳтиёжлар даражаси ва самарали фаолияти ўртасидаги номувофиқликни истисно этади. Баъзан бундай номувофиқлик юқори ишлаб чиқариш салоҳияти ва юқори меҳнат самарадорлигига эга бўлмаган мамлакат ахолиси ўртасида юқори истеъмол стандартларининг тарқалишида юзага келадиган «номувофиқ кутишлар инқилоблари» асосида ётади. Ушбу вазиятда асосан оммавий ахборот воситалари орқали юз берадиган янги истеъмол стандартини қабул қилиш жамиятда ҳукмронлик қилувчи самарали фаолият моделига тааллуқли бўлмайди.

Бундан ташқари, қулай шароитлар мавжуд бўлганида оддий утилитаризм фойдалиликни оширишни рентани излашга айлантиришни назарда тутади. Мукаммал рақобат вазиятидан ҳар қандай четга чиқиш, алмашиб (тарифлар, квоталар) учун чекловлар ўрнатилиши оддий утилитаризм сайди-харакатларини рентани излашга ёки, бошқача айтганда, фойдага самарасиз йўналтирилишга айлантиради. Индивиднинг рентани кўпайтиришга интилишини норматив чеклаш сифатида мураккаб манфаат кўриш, яъни индивид томонидан бошқалар зиёнига эмас, балки фақат ўз фаолияти ҳисобидан ютуқقا эришиш мумкинлигининг тан олиниши муқобил вариант ҳисобланади.

Агар фойда кўриш нормаси индивиднинг мақсадли вазифасини белгиласа, *рационал мақсадли феъл-атвор (хатти-харакат)* нормаси фойдалиликни муайян вазифаларнинг ҳал этилиши билан боғлаган ҳолда оширишни муайянлаштиради. Маълумки, рационал мақсадли феъл-атвор индивиднинг рационал ва ўйланган мақсадига эришиш учун ташқи олам нарсалари ва *инсонларнинг* маълум феъл-атворидан фойдаланишини назарда тутади. Ахборотнинг тўлиқсизлиги ва уни қайта ишлаш бўйича малакали қобилияtlарнинг чекланганлиги шароитида рационал мақсадли феъл-атвор найранг қилишга айланади: агар индивид катта ҳажмдаги ахборотга эга бўлса, у ўзининг ҳамкори билан найранг қиласи. Индивид шу усул билан атрофидагиларни ўз мақсадига – фойдалиликни оширишга эришиш воситасига айлантиришга уринади.

Айрим агентларнинг фойдаланилган автомобиллар бозори ва «маънавий хатар» билан боғлиқ суғурта бозорида бошқаларни зиёнга учратиши ахборот асимметриясидан фойдаланишга классик мисол бўлади. Бундай айёрлик, яққол ёки нозик шаклда алдаш билан шахсий манфаат кўзланадиган хатти-харакатга

оппортунизм номи берилган. Рационал мақсадли феъл-атворни оппортунизмга айлантиришга қарши кафолатлар барча иштирокчилар фаолиятининг қуидаги ё таркибий ёки расмий-хуқуқий жиҳатлари билан тавсифланади:

- мукаммал малакали қобилият ва алмашувда тўлиқ ахборотга эга бўлиш;
- шартнома тузишда маҳсус таомиллардан фойдаланиш.

Иккинчи жиҳат оптимал шартнома назариясини маҳсус ўрганиш обьекти ҳисобланади, шунинг учун бу ерда бозорнинг асосий қонунига иккинчи унсури сифатида *тўлиқ рационаллик* мезонларига жавоб берувчи *рационал мақсадли феъл-атворни таъкидлаш* лозим.

Мақсадли рационал феъл-атвор шаклланиши асосларидан бири атроф-мухитдаги нарсаларни ва кишиларнинг феъл-атворини кутилаётган воқеликка нисбатан мос равишда айта олишдир. Индивид томонидан қабул қилинадиган қарорлар хатарининг ҳамкор фаолияти асосида аниқланган вазиятлари кутилаётган воқеликка шартнома иштирокчиси ҳаракатларининг мос бўлиши учун ўта аҳамиятлидир. Ўзаро боғлиқлар шароитида индивидлар ўртасидаги мунособатларни тартибга солувчи норма сифатидаги ишонч бўлган тақдирда мақсадли рационал ҳаракатга эришилди.

Индивидга ўз ҳаракатини бошлашига қадар атрофдаги ҳаракатлар аниқ бўлиб, индивид танловига айрим атрофдаги ҳаракатлар бўйича кутилишларнинг таъсир қилиши ишонч дейилади. Бозордаги битим билан индивидуаллашмаган ишонч ўртасидаги боғлиқлик олдиндан тўловларнинг амал қилишида намоён бўлади. Бу энг оддий бозор битими ҳисобланади. Иқтисодиёти ривожланган малакатларда индивидуаллашмаган ишонч бўйича ўтказилган сўровларга жавоблар (Дания-94 %; Германия-90 %; Франция-84%)да юқори натижаларга эришилган.

Бозор иқтисодиётининг яна бир нормаси хайриҳоҳлик бўлиб, бунда индивид ўзини ҳамкор ўрнига қўйиб кўради ва унинг барча кечинмалари, қизиқишлиари ва мўлжалларини бозор субъекти сифатида ўзидан ўтказишга ҳаракат қиласи. Айрим шахслар доираси билан чекланмаган хайриҳоҳлик индивиднинг ўз ҳаракатларида эркинликка чиққани билан боғлиқ. Инсоннинг фаолияти қанча эркин бўлса, у атрофдагиларнинг ҳаракатини шунча яхши тушунади ва уни олдиндан айта олади. Бу эркинлик нормасининг рационал асосланган мақсадга эришишда тўсиқ эмас, балки муваффақият шартига айланишини таъминлайди. Сўнгги норма очиқлик (эркинлик) бўлиб, бунда қонунни ҳурмат қилиш ва ўз ихтиёрига кўра, унга бўйсимиш тушунилади. Бу норма айни чоғда, мулкий хуқуқларнинг самарали ҳимоя қилинишига ҳам йўл очади. Юқорида баён этилганлардан шу нарса келиб чиқадики, бозор иқтисодиёти нормалари тизимида ҳам айрим нуқсонлар мавжуд бўлгани ҳолда, уларнинг ўзаро боғлиқ тарзда амал қилиши тизимнинг мунтазам такомиллашувига хизмат қиласи.

#### 4.4. Мулкчилик ҳуқуқларини иқтисодий асослаш

Индивидлар учун мулкчилик ҳуқуқларини ўрнатиш ҳамда ушбу ҳуқуқларга уларнинг амал қилиш зарурати қонунга ихтиёрий бўйсуниш нормалари билан ўзаро узвий боғланган. Мулкчилик ҳуқуқлари индивидлар ўртасида юзага келадиган ўзаро муносабатлардаги ноаниқликни камайтирувчи институтлардан бири ҳисобланади.

Мулкчилик ҳуқуқларини таҳлил қилиш учун иккита фермер ўз подаларини бири паст ҳосилдор бўлган иккита яйловда ўтлатишини кўриб чиқамиз [47]. Берилган ҳолатга кўра, ем-хашак захиралари ушбу яйловларнинг ҳар бирида бир вақтнинг ўзида иккита подани ўтлатиши имконини бермайди.

4.2.-жадвал

#### Фермерларнинг яйловлардан фойдаланиш имкониятлари

Кўрсаткичлар		2-фермер	
1-фермер	Биринчи яйловда ўтлатиши - P <sub>1</sub>	Биринчи яйловда ўтлатиши -P <sub>2</sub>	Иккинчи яйловда ўтлатиши - P <sub>2</sub>
	Иккинчи яйловда ўтлатиши - P <sub>1</sub>	2; 2	8; 4 [N <sub>2</sub> P <sub>2</sub> P St <sub>1</sub> ]
		4; 8 [N <sub>1</sub> P <sub>1</sub> St <sub>2</sub> ]	1; 1

Ушбу ҳолатда Парето бўйича оптималлик нуқтаи назаридан иккита бир хил якун (4; 8) ёки (8; 4) мавжуд. Якунлардан бирини қайд этувчи институционал қарорлар бир нечта бўлиши мумкин. Улардан энг оддийси яйловдан фойдаланишдаги устуворликни унга биринчи бўлиб ўз подасини олиб келган фермерга берувчи қоидани қўллашдан иборат. Келиш тартиби бўйича ноёб ресурс (яйлов)ни тақсимлаш – навбат институти фаолият юритиши асосида ётувчи тамойиллардан бирини акс эттиради. Бироқ навбат институтидан фойдаланиш подани қайси яйловга олиб бориш тўғрисида қарор қабул қилиш вақтида фермерларнинг иккиланишини камайтиrmайди, балки оширади. Бундан ташқари, иккиланиш ҳар сафар яйловни танлашда ҳам тақрорланади.

Яйловда мулкчилик ҳуқуқларининг ўрнатилишигина масалани ҳал этишнинг муқобил варианти бўлади. Масалан, 1-фермер биринчи яйловнинг, 2-фермер эса иккинчи яйловнинг мулқдори ҳисоблансин. Ҳатто фермерларнинг нафлиилиги нуқтаи назаридан бундай қарорнинг номутаносиблигини ҳисобга олган ҳолда, икковининг ҳам манфаати йўлида мулкчилик ҳуқуқларини тан олиш ва ҳурмат қилиш лозим. Кам ҳосилли яйловни оловчи иккинчи фермернинг мулкчилик ҳуқуқлари жорий этилгунга қадар ва ундан кейинги нафлиикни таққослайлик.

Мулкчилик ҳуқуқлари ўрнатилгунга қадар иккинчи фермер, агар у подасини биринчи яйловга олиб борса,  $2 P_1 + 8 (1- P_1) = 8-6P_1$  га, агар у подасини иккинчи яйловга олиб борса,  $4 P_1 + 1 (1- P_1) = 3P_1 + 1$  га эга бўлади. Сўнгра иккинчи фермер томонидан биринчи яйловнинг танланиши эҳтимолини ҳисобга олган ҳолда,  $P_1, EU = P_2 (8-6P_2) (3P_1+1)$  га, оддий ҳолатда  $P_1 = P_2 = 1/2$  га эга бўламиз, бу  $EU = 3,75$  ни беради. Мулкчилик ҳуқуқлари ўрнатилганидан

кейин эса иккинчи фермерга 4; яъни,  $4 > 3,75$  га тенг бўлган ютуқ кафолатланган.

Иккала фермер ҳам бир вақтнинг ўзида битта яйловдан фойдаланган ҳолатларда паст ютуқларга эришишга алоҳида эътиборни қаратиш лозим. Мазкур ҳолат очик фойдаланишда бўлган ресурсларни нооқилона истеъмол қилишда ўз аксини топадиган «жамоат мулки фожиасини» намоён этади. Бундай ресурслардан фойдаланишнинг хусусий ва жамоат сарф-харажатларининг номувофиқлиги уларнинг тугашига олиб келади. Бошқача айтганда, ресурсга нисбатан мулкчилик ҳуқуқлари аниқ ўрнатилмаган ҳолларда унинг истеъмол қилиниши салбий ташки таъсирлар ёки экстерналларнинг пайдо бўлиши билан боғлиқ. Мисол тариқасида яна иккала фермер томонидан бир вақтнинг ўзида бир яйловдан фойдаланишни тасвирловчи ҳолатни кўриб чиқамиз. Мисолда ишлаб чиқаришнинг фақат икки омили – фермерларнинг ери ва меҳнати ҳисобга олинсин.

Фараз қилайлик, яйловга қўшимча меҳнат бирлиги сарфланган, яъни биринчи фермер эгаллаган яйловга иккинчи фермер ўз подасини олиб келди. Ушбу ҳолатда қўшимча меҳнат сарфининг самараси пасаяди. Ишлаб чиқариш (етиштириш) умумий ҳажми ошгани ҳолда қўшимча меҳнат қилган фермернинг манфаатдорлиги пасаяди ва ўртacha маҳсулотнинг камайиши юз беради. Агар яйлов хусусий мулкчиликда бўлса, у ҳолда мулкдорнинг шахсий сарф-харажатлари кўпроқ самара келтиради ва рента энг юқори бўлади. Агар яйлов умумий фойдаланишда бўлса, меҳнат сарфи самарадорлигининг даражаси пасайиб, рента йўқолади.

Юқорида баён этилганларга якун ясад, таъкидлаш лозимки, мулкчилик ҳуқуқларининг ўрнтилиши камида иккита сабабга кўра, иқтисодий агентлар манфаатларига мос келади, яъни уларнинг ўзаро ҳамкорлигидаги ноаниқлик (иккиланиш) камаяди ва ресурслардан фойдаланиш оптималлашади.

### Қисқача хуносат

Нормалар индивидларнинг ўзаро мувофиқ муносабатлари барқарорлигининг асосий кафолати ҳисобланади. Иқтисодиётнинг асосий қонуни (конституцияси) деб индивидларнинг иқтисодий фаолият юритишини таъминловчи нормалар тизимига айтилади. Буйруқбозлик ва бозор тизимларида иқтисодиёт қонунининг нормалари ўзаро зид ҳолда амал қиласи. Буйруқбозлик иқтисодиётининг нормалар (оддий фойда кўриш, максимал индивидуаллаштириш, «сен – менга, мен - сенга», қонунга тилда бўйсуниш) тизими сурункали тақчиллик, яъни ресурсларнинг етишмаслигини намоён этади. *Бозор иқтисодиёти нормалари тизими* – бозорда битимларни амалга ошириш ва унда мувозанатга эришиш имконини берувчи хатти-ҳаракатларнинг ўзаро шартланган нормалари (мураккаб фойда кўриш, рационал мақсадли феълатвор, индивидуаллашмаган ишонч, хайриҳоҳлиқ, очиқлик) йифиндисини ташкил этади.

### ***Таянч сўз ва иборалар***

Иқтисодиёт асосий қонуни (конституцияси), буйруқбозлик ва бозор иқтисодиёти нормалари тизими, оддий фойда кўриш, максимал индивидуаллашган, «сен – менга, мен – сенга», қонунга тилда бўйсуниш, мураккаб фойда кўриш нормаси, рационал мақсадли феъл-атвор, индивидуаллашмаган ишонч, хайриҳоҳлик, очиқлик.

### ***Такрорлаши учун саволлар***

1. Иқтисодиёт асосий қонуни тушунчасининг моҳиятини шарҳланг.
2. Агар буйруқбозлик иқтисодиёти ҳатто сурункали тақчиллик мавжуд бўлганда ҳам барқарор тизимни ўзида намоён этган бўлса, у ҳолда ўтиш иқтисодиётининг туб бекарорлигининг сабаблари нимада?
3. Буйруқбозлик иқтисодиётининг унсури ҳисобланган оддий фойда кўриш нормаси унинг бозор нормасидан қандай фарқ қиласи?
4. Бозор иқтисодиётидаги хайриҳоҳлик нормасининг маъносини тушунтириб беринг.

## **V - боб. ТРАНСАКЦИЯ ВА ТРАНСФОРМАЦИЯ ХАРАЖАТЛАРИ ҲАМДА УЛАРНИ ТАҲЛИЛ ҚИЛИШГА ЁНДАШУВЛАР**

Тадбиркорлик фаолиятини юритувчи иқтисодиёт субъектлари (юридик ва жисмоний шахслар) фаолияти жараёнида мулкчилик хуқуқи алмашиши (шартномалар асосида маҳсулотни сотиш ёки сотиб олиш ва шу каби бошқа ҳолатларда), бошқа шахслар томонидан мулкка нисбатан ноқонуний хатти-харакатлар содир этилган шароитларда уни ҳимоя қилиш ёки иқтисодий ислоҳотлар жараёнида аввал фаолият юритиб турган институтлар ва нормаларни янгилари билан алмаштириш зарурати юзага келади.

Шундай вазиятларда тадбиркор ёки давлат томонидан турли харажатлар қилишига зарурат пайдо бўлади. Бундай харажатлар хорижий манбаларда “трансакция харажатлари” тушунчаси билан юритилади ва у институционал иқтисодиёт назариясининг таркибий қисмларидан бири сифатида институтлар билан бир қаторда унинг категорияси ҳисобланади.

Трансакция харажатлари тушунчаси билан бир қаторда трансформация харажатлари тушунчаси ҳам мавжуд бўлиб, ушбу тушунчаларни тўғри англаб этиш уларни таҳлил қилиш учун муҳим аҳамиятга эга.

### **5.1. Трансакция ва унинг турлари**

Инглиз тилидаги “transaction” сўзини икки таркибий қисмга ажратиш мумкин, яъни “trans” (транс), ўзбек тилида “ўзаро” сўзини билдиради, “action” (акция) эса – “ҳаракат” деганидир. Булардан келиб чиқадики, “трансакция” сўзи “ўзаро ҳаракат” деган маънони билдиради.

Демак, “трансакция” – бу иқтисодиёт субъектларининг ҳар қандай ўзаро ҳаракатини ёки ўзаро муносабатини англатади, қайсиким бунда ҳеч бўлмагандан битта ҳамкор иштирок этиши зарур. Шундай қилиб трансакция иқтисодиёт субъектлари ўртасидаги ўзаро ҳамкорликка асосланган ҳаракат ҳисобланади.

Илмий манбалар таҳлили шуни кўрсатадики, “трансакция” тушунчасига муаллифлар ёндашувига ҳамда тадқиқот обьектига қараб таърифлар берилган.

Трансакция – бу товарларни ўзаро алмашиш эмас, балки жамият томонидан яратилган мулкчилик хуқуқлари ва эркинликлардан ўзгалар фойдасига воз кечиши ва уларни ўзлаштириш ҳисобланади. Ушбу трансакция таърифидан шу нарса келиб чиқадики, трансакциянинг маъноси қандайдир нарсаларни бевосита алмашишни амалга оширишдан эмас, балки қандайдир активларга бўлган муайян хуқуқларнинг бир субъектдан бошқасига ўтишини англатади.

Трансакция – бу иқтисодий жараён ҳисобланади, ушбу жараёнда унда иштирок этувчи томонлар муайян иқтисодий мақомга (мулкдор, фойдаланувчи мақоми ва х.к.) эга бўлишади ёки бошқалар ундан воз кечади.

Трансакциянинг таърифи ва унинг изоҳлари трансакция турларини кўриб чиқиши, уларнинг бир турини бошқаси билан алмаштириш жараёни нима билан

шартланганлигини аниқлашга имкон беради. Трансакцияларни турларга ажратишнинг аҳамияти шундан иборатки, у иқтисодиёт субъектлари ўртасидаги ўзаро алмашувларга воситачилик қилувчи муқобил варианtlарни қиёсий таҳлил қилиш имконини беради. Муқобил варианtlар – бу иқтисодиёт субъектлари ўртасидаги чекланган неъматлар борасидаги ўзаро ҳамкорликка воситачилик қилувчи қоидаларнинг тизимли ёпиқ (бўлинмас, ўзаро бир-бирини тўлдирувчи) тўпламлари йигиндиси ҳисобланади.

Трансакцияларни қўйидаги учта турини ажратиш мумкин:

Савдо битими трансакцияси, бошқарув трансакцияси ва мукаммаллаштириш трансакцияси.

1) Савдо битими трансакцияси – мулкий ҳуқуқ ва эркинликларни тасарруфидан чиқариш ва ўзлаштириш жараёнини амалга оширишга хизмат қиласи ва унинг амал қилиши учун иқтисодий манфаатлар ҳисобга олинган ҳолда икки томоннинг розилиги керак бўлади.

2) Бошқарув трансакцияси – бунда асосий тушунча одамлар орасида бўладиган бошқарув муносабатлари бўлиб, ушбу ҳолатда қарор қабул қилиш ҳуқуки фақат бир томонда бўлади.

3) Мукаммаллаштириш трансакцияси – бунда томонлар ҳуқуқларининг номутаносиблиги кузатилади, бироқ бошқарувчи томон ўрнида ҳуқуқлар таснифини амалга оширувчи жамоа бошқарув органи иштирок этади. Бундай трансакциялар орқали иқтисодий агентлар орасида бойлик қайта тақсимланади.

Савдо битими трансакциясида мулкчилик ва эркинлик ҳуқуқларини амалда қўлга киритиш ва улардан воз кечиши амалга ошириш учун тарафларнинг улардан ҳар бирининг иқтисодий манфаатига асосланган икки томонлама розилиги зарур. Савдо битими трансакцияси – унда тарафлар ўртасидаги ҳуқуқий муносабатларнинг ўхшашлиги шартларига амал қилиш мумкин бўлган ягона шакл.

Бундай савдо битими трансакциясига ёлланма ходим ва иш берувчи (ёки улар иттифоқлари)нинг меҳнат бозоридаги ҳаракатлари, қонун чиқарувчиларнинг сиёсий бозордаги хатти-ҳаракатлари, кредитор ва қарздорнинг вақтинчалик бўш турган пул маблағлари бозоридаги ҳаракатлари мисол бўла олади. Тарафлардан ҳар бири алмашувда иштирок этиш тўғрисида мустақил тарзда якуний қарор қабул қиласи. Шу нуқтаи назардан савдо трансакцияси ҳуқуқий жиҳатдан teng, лекин музокаравий кучда teng бўлиши шарт бўлмаган, тарафлар ўртасида амалга оширилади.

Бироқ, ҳар қандай ҳолатда савдо битими трансакциясининг моҳияти алмашувчи тарафлар ўртасидаги ихтиёрий келишув асосида мулкчилик ҳуқуқлари билан алмашибдан иборат, бу ушбу иқтисодиёт субъектлари ҳуқуқий муносабатларининг ўхшашлиги оқибатидир.

Бошқарув трансакциясида инсонлар ўртасидаги қарор қабул қилиш ҳуқуки фақат бир тарафга тегишли бўлганда ўзаро ҳамкорликни назарда тутувчи бошқариш-бўйсуниш муносабати энг асосий ҳисобланади. Трансакцияларнинг ушбу тури корхонанинг ички муносабатларида, бюрократик ташкилотларда, шунингдек, кенг маънода – ички поғона

муносабатларида мавжуд. Бошқарув трансакцияси шунинг учун мавжудки, қарор қабул қилиш ҳуқуки, ундан кутилаётган фойда бозордаги иш ҳақининг бозор ставкасига мос келадиган фойдадан юқори бўлиши лозим бўлган даромадга алмаштирилади. Шу муносабат билан ишчи кучини ёллаш бўйича шартномалар алоҳида ҳуқуқ сифатида эркинликни ажратиш зарурлигини белгилаб берган ҳолда бошқа ихтиёрий шартномалардан тубдан фарқ қиласди.

Бошлиқ билан ходимнинг расмий қоидаларга мувофиқ ўзаро ҳамкорлиги бошқарув трансакциясига оддий мисоллар бўлади. Бошқарув трансакциясида хатти-харакат ноўхаш (асимметрик) хусусиятга эга, чунки тарафларнинг ҳуқуқий ҳолати ва ўз навбатида, ҳуқуқий муносабатлари ҳам бир хил эмас. Савдо битими трансакциясининг объектлари алмашиладиган неъматларга бўлган ҳуқуқлар бўлса, ҳуқуқий муносабатлар тарафларидан бирининг хатти-харакати бошқарув трансакциясининг объекти ҳисобланади.

Агар трансакция ўз тушунчасига мос келса, бошлиқ бу билан бевосита ўз истагини ифода этган ҳолда буйруқлар беради, ишчилар ёки ходимлар эса, бу уларнинг манфаатларига мос келиш-келмаслигидан қатъий назар ушбу буйруқларни бажаради. Буйруқ – бу ишчилар ва ходимлар қўллаши мумкин бўлган йўл қўйиладиган харакатлар тўпламини бир томонлама чеклаш воситасидир.

Мукаммаллаштириш трансакциясида тарафлар ҳуқуқий ҳолатининг асимметриклиги сақланиб қолади, лекин бошқарувчи тарафнинг ўрнини, одатда, ҳуқуқларни таснифлаш функциясини бажарувчи жамоавий орган эгаллайди. Хусусан, директорлар кенгаши томонидан компания бюджетининг тузилиши ва вакиллик ҳокимияти органи томонидан тасдиқланиши, арбитраж судининг харакатланувчи субъектлар ўртасида юзага келадиган низо бўйича қарорлари рационаллаштириш трансакциялари ҳисобланади. Бир тараф (директорлар кенгаши, суд) иккинчи тараф (бўлинмалар раҳбарлари, даъвогар ва жавобгар)нинг ҳуқуқларини белгилаб беради.

Трансакция харажатларининг мавжуд бўлиши трансакцияларнинг у ёки бу турини вақт ва муҳит шароитига мос равища янада самарали бўлишига ёрдам беради. Шунинг учун мазкур операциялар тартибга солувчи қонун-қоидаларга боғлиқ ҳолда трансакцияларнинг турли хилларига боғлиқ бўлади.

Трансакциялар оддий (масалан, бозордан бирор нарсани сотиб олиш) ёки мураккаб (мисол учун, автоматлаштириш тизимини ташқи маслаҳатчилар ёрдамида жорий қилиш) бўлиши мумкин. Мураккаб ва масъулиятли келишувлар ҳар доим шартномалар орқали расмийлаштирилади.

Фьючерс битимлар (фақат келгусида товарни харид қилиш ёки сотиш ҳуқуқи сотиладиган ва сотиб олинадиган палладаги алмашувдан фарқли ўлароқ) трансакцияга энг яққол мисол бўлиб хизмат қиласди.

Умуман олганда, барча турдаги трансакциялар қуидаги икки қисмдан иборат бўлади.

Битимлар тузиш. Бу босқичда харидор сотувчини топиши, нархлар ҳақида маълумотлар йигиши, сифатни баҳолаши, сотувчини танлаши ва у билан битим тузиши керак бўлади. Сотувчи бозорда жой сотиб олиши,

маҳсулот сифати назоратини олиб бориши ва узлуксиз равиша нархлар ҳақида ахборот йиғиши лозим бўлади.

Олди-сотди шартномасини амалга ошириш. Бу босқичда харидор товар ҳақини тўлайди, уни ўз ихтиёрига ўтказади ва товар сифатини қайта баҳолайди.

Ҳар бир трансакция 4 гуруҳдаги маълумотларни ўз ичига олади:

1. Битим иштирокчилари; 2. Трансакцияда ишлатилган ресурслар ва кутилаётган натижалар; 3. Иштирокчиларнинг ресурс ва натижаларга нисбатан ҳуқуқлари; 4. Томонлар мажбуриятлари.

Тузилган шартномалар доирасида трансакция муносабатларини амалга ошириш катта харажатлар билан боғлиқ бўлади (5.1 – расм). Улар икки гуруҳ харажатларига бўлинади – трансакция ҳамда трансформация харажатлари. Ушбу харажатлар моҳияти турлари ва таркиби китобнинг кейинги қисмида батафсил кўриб чиқилади.



## 5.1 – расм. Трансакция муносабатлари ва улар билан боғлиқ харажатлар турлари

Таъкидлаш жоизки, трансформация харажатлари ҳам трансакция харажатлари каби иқтисодий тизимнинг барча поғоналарида юзага келади. Айниқса, трансакция харажатлари бозор иқтисодиётига ўтиш ва унинг тузилмаларини ҳамда янги институционал муҳитни яратишда нисбатан катта ҳажмларда бўлади. Шу билан бир вақтда улар ўткинчи (бир маротабалик) харажатлар эмас, балки бундай харажатлар қўлами давлатнинг макро даражадаги институционал ислоҳотлар сиёсати ҳамда мамлакат ташқи иқтисодий алоқалар ривожи билан узвий боғлиқ ҳисобланади. Шу боис трансформация жараёнлари билан боғлиқ бўлган давлат ҳамда корхоналар миқёсидаги харажат турлари ва таснифларига алоҳида йўналиш сифатида қараш лозимdir.

## **5.2. Трансакция харажатлари ва уларни таҳлил қилишга Коуз-Уильямсон ёндашуви**

Трансакция харажатлари тушунчасини қўллаган ҳолда дастлабки тадқиқотлар Р.Коуз [42] томонидан фирмалар фаолиятини таҳлил қилиш учун ўтказилган. Бунга XX асрнинг 60-йилларида саноати ривожланган етакчи мамлакатларда ижтимоий-иктисодий муаммоларнинг кескинлашуви сабаб бўлган. Ягона хўжалик тизимини яратишга интилиш, меҳнат тақсимотининг чуқурлашуви, мулкнинг янги турлари, масалан, интеллектуал мулкнинг пайдо бўлиши, мулк ҳукуқларининг алоҳида ваколатларга бўлинниб кетиши – буларнинг барчаси трансакция харажатларининг сезиларли даражада ўсишига олиб келди.

Трансакция харажатлари назарияси доирасида ўтказиладиган тадқиқотларни микро ва макродаражаларга бўлиш мумкин. Микродаражада гап жараёнларни корхона (фирма), алоҳида иқтисодий субъектлар даражасида таҳлил қилиш ҳақида, макродаражада эса умуман иқтисодий тизимни таҳлил қилиш ҳақида боради. Ушбу таҳлил қилиш белгисига мувофиқ трансакция харажатлари назариясида иккита ёндашув мавжудлигини изоҳлаш мумкин: биринчиси, Коуз – Уильямсоннинг трансакцион ёндашуви (баркарор фаолият юритувчи институтларни таҳлил қилиш учун) ва иккинчиси Нортнинг трансформацион ёндашуви (институционал ўзгаришларни таҳлил қилиш учун).

Бундай ёндашувлар ўтиш иқтисодиётига эга мамлакатларда трансформацион жараёнларнинг институционал жиҳатларини тадқиқ этиш имконини беради. Хусусан, биринчи ёндашувни давлат ва хусусий мулкчилик тузилмаларининг самарадорлигини қиёсий таҳлил қилиш, норасмий институтларнинг шаклланиш жараёнларини, жамият ва иқтисодиётнинг криминаллашувини изоҳлаш учун, иккинчи ёндашувни эса буйруқбозлик тизимидан бозор иқтисодиёти тизимига ўтишнинг институционал сабабларини, ўтиш иқтисодиётига эга мамлакатларда ислоҳотлар жараёнларининг бориши ва натижаларини таҳлил қилиш учун қўллаш мумкин.

Трансакция харажатларини иқтисодий таҳлилга киритиш, Р.Коузнинг фикрига кўра, бозорга қарама-карши бўлган фирма каби ўзини-ўзи онгли

равища назорат қилиш имконига эга бўлган “оролчалари”нинг мавжуд эканлигини тушунтириш учун зарур бўлган.

Р.Коуз “Фирма табиати”, деб номланган мақоласида (1937) трансакция харажатларини “нархлар механизмидан фойдаланиш харажатлари”, “очик бозорда алмашув трансакцияларини амалга ошириш харажатлари” ёки “бозор харажатлари” сифатида белгилаган. Кейинчалик “Ижтимоий харажатлар муаммоси” мақоласида (1960) Р.Коуз “бозор трансакция харажатлари” иборасидан фойдаланган. Уларнинг моҳиятини у қуидагича ифодалаган: “бозор трансакциясини амалга ошириш учун ким билан битим тузиш маъқуллигини аниқлаб олиш, ким билан ва қандай шартларда битим тузишни истаётганлиги ҳақида барчага маълум қилиш зарур, дастлабки музокараларни ўтказиш, шартномани тайёрлаш, шартнома шартларининг бажарилишига ишонч ҳосил қилиш учун маълумотларни тўплаш ва ҳоказолар”<sup>9</sup>.

Аммо иқтисодий адабиётларда “трансакция харажатлари” ибораси мустаҳкам ўрин эгаллаган. Бунда трансакция харажатларига берилган қуидаги таъриф кенг тарқалди: “трансакция харажатлари – ахборотни тўплаш ва қайта ишлаш харажатлари, музокаралар олиб бориш ва қарорлар қабул қилиш, шартноманинг бажарилишини назорат қилиш ва юридик ҳимоялаш харажатлари”.

Илмий манбаларда берилган таърифларга мувофиқ трансакция харажатларини қуидаги тарзда таснифлаш мумкин:

- 1) ахборотни излаш харажатлари (нархлар, мавжуд товарлар, етказиб берувчилар ва истеъмолчилар тўғрисида ахборотни йигиши ва қайта ишлаш учун сарфланган вакт);
- 2) музокаралар олиб бориш харажатлари;
- 3) алмашувга кирган товар ва хизматларнинг миқдори ва сифатини ўлчаш харажатлари;
- 4) тафсирлаш ва мулкий ҳукуқларни ҳимоялаш харажатлари;
- 5) оппортунистик хатти-харакатдан ҳимоялаш харажатлари, бунда битим шартларини бузувчи ёки бир томонлама фойда олишга йўналтирилган нотўғри хатти-харакат тушунилади.

Трансакция харажатларини таснифлашга нисбатан турлича ёндашувлар мавжуд. Таснифлашни битимни тузиш босқичларига мувофиқ амалга ошириш маъқул. О.Уильямсон трансакция харажатларини битим тузилгунга қадар ва битим тузилганидан сўнг юзага келадиган харажатлар, дея таърифлайди. Агар шерикни қидириб топиш, манфаатларни мувофиқлаштириш, битимнинг бажарилишини назорат қилиш битим тузишнинг босқичлари сифатида ажратилса, у ҳолда трансакция харажатларини таснифлаш қуидаги 5.1-жадвал кўринишига эга бўлади.

Трансакция харажатларининг бундай таснифланиши уларни миқдорий баҳолаш масаласига нисбатан микро ва макроиктисодий даражада ёндашиш имконини беради. Масалан, квартирадан фойдаланиш ҳукуқининг мулкдор

<sup>9</sup> Коуз Р. Фирма, рынок и право. – М.: Дело ЛТД, 1993, 8-9 б.

### Трансакция харажатларининг таснифланиши

Битим тузилгунга қадар амалга оширилган харажатлар	Битим тузилганидан кейинги харажатлар
<b>Ахборотни излаб топиш харажатлари</b> – имкониятли шерик ҳақидаги, бозордаги вазият ҳақидаги ахборотни излаб топиш харажатлари, шунингдек, қўлга киритиладиган тўлиқсиз ва номукаммал ахборот билан боғлиқ йўқотишларни ўз ичига олади.	<b>Мониторинг ва оппортунизмнинг олдини олиш харажатлари</b> – битим шартларига риоя этилишини назорат қилиш ва ушбу шартларни бажаришдан бош тортишнинг олдини олиш харажатлари
<b>Музокаралар олиб бориш харажатлари</b> – алмашув шартлари, битим шаклини танлаш ҳақида мулоқотлар олиб бориш харажатларини ўз ичига олади	<b>Тафсираш ва мулкчилик ҳукуқларини ҳимоя қилиш харажатлари</b> – судлар, ҳакамлар харажатлари; шартномани бажариш жараёнида бузилган ҳукукларни тиклаш учун зарур бўлган вақт ва ресурслар сарфлари, шунингдек, мулкчилик ҳукуқларининг яхши тафсиранмаган ва ишончсиз ҳимоядан кўрилган йўқотишлар
<b>Шартнома тузиш харажатлари</b> - битимни юридик ёки хуфиёна (норасмий) расмийлаштириш харажатлари	<b>Учинчи шахслардан ҳимоялаш харажатлари</b> - учинчи шахслар (давлат, уюшган жиноятчилик ва ҳ.к.)нинг битим натижасида олинадиган фойдали самара қисмiga эътиrozларидан ҳимоялаш харажатлари

томонидан ижарагиша топширилишини назарда тутувчи квартирани ижарага олиш бўйича битим тузишда ижаракининг трансакция харажатлари қўйидаги шаклларга эга бўлади (5.2.-жадвал).

Шундай қилиб, уй-жойни ижарага олишда юзага келадиган трансакция харажатларини миқдорий баҳолашга ё воситачилик фирмаларининг даромадларини таҳлил қилиш, ёки ўртacha соатлик иш ҳақига кўпайтирилган бевосита пул харажатлари ва вақт сарфларини қўшиш ёрдамида эришиш мумкин.

Трансакция харажатларининг кўпгина турлари бевосита кузатилмайди ва шунинг учун бу тоифадаги харажатлар ҳажми статистик жиҳатдан қийин ўлчанади.

Инсонлар ҳамма вақт, ҳеч қандай харажатларни қилмасдан, натижада ишлаб чиқариш қиймати ошиши учун ҳукуқларни қўлга киритиш, бўлиш ва ўрин алмаштириш тўғрисида келишиб олишлари мумкин. Бу “ноль даражали трансакция харажатлари” деб юритилади ва бу ҳукуқий чегараларга боғлиқ ҳисобланади.

Ноль даражали трансакция харажатларида ишлаб чиқарувчи шартномага пиравард натижада ишлаб чиқариш қийматини ошириш учун зарур бўлган барча нарсани киритади. Агар трансакция харажатлари мавжуд бўлmasa, фирманинг фаолият юритиши учун ҳеч қандай иқтисодий асос бўлмайди.

**Квартира ижараси бўйича трансакция харажатлари**

Харажат мазмуни	Харажат шакли
Ижарага топшириладиган квартиralар, уй-жой бозоридаги нархлар ҳақидаги ахборотни излаб топиш харажатлари: маҳсус нашрларни харид қилиш ва эълонлар бўйича қўнғироқлар ёки риэлторлик фирмасига мурожаат этиши	Пул шаклидаги харажатлар ва вакт сарфлари
Танланган квартиralар мулқдорлари билан ижарапининг алоҳида шартлари ҳақида мулоқотлар олиб бориш харажатлари	Воситачи сарфлари ва вакт сарфлари
Танланган квартиralарни бориб кўриш жараёнида уй-жой сифатини баҳолаш харажатлари	Воситачи зиммасига юклатиш мумкин бўлган вакт сарфлари ва транспорт харажатлари
Ижара шартномасини юридик расмийлаштириш, уни нотариал тасдиқлаш харажатлари	Пул шаклидаги харажатлар
Мулқдорнинг ижара шартларини ўзгартириш (ижара тўловини ошириш) бўйича оппортунизмнинг олдини олиш харажатлари	Вакт ва асаб сарфлари
Мулқор ижарачига квартиrани сақлаб туриш юзасидан эътиroz билдирган ва / ёки шартномани муддатидан олдин бузишни хоҳлаган тақдирда шартнома амал қилиши муддатига берилган фойдаланиш хуқуқини химоя қилиш харажатлари	Вакт сарфлари ва судга мурожаат этиши билан боғлиқ пул шаклидаги харажатлар

Баъзи юқори трансакция харажатларига эга бўлган аниқ ҳолатда шартномаларнинг кўпчилиги тузилмайди ва амалга оширилмайди. Чунки уларни ижро этишдан келадиган фойда харажатларга нисбатан анча кам бўлади. Шу тариқа, трансакция харажатлари амалга ошириладиган трансакциялар сонига таъсир кўрсатади (трансакция – шартнома шаклидаги битим). Шуларни инобатга олганда корхоналар нисбий устунлигини ошириш учун трансакция харажатларини тежаш имкониятларини излаш зарурдир.

Микродаражада турли хусусий ташкилий тузилмаларда харажатларни таҳлил этишда қуйидаги тамойиллар кўлланилиши лозим:

1. Трансакция (битим-шартнома) – таҳлилнинг асосий бирлиги.
2. Ҳар қандай муаммони, бевосита ёки билвосита шартномавий муаммо, деб қараб, уни трансакция харажатларини камайтириш нуқтаи назаридан ўрганиш фойдалидир.
3. Трансакция харажатларини тежашга турли трансакцияларни уларни бошқариш тузилмаларига табақалаштирилган тарзда биринтириш йўли билан эришилади.
4. Ташкилий тузилмани танлаш муқобил вариантларни қиёсий институционал баҳолаш асосида кечади.

Микродаражада трансакция харажатлари корхонада ишлаб чиқариш жараёни билан боғлиқ бўлмаган харажатлар ҳисобланади. Бунда қуйидаги харажатлар, яъни шартнома лойиҳасини тузиш, музокаралар юритиш ва келишув кафолатларини таъминлашда юзага келадиган харажатлар, шунингдек,

шартномани самарасиз мослаштириш, унга тузатиш киритиш билан боғлиқ бўлган, шартномани амалга ошириш бўйича танланган йўлдан қайтиш, шартномадаги хатолар ва кутилмаган ташқи низолар натижасида юзага келадиган харажатларни фарқлаш лозим.

Шуни инобатга олган ҳолда, иқтисодиётда институтларни шакллантиришда, улар фаолиятини самарадорлигини оширишда трансакция харажатлари асосий роль ўйнайди. Шу нуқтаи назардан<sup>10</sup> О.Уильямсоннинг қўйидаги хulosаси диққатга сазовор: “моддий ва хомашёларга кам харажатлар билан кўп маҳсулотлар ишлаб чиқарадиган жамият эмас, балки маҳсулотни ишлаб чиқаришда трансакция харажатлари улуши паст бўлган жамият ютуққа эришади”.

### **5.3. Трансформация харажатлари ва уларни таҳлил қилишга Норт ёндашуви**

Микродаражада трансакция харажатларини таҳлил қилишга нисбатан Коуз – Уильямсон ёндашуви трансакцион ёндашув, деб юритилса, макродаражада Норт ёндашуви трансформацион ёндашув, деб юритилади [46].

Таҳлилларга кўра, дастлаб трансформация харажатларини ўрганиш ишлаб чиқариш назарияси доирасида олиб борилган ва харажатларнинг ушбу тури кўпинча ишлаб чиқариш харажатлари – материални жисмоний ўзгартириш, натижада муайян қийматга эга маҳсулот олинадиган жараёнидаги харажатларга тенглаштирилган. Ушбу харажатларга нафақат материалга ишлов бериш харажатлари, балки ишлаб чиқариш жараёнини режалаштириш ва мувофиқлаштириш билан боғлиқ харажатлар ҳам киритилган. Шундай қилиб, бундай талқин этишда трансформация харажатлари тушунчаси кенг маъно касб этади, чунки ушбу ишлаб чиқариш харажатларига уларни фақатгина шартли равища ишлаб чиқариш харажатлари, деб аташ мумкин бўлган трансформация харажатлари ҳам киради.

Мазкур ҳолатда трансформация харажатлари муайян маҳсулотни ишлаб чиқариш билан эмас, балки институционал тизимни ўзгартириш билан боғлиқ. Шундай қилиб, трансформация харажатларига қўйидаги умумий таърифни бериш мумкин: трансформация харажатлари эски институтларни тугатиш, иқтисодий тизимда янги институтларни шакллантириш (ёки импорт қилиш) ва мослаштириш билан боғлиқ харажатлардир. Булар таркибига нафақат юқорида санаб ўтилган харажат турлари, балки янги институтлар, шу жумладан янги тадбиркорликни ташкил этиш ва бу фаолиятни юритиш билан боғлиқ харажатларни ҳам киритиш мумкин.

Трансформацион ёндашувга мувофиқ жамиятдаги эски расмий ва норасмий қоидаларнинг тугатилиши ва янгиларининг белгиланишига олиб келувчи ўзгаришлар трансформация харажатлари ошишига сабаб бўлади.

Республикамида амалга оширилган мулкни давлат тасарруфидан чиқариш, кичик бизнес ва хусусий тадбиркорликни ривожлантириш, суд-хукуқ

<sup>10</sup> Уильямсон О.И. Экономические институты капитализма: фирмы, рынки, «отношенческая контрактация». – СПб.: Лениздат, СЕВ Press, 1966, с. 640-641.

тизимини ўзгариши, янги қонунчилик тизимини барпо этиш, бозор тизимларини шакллантириш ва шу каби бошқа институтларни ташкил этиш билан боғлиқ харажатлар шулар жумласига киради.

Трансформация ва трансакция харажатлари ўртасида фарқ мавжуд бўлишига қарамай, ушбу харажатлар ўзаро узвий боғланган. Т.Эггерссон томонидан ифодаланган қуйидаги фикр унинг моҳиятини очиб беради: агар трансакция харажатлари катта бўлмаса, у холда иқтисодиёт ундаги мавжуд сиёсий ва бошқа институтлар тўпламидан қатъи назар ҳамма вақт оптимал йўналиш бўйича ривожланади. Яъни институционал тизим фаолиятининг трансакция харажатлари катта бўлмаганда ҳар қандай ўзгаришларга юқори трансформация харажатларининг таҳдиidi тўскенилик қиласи, техник тараққиёт ва (жисмоний ва инсон) капитални жамғариш эса автоматик тарзда иқтисодий ўсишни таъминлайди.

Таъкидлаш лозимки, институционал тизимни ўзгариши нафақат трансформация харажатларининг ўсиши, балки илгариги тизимда мавжуд бўлмаган бир қатор трансакция харажатларининг пайдо бўлишига ҳам олиб келади.

Юқорида айтилган фикрлар кўп жиҳатдан самарасиз институтларнинг узоқ вақт мавжуд бўлиши ва иқтисодий ташкилот турғун шаклларининг фаолият юритишини ҳам изоҳлайди.

Ўзгаришларга тўскенилик қилувчи асосий кучлар Д.Норт томонидан ҳам кўриб чиқилган. Улар жумласига қуйидагиларни киритиш мумкин:

- 1) давлат – агар бу ғазна даромадлари билан харажатлари ўрасидаги фарқни камайтиришга ёрдам берса;
- 2) ўзининг шахсий манфаатларини кўзловчи нуфузли гурӯхлар;
- 3) жамиятнинг унинг аввалги ривожланиш йўналишига боғлиқлигини белгилаб берувчи институционал матрица.

Ўз навбатида, юқори трансформация харажатлари, юзага келган институционал тизимнинг самарадорлигидан қатъи назар, унинг ўзига хос барқарорлаштирувчиси ҳисобланади.

Янада самарали институционал қоидаларнинг жорий этилиши ва институтларнинг ташкил этилиши катта микдордаги трансформация харажатлари билан боғлиқ, бироқ янги институтлардан (трансакция харажатларини тежашдан) келадиган самара анча катта бўлиши мумкин.

Ислоҳотларга сарфланган маблағлар оддий инвестицияларга нисбатан катта хатарлар билан боғлиқ бўлишига қарамай, янги институтларнинг қўпроқ самарадорлигини кутиш, шунингдек, бошқа мамлакатлар тажрибаси институтларни импорт қилувчи ислоҳотчиларни ҳаракатга келтиради.

Бундай ўзгаришларни юқори даражадаги трансформация харажатларига эга ўтиш иқтисодиётида ҳам кузатиш мумкин. Ўтиш иқтисодиётида трансформация харажатларига қуйидаги омиллар таъсир кўрсатади:

**1. Ресурсларни инвестициялашнинг анъанавий соҳаларидан янги институтларни барпо этишига йўналтириши.** Эски хўжалик механизмини тугатиш, нархни шакллантириш ва солиқ солишининг янги усусларига ўтиш,

хусусийлаштириш механизмларини яратиш, молия ва банк тизимини тубдан ўзгартириш – ресурсларни инвестициялашнинг анъанавий соҳаларидан четлаштириш билан боғлиқ.

**2. Қайта ташил қилиши харажатлари.** Унинг икки жиҳатини фарқлаш лозим. Биринчидан, ислоҳотлар жараёнида эски тизимнинг бузилиши янги тизимнинг самарадорлиги намоён бўлгунга қадар юз беради. Бозорни эгаллаб олиш бўйича қатъий курашда иштирок этувчи кўп сонли иқтисодиёт субъектларининг фақатгина бир қисми ўз лойиҳаларини амалга оширади, натижада – жамият йўқотишларга дуч келади. Иккинчидан, мувозанатга томон ҳаракатланиш жараёнида турли субъектлар, шу жумладан давлатнинг ҳаракатлари ҳам уйғулашмаганлиги. Ушбу жиҳат ислоҳотчилар томонидан етарлича баҳоланмаган ва бу ҳанузгача етарлича ўрганилмаган.

**3. Ўтиши рентасини қайта тақсимлаши харажатлари.** Буйруқбозлиқ тизимида жамиятдаги мавжуд ресурсларнинг қатъий тартибга солиниши алоҳида гурухлар учун имтиёзларнинг пайдо бўлишига олиб келди, бу рента даромади билан бир хил бўлади. Улгуржи ва чакана нархлар, шунингдек, ички ва жаҳон нархлари ўртасидаги фарқлар ҳисобидан олинган рентанинг катта қисми давлатга келиб тушиб, турли ижтимоий гурухлар ўртасида қайта тақсимланди, уларнинг кичик қисми эса амалдорлар ва хуфиёна бозор субъектлари томонига ўтди. Иқтисодиётнинг эркинлаштирилиши ушбу хилдаги рента даромадлари ва суиистеъмол қилиш имкониятларининг йўқолишига олиб келиши лозим.

Трансформация харажатларининг турларини таҳлил қилиш ўтиш иқтисодиётига бўлган мамлакатларда уларнинг ўсиш механизмини тушунтириш имконини беради: институтларнинг дастлабки сифати қанча ёмон бўлса, уларни такомиллаштириш учун шунча кўп инвестициялар йўналтирилади; тизим мувозанатдан қанча йироқ бўлса, ўтиш жараёни шунча узоқ давом этади ва тугатиш йўқотишлари шунчалик кўп бўлади; мувозанатдан йироқлик ўтиш рентасини қайта тақсимлаш қўламларининг катталигини, демак у учун курашиш натижасида йўқотишлар катта бўлишини англатади. Таъкидлаш лозимки, ислоҳотлар харажатлари ва фойдаси аҳолининг турли гурухлари ўртасида нотенг тақсимланади, бу кўп жиҳатдан турли ижтимоий гурухларнинг ўзаро ҳамкорлигига боғлиқ трансформациялар динамикасида ўз аксини топади.

Ҳозирги вақтда ўтиш иқтисодиётига эга мамлакатлар, шу жумладан Ўзбекистон ҳамда ривожланаётган мамлакатларда юз берадётган кенг кўламли институционал ўзгаришлар муносабати билан катта ҳажмдаги трансформация харажатлари муаммоси ғоят кескин турибди. Бу ўринда трансформация харажатларини қандай қилиб қисқартириш мумкин ва уларни қисқартириб бўладими деган савол туғилади.

Институционал муҳитни сунъий равишда ўзгартиришда (мавжуд институтларни ўзгартиришда ёки мутлақо янги институтларни импорт қилишда) кўп жиҳатдан уларда бундай институтлар жамият эволюцияси жараёнида шаклланган ва муваффақиятли фаолият юритаётган мамлакатлар

тажрибасини пухта ўрганиш трансформация харажатларининг қисқаришига кўмаклашиши мумкин.

Афсуски, трансформация харажатлари муаммосига олим ва иқтисодчилар фақат сўнгги йилларда эътибор қарата бошладилар ва, трансформация харажатлари ўтиш иқтисодиёти ва ривожланаётган мамлакатлар иқтисодиётининг иқтисодиёт фанида энг зарур ва муҳим унсур ҳисобланishiга қарамай, улар кам ўрганилган омил бўлиб қолмоқда.

Шу билан бир қаторда янги институтларни ташкил этишнинг баъзи усувлари фойдасига ҳал этиш нафақат уларнинг фаолият юритиш самарадорлиги турлича эканлиги туфайли, балки инсонлар ўртача чамалangan баҳони чиқаришда кўрсаткичларни турлича ўлчаш усувларидан фойдаланиши сабабли ҳам фарқ қилиши мумкин.

Шу нуқтаи назардан трансакция ҳамда трансформация харажатларини ўлчаш муаммоси муҳим аҳамият касб этади. Чунки трансакция харажатлари кўпинча ушбу таркибий қисмнинг ўлчаб бўлмаслиги билан тавсифланади. Ушбу соҳада тадқиқот олиб борган мутахассислар фикрига кўра, иқтисодий таҳлилга трансакция харажатларининг киритилиши деярли барча ҳодисаларни трансакция харажатларини камайтириш йўли билан эришилган самарадорлик нуқтаи назаридан изоҳлаш имконини берган бўлар эди. Трансакция харажатларини ўлчаш имконини берувчи усувларнинг ишлаб чиқилиши ушбу соҳада эришилган самарали қадам бўлди.

Таҳлилларга кўра, ўлчаш муаммосини шартномалар тузишнинг турли усувларидағи трансакция харажатларини таққослаш йўли билан ҳал этиш мумкин. Бошқарувнинг муқобил аниқ (мавжуд) тузилмаларини таққослашни кўпинча мураккаб математик аппаратни қўлламай ёки чегара қийматларни ҳисоблаб чиқмай амалга ошириш мумкин. Иккита қийматнинг ўзаро мос келмаганлигини кўрсатиб бериш учун ушбу қийматларнинг чегара қийматлари тенглигига эришиладиган шароитларни аниқлашдаги каби нозик ва мураккаб усувлар талаб этилмайди.

Айрим иқтисодчилар ҳар бир муайян ҳолатда харажатларни аниқ тафсирлашни таклиф этади, масалан, бир ҳолатда – бу хусусий тадбиркорликни ташкил этиш харажатлари (тадбиркорлик шаклини рўйхатдан ўтказиш, лицензия олиш ва ҳ.к.), иккинчи ҳолатда мулкий ҳукуқларнинг ҳаракатини таъминловчи харажатлар, учинчи ҳолатда шартномаларни тузиш ва ҳимоялаш билан боғлиқ харажатлар, тўртинчи ҳолатда корхонада қарорлар қабул қилиш билан боғлиқ харажатлар бўлиши мумкин ва ҳ.к.

Трансакцион ёндашувни қўллашдаги ўзига хос мураккабликлар шундан иборатки, айрим трансакция харажатлари ушбу турдаги харажатларнинг пайдо бўлишига олиб келган трансакцияларнинг мавжуд эмаслиги туфайли тафсирланиши ва ҳисоблаб чиқилиши мумкин эмас. Бундай харажатларнинг ушбу турлари “виртуал харажатлар”, деб аталади.

## **5.4. Трансакция харажатларини оптималлаштириш тажрибаси**

Ўзбекистонда мустақилликнинг дастлабки йилларидан бошлаб Президент Ислом Каримов асослаб берган 5 та тамойил асосида босқичма-босқич олиб борилган бозор ислоҳотлари натижасида иқтисодиётнинг барча тармоқ ва соҳаларида хусусий мулкчилик шаклидаги йирик ва кичик бизнес корхоналари ташкил этилиб, уларнинг бошқарув тизими бозор муносабатларига мос талаблар негизида ўзгартирилди. Улар иқтисодиётимизда салмоқли ўрин эгаллаб, ривожланиб бормоқда. Шу билан бирга, Ўзбекистон Республикаси Президенти Ислом Каримовнинг жаҳон молиявий-иктисодий инқирозига бағишиланган асарида<sup>11</sup> ҳамда 2010 йил 29 январда бўлиб ўтган Вазирлар Маҳкамаси мажлисида сўзлаган нутқида<sup>12</sup> мамлакатимизнинг инқироздан кейинги даврда тараққиёти ва жаҳон бозорларида рақобатбардошлигини таъминлаш бўйича устувор вазифалар белгилаб берилган.

Корхоналарда “қатъий тежамкорлик тизимини жорий этиш, ишлаб чиқариш харажатлари ва маҳсулот таннархини камайтиришни рағбатлантириш ҳисобидан маҳсулотлар рақобатбардошлигини ошириш” ана шундай вазифалар жумласига киради. Ушбу вазифаларнинг бажарилиши натижасида амалда саноат тармоқларида ишлаб чиқарилаётган маҳсулот таннархи 18 фоизга, Олмалиқ кон-металлургия комбинати, “Ўзметкомбинат” акциядорлик ишлаб чиқариш бирлашмаси, “Ўзэлтехсаноат” уюшмаси, “Ўзқурилишматериаллари” компанияси ва бошқа корхона ҳамда тармоқларда 20-25 фоизга камайган<sup>13</sup>. Бундай натижалар корхоналар ва улар маҳсулотларининг жаҳон бозорларида рақобатбардошлигини оширишнинг асосий шартлари ҳисобланади.

Маълумки, иқтисодиёт субъектлари сарф-харажатларининг маълум қисмини трансакция харажатлари ташкил этади. Ушбу тоифага кирувчи харажатларни камайтириш иқтисодиётни модернизация қилиш ва ишлаб чиқаришни диверсификациялаш жараёнларида муҳим аҳамият касб этади.

Хорижий экспертларининг фикрича, фирманинг умумий чиқимларидан трансакция харажатларининг улуши улар анъанавий бозорда фаолият юритганда 1,5 фоиздан 5 фоизгачани, янги сотиш бозорларига чиқишида эса 10-15 фоизни ташкил этади. Ривожланган мамлакатларда трансакция харажатларининг энг катта улуши хўжалик алоқалари субъектлари сонининг ўсиши, демак улар томонидан амалга ошириладиган трансакциялар сонининг ошиши билан боғлиқ.

Ўтиш иқтисодиётига эга мамлакатларда эса, трансакция харажатларининг юқори даражада бўлишига яна бир сабаб – уларда ҳанузгача давлат органлари билан тадбиркорлик субъектлари ўртасидаги ўзаро ҳамкорлик механизми пухта ишлаб чиқилмаган. Ривожланаётган мамлакатларда муаммо шундан иборатки,

<sup>11</sup> Каримов И. Жаҳон молиявий-иктисодий инқирози, Ўзбекистон шароитида уни бартараф этишнинг йўллари ва чоралари. – Т.: Ўзбекистон, 2009. – 56 б.

<sup>12</sup> Каримов И. Асосий вазифамиз – Ватанимиз тараққиёти ва халқимиз фаровонлигини янада юксалтиришдир. – Т.: Ўзбекистон, 2010. – 80 б.

<sup>13</sup> Каримов И. Асосий вазифамиз – Ватанимиз тараққиёти ва халқимиз фаровонлигини янада юксалтиришдир. – Т.: Ўзбекистон, 2010, 38-б.

давлатнинг суд ва ҳуқуқни муҳофаза қилиш харажатларининг асосий қисми иқтисодий субъектнинг зиммасига тушади. Бундан ташқари, трансакция харажатларининг таркибига муайян маҳсулотни сотиш бозорларининг ўзига хос хусусиятлари катта таъсир кўрсатади.

Хорижий манбалар маълумотларига кўра, АҚШ ЯММда хусусий сектор томонидан кўрсатиладиган трансакция хизматларининг улуши 1870 йилги 23 фоиздан 1970 йилда 41 фоизгача, давлат томонидан кўрсатиладиган трансакция хизматларининг улуши 1870 йилги 3,6 фоиздан 1970 йилда 13,9 фоизгача ошган, бу умумий кўринишда 26,1 фоиздан 54,7 фоизгача ўсишни ташкил этади. Юз йил мобайнида ушбу ўсиш қисми трансакция харажатларининг нобозор соҳадан бозор соҳасига томон силжишини акс эттириди, лекин унинг бошқа қисми эса ресурсларнинг реал инвестиция қилинишини намоён этди.

Ўзбекистонда трансакция хизматлари давлат ва нодавлат секторлари ташкилотлари томонидан олиб борилади. Ўзбекистон Республикаси Ташқи иқтисодий алоқалар, савдо ва инвестициялар вазирлиги, Ўзстандарт, Олий хўжалик суди, Адлия вазирлиги, Давлат божхона қўмитаси ва бошқа давлат органлари экспортчилар шартномаларини рўйхатга олиш, рухсат бериш ва бошқа назорат хизматларини олиб боради. Трансакция хизматларни кўрсатувчи нодавлат ташкилотлари Ўзбекистон Савдо-саноат палатаси, ахборот-маслаҳат ва консалтинг марказлари, мулкни баҳоловчи ташкилотлар, маркетинг хизматлари ва бошқа идоралар тадбиркорларни қўллаб-қувватлаш, маслаҳат ва ахборот хизматларни кўрсатади.

Тахлиллар кўрсатадики, тадбиркорга турли трансакция хизматларини кўрсатиш, айниқса уларнинг ўз ишларини очиш билан боғлиқ харажатлар ушбу соҳада хизмат кўрсатувчи давлат сектори тузилмалари зиммасига тўғри келади. Шуларни инобатга олиб, мамлакатимизда Жаҳон молиявий-иктисодий инқирозига қарши чора-тадбирлар дастури доирасида тадбиркорларга рухсат бериш билан боғлиқ амалдаги трансакция харажатлари (тўлов миқдори) қисқартирилди ва улар оптималлаштирилди.

Маълумки, тадбиркор ўз фаолиятини бошлиши учун белгиланган тартибда давлат рўйхатидан ўтиши лозим. Бунинг учун тадбиркор давлат рўйхатини юритувчининг хизмати учун, яъни туман ҳокимлиги бўлинмасига пул тўлаши талаб этилади. Аввал ана шу ҳақ 5 та энг кам иш ҳақи (ЭКИҲ) миқдорида бўлган. Ҳозир эса тадбиркор ҳукумат қарорига асосан 2 та ЭКИҲ миқдорида пул тўлаб, давлат рўйхатидан ўтади. Ёки тадбиркор рўйхатдан ўтиш учун 140,2 минг сўм тўпланган бўлса, ҳозир бу 56,1 минг сўмгача ёки 60 фоизга камайтирилди. Ушбу чора туфайли 2009 йилда давлат рўйхатидан ўтган тадбиркорлар сони 2008 йилга нисбатан 6 минг нафардан кўпни ташкил этди. Шу билан бирга банкда ҳисоб рақами очиш учун тўлов 28 минг сўмдан 14 минг сўмгача камайтирилди. Шунингдек, ер участкаларини расмийлаштириш хизмати харажатлари ҳам 56 фоизга ёки 130 мингдан 58 минг сўмгача қисқартирилган.

Алоҳида таъкидлаш лозимки, тадбиркор томонидан қурилиш лойиҳаларини амалга ошириш ёки қурилиш ишларини бажариш бўйича

танловларда қатнашиш, лойиҳаларни экологик экспертизадан ўтказишга рухсат олиш жараёнлари учун тўланадиган тўловлар суммаси илгари бирмунча юқори бўлган. Масалан, тадбиркор аввал қурилиш архитектура-режа топшириқ тўпламини олиш учун 1 млн. 120 минг сўм маблағ тўлаган, ҳозир эса ушбу сумма 4 баробарга қисқартирилиб, 280,4 минг сўм миқдорида белгиланган. Ёки лойиҳа-смета ҳужжатларини экспертиза қилиш харажати 280,4 минг сўмдан 84,1 минг сўмгача камайтирилган. Шунингдек, экологик экспертиза харажатлари ҳам 701,4 минг сўмдан 28 минг сўмгача ёки 96 фоизга қисқартирилган. Ушбу йўналишда энг катта қисқариш норматив лойиҳаларини экспертизадан ўтказиш бўйича кузатилади, яъни бундай экспертиза учун аввал 2,1 млн. сўм тўланган бўлса, ҳозирда бу кўрсаткич 28,1 минг сўмга тенг ёки қисқариш 99,7 фоизни ташкил этади.

Рухсат бериш жараёнлари харажатларини қисқартириш, ЎзР Монополиядан чиқариш, рақобат ва тадбиркорликни қўллаб-қувватлаш давлат қўмитаси маълумотларига кўра, лицензия ва рухсатномалар қийматисиз 5,4 млн. сўмдан қарийб 831 минг сўмга ёки 6,1 марта га пасайтирилган. Жами ҳар битта тадбиркор ҳисобига тежалган маблағ 4,2 млн. сўмни ташкил этади.

Шу билан бирга “Ўзтелеком”, “Ўзстандарт”, “Қишлоқхўжаликкимё”, “Ўзагромашсервис” ҳамда қурилиш материалларни ишлаб чиқариш тизимларида 30 тадан ортиқ монопол маҳсулот ва хизматларнинг қийматини (нархини) пасайтириш чоралари амалга оширилди. Жумладан, интернет провайдерлар учун техник биноларни ижарага олиш нархи 20 фоизга, уларга техник хизмат кўрсатиш 10 фоизга камайтирилган. Шунингдек, “Ўзстандарт” тизимида синов ўтказиш, метеорология хизматлари, сертификат бериш, калиброква қилиш, сифат тизимини жорий этиш, сертификатлаш хизматларини кўрсатишнинг ўртacha нархи 12 дан 20 фоизгача пасайтирилган.

“Ўзагромашсервис” уюшмаси тизимида 1 гектар майдондаги ғаллани ўриб-йиғиб олишнинг ўртacha нархи 91,3 минг сўмдан 63,2 минг сўмга ёки 30,7 фоизга пасайтирилган. “Чирчиқишлоқхўжмаш” заводида ишлаб чиқариладиган пулуг нархи 6,5 фоизга, “Жиззахпластмасса” заводининг полиэтилен пленкаси нархи 10,7 фоизга пасайтирилган. Қурилиш саноати корхоналарида ишлаб чиқариладиган темир-бетон, шифер, электрод, ғишт ва шу каби бошқа материаллар нархи 11 дан 34 фоизгача камайтирилган.

Тадбиркорларга рухсат бериш учун тўлов харажатларини қисқартириш билан бирга кўплаб чеклов ва рухсатномаларнинг амал қилиш муддатлари ҳам қайта кўриб чиқилган. Жумладан, илгари маҳсулотлар гигиеник сертификатининг амал қилиш муддати 3 йил белгиланган бўлса, ҳозирда бу чеклов муддати бекор қилинган. Фитосанитария хulosаларни бериш муддати узайтирилди, иссиқлик ва электр тармоқларига уланиш учун техник шартларни бериш бир ойдан 3 кунга қисқартирилди. Рекламани жойлаштириш тарифлари ўртacha 20 дан 30 фоизга пасайтирилди. Электр энергиясидан фойдаланиш учун тузилган шартнома шартларига тадбиркорлар манфаатларидан келиб чиқиб ўзгартиришлар киритиш юзасидан қарорлар қабул қилинди.

Трансакция харажатларини пасайтириш ва улар таркибини оптималлаштириш тадбиркорларнинг молиявий-иктисодий салоҳиятини оширишнинг таъсирчан йўли бўлиб, у тадбиркорлар томонидан ишлаб чиқарилган маҳсулотларининг ички ва ташқи бозорларда рақобатбардошлигини ошириш, ишлаб чиқаришни модернизация қилиш, техник ва технологик янгилашга кўпроқ ички инвестицияларни ажратишнинг самарали воситаси бўлиб хизмат қиласи.

### **Қисқача хулоса**

Трансакция харажатлари иктисодий назарияси унда трансакцияни таҳлил қилишнинг асосий бирлиги сифатида иштирок этадиган иктисодий ташкилотни ўрганишга нисбатан қиёсий институционал ёндашувни ўзида намоён этади.

Трансакция харажатлари назарияси институционализмнинг таркибий қисмларидан бири ҳисобланади. Трансакция харажатлари эса институтлар билан бир қаторда унинг асосий категориясидир.

Асосий восита сифатида “трансакция харажатлари” категориясини қўллаган ҳолда дастлабки тадқиқотлар фирма фаолиятини таҳлил қилиш учун амалга оширилди ва бу Р.Коуз номи билан боғлик.

Трансакция харажатлари назарияси қайсиdir маънода неоклассик иктисодий назария босиб ўтган, фирмани тадқиқ этишдан то иктисодий тизимни таҳлил қилишгacha бўлган йўлни такрорлади.

Трансакция харажатлари мулкчилик ҳуқуқларини алмасиш ва ҳимоялаш билан боғлик барча харажатлардир. Трансакция харажатлари пайдо бўлишини изоҳлашнинг камида учта варианти мавжуд: трансакция харажатлари назариясининг ёндашуви, ижтимоий танлов назариясининг ёндашуви ва келишувлар назариясининг ёндашуви. Трансакция харажатларини тавсифлашга нисбатан О.Уильямсон ёндашуви, яъни трансакция харажатларининг битим тузилгунга қадар ва битим тузилганидан сўнг юзага келадиган харажатларга ажратилиши уларни таҳлил қилишнинг асосий усули сифатида қабул қилиниши мумкин.

### **Таянч сўз ва иборалар**

Трансакция харажатлари, трансформация харажатлари, микро ва макродаражা, Коуз-Уильямсон ёндашуви, Норт ёндашуви, иктисодиётда трансформация харажатлари, трансакция харажатларини ўлчаш.

### **Такрорлаши учун саволлар**

1. Трансакция тушунчаси нимани англатади?
2. Трансакцияларни турларини изоҳлаб беринг?
3. “Трансакция харажатлари”га уларнинг моҳиятини тўлиқ очиб берадиган таърифни беринг.
4. Трансакция харажатларининг турларини санаб беринг. Оппортунистик хатти-харакатдан ҳимоялаш харажатлари нима?

5. “Трансформация харажатлари”га таъриф беринг. Трансформация харажатлари ишлаб чиқариш ва трансакция харажатлари билан қандай боғланган?
6. Трансакция харажатларини ўлчаб бўладими? Виртуал ва реал трансакция харажатлари нима?
7. Жамият ривожланиши билан боғлиқ ҳолда пайдо бўладиган трансакция харажатларининг янги турларига мисоллар келтиринг.
8. Муайян ҳолатда трансакция харажатларининг алоҳида турларини ҳисоблаш имкониятини баҳоланг.
9. Ўзбекистонда трансакция харажатларини пасайтириш ва улар таркибини оптималлаштириш учун қандай чоралар амалга оширилган?

## **VI - боб. ХУФИЁНА ИҚТИСОДИЁТ**

Норасмий иқтисодиёт билан боғлиқ муаммоларни ўрганиш иқтисодиёт фанида алоҳида ўрин тутади. Бу ҳол мазкур фаолиятнинг кенг кўламлилиги ва айни пайтда унинг тўлиқ ҳажини ўлчаб бўлмаслиги билан изоҳланади.

Халқаро валюта фонди (ХВФ)нинг баҳоларига кўра, 2000-2001 йилларда жаҳонда хуфиёна фаолиятдан олинган даромад бир йилда 1 трл. доллардан 3 трл. долларгачани ташкил этди, бу жаҳон ялпи маҳсулотининг 2 фоизидан 3 фоизигачасига тенг кўрсаткичdir.

Сўнгги вақтларда иқтисодиётнинг хуфиёна сектори иқтисодчилар, социологлар, сиёсатшуносларнинг диққатини кўпроқ ўзига жалб этмоқда. Хусусан, унинг пайдо бўлиши ва жамиятда янада тарқалиши сабаблари батафсил таҳлил қилинмоқда. Бунда, айниқса, чет элда ва Россияда кўп сонли адабиётларни юзага келтирган янги институционал ёндашувнинг қўлланилиши энг самарали восита ҳисобланмоқда.

Янги институционал ёндашув асосий эътиборни инсоннинг хўжалик фаолиятини белгилаб берувчи ва чекловчи “ўйин қоидалари” билан иқтисодий ривожланиш жараёни ўртасидаги боғлиқликка қаратади. Анъанавий неоклассик назария, ривожланиш жараёнини таҳлил қилаётib, ишлаб чиқаришни ресурслар (ер, ишчи кучи, капитал) сарфи ва ишлаб чиқариш технологиясини товарлар ишлаб чиқариш ва хизматлар кўрсатиш билан боғловчи тизим сифатида кўриб чиқкан ҳолда, уни тор маънода таърифлайди. Институционал ёндашув эса иқтисодиёт билан иқтисодий алмашувда “ўйин қоидалари”ни белгилаб берувчи институтлар ўртасидаги тескари боғлиқликка эътибор қаратган ҳолда, ушбу асосий қоидаларни янада кенгайтиради.

Тадбиркорларнинг ҳаракатлари ўрнатилган “ўйин қоидалари”га мос келиб, улар билан ҳимояланса, иқтисодиёт расмий секторининг унсурлари ҳисобланади. Аксинча, ушбу қоидаларга амал қилинмаган ҳолларда, тадбиркорлар иқтисодиёт хуфиёна секторининг унсурлари сифатида кўриб чиқлади. Бошқача айтганда, ўрнатилган қоидаларга итоаткорлик “қонуний” иқтисодиётда иштирок этишнинг биринчи даражали мезони ҳисобланса, айни пайтда ўрнатилган қоидаларга амал қилмаслик ёки уларни четлаб ўтиш эса хуфиёна иқтисодиётда иштирок этиш мезони ҳисобланади.

### **6.1. Хуфиёна иқтисодиётнинг келиб чиқиши сабаблари**

Қонуний равишда қайд этилган ҳукуқларга эга бўлган алмашувнинг юқори даражадаги трансакция харажатлари ҳамма вақт ҳам энг самарали мулқдорларга мулқчиликнинг зарур ҳукуқларига эгалик қилиш имконини бермайди. Бу ҳол алмашув умуман содир бўлмаётганлиги ва иқтисодий агентлар мулқчилик таркиби нооптималлигича қолишига рози бўлганлигини англатмайди. Аксинча, иқтисодий агентларнинг муқобил қарорни излаши мулқчилик ҳукуқларини тафсирлаш ва улар билан хуфиёна, яъни давлатнинг

иштирокисиз, алмашишни ташкил қилишга уриниши күринишида амалга оширилади.

Хуфиёналик – шахсларнинг кундалик фаолиятни ташкил қилишда мавжуд ҳуқуқ (қонун) нормаларидан фойдаланишдан бўйин товлаш ва ёзилмаган ҳуқуқка, яъни анъана ва урф-одатларда қайд этилган нормалар ҳамда мулкчилик ҳуқуқларини алмашиш ва ҳимоялаш юзасидан келиб чиқсан низоларни ҳал этишнинг ҳуқуқ доирасидан четга чиқувчи механизмларига мурожаат этишидан иборат. Мулкчилик ҳуқуқларини дастлабки тафсирлаш жараёнида давлат уни энг самарали мулкдорларга бера олмайдиган, ҳуқуқлар билан алмашиш эса юқори трансакция харажатлари туфайли мумкин бўлмаган, таъқиқланадиган даражадаги танг вазиятдан чиқиш йўли худди шу тариқа топилади.

Мулкчилик ҳуқуқларининг ошкора ва хуфиёна тизимлари амалга оширилишига кўплаб мисоллар мавжуд. Маъмурий-буйруқбозлик иқтисодиётида, қонунда мустаҳкамланган «мулкчиликнинг умумхалқ хусусияти»га қарамай, асосий ҳуқуқлар ҳам партиявий, ҳам маъмурий (вазирликлар, юқори ташкилотлар) буюрократия қўлида эди. Тегишлича савдолар ва битимлар шаклини ҳосил қилган низоларни ҳал этишнинг муқобил механизмлари ҳам мавжуд эди, бунда алмашув предмети сифатида нафақат товар ва хизматлар, балки «жамиятдаги мавқе, ҳокимият ва бўйсуниш, қонунлар ва уларни бузиш ҳуқуқи» ва ҳатто ишлаб чиқариш давлат режалари ҳам иштирок этган.

Перулик олим Эрнандо де Сото тадқиқотларида Лотин Америкаси мамлакатлари мисолида хуфиёна иқтисодиёт масалалари жиддий таҳлил этилган. Уларда давлат суд-хуқуқ тизими ва у ҳимоя қиласидиган мулкчилик ҳуқуқлари алмашувларнинг фақат кичик бир қисми механизмини шакллантиради. Уларда – чакана савдо, жамоат транспорти, қурилиш каби иқтисодиётнинг бир қатор секторлари фаолияти мулкчилик ҳуқуқларининг хуфиёна тизимиға асосланади. Масалан, Перу пойтахти Лима шаҳрида янги қўп қаватли тураржой биносини қуриш мэриядан рухсат олишдан эмас, балки биринчилик тамойили бўйича қурилиш учун майдонни эгаллаб олишдан бошланади. Шу тариқа мулкчилик ҳуқуқларининг ўрнатилиши хуфиёна қайд этилган мулкчилик ҳуқуқи даражаси билан эмас, балки ижтимоий санкциялар ва оддий ҳуқуқ билан ҳимояланади.

Иқтисодий фаолиятни хуфиёна амалга ошириш, биринчи навбатда, қонун доирасидаги ҳаракат билан, яъни юқори трансакция харажатлари билан боғлиқ. Трансакция харажатларининг таснифига асосланган ҳолда, таъкидлаш лозимки, бунда асосан шартномани тузишдаги юқори харажатлар, мулкчилик ҳуқуқларини тафсирлаш ва ҳимоялаш харажатлари ва учинчи шахслардан ҳимоялаш харажатлари назарда тутилади. Де Сото ушбу харажатларни «қонунга бўйсуниш баҳоси», дея таърифлайди. У қўйидагиларни ўз ичига олади:

- қонундан фойдаланиш харажатлари (юридик шахсни рўйхатга олиш, лицензия олиш, банкда ҳисобвараклар очиш, юридик манзилга эга бўлиш ва бошқа расмиятчиликларни бажариш харажатлари);

- қонун доирасида фаолиятни давом эттириш зарурати билан боғлиқ харажатлар (солиқларни тўлаш; меҳнат муносабатлари соҳасида қонун талабларини бажариш (иш қунининг узунлиги, энг кам иш ҳақи, ижтимоий кафолатлар); ошкора суд тизими доирасида низоларни ҳал этишда суд харажатларини тўлаш).

Таъкидлаш жоизки, қонунга бўйсуниш баҳоси нафақат тўғридан-тўғри харажатлар, балки бирон-бир тадбирни бажариш учун вақт сарфларини ҳам ўз ичига олади. Бунда унинг айнан ушбу таркибий қисми қатор ҳолатларда жуда катта бўлади. Масалан, Лима шаҳрида уй-жойни куриш учун рухсат олиш тадбири тахминан 4 йилу 1 ой, майда улгуржи бозорини ташкил қилиш учун рухсат олиш 17 йил, кичик дўконни очиш учун рухсат олиш 43 кун вақтни олган. «Учинчи дунё» айрим мамлакатларида юридик шахсни рўйхатга олиш учун талаб этиладиган харажатлар 6.1-жадвалда келтирилган.

#### 6.1-жадвал

##### **Айрим мамлакатларда юридик шахсни рўйхатга олиш харажатлари**

Мамлакатлар	Вақт сарфи (кунда)	Пул шаклидаги харажатлар (кутилаётган йиллик фойдага нисбатан %да)
Боливия	15-30	0,3-3
Бразилия	31-60	3-8
Чили	12-65	3-6
Эквадор	60-240	15-24
Мексика	83-240	-
Уругвай	75-90	6-160
Гватемала	179-525	4-9
Венесуэла	170-310	6-24

Россияда 1998 йилда корхонани рўйхатга олиш учун вақт сарфи унчалик катта эмас, лекин шу билан бирга қонун доирасида фаолиятни давом эттириш харажатлари тақиқланадиган даражада юқори бўлган. Биринчи навбатда, бу солиқ тўловларига тааллукли бўлиб, қўшилган қиймат солиғи 20 фоизни, айланмадан тўланадиган солиқ 4 фоизни, фойда солиғининг ўртача ставкаси 35 фоизни, иш ҳақи фондига тўловлар (шу жумладан даромад солиғи ва бюджетдан ташқари фондларга тўловлар) 60 фоизни ташкил қилган. Ушбу рақамларни «учинчи дунё» мамлакатларига хос бўлган қонун доирасида фаолиятни давом эттириш харажатлари миқдори билан солиштириш мумкин (6.2-жадвал). Айнан қонунга бўйсунишнинг юқори баҳоси корхонанинг кундалик фаолият кўрсатишини таъминлаш учун қонун меъёрларини қўллашнинг паст фоизини изоҳлайди.

**Айрим мамлакатларда қонунчилик меъёрларига амал қилувчи  
корхоналарнинг улуси (%да)**

Мамлакат-лар	Патент хукуки	Ерсолиги	Фойда солиги	КҚС	Энгкам ишҳақи	Мехнат хавфсизлиги	Иш куни узунлиги	Ижтимоий химоя
Жазоир	м.й.	53	83	83	54	29	30	58
Эквадор	72	м.й.	63	40	87	м.й.	49	36
Ямайка	м.й.	м.й.	м.й.	м.й.	46	27	33	20
Нигер	66	29	9	12	2	7	2	5
Таиланд	м.й.	20	60	м.й.	34	42	33	40
Тунис	85	75	м.й.	м.й.	26	52	60	49
Свазиленд	54	м.й.	16	39	16	19	41	7

**6.2. Хуфиёна иқтисодиёт турларининг таснифи ва уни  
баҳолашга нисбатан ёндашувлар**

Турли қонунчилик меъёрларига амал қилинmasлик ҳолатларининг тез-тез учраб туриши хуфиёна иқтисодиёт ўлчамиининг индикатори бўлиб хизмат қиласди. Бироқ унинг миқдорий ўлчови вазифасини ҳал этишга киришишдан олдин хуфиёна иқтисодиётнинг турли унсурларини таърифлаш лозим. Умуман, хуфиёна иқтисодиёт – унда иқтисодий фаолият қонун доирасидан ташқарида амалга ошириладиган, яъни битимлар қонундан, хўжалик турмушининг ҳуқуқий меъёрлари ва расмий қоидаларидан фойдаланмаган ҳолда амалга ошириладиган соҳа. Хуфиёна иқтисодиёт бир нечта унсурдан таркиб топади.

Хуфиёна иқтисодиётнинг машҳур иқтисодчи Э.Файг<sup>14</sup> томонидан таклиф этилган таснифи дикқатга сазавордир.

Файгнинг фикрига кўра, ҳар бир алоҳида хуфиёна иқтисодиёт турининг тафсифи унинг вакиллари бузадиган институционал қоидалар тўплами билан белгиланади, яъни уларнинг фаолияти қоида ва нормаларнинг ўрнатилган тизими доирасидан ташқариға чиқади ёки уни четлаб ўтади ва, ўз навбатида, ўлчанмайди ва ижтимоий жиҳатдан ҳисобга олинмайди.

Бирор-бир ҳолатда баъзи қоидаларнинг бузилиши хуфиёна иқтисодиёт турларини фарқлаш мезони ҳисобланади. Ушбу мезондан таснифлаш тизими учун асос сифатида фойдаланган ҳолда, Э.Файг хуфиёна иқтисодий ҳаракатларнинг тўрт турини ажратади: нолегал (махфий, яширинча), ҳисобга олинмаган, рўйхатга олинмаган ва норасмий иқтисодий фаолият.

**1. Нолегал иқтисодиёт.** Нолегал иқтисодиёт тижоратнинг қонуний шакллари соҳасини белгилаб берувчи, юридик нормативларни бузувчи иқтисодий фаолият томонидан ишлаб топилган даромаднинг синоними

<sup>14</sup> Файг Э. Определение и оценка подпольной и неформальной экономики: нео-институциональный подход. – М.: РТТУ, 2000. -147 с.

сифатида иштирок этади. Нолегал тадбиркорлар таъкиқланган товар ва хизматларни ишлаб чиқариш ва уларни тақсимлашда иштирок этади (гиёхвандлик моддаларини ноқонуний ишлаб чиқариш, чайқовчилар томонидан валюта айирбошланиши ва ҳ.к.). Бундай таъкиқланган иқтисодий ҳаракатлар, қонунни четлаб ўтган ҳолда, фойдали даромад манбай ҳисобланади. Шунингдек, сиёсий, иқтисодий ва юридик муассасалар барқарорлигига путур етказишга хизмат қиласи.

**2. Ҳисобга олинмаган иқтисодиёт.** Ҳисобга олинмаган иқтисодиёт институционал жиҳатдан ўрнатилган, солиқ кодексида қайд этилган фискал қоидаларни четлаб ўтувчи ёки улардан бўйин товловчи иқтисодий фаолиятни ўз ичига олади. Ҳисобга олинмаган иқтисодиётдан олинган даромадлар солиқ органларига хабар қилинмайди. Бунда “солиқ бўшлиғи” – солиқ тушумларини назарда тутувчи сумма билан амалда олинган даромад ўртасидаги фарқ юзага келади.

Ҳисобга олинмаган даромадларни тадқиқ этиш ривожланган мамлакатларда солиқ солиш соҳасидаги турли ўзгаришларга туртки бўлди. Солиқ тўғрисидаги қонунларнинг соддалаштирилиши ва солиқ ставкаларининг пасайтирилиши солиқ солиш негизининг кенгайиши ва солиқ тизими харажатларининг қисқаришига олиб келди. Шу билан бирга ривожланаётган мамлакатларда ҳисобга олинмаган иқтисодиёт, перулик иқтисодчи Э. де Сато “меркантилист тизим” сифатида таърифлаган самарасиз фискал институтлари мустаҳкамланган ҳолда, фаолият юритишида давом этмоқда.

**3. Рўйхатга олинмаган иқтисодиёт.** Рўйхатга олинмаган иқтисодиёт ҳукumat статистика органларининг талабларига кўра белгиланган институционал қоидаларни четлаб ўтувчи иқтисодий фаолият туридан таркиб топган. Бу ерда давлат миллий статистика тизимида рўйхатга олинмаган даромад суммаси асосий кўрсаткич ҳисобланади. Э.Файгнинг фикрига кўра, рўйхатга олинмаган даромад амалдаги умумий даромад билан статистика тизими томонидан қайд этиладиган даромад ўртасидаги фарқдир.

Ривожланаётган мамлакатларда уйда ишлаб чиқариш рўйхатга олинмаган иқтисодий фаолиятнинг муҳим таркибий қисмларидан бири ҳисобланади. Миллий даромадни ҳисоблаш методикаси уйда ишлаб чиқаришнинг миллий ҳисобга киритилишини назарда тутса-да, мазкур сектор, одатда, уни ўлчашнинг қийинлиги туфайли эътибордан четда қолади. Э.Файгнинг таъкидлашича, уйда ишлаб чиқаришнинг мавжуд баҳоларига кўра, у ривожланган мамлакатларда рўйхатга олинган ЯИМнинг 25-50 фоизини ташкил этади.

Таъкидлаш лозимки, ҳисобга олинмаган ва рўйхатга олинмаган иқтисодиёт ўртасидаги фарқ, юқорида келтирилган таърифлардан келиб чиқиб, ғоят шартли. Агар фаолият статистика органлари томонидан рўйхатга олинмаса, у ҳисобга ҳам олинмайди.

**4. Норасмий иқтисодиёт.** Норасмий иқтисодиёт жамият фойдаси ҳамда мулкчилик муносабатлари, лицензиялаш, меҳнат шартномалари, молиявий кредитлаш ва ижтимоий суғурталаш муносабатларини тартибга солувчи қонунлар ва маъмурий қоидалар билан белгиланган ҳукукларни бузган ҳолда

алоҳида харажатларни тежовчи иқтисодий фаолиятни ўз ичига олади. У норасмий фаолият юритувчи иқтисодий агентлар томонидан олинадиган даромадлар билан ўлчанади.

Иқтисодиётнинг ушбу турига уйда ишлаб чиқаришни киритиш мумкин, чунки иқтисодий нуқтаи назардан у ҳисоблашнинг қийинлиги туфайли ҳисобга олинмайди.

Норасмий секторнинг ҳозирги таърифлари, Э.Файгнинг фикрича, одатда, норасмийликнинг ҳуқуқий концепциясини назарда тутувчи Э. де Сатонинг ғояларини ўзида акс эттиради. Норасмий сектор тўғрисидаги адабиётларнинг катта қисми шаҳар иқтисодиётига бағишлиланган бўлса-да, албатта, қишлоқ норасмий иқтисодиёти янада катта.

Хуфиёна хўжалик айланмаси, табиийки, расмий статистикага киритилмаслиги боис, хуфиёна иқтисодиёт ўлчамларини баҳолаш муаммоси ўта долзарб ҳисобланади. Ушбу мақсад учун қуйидаги ёндашувлардан фойдаланилади:

- монетар усул, у хуфиёна ҳисоб-китобларда фақат нақд маблағлардан фойдаланиш тўғрисидаги гипотезага асосида қурилади (нақд пул массаси ҳаракатининг динамикаси хуфиёна иқтисодиётнинг ўлчамлари ҳақида фикр юритиш имконини беради);

- харажат ва даромадлар баланслари усули, унда декларация қилинадиган даромадлар харажатлар суммаси, товар ва хизматлар истеъмолининг реал ҳажмлари билан таққосланади;

- бандликни таҳлил қилиш, у шуни назарда тутадики, узок вакт мобайнода сақланиб келаётган рўйхатга олинмаган ишсизликнинг юқори даражаси хуфиёна секторда бандлик учун кенг имкониятлар мавжудлигидан далолат беради (рўйхатга олинмаган ишсизлар сони хуфиёна иқтисодиётнинг ўлчамларидан билвосита далолат беради);

- технологик коэффициентлар усули, у харажатларнинг маълум технологик коэффициентлари асосида маҳсулот ишлаб чиқаришнинг реал ҳажми ҳақидаги маълумотларни олиш имконини беради (масалан, истеъмол қилинадиган электр энергиясининг динамикаси ва декларация қилинадиган маҳсулот ишлаб чиқариш динамикаси тўғрисидаги маълумотлар таққосланади);

- уй хўжаликлари ва корхона раҳбарлари ўртасида сўров ўтказиш усули, у хуфиёна иқтисодиётнинг ўлчамига эксперт баҳоларини беради;

- социологик усул, у хуфиёна битимлар амалга ошириладиган алоҳида меъёрлар, уларнинг жамиятда тарқалганлиги, битимларни тузишда қўлланиш даражасини таҳлил қилишдан иборат.

Ёритилган ёндашувларнинг турли-туманлиги хиллиги сабабли олинадиган натижаларни кўпинча таққослаш қийин бўлса-да, хуфиёна иқтисодиёт миқдорининг айrim баҳоларини келтириш мумкин: (ЯИМга нисбатан фоиз ҳисобида): Италия - 15-30, Бельгия - 4-13, Швеция - 0,5-17, Буюк Британия - 2-16, Франция - 15, США - 3-28, Перу -27-28. Россияда 80-йилларнинг охирида ЯИМнинг 20 фоизга яқини, 1996 йилда 23 фоиз.

Юқорида айтиб ўтилганидек, қонунга бўйсунишнинг юқори баҳоси ва хуфиёна иқтисодиётнинг катта ўлчамлари ўртасида тўғридан-тўғри боғлиқлик мавжуд. Бироқ хуфиёна тартибда алмашувларни амалга ошириш ҳам харажатлар билан боғлиқ. Харажатларнинг бир турида тежалишга эришган хуфиёна иқтисодиётда фаолият юритувчи субъектлар бошқа харажатларни кўпроқ амалга оширадилар – улар «хуфиёналик баҳоси»ни тўлашга мажбурдирлар. Хуфиёналик баҳоси бир неча унсурлардан таркиб топади.

*Хуқуқий қоидалардан бўйин товлаш билан боғлиқ харажатлар* қўйидагиларни ўз ичига олади: солик ва бошқа молиявий маслаҳатчилар хизматларига ҳақ тўлаш; ишлаб чиқариш ҳажмининг чекланиши ва реклама натижасида йўқотилган фойда (корхона қанча катта бўлса ва у реклама кампаниясини қанча фаол юритса, назорат қилувчи органларнинг эътибори доирасига тушиш имконияти унда шунчалик катта); «иккиёклама» бухгалтерияни юритиш харажатлари ва шу муносабат билан юзага келадиган корхонадаги ҳисоб юритиш ва назоратдаги қийинчиликлардан кўриладиган йўқотишлар.

*Даромадлар трансферти билан боғлиқ харажатлар.* Ҳатто солиқлар тўлашдан бош тортувчи иқтисодий субъектлар ҳам ўз фаолиятидан фойдали самарани давлат билан баҳам кўради, бироқ бунда улар бунинг эвазига давлатдан ҳеч нарса олмайдилар. Гап шундаки, барча иқтисодий субъектлар билвосита солиқлар ва инфляция солиғини тўлайдилар (биринчи навбатда бу хуфиёна алмашувлар чоғидаги мутлақ нақд пулларга тааллукли). Лекин трансферлар бир томонлама хусусиятга эга – ошкора иқтисодий субъектлардан фарқли ўлароқ, хуфиёна иқтисодий субъектлар бузилган мулкчилик ҳукуқларини химоялаш юзасидан давлатга мурожаат эта олмайдилар. Бунга, жумладан, кредит олиш билан боғлиқ қийинчиликларни ҳам қўшимча қилиш лозим – чунки ўз фаолиятини яширувчи субъектлар кредитга лаёқатлийларни бухгалтерия балансида асослай олмайдилар.

*Солиқлар ва иш ҳақига ҳисоблаб ёзишлардан бош тортиши билан боғлиқ харажатлар.* Даромад солиғи, ижтимоий суғурта фондига ва пенсия жамғармасига мажбурий тўловлардан бош тортиш корхонага иш ҳақини тўлашга тежаш имконини беради, лекин бунда меҳнатнинг ўрнини сармоя билан босиш ва техика билан қайта жиҳозлашдан манфаатдорликни пасайтиради. Арzon меҳнат корхонани «йўлдан оздиради». Бундан ташқари, қўшилган қиймат солиғини ундириш тадбири хуфиёна фаолият соҳасини фақат ишлаб чиқариш занжирининг четки бўғинлари – чакана савдо ва хомашёга ишлов беришнинг бошланғич босқичлари билан чеклайди. Чунки ишлаб чиқариш жараёнининг айнан бошланғич босқичларида ҚҚСни тўламасликдан кўриладиган фойда энг кўп миқдорга етади, айни пайтда оралиқ босқичларда оралиқ маҳсулотнинг хуфиёна ётказиб берувчилари ошкора етказиб берувчиларга нисбатан ютқазиш ҳолатига тушиб қоладилар.

Конуний қайд этилган мулкчилик ҳукуқларининг мавжуд эмаслиги билан боғлиқ харажатлар. Мулкчилик ҳукуқларини хуфиёна тафсирлаш фақат ижтимоий санкциялар ва муносабатларни индивидуаллаштириш йўли билан

ижтимоий тузилмалар доирасида амалга оширилиши мумкин. Мулкчилик хуқуқлари ошкора (фуқаролик келишуви асосида) эмас, балки ижтимоий (анъанавий келишувлар асосида) белгиланади ва ҳимояланади. Шунинг учун фақат барча трансакциялар ижтимоий тузилма - қабила, оила-қариндошчилик ёки қўшни жамоа, миллий доиралар ичидаги амалга оширилганда, хуқуқларни алмасиши ва ҳимоялаш харажатлари жуда паст бўлади. «Четдан» инсон иштирокидаги ҳар қандай битимда мулкчилик хуқуқларини ҳимоя қилишнинг иқтисодий механизмлари амал қилмай қолади.

Демак, хуқуқлар фақат улар ичидаги энг юқори нархни тўлашга тайёр бўлган (яъни энг самарали хуқуқ эгаси) харидор топилиши шарт бўлмаган инсонларнинг қатъий чегараланган доирасига мумкин. Коуз теоремасининг бажарилмаслигидан ташқари, мулкчилик хуқуқларини капиталлаштириш, хуқуқларни эркин ўтказишнинг иложисизлиги ҳам маълум шахслар доираси томонидан хуқуқлар билан алмашувни чеклашнинг натижаси ҳисобланади (ўзбошимчалик билан эгаллаб олинган ер участкасини сотишнинг иложи йўқ). Де Сото хуфиёна қайд этилган мулкчилик хуқуқларини таърифлаш учун «жонсизлантирилган капитал» атамасидан фойдаланади: ушбу капиталдан гаров сифатида фойдаланиш, уни гаровга инвестиция қилиш, эркин сотиш, баъзан эса шунчаки мерос қилиб қолдириш мумкин эмас.

*Шартнома тизимидан фойдаланишининг имконсизлиги билан боғлиқ харажатлар.* Шартномаларни тузишнинг хуфиёна тадбири унда қўплаб иқтисодий субъектлар иштирок этадиган узоқ муддатли лойиҳаларнинг амалга оширилишини қийинлаштиради. Чунки узоқ муддатли лойиҳага маблағлар қўйишига ундовчи омил бўлиб унда иштирок этувчи инсонларнинг шахсий нуфузи эмас, балки нима бўлишидан қатъи назар сармоядорларнинг хуқуқлари ҳимояланишига ишонч ҳисобланади. Ҳақиқатан ҳам, шартномани қайта кўриб чиқиши зарурати туғилган ҳолатларда иштирокчилар битимнинг томонларнинг ҳеч бири ундан манфаатдор бўлмаган барча икир-чикирларига эътибор қаратиши лозим бўлган суд ёки арбитражга мурожаат эта олишмайди.

*Хуфиёна битимнинг мутлақ икки томонлама хусусияти билан боғлиқ харажатлар.* Фаолият ва унинг натижаларини қонундан яширишга уриниш хуфиёна битим иштирокчилари доирасини мумкин қадар чеклашга ундейди. Хуфиёна битим қўпроқ икки томонлама хусусиятга эга. Битимдан манфаатдор бўлган учинчи шахслар (масалан, стихияли юзага келадиган бозорлар яқинидаги мавзелар аҳолиси) унинг иштирокчилари доирасидан чиқарилган, демак, уларнинг манфаатлари битимда ҳисобга олинмайди. Бошқача айтганда, зарарли фойдаланиш хуқуқи, одатда, хуфиёна хуқуқни тартибга солиш соҳасидан ташқарида қолади.

*Низоларни ҳал этишининг хуфиёна тартиботларидан фойдаланиш харажатлари.* Ошкора суд-хуқуқ тизими низоларни ҳал этишининг қатор субинститутларига – оиласий-қариндошчилик ва мафия механизмларига эга. Юзага келган низоларни ҳал этиш учун иккала муқобил вариантдан ҳам фойдаланиш харажатлар билан боғлиқ. Биринчидан, қўп сонли қариндошлар, юртдошлар ва бошқа «ўзиникилар» билан яхши муносабатларни ушлаб туриш

эътибор белгиларини қаратиш учун вақт ва хизматлар алмашиш учун маблағлар талаб қиласди.

Иккинчидан, суд ва кучлилик тузилмалари вазифасини бажарувчи мафия хизматларига мурожаат этиш ўзига хос солиқни тўлаш зарурати билан шартланган. Ҳатто Италияда ушбу солиқ алоҳида – pizzo номига эга бўлган. Ушбу солиқнинг миқдори ё корхона айланмасига нисбатан фоизларда, ёки мафия томонидан бизнесни ҳимоялаш ва низоларни ҳал этиш бўйича кўрсатилган хизматларга teng (эквивалент) ҳисобда ҳисоблаб чиқилади. Бунда давлатдан фарқли равища мафия ўз хизматларининг ҳар бир фойдаланувчисига «солиқнинг» алоҳида миқдорини белгилаган ҳолда монополчини камситувчи сиёsatни олиб боришга қодир бўлади. Ошкора тузилмага нисбатан мафия фаолиятининг маҳаллий хусусияти ахборот манбаларининг анча кенг доирасидан фойдаланишда ўз ифодасини топади.

### **6.3. Хуфиёна бозор институционал тизим сифатида**

Хуфиёна сектор билан боғлиқ энг катта хавф-хатар бозор иқтисодиёти нормасидан кескин фарқланувчи хатти-ҳаракатлар ва битимлар тузишнинг алоҳида нормалари шаклланишидир. Хуфиёна нормалар асосида уларнинг амал қилиши ҳудудий жиҳатдан ва / ёки шахсларнинг маълум доираси томонидан чегараланган ижтимоий механизмлар ётади - қонунга бўйсуниш нормаларининг мавжуд эмаслиги, норларнинг ижтимоий мансублигидан қатъи назар барча иқтисодий субъектларга амал қилишига имкон бермайди.

Хуфиёна нормаларнинг ёзилмаган ва якка ҳол хусусияти туфайли хуфиёна битимлар тузиш учун барчага мос келадиган ўйин қоидаларини ифодалаб бўлмаса-да, хуфиёна иқтисодиёт «конституцияси»нинг асосий унсурларини аниқлаш мумкин. Илмий манбаларда бунга мисол тариқасида иқтисодчилар ва социологлар томонидан яхши ўрганиб чиқилган Италия, Сицилия, Калабрия ва бошқа ривожланган хуфиёна секторга эга мамлакатлар келтирилган.

Давлатнинг (дастлаб Испания, сўнгра Италия давлатининг) кам иштироки ва унинг маҳаллий аҳолининг турмуши ва мулкчилик хуқуқларини ҳимоялашни таъминлашга лаёқатсизлиги Италия жануби тарихий ривожланишининг муҳим омиллари бўлган. Давлат ушбу минтақаларнинг узоқда жойлашганлиги ва ўзи олиб борадиган «бўлиб ол ва ҳокимият ўрнат» сиёsat туфайли уларнинг мавжудлиги ҳақида шунчаки унутиб қўйди. Шунинг учун, айниқса феодал хуқуқнинг бекор қилиниши ва майда мулқдорлар синфининг шаклланиши муносабати билан мулкчилик хуқуқларини тафсирлаш ва шартномалар бажарилишини таъминлашнинг давлатнинг аралашувига муқобил механизмлари талаб этилди.

Мулкчилик хуқуқларини тафсирлаш ва ҳимоялаш бўйича давлатга муқобил институт сифатида мафия ҳақида дастлабки тилга олиниши феодализмдан майда ва ўрта ер мулкчилигига ўтишнинг айнан шу палласига таалкуқли. «Мафия» атамаси одатда турли маъноларда ва турли хилдаги ҳодисаларни ёритиш учун кўлланилади. Иқтисодий таҳлилда ушбу атамадан

асосан битимларни тузишда амалга ошириладиган хатти-ҳаракатнинг алоҳида меъёрлари ва намуналарини белгилаш учун фойдаланилади. Яъни мафия расмий ташкилот бўлмаса-да, хатти-ҳаракат ва ҳукмдорлик муносабатларининг алоҳида хили ҳисобланади. Бошқача айтганда, мафия институт сифатида шахсларга иқтисодий, ижтимоий ва сиёсий соҳалардаги фаолиятини мувофиқлаштириш имконини берувчи ўйин қоидаларининг йиғиндисидир.

Биринчи меъёр «ўйин нормалар тизими» ўзаро ҳамкорлик мақсадларини аниқлашга тааллуқли, уни шаън нормаси сифатида ифодалаш мумкин. Мафиянинг авжига чиқкан классик даври (1890-1970 йиллар)да Италия жануби аҳолисининг асосий мақсади ўзининг фойдалилигини оширишдан эмас, балки ўз шаъни ва ўз оиласининг шаънини сақлаб қолишдан иборат бўлган. Ҳатто ўзини мафия деб ҳисоблаган инсоннинг ўзини номлаши – «шаън одами» - унинг фаолияти мақсадининг анъанавий хусусиятини тасдиқлаган.

Келишувлар назарияси атамасидан фойдаланган ҳолда, шаън нормасини анъанавий келишув жумласига киритиш мумкин, чунки гап оиласининг шаъни ва обрўси ҳақида, биринчи галда, эр-хотиннинг шаъни ҳақида кетаяпти. Шаъннинг йўқотилиши ижтимоий ўзаро муносабатлар соҳасидан чиқарилишга олиб келади – уни йўқотган инсонлар ҳатто алоҳида, қишлоқларнинг чеккаларида яшашади ва фақат ўз муҳити доирасида мулоқотда бўладилар. Ҳақиқий мафиоз учун ҳатто тижорат соҳасидаги муваффақият ҳам мустақил қадр-қиммат эмас, балки шаън белгиси сифатида кўриб чиқилади.

Агар манфаат кўриш нормасини оқилона ҳаракат нормаси тўлдирса, шаънни ҳимоя қилиш ва тасдиқлашнинг асосий воситаси – «ҳасад рақобатчилиги», эркаклар эга бўлган зулм ўтказиш салоҳиятини доимий равища таққослаш (таъкидлаш лозимки, мафиянинг маданий соҳаси – «мачизм», яъни эркакка сифиниш)дир. Шахс томонидан ҳамкорлар эҳтиёжларини қондириш орқали фойдалиликни оширишнинг бозор тамойили (унга кўра алмашувнинг барча иштирокчилари ютади)дан фарқли ўлароқ, ҳасад рақобатчилигига иккита ғолиб бўлиши мумкин эмас: фақат битта ғолиб мавжуд – қолганлар мағлублардир.

Кундалик турмушни тартибга солувчи восита сифатида зулм ўтказишдан фойдаланиш учун таъқиқларнинг мавжуд эмаслиги, зулм ўтказишни монополлаштиришга уриниш иқтисодий соҳадаги мафия вакилларининг хатти-ҳаракатларига ҳам ўз таъсирини ўтказади. Мафия билан боғлиқ тадбиркорда фойда олишга чеклашлар ошкора тадбиркорнига нисбатан кам. Хуфиёна тадбиркор зарур ҳолатларда зулм кўлланилиши билан тўхтаб қолмайди, ошкора тадбиркор эса зулм ўтказиш учун давлат монополияси натижасида эркинликнинг ушбу даражасидан маҳрум этилган. Шунинг учун мафия билан боғлиқ корхоналарнинг рақобат жиҳатдан устунликлари рақобат натижасида эмас, балки якка (алоҳида) монополияни ҳосил қилиш ва рақобатни чеклаш натижасида юзага келади. Мафия қоидалари бўйича фаолият юритувчи бозор мукаммал рақобат шартларидан йироқлашади, бундай қоидаларнинг мавжуд бўлиши иқтисодий механизмларнинг амал қилиш тартибини ўзgartиради.

Навбатдаги норма – ишонч – анъанавий хусусиятга эга, чунки у оила доирасида ажримлашган. Оила ишонч бўлмаса, бошлигининг шаъни тушунчаси ўз қучини йўқотади. Шу нуқтаи назардан ишонч анъанавий тарзда оила турмушининг асосий тамойилларидан бирини акс эттиради ва унинг ташқарисига амал қилмайди, демак у бозор нормалари тизимида кўзда тутилганидек, оқилона ҳаракатнинг шарти бўлиши мумкин эмас. Мафиянинг асосий ташкилий бирлиги – cosca – 15-20 (кўпи билан 70-80, камида 7) кишидан иборат ва оила-қариндошчилик алоқалари асосида шакланадиган гурӯхни ўзида намоён этади. Cosca фаолияти доирасига тушган барча шахслар унинг аъзолари билан дўстона муносабатлар орқали ўзаро боғлиқ.

Оиладаги муносабатларни қуриш учун фойдаланиладиган ишонч мафиянинг иқтисодий фаолиятини ҳам белгилаб беради. Мафия билан боғлиқ тадбиркорларнинг рақобат жиҳатидан яна бир устунлиги ишонч асосида шартнома муносабатларини қуриш ҳисобланади – мафия шартнома мажбуриятлари бажарилишининг энг яхши кафолати ҳисобланади. Д.Гамбеттанинг фикрича, мафияни бозорнинг ишончнинг «табиий» даражаси ҳаддан зиёд паст бўлган ва битим тузиш имконини бермайдиган секторларида ва ана шундай минтақаларда (Италия Жанубида бундай ҳолат ўрин тутади) ишончни туғдириш, реклама қилиш ва сотиш билан шуғулланувчи алоҳида корхона сифатида намоён этиш мумкин.

Шунингдек, ишонч юқори бўлмаган шароитда амалга ошириладиган ошкора товарлар билан исталган хуфиёна битимларга ва таъқиқланган товарлар (қурол, гиёҳвандлик моддалари) билан исталган битимларга ҳам эътибор қаратилади. Товар сифатида ишончнинг ўзига хос жиҳатини ҳисобга олган ҳолда, мафия уни сотишни ғайриоддий усул билан, яъни оила-қариндошчилик, дўстона ёки мижозлик алоқалари соҳасига манфаатдор тадбиркорни аралаштириш орқали амалга оширади. Хусусан, мафиянинг иқтисодий фаолиятини ёритиш учун кўпинча мафиянинг оиласида алоқалари асосида ташкил этиладиган «тармоқ» тушунчасидан фойдаланилади. Айнан ўзгарувчан шароитларга тез мослашувчи тармоқлар доирасида «ўзлариники» ўртасида юқори ишонч салоҳиятидан фойдаланувчи мафиянинг асосий иқтисодий фаолияти амалга оширилади.

Битимлар бўйича ҳамкорларни «ўзиники» ва «бегона» тоифасига ажратиш принципиал жиҳатдан муҳим, бу ерда гап иккита стандарт, икки хил хатти-ҳаракат ҳақида беради. «Ўзиники» доирасида шаън ва обрўга биргаликдаги саъй-ҳаракатлар орқали эришилади ва ҳимоя қилинади, муносабатлар ишонч асосида қурилади. «Ўзиники» ва «бегона» ўртасида «ҳасадгуйлик рақобатчилиги» бўлиши муқаррар, ишонч эса душманлик ва зулмга ўз ўрнини бўшатиб беради. Хатти-ҳаракатнинг икки ёқлама стандарти мантиғига яна бир муҳим норма – маҳфийлик киритилади. Ушбу норма ташки олам билан, айниқса, давлат вакиллари билан муносабатларда тўлиқ ёпиқликни белгилаб беради, унинг тескари томони сифатида тўлиқ очиқлик ва оила аъзоларидан фақат ҳақиқатни гапиришни талаб этиш иштирок этади. Ҳақиқий мафиозлар ҳамма вақт жим турадилар.

## 6.4. Жаҳондаги хуфиёна иқтисодиёт

Хуфиёна иқтисодиёт иқтисодий тизимларнинг барча турларига хос бўлиб, унинг кўламлари ривожланган мамлакатларда ҳам, ривожланаётган мамлакатларда ҳам ғоят кенг.

1990-йилларнинг иккинчи ярмида ривожланган мамлакатларда хуфиёна иқтисодиёт ЯИМнинг ўртача 12 фоизига, ўтиш иқтисодиётига эга мамлакатларда 23 фоизига, ривожланаётган мамлакатларда эса 39 фоизига тенг бўлган.

1998 йилда ушбу кўрсаткич бўйича Греция (ЯИМнинг 29,0 фоизи), Италия (27,8%), Испания (23,4%), Бельгия (23,4%) “етакчилик қилди”. Ирландия, Канада, Францияда ҳам хуфиёна иқтисодиётнинг кўламлари кенг – 14,9 фоиздан 16,3 фоизгacha. Бу борада Австрия (9,1%), АҚШ (8,9) ва Швейцария (8,0) энг қулай ҳисобланади<sup>15</sup>.

Хуфиёна иқтисодиёт кўламларининг энг тез суръатлар билан ўсиши Греция, Италия, Швеция, Норвегия ва Германияда кузатилмоқда. Масалан, Германияда 2001 йилда хуфиёна секторнинг ўсиши 3,5 фоизни, айни пайтда ЯИМнинг ўсиши эса 1 фоизни ташкил этган. Жами хуфиёна сектор ЯИМнинг 16,5 фоизини ташкил этади. Хуфиёна сектор ривожланаётган мамлакатларда жуда кенг кўламларга эга. Масалан, хуфиёна сектор Нигерияда ЯИМнинг 76 фоизини, Тайландда 71 фоизини, Мисрда 68 фоизини, Боливияда 66 фоизини, Панамада 62 фоизини ташкил этади.

XX асрнинг сўнгги ўн йиллиги сабиқ социалистик мамлакатларда амалга оширилган чуқур ислоҳотлар билан боғлиқ. Ҳам сиёсий, ҳам ҳуқуқий тизимнинг бекарорлиги иқтисодий соҳага ҳам салбий таъсир кўрсатди. Ушбу мамлакатларда хуфиёна иқтисодиётнинг ўшиш суръатлари 6.3-жадвалда келтирилган.

6.3-жадвал

### **Ўтиш иқтисодиётига эга мамлакатлар учун хуфиёна иқтисодиётнинг ЯИМдаги улуши динамикаси (ЯИМга нисбатан фоиз ҳисобида)\***

<b>Мамлакатлар</b>	<b>1989</b>	<b>1990</b>	<b>1991</b>	<b>1992</b>	<b>1993</b>	<b>1994</b>	<b>1995</b>
Озарбайжон	12,0	21,9	22,7	39,2	51,2	58,0	60,6
Беларусь	12,0	15,4	16,6	13,2	11,0	18,9	19,3
Болгария	22,8	25,1	23,9	25,0	29,9	29,1	36,2
Венгрия	27,0	28,0	32,9	30,6	28,5	27,7	29,0
Грузия	12,0	24,9	36,0	52,3	61,0	63,5	62,6
Қозогистон	12,0	17,0	19,7	24,9	27,2	34,1	34,3
Латвия	12,0	12,8	19,0	34,3	31,0	34,2	35,3
Литва	12,0	11,3	21,8	39,2	31,7	28,7	21,6
Молдова	12,0	18,1	27,1	37,3	34,0	39,7	35,7
Польша	15,7	19,6	23,5	19,7	18,5	15,2	12,6
Россия	12,0	14,7	23,5	32,8	36,7	40,3	41,6
Руминия	22,3	13,7	15,7	18,0	16,4	17,4	19,1
Словакия	6,0	7,7	15,1	18,0	16,4	17,4	19,1
Ўзбекистон	12,0	11,4	7,8	11,7	10,1.	9,5	6,5
Украина	12,0	16,3	25,6	33,6	38,0	45,7	48,9

<sup>15</sup> Эксперт. 2000. №12 (223) от 27 марта.

Чехия	6,0	6,7	12,9	16,9	16,9	17,9	11,3
Эстония	12,0	19,9	26,2	25,4	24,1	25,1	11,8

\* Манба: Jensen M. Politics and Entrepreneurships in Transition Economies / M.Jensen, P.Kaufmann, A.Scheifer // Working Paper, - 1997/ WDI. - № 57.

6.3-жадвал маълумотлари ўз муаллифлари томонидан электр-мувозанат усули ёрдамида ҳисоблаб чиқилган. Мазкур усул ғояси шундан иборатки, электр энергиясини ғамлаб бўлмайди, шунинг учун истеъмол қилинаётган энергия ҳажмининг ўсиш суръатлари ЯИМ ўсиш суръатларига нисбатан юқори бўлиши энергиянинг хуфиёна истеъмол қилинаётганлигидан далолат беради.

Хуфиёна сектор дастлабки беш йилда Озарбайжон ва Грузияда энг кенг кўламларга эга – тегишлича ЯИМнинг 60,6 ва 62,6 фоизини ташкил этди. Кейинги ўринларда Россия (41,6%), Болгария (36,2%), Молдова (35,7%), Латвия (35,7%) ва Қозоғистон (34,3%) туради. Ўзбекистонда эса ушбу кўрсаткич бошқа давлатларга нисбатан энг паст даражада бўлган.

### **Қисқача хуносаси**

Иқтисодий субъект томонидан ўз бизнеси учун институционал мухитни – ошкора ёки хуфиёна – танлаш тўғрисидаги қарор биринчи ва иккинчи ҳолатларда битимларни амалга оширишда юзага келадиган трансакция харажатларини қиёслаш орқали белгиланади. Бошқача айтганда, қонунга бўйсуниш нормаси яна бир бор оқилона асосланади: шахс унинг талабини мутлақ устуворлигининг таъсири остида эмас (қонуний нарсаларнинг ҳаммаси яхши), балки қонунга амал қилишдан кутилаётган фойдалар туфайли бажаради. Қонунга ихтиёрий бўйсунишга ундовчи омиллар шахсада факат, давлат иқтисодиётининг ошкора секторида трансакция харажатларини пасайтириш йўли билан унинг манфаатларини амалга оширишга қодир бўлган тақдирда, пайдо бўлади.

Иқтисодий соҳада хуфиёна битимлар амалга ошириладиган ўйин қоидаларида, биринчи галда бозор иқтисодиёти нормалари тизимидан битимларнинг барча иштирокчиларини «ўзиники» ва «бегоналарга» ажратиш билан катта фарқ қиласди. Ўзиникиларга нисбатан оппортунизмнинг олдини олиш ижтимоий механизмлари амал қиласди, ишонч ва ўзаро ёрдам меъёрлари ҳукмонлик қиласди. Аксинча, «бегоналарга» нисбатан оппортунизм норма бўлиб қолади. Хуфиёна иқтисодиёт «ҳасадгуйлик рақобатчилигига» асосланган «ёввойи» бозор моделига жуда яқин. Нихоят, хуфиёна иқтисодиёт энг юқори даражада турли қўринишга эга ва у тўлиқ тизим шаклини қабул қилмайди ҳамда бозорнинг барча иштирокчилари учун ягона ва мажбурий нормалар тизимини қабул қилмайди. Бундан қўриниб турибдики, қонунга бўйсунишнинг юқори баҳосига муқобил вариант ҳам ғоят қиммат туради.

### **Таянч сўз ва иборалар**

Хуфиёналиқ, мулкчилик ҳуқуқларининг хуфиёна тизими, «қонунга бўйсуниш баҳоси», хуфиёна иқтисодиётнинг турли унсурлари: норасмий, соҳта ва қриминал иқтисодиёт. Хуфиёна иқтисодиёт ўлчамларини баҳолаш

ёндашувлари: монетар усул, харажат ва даромадлар баланслари усули, бандликни таҳлил қилиш усули, технологик коэффициентлар усули, уй хўжаликлари ва корхоналар раҳбарлари ўртасида сўров ўтказиш усули, социологик усул. Хуфиёналик баҳосининг унсурлари: ҳуқуқий қоидалардан бош тортиш билан боғлиқ харажатлар, даромадлар трансферти билан боғлиқ харажатлар, солиқлар ва иш ҳақига ҳисоблаб ёзишлардан бош тортиш билан боғлиқ харажатлар, қонуний қайд этилган мулкчилик ҳуқуқларининг мавжуд эмаслиги билан боғлиқ харажатлар, шартнома тизимидан фойдаланишнинг имконсизлиги билан боғлиқ харажатлар, хуфиёна битимнинг мутлақ икки томонлама хусусияти билан боғлиқ харажатлар, низоларни ҳал этишнинг хуфиёна тартиботларидан фойдаланиш харажатлари. «Мафия» атамаси, «шаън одами», ҳамкорликнинг «ўзиники» ва «бегона» тоифаси.

### *Такрорлаши учун саволлар*

1. Фақат иқтисодиётнинг хуфиёна сектори субъектларига нисбатан куч ишлатиш чораларини қатъийлаштириш ёрдамида ушбу секторнинг ўлчамларини қисқартиришга эришиш мумкинми?
2. Хуфиёна сектор ялпи ички маҳсулотида юқори улуш билан тавсифланувчи мамлакатда бозор ислоҳотларининг дастлабки босқичлари қандай бўлиши керак?
3. Бозор ислоҳотлари сиёсатининг стандарт дастурига қандай тузатишлар киритилиши лозим?
4. Хуфиёна иқтисодиётнинг қандай унсурлари мавжуд?
5. Хуфиёна иқтисодиёт ўлчамларини баҳолаш ёндашувларини изоҳланг.
6. Хуфиёналик баҳосининг унсурлари нималардан иборат?
7. «Мафия» атамасининг келиб чиқишини шарҳланг.

## **VII - боб. МУЛК ҲУҚУҚЛАРИ НАЗАРИЯСИ ВА МУЛКЧИЛИК ШАКЛЛАРИНИНГ РИВОЖЛАНИШ ЭВОЛЮЦИЯСИ**

*Мулк ҳуқуқлари назарияси* ўтган асрнинг 60-70-йиларида шаклланди. Ҳозирги вактда унинг ривожланиши алоҳида мустақил сифатида эмас, балки иқтисодий таҳлилнинг учта йўналиши – ҳуқуқ иқтисодиёти, янги иқтисодий тарих ва иқтисодий ташкилот назариясининг методологик ва умумназарий асоси сифатида давом этмоқда.

Америкалик машҳур иқтисодчилар – Р.Коуз ва А.Алчиян мулк ҳуқуқлари назарияси асосчилари ҳисобланади. Мазкур назариянинг кейинги ривожига узоқ хориж мамлакатларининг Й.Барцель, Д.Норт, Р.Познер, С.Пейович, О.Уильямсон, Ю.Фама, Э.Фуруботн, С.Чунг каби олимлари ўз ҳиссаларини қўшдилар. Россия иқтисодий адабиётларида мулк ҳуқуқлари назарияси Р.Капелюшников, В.Радаев, А.Радигин ва бошқаларнинг ишларида ривожлантирилди.

Ўзбекистонда мулкий муносабатларни ислоҳ қилиш, мулкнинг ҳуқуқий асослари ва мулк назариясининг бошқа жиҳатлари Х.Абилқосимов, Н.Юсупова, Н.Неделькина, Ш.Шодмонов, Т.Шодиев, С.Ғуломов ва бошқарларнинг ишларида кўриб чиқилган.

Мулк ҳуқуқлари назарияси ҳуқуқий механизминг жамиятнинг кундалик хўжалик ҳаётидаги ролини ўрганади. Бунда мулк ҳуқуқларини оптималь тақсимлаш масаласи марказий муаммо сифатида эътироф этилади. Институционал иқтисодиёт назариясига кўра, ким мулқдор ҳисобланиши тўғрисидаги масала эмас, балки мулк ҳуқуқларини тафсирлаш тўғрисидаги масала анча муҳим ҳисобланади.

### **7.1. Мулк ҳуқуқлари назариясининг асосий қоидалари**

Мулк ҳуқуқлари деганда, неъматларнинг мавжуд бўлиши муносабати билан инсонлар ўртасида юзага келадиган ва улардан фойдаланишга тааллуқли рухсат этилган кундалик муносабатлар тушунилади. Ушбу муносабатлар неъматлар борасидаги хатти-ҳаракатнинг исталган шахс бошқа инсонлар билан ўзаро ҳамкорлик қилишда уларга амал қилиши ёки уларга амал қилмаганлик учун харажатлар қилиши лозим бўлган нормаларини белгилайди. Қуйида мулк ҳуқуқлари назариясининг Р.Капелюшников<sup>16</sup> томонидан санаб ўтилган асосий қоидаларини кўриб чиқамиз:

- мулкчилик муносабатлари “инсон/ашё” муносабатлари сифатида эмас, балки инсонлар ўртасидаги муносабатлар сифатида талқин этилади: мулк ҳуқуқлари атамаси инсонлар билан ашёлар ўртасидаги муносабатларни эмас, балки инсонлар ўртасидаги ноёб ашёлардан фойдаланиш борасидаги муносабатларни ёритади;

- мулкчилик муносабатлари ноёблик муаммосидан келиб чиқади: ноёбликнинг бирор омилисиз мулкчилик ва адолатлилик ҳақида гапиришдан маъно йўқ;

<sup>16</sup> Капелюшников Р.И. Экономическая теория прав собственности. – М.: ИМЭМО, 1990.

• мулк ҳуқуқларининг талқини ўзига ҳам моддий, ҳам жисмсиз обьектларни (шахсий эркинликкача) ўзлаштирган ҳолда, барча нарсаларни қамраб оловчи хусусиятга эга. Мулк ҳуқуқлари инсоннинг исталган турдаги ноёб ресурслардан фойдаланиш бўйича нуқтаи назарини қайд этади;

• мулкчилик муносабатларига жамият томонидан рухсат этилган муносабатлар сифатида қаралади (давлат томонидан рухсат этилган муносабатлар бўлиши шарт эмас). Ўз навбатида, улар нафақат қонунлар ва суд қарорлари кўринишида, балки ёзилмаган қоидалар, анъаналар, урф-одатлар, ахлоқий нормалар кўринишида мустаҳкамланиши ва ҳимоя қилиниши мумкин;

• мулк ҳуқуқларига хатти-ҳаракат маъноси берилади – бир хатти-ҳаракат усууларини улар қўллаб-қувватлайди, бошқаларини эса йўқ қиласди.

Рухсат этилмаган хатти-ҳаракатлар ҳам мулк ҳуқуқлари назариясининг диққат марказида туради. У иқтисодий жиҳатдан тушунилади: таъкиқ ва чекловлар уни бартараф этмайди, балки у билан боғлиқ харажатларни (эҳтимолий жазо кўринишида) оширган ҳолда салбий омил сифатида таъсир кўрсатади. Рухсат этилган хатти-ҳаракат нормаларига амал қилиш ҳам, уларни бузиш ҳам оқилона иқтисодий танлов ҳаркатларига айланади.

Мулк ҳуқуқлари назарияси доирасида “мулк” тушунчаси одатда турли шахслар ўртасида ҳар хил улушларда тақсимланган ҳуқуқлар тўплами сифатида талқин этилади. Мулк ҳуқуқларининг инглиз ҳуқуқшуноси А.Оноре томонидан таклиф этилган (Оноре рўйхати) ва куйидаги 11 та унсурни ўз ичига олган таърифи “тўлиқ” хисобланади:

- 1) эгалик қилиш, яъни ашё устидан мутлақ назорат қилиш ҳуқуқи;
- 2) фойдаланиш, яъни ашёдан шахсий фойдаланиш ҳуқуқи;
- 3) бошқариш, яъни ашё ким томонидан ва қандай фойдаланилиши мумкинлигини ҳал этиш ҳуқуқи;
- 4) даромад олиш, ашёдан аввалги шахсий фойдаланишдан ёки башقا шахсларга ундан фойдаланишга рухсат этишдан келиб чиқадиган неъматларни олиш ҳуқуқи (бошқача айтганда – ўзлаштириш ҳуқуқи);
- 5) ашёдан ўзгалар фойдасига воз кечиш, уни истеъмол қилиш, ўзгартириш ёки йўқ қилиш ҳуқуқини назарда тутувчи “капитал қиймат” ҳуқуқи;
- 6) хавфсизлик ҳуқуқи, яъни экспроприацияга қарши иммунитет;
- 7) ашёнинг мерос бўйича ёки васиятнома бўйича ўтиши ҳуқуқи;
- 8) муддатсизлик;
- 9) заарли фойдаланишни таъкилаш, яъни ашёдан ўзгалар учун заарли усул билан фойдаланишдан ўзини тийиш;
- 10) ундириш кўринишидаги жавобгарлик, яъни ашёни қарзни тўлаш учун олиб қўйиш имконияти;
- 11) қолдиқ хусусият, яъни кимгadir ўтказилган ваколатларнинг уларнинг ўтказиш муддати тугагач ёки исталган бошқа сабабга кўра ушбу ўтказиш ўз кучини йўқотган ҳолларда, “табиий” равишда қайтарилишини кутиш.

Ушбу таърифлар аниқдек туюлганига қарамай, бу 11 та унсур Л.Беккернинг фикрига кўра, “кўп сонли – тахминан 1,5 мингта комбинацияни амалга ошириш имконини беради, агар уларнинг ҳуқуқ субъектлари ва обьектлари бўйича вариацияланишини ҳисобга олсақ, у ҳолда мулк шаклларининг хилма-хиллиги, ҳақиқий ваҳимали омилга айланади”<sup>17</sup>.

Мулк ҳуқуқлари назариётчилари нуқтаи назаридан, мулк ҳуқуқи мавжуд бўлган ва у мавжуд бўлмаган вазиятлар ўртасида қатъий чегара ўтказиладиган ёндашув унчалик ҳам тўғри эмас. Мулк ҳуқуқи – бу қатъий белгиланган нуқта эмас, балки узлуксиз қатор. А.Алчиян ва Г.Демсецнинг таъкидлашича<sup>18</sup>, ашёга бўлган бирор-бир ваколат мулкдорга қай даражада тегишли эканлиги ҳакида унинг қарори ашёдан ҳақиқий фойдаланишини қанчалик белгилаб беришига кўра фикр юритиш мумкин. Мулк ҳуқуқлари назарияси ҳар қандай алмашув ҳаракати аслида ваколатлар тўплами билан алмashiш эканлиги тўғрисидаги асосий тасаввурдан келиб чиқади.

Ҳуқуқшуносалар ва иқтисодчиларнинг фикрига кўра, “Оноре рўйхати”даги унсурлардан энг заифи – тўққизинчи унсур – *зарарли фойдаланишини таъқиқлаш* унсури. Заарарли фойдаланишини таъқиқлаш билан боғлиқ муаммо шундаки, бошқа шахсларга зиён етказишнинг кўплаб усуллари нафақат таъқиқланмаган, балки қонун билан ҳимояланади. Хусусий мулкчилик ҳуқуқий ҳолати шароитида, одатда, бегона мол-мулкнинг истеъмол қийматига бевосита таъсир этиш йўли билан жисмоний зиён етказиш мамкин эмас, лекин унинг алмashiш қийматини пасайтирган ҳолда билвосита йўл билан зиён етказиш мумкин.

Тадбиркор рақобатчининг фирмасига ўт қўйиб, уни хонавайрон қилишга ҳақли эмас, лекин у ўзининг ишлаб чиқариш самарадорлигини кескин оширган ҳолда, рақибни хонавайрон қилишга ҳақли. Ўрта асрлар цехларида хатти-ҳаракатнинг ушбу усули ҳам ноқонуний ҳисобланар эди. Заарарли фойдаланишини таъқиқлаш билан боғлиқ ҳуқуқ ҳажмини аниқ белгилашнинг мураккаблиги мулк ҳуқуқларини чеклашнинг йўл қўйиладиган чегаралари тўғрисидаги асосий муаммони юзага чиқаради. Ушбу ҳуқуқнинг маъноси шундаки, ҳатто тўпламга “тўлик таъриф”даги барча унсурларни киритиш ҳам мулк ҳуқуқини чексиз қилмайди.

## 7.2. Мулкчилик таърифларининг таҳлили

Ўзбекистон Республикаси Конституциясидаги жамиятнинг иқтисодий негизларига оид XII бобда қуйидагилар баён этилган: “Бозор муносабатларини ривожлантиришга қаратилган Ўзбекистон иқтисодиётининг негизини турли шакллардаги мулк ташкил этади. Давлат истеъмолчилар ҳуқуқларининг устунлигини ҳисобга олиб, иқтисодий фаолият, тадбиркорлик ва меҳнат қилиш эркинлигини, барча мулк шаклларининг teng ҳуқуқлиги ва ҳуқуқий жиҳатдан teng муҳофаза этилишини кафолатлади.

<sup>17</sup> Becker LS. Property rights: philosophical foundations. — Cambridge, 1977. P. 21.

<sup>18</sup> Alchian A., Demsetz H. The property rights paradigm // Journal of Economic History 1973. M. 33. № 1. P. 17.

Хусусий мулк бошқа мулк шакллари каби дахлсиз ва давлат химоясидадир. Мулқдор фақат қонунда назарда тутилган ҳолларда ва тартибдагина мулкидан маҳрум этилиши мумкин (53-модда). Мулқдор мулкига ўз хоҳишича эгалик қилади, ундан фойдаланади ва уни тасарруф этади. Мулқдан фойдаланиш экологик муҳитга зарар етказмаслиги, фуқаролар, юридик шахслар ва давлатнинг ҳуқуқлари ҳамда қонун билан қўриқланадиган манфаатларини бузмаслиги шарт” (54-модда). Ўзбекистон Республикасининг Фуқаролик Кодексига мулкчиликнинг эгалик қилиш, фойдаланиш ва тасарруф этиш учлиги (164-модда) асос қилиб олинган. Ушбу Кодексда мулкчиликнинг хусусий ва оммавий шакллари мавжудлиги (167-модда) таъкидланади.

Демак, иқтисодиёт ва уни ташкил этишнинг бозор модели учун муайян-тарихий шаклдаги мулкчилик институти талаб этилади. Мулкчилик институтининг негизини мулк тушунчasi ташкил этади. Мулк – ресурслар чекланганлиги шароитининг оқибатидаги ноёблик муаммосини ҳал этилишининг ягона воситаси ҳисобланади. Бу восита мулқдорга ҳуқуқлар йифиндисини тақдим этади. Албатта, мулкий ҳуқуқлар йифиндиси эгалик қилиш ва бошқа ҳуқуқларни (фойдаланиш, тасарруф этиш ва бошқаларни) ташкил этади. Ҳуқуқлар тизими хўжаликлар ва шахслар ўзаро муносабатларга киришиши учун ҳам мулқдорни, ҳам мулкни ҳимоялайди. Шахснинг жамиятдаги эркинлиги ҳуқуқ билан кафолатланади ва чегараланади. Ундаги барча мавжуд ҳуқуқлардан энг тўлиғи мулкчилик ҳуқуқидир. Ушбу ҳуқуқ шахс ва жамият учун ўзаро қарама-қарши бўлган бегоналашув хусусиятини ҳам намоён этади. Илмий манбаларда мулкчилик муносабатлари умумий тан олинган ягона таърифга эга эмаслиги сабабли қатор талқинлар мавжуд (7.1-жадвал).

### 7.1-жадвал

#### **Мулкчилик институтига оид талқинларнинг туркумланиши**

<b>Ёндашув номи</b>	<b>Мулкчиликнинг асосий белгилари</b>
1. Классик йўналиш	Даромад келтириш қобилияти мужассамланган капитал
2. Файласуфлар ва неоклассиклар	Ташқи дунё обьектлар устидан назоратни уларни ўзлаштириб (эгаллаб) олиш асосида амалга ошириш
3. Диалектик усул тарафдорлари	Шахснинг табиатдан ҳам, ижтимоий ҳаёт жамоатчилигидан ҳам бегоналashiшида ҳамда ишлаб чиқарувчини ишлаб чиқариш воситасидан ажратишда намоён бўлувчи ижтимоий алоқаларни таркиблаш, мураккаблаштириш шакли
4. Немис тарихий мактаби	Ижтимоий ўзаро ҳамкорликнинг асосий тамоилии ҳисобланган ахлоқ нормасида жамият томонидан олий ва муқаддас қадрият ҳамда индивид мустақилигининг кафолати сифатида тан олиш
5. Неоинституционал йўналиш	Турли шахслар ўртасида бир буюмда турли ҳуқуқларнинг намоён бўлиш имконияти буюнга қарашли ваколатлар йифиндиси
6. Ҳуқуқшунослар	Шахснинг буюм устидан ҳуқумронлиги ва бошқа шахслар имкониятларини чеклаш
7. Социологлар	Иқтисодий бўйсундириш асосида ижтимоий иерархияни ўрнатиш усули
8. Эрнандо де Сото (Перу)	Кийматга айланишда иштирок этиш ва даромад келтириш қобилияти

Жадвалга кўра, мулкчиликни ўзлаштириб олиш билан тенглаштириш неоклассик иқтисодий тафаккур вакилларига хос бўлса, хукуқшунослар учун шахснинг **буюм устидан ҳукумронлиги** имкониятларини чегаралаш мулкдан бошқа шахсларнинг зиёнига фойдаланишга рухсат бермаслик сифатида таърифланади. Мулкчилик шахс ва буюм ўртасидаги эмас, балки инсонлар ўртасидаги муносабат сифатида гавдаланиши керак.

Мулкчилик хукуқлари назарияси нафақат бошқарув, хавфсизлик, меросга топшириш хукуқларини қўшган ҳолда хукуклар тўпламини кенгайтиради, балки хукуқларнинг ўз айланувчанлигига, олди-сотди обьектлари бўлиб буюмларнинг ўзи эмас, балки уларга нисбатан хукуқ ҳисобланishiiga эътиборни қаратади. Масалан, ер участкасидан фойдаланиш хукуки; мол-мулкдан фойдаланишдан келадиган даромадни олиш хукуки ва б.

Хукуқшуносларнинг фикрича, мулк – мутлақ хукуқ. Мулкдорга қонун билан таъқиқланмаган ҳамма нарса рухсат этилган. Мутлақ хукуқ ижобий чеклов эмас, балки салбий чеклов (қайсиким бу мумкин эмас) деб изоҳланади.

Агар хукуқларнинг муайян тўплами, масалан, А.Оноре томонидан санаб ўтилган 11 та хукуқнинг аксарияти иккиласмчи ҳисобланади. Мисол учун, хавфсизлик хукуқини олайлик. Унинг ўзи етарли эмас, чунки хукуқ фақат давлат томонидан муҳофаза қилинган тақдирда, классик нуқтаи назардан хукуқ ҳисобланади. Воз кечиши хукуки – тасарруф этиш хукуқининг бир қисми. Жавобгарлик хукуки мулкчилик хукуқини эмас, умуман фуқаролик хукуқини ўзида намоён этади.


Иқтисодий нуқтаи назардан турли хукуқларни қисмларга ажратиш техникаси ўта самарали. Мулкдор, мулкдорлигича қолиб, фойдаланиш хукуқидан ҳам, бошқариш хукуқидан ҳам, даромад олиш хукуқидан ҳам вақтинчалик воз кечиши мумкин. Товар эса нафақат ўз жисмоний хусусиятларининг йиғиндиси, балки имконият ва чекловларнинг маълум тўплами сифатида намоён бўлади. Бироқ бошқа муҳим иқтисодий мавҳумлик сингари – қиймат, мулк таркибий қисмларга бўлинади, лекин улар йиғиндисидан таркиб топмайди. Шунинг учун мулкчиликни хукуқларнинг мураккаб қисмлар йиғиндиси сифатида таърифлаш кўпроқ мазмунга эмас, балки технологик хусусиятга эга.

### **7.3. Мулкчилик муносабатларини амалга оширишнинг тарихий шакллари**

Иқтисодиётда, хусусан, мулкий муносабатлар шаклларини ўрганишда мулкни таснифлаш муҳим ўрин тутади. Кўпчилик иқтисодчи ва файласуфлар учун мулк субъекти таснифлаш мезони сифатида олинади. Агар мулк бир шахсга тегишли бўлса, у – хусусий. Агар у бир неча шахсга тегишли бўлса – жамоавий. Агар у бутун жамиятга тегишли бўлса – умумхалқ ёки давлат мулки ҳисобланади. Бундай ёндашув Ғарбдаги тадқиқотчилар учун мулкнинг учта хусусий, жамоавий ва ижтимоий шаклини ифодалашга асос бўлган. Баъзан уларга акциядорлик (корпоратив) ва давлат шакллари ҳам қўшимча қилинади.

Баъзида акциядорлик мулкини жамоавий шакл деб, давлат мулки эса ижтимоий шакл ҳисобланади. Лекин бундан моҳият ўзгармайди.

Мулкчилик муносабати тарихан қандай шаклларда ривожланганлиги катта қизиқиши уйғотади (7.1-расм).



### 7.1-расм. Мулк шаклларининг ривожланиши.

Ихтиёрий шаклдаги мулкнинг намоён бўлиши қатор омилларга боғлиқ. Жумладан:

- меҳнат шароитлари ва натижаларини ўзлаштириб олиш усуллари;
- меҳнат шароитлари ва натижаларини тасарруф этиш хусусиятлари;
- меҳнат шароитларини такрор яратиш;
- фаолият турлари бўйича алмашишнинг асосий усули;
- натижаларни қайта тақсимлаш усуллари.

1. Мулкчиликнинг энг дастлабки шакли **жамоавий мулк** Ғарб ҳуқуқий тизимининг асос (антик тараққиёт)ини ташкил этади. У учта асосий хусусият билан тавсифланади:

- жамоавий мулк жамиятга – уни тўлақонли аъзолари деб тан олинган ҳамма индвидларга тегишли;
- жамоавий мулкни қайта тақсимлаш ҳуқуқи мутлақ жамиятга тегишли;
- жамоавий мулк жамоавий ҳуқуқ нормалари билан тартибга солинади.

Жамоавий мулкнинг асосий тавсифлари қуйидагилардан иборат:

- а) бошқариш (тақсимлаш) – ижтимоий;
- б) эгалик қилиш – хусусий;
- в) жамоавий мулк обьектидан воз кечиш таъқиқланган;
- г) ижтимоий мажбуриятлар тизими;
- д) ишлаб чиқарувчининг ўз фаолияти натижаларига мулкчилиги.

Жамоавий мулкнинг ривожланиши давлатчиликни юзага келтирган. Ушбу босқичда давлат мажбур этиш аппарати сифатида ҳали жамиятга қарши турмайди.

2. **Олий мулк** давлат мулкининг дастлабки шаклидир. Давлатни ташкил этиш кўп ҳолларда мулкни, масалан, ерни зўрлик билан тортиб ва босиб олиш натижаси бўлган. Олий мулкнинг асосий тавсифлари қуидагилардан иборат:

- а) мулк ва ҳокимиятнинг бўлинмаслиги;
- б) хизмат учун мукофот сифатида ресурсни ҳадя этиш шаклида фаолият билан алмашиш;
- в) меҳнат шароитларини ишлаб чиқарувчиларга бириктириш (хусусий эгалик);
- г) бириктирилган ресурсларни тасарруф этиш учун давлат монополияси;
- д) ишлаб чиқарувчининг ўз фаолияти натижаларига мулкчилиги.

Давлат бошлиғи бундай мулкнинг «олий мулкдорига» айланган ва уларни ўз фуқароларига тарқатган (ҳадя қилган). Ерни эгаликка олиш ва ундан фойдаланиш шарти давлатга хизмат қилишдан иборат бўлган. Олий ҳокимият ихтиёрида энг муҳим таъсир этиш воситаси – тортиб олиш (тасарруф этиш) ҳуқуқи қолдирилган. Бу бир вақтнинг ўзида иккита ўзаро боғлиқ вазифани ҳал этиш имконини берган: ишлаб чиқарувчининг эҳтиёжларини қондириш ва ишлаб чиқарувчини ўзи фойдаланадиган ресурсни тақрор етиштиришга мажбур қилиш.

Аста-секин вақт ўтиши билан олий мулкчилик институти шароитида, давлат монополияси хўжалик фаолияти маҳсулотлари билан алмашув ривожланишига тўсқинлик қила бошлаган. Иқтисодий эҳтиёжларнинг таъсири остида мулкчилик институти ўзгара бошлади. Натижада турли ишлаб чиқариш усулларига хос икки хил институт шаклланди: табақали ва кўп поғонали мулк.

3. **Табақали мулк** – олдинги даврда асосий меҳнат шарти бўлган табиий ресурсларга табақали монополияларнинг шаклланиши билан тавсифланади, дворянларнинг ўзларига «бириктирилган» мол-мулкни тасарруф этиш ҳуқуқининг кенгайиб бориши билан изоҳланади.

Табақали мулкчиликнинг асосий хусусиятлари:

- а) мулкдорлар синфининг пайдо бўлиши;
- б) ишлаб чиқариш воситалари чекланган айланмасининг пайдо бўлиши;
- в) ҳокимият ҳуқуқларига нисбатан мулкий ҳуқуқларнинг чекланган хусусияти;
- г) ишлаб чиқарувчининг ўз фаолияти натижаларига мулкчилиги;

д) мулкдан олинадиган даромадни қайта тақсимлаш янги шаклини пайдо бўлиши. Ривожланишнинг Европа моделига хос табақали мулкчилик институти давлат мулкчилигидан хусусий мулкчиликка ўтиш босқичи сифатида таърифланади.

4. **Хусусий мулкчилик** индивиднинг жамоавий хўжалик фаолиятидан ажралиб чиқишини ўзида намоён этади ва қуидаги асосий хусусиятлар билан тавсифланади:

- иқтисодий агентларнинг мустақиллиги;

- меҳнот шароитлари ва натижаларининг эркин айланиши;
- ҳокимият ҳуқуқларига нисбатан мулкий ҳуқуқларниң етарлилиги;
- мулқдорниң мулкий жавобгарлиги.

Хусусий мулк институтининг шаклланиши тобеликнинг янги шакли – иқтисодий тобеликнинг пайдо бўлишига олиб келди. Ходимнинг ишлаб чиқариш воситаларидан ажралиши билан бир қаторда ишлаб чиқарувчининг ўз меҳнатининг маҳсулига бўлган ҳуқуқидан маҳрум этилиши юз берди.

**5. Корпоратив мулк.** Кўплаб тадқиқотчилар корпоратив мулкни хусусий мулк билан тенглаштириб, корхонани ташкил этишнинг корпоратив шаклини мулкий мажмуани ишончли бошқариш шакли сифатида талқин этишни таклиф қиласидилар. Корпоратив мулкчиликнинг асосий хусусиятлари қўйидагилардан иборат: мулкнинг айрим шахсларга тақсимланганлиги; иқтисодий агентларнинг тобелик муносабатлари; иқтисодий агентлар жавобгарлигининг чекланганлиги; қайта тақсимлаш муносабатлари соҳасида мулкдан келадиган даромадлар ролининг кескин ортиши; мулқдор – корпорация ҳуқуқларини билвосита ҳимоялаш орқали меҳнат шароитларини тақорорий яратиш.

**6. Ижтимоий мулк.** Ижтимоий мулк юридик ва жисмоний шахслар мулки билан бирга мавжуд бўлади. Жамият мулки, кўп ҳолатларда давлат томонидан бошқарилишига қарамай, унга тегишли эмас. Жамиятнинг муаммоси ресурсларни тақорорий ишлаб чиқариш ва мулкдан даромад – монопол рентани олиш устидан назорат ўрнатишдан иборат.

Ижтимоий мулкчиликнинг асосий хусусиятлари қўйидагиларни ўз ичига олади:

- а) жамиятнинг ҳокимият аппарати сифатида давлатдан ажратилиши;
- б) жамиятнинг табиий ресурсларга монополияси;
- в) ижтимоий мулк обьектларидан фойдаланишнинг концессион механизми;
- г) ишлаб чиқарувчининг ўз фаолияти натижаларига мулкчилиги;
- д) ижтимоий мулкдан келадиган даромадлардан жамият аъзоларининг ижтимоий аҳамиятли эҳтиёжларини қондириш учун фойдаланиш.

**7. Кўп погонали мулкчиликнинг** вужудга келиши мулқдор ваколатларининг турли хўжалик юритувчи субъектлар ўртасида тақсимланиши жараёнини ўзида намоён этади. **Кўп погонали** мулкчиликнинг асосий хусусиятлари:

- а) мол-мулк ва ҳокимиятнинг ажратилмаганлиги;
- б) мол-мулк учун тўлиқ ҳуқуқларга эга шахсларнинг мавжуд эмаслиги;
- в) мулқдор ваколатларини амалга оширишда иштирок этишнинг хизмат хусусияти;
- г) улар ўртасида мулкчилик ваколатлари тақсимланадиган субъектлар ўртасидаги тобелик муносабатлари;
- д) меҳнат шароитларининг ишлаб чиқарувчиларга бириктирилиши.

Таъкидлаш лозимки, **кўп погонали** мулкчилик институти барча хўжалик юритувчи субъектларнинг меҳнат шароитларини тасарруф этишдаги ҳуқуқларини сезиларли даражада чеклагани ҳолда, меҳнат натижаларининг

эркин айланишинини истисно этмайди. Демак, табий ресурслар эмас, балки хўжалик фаолиятининг маҳсулотлари ишлаб чиқаришнинг асосий воситаларига айланишига кўра мазкур институтнинг иқтисодий асоси нурай бошлади. Лекин бу ноиктисодий мажбурлашга асосланган ҳокимият ўз мавқеини осонгина бўшатиб берганлигини англатмайди. *Кўп погонали* мулкчилик институти ўз шаклини ўзгартирди. Тарихдан ушбу ўзгаришнинг иккита йўналиши маълум: тоталитар ва бюрократия мулкчилиги.

8. *Тоталитар мулкчиликка* собиқ Иттифоқда мавжуд бўлган «давлат мулкчилиги» институти яққол мисол бўлади.

Тоталитар мулкчиликка мос келувчи режали-тақсимлаш иқтисодиётида хўжалик юритувчи субъектлар ўзларига бириктирилган мол-мулкка фақат амалда эгалик қиласидилар ва ўзлари ишлаб чиқарган маҳсулотнинг ҳам, уни сотишдан олинган маблағларнинг ҳам эгаси ҳисобланмайдилар. Тоталитар мулкчиликнинг асосий хусусиятлари:

- ҳокимият ва мулкнинг ажратилмаслиги;
- ишлаб чиқариш воситаларига давлат монополияси;
- меҳнат шароитларининг хўжалик юритувчи субъектлар ўртасида марказлашган тарзда қайта тақсимланиши;
- ишлаб чиқарувчининг ўзи етиштирган маҳсулот ва уни сотишдан олинадиган даромадни тасарруф этиш ҳукуқидан маҳрум этилиши;
- меҳнат шароитларини марказлашган режалаштириш механизми ёрдамида такрорий яратиш.

9. Бюрократия мулкчилиги қўп пағонали мулкчилик ривожланишининг табий маҳсули ҳисобланади. Ишлаб чиқариш эмас, балки қайта тақсимлаш катта миқдордаги пулларни юзага келтиради. Унинг асосий хусусиятари:

- а) мулкчилик ҳукуқларини ҳимоя қилишнинг самарали тизими мавжуд эмаслиги;
- б) ресурслар ва маҳсулотларни қайта тақсимлаш жараённида амалдорлар иштирокининг қонунчиликда белгиланган имконияти;
- в) нархлар ва тарифларнинг бюрократик тартибга солиниши;
- г) хуфиёна иқтисодиётнинг катта улуши;
- д) меҳнат шароитларини такрор яратиш самарали механизмининг мавжуд эмаслиги.

Ҳокимият ва мулк ажralмаслигининг расман тан олиниши билан хусусий мулкчилик ҳукуқини бузмай қолмайди. Ноиктисодий мажбурлашга асосланган ҳокимият мулкдорнинг эркин иродасига нисбатан иқтисодий ҳаётнинг муҳим омили ҳисобланади. Ҳокимият тузилмаларида иштирок этиш орқали бериладиган имкониятлар хўжалик фаолиятидан келиб чиқадиган имкониятларга нисбатан анча юқори. Ҳокимияга эга амалдорлар шахсий бойликни қўпайтириш учун ҳокимият имкониятидан фойдаланадилар. Лекин ҳокимият ўз эгасига мулқдан кўра кўпроқ нарсани беради, уларнинг саъи-харакатлари биринчи навбатда ҳокимиятни сақлаб қолишга йўналтирилган. Улар, одатда, ҳокимиятни йўқотиб, мулқдан ҳам маҳрум бўладилар.

## 7.4. Мулкий хуқуқлар

**1. Мулк-эгалик қилиши.** *Мулдор.* Эгалик қилиш ижтимоий институт сифатида ноёб ресурсларни тақорорий етиштириш вазифаси пайдо бўлган вақтда юзага келади. Дастреб мөхнат шароитлари эгалик қилиш обьекти ҳисобланади.

**2. Мулк-имтиёз.** *Монополист.* Вақти келиб ижтимоий-иқтисодий роль иккита янги ролга бўлинади: табиий ресурслар мулкдорининг роли ва ишлаб чиқарувчининг роли. Эгалик қилиш хуқуқи фойдаланиш хуқуқидан, эгалик қилиш обьекти эса хўжалик юритувчи субъектдан ажралиб чиқади. «Мулк-имтиёз» тушунчаси пайдо бўлади. Бу ерда мулкдор-монополистнинг рента – ўзига тегишли ресурслардан даромад олиш хуқуқига дуч келамиз.

Мулк-имтиёз аҳолининг маълум қисми пешона териси билан ўзирикчилиги учун нон топиш мажбуриятидан озод бўлиши учун имконият, яъни фан, санъат ва ҳарбий ишни ривожлантириш имкониятини яратади.

**Ишлаб чиқарувчи.** Хўжалик фаолиятини амалга оширувчи-ишлаб чиқарувчининг шахсий мақсади ўз эҳтиёжларини қондириш учун маҳсулот ишлаб чиқаришдан иборат. Кўплаб хўжалик юритувчи субъектлар шахсий мақсадларига эришишга интилиши натижасида ижтимоий аҳамиятга молик жиддий вазифанинг амалга ошиши – жамиятни тақорорий ишлаб чиқариш содир бўлади.

**3. Мулк-корхона.** Товар алмашувининг ривожланиши ролларнинг янгидан бўлинишида дастребки тарихий сабаб ҳисобланади. Ишлаб чиқарувчининг табиий хуқуқи ҳисобланган маҳсулотга бўлган хуқуқ ишлаб чиқариш воситалари мулкдори – хўжайнинг ўтади.

Хусусий мулк мажбурлашга асосланган ҳокимият ҳамда обрўга асосланган ҳокимиятни тарихдан сикиб чиқаради. Мулк-корхонанинг пайдо бўлиши билан бирга ёлланма ходим ва хўжайн, ишлаб чиқариш воситаларига бўлган мулкчиликдан маҳрум этилган ва ўз меҳнатга лаёқатини сотишга мажбур бўлган иқтисодий агент ҳамда хўжаликнинг янги тури – корхонани ташкил этувчи иқтисодий агентнинг роли пайдо бўлади.

**Хўжайнин.** Хўжайниннинг шахсий мақсади – қўшимча қийматни олишдан иборат. Бу уни иқтисодий самарадорликни ошириш имконини берувчи барча янги нарсаларни жорий этишга ундейди. Хўжайн ўта муҳим ижтимоий-иқтисодий вазифа – иқтисодий фаолиятни рационаллаштириш эгасига айланади.

**Ёлланма ходим.** Ходим – ўз меҳнат қилиш лаёқати хуқуқий обьекти ҳисобланган индивид (ишчи кучи). Лекин бу лаёқат, сўзсиз, унинг ўзига тегишли, яъни ходим кимнингдир хуқуқлари обьекти ҳисобланмайди. У: а) эркин танлаш хуқуқини қўлга киритади ва б) ўз фаолиятининг маҳсулотларига бўлган хуқуқни йўқотади. Ходимнинг ижтимоий-иқтисодий вазифаси меҳнатни тақсимлаш самарадорлигини оширишдан иборат.

**4. Мулк-капитал.** Мулк-имтиёз ҳолатида бўлгани каби мулк-корхона ўз эгасига қўшимча маҳсулотни ўзлаштириб олиш хуқуқини беради. Албатта, энди ушбу маҳсулот ортиқча маҳсулотда эмас, балки қўшимча қиймат – корхона хўжалик фаолиятининг харажатлари ва натижалари ўртасидаги фарқ

шаклида намоён бўлади. Мулк-капитал пайдо бўлиши билан хўжайнинг роли капиталист ва менежер, тақсимлаш жараёнини назорат қилувчи иқтисодий агент ҳамда ишлаб чиқариш жараёнининг ташкилотчиси ролларига бўлинади.

**Капиталист.** Капитал эгаси хўжайнин сингари қўшимча қиймат олишдан манфаатдор. Лекин ишчи кучини ишлаб чиқариш воситалари билан бирлаштириш эмас, балки капитални тўғри сарфлаш капиталист учун ушбу қийматни олиш усули ҳисобланади.

**Менежер.** Капиталистга менежер – ишлаб чиқариш жараёнининг раҳбари, хўжайнин вазифасини бажарувчи, лекин мулкни йўқотиш хатарига эга бўлмаган иқтисодий агент қарама-қарши туради.

Менежернинг ижтимоий-иктисодий роли ва ёлланма ходимнинг роли ўртасида ўта муҳим фарқ мавжуд. Ходим ўз ишчи кучини – меҳнатга лаёқатини, менежер эса ишлаб чиқариш фаолиятини ташкил этиш бўйича хизматни сотади. Битим тузилгач, ходим ижрочига, менежер эса корхона раҳбарига айланади. Менежер даромадининг асосини у раҳбарлик қиласидан корхона фаолияти натижалари учун мукофот ташкил қиласиди.

**5. Мулк-бизнес. Тадбиркор.** Мулк миқдори «қиймат» деган мавҳум тушунчага айланган шароитда саҳнага янги шахс – тадбиркор ва янги мулк обьекти – бизнес чиқади. Чунки нафақат меҳнат, ер ва капитал, балки фаолиятнинг алоҳида тури – тадбиркорлик ҳам «қийматни яратиши» хусусиятига эга. Шахсий бойиш масаласини ҳал этаётуб тадбиркор муносиб ижтимоий вазифа – иқтисодий фаолият самарадорлигини оширади. У топган янги қарорлар аста-секин ижтимоий нормага айланади. Лекин янги қарорлар нафақат янги имкониятлар, балки янги хатарлардир. Бир вақтнинг ўзида мулкдор ва тадбиркор сифатида иштирок этувчи мулкдор-сармоядор қисмларга ажrala бошлайди. Шу тариқа тадбиркор аста-секин мулкдордан ажralиб чиқади. Унда ҳатто ўзининг, мулкдордан алоҳида мулк обьекти – бизнес пайдо бўлади.

**Сармоядор.** Тадбиркорнинг ўзга мулкка талаби капитални қийматга эга бўлган чекланган ресурсга айлантиради. Бир вақтнинг ўзида тадбиркорлик фаолиятидан воз кечган ва ўзига тегишли чекланган ресурс – капиталдан фойдаланиш ҳукуқини тўлов эвазига сотувчи сармоядор-мулкдорнинг ижтимоий-иктисодий роли пайдо бўлади. Сармоядорнинг шахсий мақсади мулкдан (капиталдан) олинадиган даромадни кўпайтиришдан иборат.

**6. Мулк-талааб.** Сармоядор ролининг ички қарама-қаршилиги шу нарса билан боғлиқки, тадбиркорлик фаолияти юкини кўтаришни истамаган ҳолда, у истар-истамас ушбу фаолият билан боғлиқ мулкни йўқотиш хатарини ўз зиммасига олади. Ўз навбатида, бу мулкдан олинадиган даромаднинг иккита таркибий қисми чекланган ресурс учун тўлов ва хатар учун тўловни ўз ичига олади.

Сармоядор ролининг ушбу икки томонламалиги натижаси – яна бир бўлиниш: иштирокчи роли ва кредитор роли, тадбиркорлик фаолиятида иштирок этиш мақсадини кўзловчи сармоядор ва мулкни йўқотиш хатарини камайтирувчи сармоядор ролининг пайдо бўлиши.

**Иштирокчи** – мол-мулкка нисбатан мулкчилик ҳуқуқидан жамиятга нисбатан талаб ҳуқуқи эвазига воз кечувчи иқтисодий агент. Ўз навбатида, жамият ва унинг мол-мулки эмас, балки хўжалик жамиятига нисбатан мажбурият ҳуқуқлари иштирокчининг мулки ҳисобланади.

Иштирокчининг шахсий мақсади – жамиятнинг фойдасида иштирок этишдан иборат. У тегишлича бу билан боғлиқ хатарларнинг бир қисмини ўз зиммасига олади. Натижада мазкур лойиҳалар хатарларини қўплаб иштирокчилар ўртасида тақсимлаш асосида ўта қиммат ва узоқ муддатли лойиҳаларни амалга ошириш мумкин. Иштирокчининг ижтимоий-иктисодий вазифаси, шу тариқа, хатарлар ва жавобгарлик дисперсиясидан иборат.

**Кредитор.** Агар сармоядор – тадбиркорлик ролидан воз кечган капиталист бўлса, у ҳолда кредитор тадбиркорлик фаолияти билан боғлиқ хатарлардан воз кечган сармоядордир. Профессионал молиявий воситачилардан фойдаланиш эса хатарларни пасайтириш усули ҳисобланади.

**7. Мулк-акция.** Жамиятнинг кўп сонли иштирокчилари нафақат унинг хўжалик фаолияти натижалари учун жавобгарлик, балки бошқарувчилар томонидан иштирокчилар ишончининг суиистеъмол қилиниш имкониятининг ҳам тақсимланишини юзага келтиради. Янги ижтимоий-иктисодий роль пайдо бўлади: назоратчи – хўжалик жамиятига нисбатан алоҳида вазифаларни: жамият мол-мулки ва даромадларининг тасарруф этилиши устидан назоратни амалга оширувчи унинг иштирокчиси.

Назоратчининг шахсий мақсади хўжалик жамиятини капиталлаштиришнинг ўсишига эришишдан иборат.

**Акциядор.** Жозибадорлигини йўқотаётган бизнесдан чиқиш ҳам хўжалик жамиятларининг фаолияти билан боғлиқ хатарларни соддалаштириш усули ҳисобланади. Ушбу имконият жамиятда иштирок этишнинг алоҳида воситаси – акцияларнинг пайдо бўлиши билан таъминланади.

Расмий жиҳатдан акциялар ўз эгаларига жамиятга нисбатан мажбурият ҳуқуқлари, хусусан: бошқарув органларида иштирок этиш ҳуқуқи, жамият фойдасининг бир қисмини олиш ҳуқуқи ва жамият тутатилган тақдирда мол-мулкининг бир қисмига эга бўлиш ҳуқуқини берувчи қимматли қоғозларни ўзида намоён этади.

Бироқ ушбу ҳуқуқлар кўп жиҳатдан деклоратив ҳисобланади. Бошқарувда иштирок этиш ҳуқуқини фақат акцияларнинг катта микдордаги пакетларига эгалик қилувчи акциядорлар – мажоритарийлар амалга оширишлари мумкин. Жамият тутатилган тақдирда мол-мулкининг бир қисмини олиш ҳуқуқини эса амалга оширишнинг иложи йўқ: жамиятга нисбатан акциядорлар уларнинг талабларини ижро этиш учун қолган барча шахслар қондирилганидан кейин қабул қилинувчи сўнгги навбатдаги кредиторларни ўзида намоён этади.

Акциядорларнинг компаниядан чиқиши туфайли юзага келган акциялари курси тушиб кетиши янги инвестициярни жаб этиш имкониятини кескин пасайтиради. Акциядорнинг шахсий мақсади муайян компанияни капиталлаштиришнинг ўсиши эмас, балки ўзига тегишли акциялар пакетларининг курс қийматидан ютишдан иборат. Ушбу мақсадга акциялар

бозор котировкаларининг ўзгариши тенденцияларини доимий равиша кузатиш орқали эришилади. Бу эса, ўз навбатида, акциядор ижтимоий-иктисодий вазифасининг амалга оширилишига олиб келади. Унинг саъй-ҳаракатлар туфайли капитал ҳаракатининг тезлиги кескин ошади.

### **7.5. Мулкий ҳуқуқлар тақсимоти таҳлили<sup>19</sup>**

Барқарор бозор иктиносидиётига эга ҳуқуқий-демократик жамият қуришнинг асосий йўналишларидан бири – чуқур институционал ўзгаришларни амалга оширишдан иборат. Бунда нафақат эски марказлашган иктиносидиёт институтларини ислоҳ қилиш, балки иктиносидий муносабатларнинг ўзагини ташкил этувчи мулкчилик ва шартномавий муносабатларни ҳам бозор иктиносидиётига мос равиша такомиллаштириш талаб этилади. Бу борадаги амалий ишлар мамлакат мустақиллигининг дастлабки йиллариданоқ бошланган эди ва ҳозирги пайтда юқори босқичга кўтарилиб бормоқда.

Мамлакатимиз Президенти Ислом Каримов Олий Мажлис Қонунчилик Палатаси ва Сенатининг қўшма мажлисидаги маърузасида республикамиизда ушбу йўналишда қилинган ишларга тўхталиб, “хусусий мулкни ҳуқуқий жиҳатдан ҳимоя қилишни кучайтириш, мамлакатимизда ҳар томонлама бақувват мулк эгалари синфини шакллантириш, фермерлик ҳаракатини мустаҳкамлаш, иктиносидиётни янада либераллаштиришни таъминлаш, тадбиркорлик, аввало, кичик бизнес фаолиятини ривожлантириш учун қулай шароитлар яратиш, кенг тармоқли бозор инфратузилмасини барпо этиш бўйича бутун бир мажмуа ишлари амалга оширилган”<sup>20</sup> – дея таъкидлаб ўтди.

Маълумки, мулкчилик муносабатлари ишлаб чиқариш муносабатларининг негизини ташкил этади. Мулкчилик муносабатларининг таркиби мулкчилик институти билан боғлиқ. Мулкчилик институти моҳиятига кўра, ижтимоий институт бўлиб, инсонларга ўз орзу-умидларини шакллантириш имконини беради. Мулкчилик институти мулкий ҳуқуқлардан иборат бўлиб, ушбу ҳуқуқларни билиш инсонларга истиқболдаги ўzlари муносабатга киришадиган бошқа инсонларнинг хатти-ҳаракатлари ҳамда фойда ва ҳаражатларни ҳисоблаш имконини беради. Бундай ҳуқуқлар мавжуд бўлмаганда эди, инсонлар ўз ҳамкорларини хатти-ҳаракатларини олдиндан ҳисобга олишлари мумкин бўлмас эди.

Шуларни инобатга олиб, Ўзбекистонда мулкий ҳуқуқларни амалга оширишни тартибга солувчи бир қатор қонун ҳужжатлари қабул қилинди. Уларда мулкий ҳуқуқ субъектлари (фуқаролар, юридик шахслар ва давлат), мулкий ҳуқуқ обьектлари (ер, ер ости бойликлари, сувлар, ҳаво бўшлиғи, ўсимлик ва ҳайвонот дунёси, бошқа табиий ресурслар, корхоналар, ашёлар, шу жумладан, бинолар, квартиralар, иншоотлар, асбоб-ускуналар, хомашё ва маҳсулот, пул, қимматли қоғозлар ва бошқа мол-мулк, шунингдек, интеллектуал мулк), мулкий ҳуқуқ турлари (эгалик қилиш, фойдаланиш ва

<sup>19</sup> Ушбу кисм Р.Ташматов билан ҳамкорликда ёзилган.

<sup>20</sup> Каримов И.А. Асосий вазифамиз – Ватанимиз тараққиёти ва халқимиз фаровонлигини янада юксалтиришdir. - Т.: Ўзбекистон, 2010. – 9 б.

тасарруф қилиш) ҳамда уни амалга ошириш қоидалари ва ҳимоялаш кафолатлари мажмуи қабул қилинди. Улар 7.2-расмда келтирилган.

Иқтисодий нұқтаи назардан мулк обьектига нисбатан мавжуд мулкий ҳуқуқлардан фойдаланған ҳолда ушбу обьектдан самарали фойдаланишга әришадиган мулк әгасини топиш мулкий муносабатларни ўзgartиришнинг асосий мөхиятини ифодалайди. Мулкий муносабатларни ўзgartириш институционал ислохотлар воситасида амалга оширилади. Унинг механизми мулкий ҳуқуқлар тақсимотини амалга оширишдан иборат. Чунки мулкий ҳуқуқлар иқтисодиёт назариясига кўра жамиятда содир этиладиган ҳар қандай алмашуви мулкий ҳуқуқлар билан алмашувдир.


Ўзбекистонда мулк хусусий ва оммавий шаклда бўлади. Хусусий мулк ҳуқуқи шахснинг қонун ҳужжатларига мувофиқ тарзда қўлга киритган мол-мulkка эгалик қилиш, ундан фойдаланиш ва уни тасарруф этиш ҳуқуқидир. Яъни хусусий мулк шаклида юқоридаги мулк ҳуқуқлар бир шахс (жисмоний ва/ёки юридик шахс)да жамланади (7.3-расм), шунинг учун ҳам ушбу мулк шакли самаралироқ ҳисобланади.

Чунки бозор иқтисодиётида ўзаро муносабатлар турли мулк шаклларига асосланган субъектлар ўртасида олиб борилади. Уларнинг ҳар бири ўз мулкий ҳуқуқлари ва ўз манфаатларига эга. Уларнинг мулкий ҳуқуқлари жуда аниқ белгиланган, унинг ҳимояси қонун билан кафолатланған тақдирда ўзаро битимга келишиш осон кечади. Бу мулкий ҳуқуқлар ҳақиқий эгалари, мулқдан энг унумли тарзда фойдалана олувчилар қўлига ўтиши учун ҳам муҳимдир.

Ўзбекистон қонунчилигида, юқорида таъкидлаб ўтганимиздек, мулкий ҳуқуқларнинг уч тури келтирилган. Лекин ривожланган бозор иқтисодиёти амал қилаётган мамлакатларда амалда бўлган умумий ҳуқуқда янада кўпроқ мулкий ҳуқуқлар ажратилади. Чунки иқтисодий агентларнинг бозор тамойиллари нұқтаи назаридан ўзаро алоқалари мураккаб ҳодиса бўлиб, у мулкий ҳуқуқларни чуқурроқ аниқлаштиришни талаб қиласди.

Юқорида баён этилганидек, мулкий ҳуқуқлар А.Оноре рўйхати бўйича қўйидагича тақсимланади: эгалик қилиш ҳуқуқи, фойдаланиш ҳуқуқи, тасарруф этиш ёки бошқариш ҳуқуқи, ўзлаштириш ҳуқуқи, капитал қиймат ҳуқуқи, хавфсизлик ҳуқуқи, ашёнинг мерос ёки васият бўйича ўтишига бўлган ҳуқуқ, муддатсизлик ҳуқуқи, зарарли фойдаланишни таъкилашга бўлган ҳуқуқ, ундириш кўринишидаги жавобгарлик ҳуқуқи, қолдиқ хусусияти ҳуқуқи.

Мулкий ҳуқуқларни аниқлашга бундай ёндашув бозор иқтисодиёти шароитида индивидлар ўртасида ресурслардан фойдаланиш бўйича ҳар қандай мураккаб музокараларни олиб бориш ва битищувга келишда самарали ҳисобланади. Чунки бугунги қунда тадбиркорлик фаолиятида кенг қулоч ёзаётган ижара, лизинг, франчайзинг каби шакллари мулкий ҳуқуқларнинг янада кўпроқ субъектлар ўртасида тақсимланишини тақозо этади. Демак, юқоридаги ҳуқуқларнинг улардан энг унумли фойдаланувчи субъектларга аниқ мустаҳкамланиши трансакцион харажатларни қисқартиради ва самарали хўжалик юритишига ижобий таъсир кўрсатади.



## **7.2-расм. Ўзбекистонда мулкдорлар ва уларнинг мулкий ҳуқуқларини амалга ошириш<sup>21</sup>.**

<sup>21</sup> Расм Ўзбекистон Республикаси “Ўзбекистон Республикасида мулкчилик тўғрисида”ги Қонуни ва Фукаролик Кодексига асосан тузилган.



**7.3-расм. Ўзбекистонда хусусий мулк эгалари субъектлари<sup>22</sup>.**

Давлат корхоналарини хусусийлаштириш Давлат дастурларига мувофиқ, очиқ акциядорлик жамияти доирасида мулкий ҳуқуқлар тақсимотининг турли варианatlари назарда тутилди. Масалан, меҳнат жамоаси аъзолари акциялар умумий улушида 10 фойиздан ошмайди, лекин ҳар бир ходим акцияларни олиш ҳуқуқига эга ҳисобланади. Натижада мулк субъектлари ва ҳуқуқларининг тақсимланиши қуйидаги 7.2-жадвалдаги кўринишга эга.

Мулкий ҳуқуқларнинг 7.2-жадвалдаги тақсимланиши бирламчи тақсимот босқичи ҳисобланади. Ушбу босқичда, яъни ҳуқуқларнинг ҳар бири ундан самарали фойдаланишдан манфаатдор мулкдорнинг қўлида бўлган вазиятда мулкнинг оптимал таркибига эришиш муҳим ўрин тутади. Бирор-бир имкониятли мулкдорнинг мулкий ҳуқуқларидан самарали фойдаланишдан манфаатдорлик даражаси ҳақида мулоҳаза юритишда Коуз теоремаси<sup>23</sup> асос бўлиб хизмат қиласди.

<sup>22</sup> Расм Ўзбекистон Республикасининг “Ўзбекистон Республикасида мулкчилик тўғрисида”ги Қонуни ва Фуқаролик кодексига асосан тузилган.

<sup>23</sup> Агар мулкий ҳуқуқлар аниқ тақсимланиб, трансакция харажатлари нолга teng бўлса, у ҳолда, агар даромад самарасидан фикрни бошқа томонга бурсак, мулкий ҳуқуқларнинг тақсимланишидаги ўзгаришлардан катъи назар, ишлаб чиқаришнинг таркиби ўзгармасдан қолади.

Бошқача айтганда, мулкий хуқуқларнинг дастлабки тақсимланиши ишлаб чиқаришнинг таркибига таъсир ўтказмайди, чунки пировардида хуқуқларнинг ҳар бири ушбу хуқуқдан энг самарали фойдаланиш асосида у учун энг юқори нархни таклиф этишга қодир мулкдорнинг қўлида бўлади.

7.2-жадвал

### **Очиқ акциядорлик жамияти акцияларига мулкий хуқуқларнинг тақсимланиши\***

<b>Мулкий хуқук турлари</b>	<b>Мулкий хуқук субъектлари</b>			
	<b>Акциядор, корхона ходими</b>	<b>Акция-дорлар йиғилиши</b>	<b>Ижро этувчи орган, корхона дирекцияси</b>	<b>Давлат мулки қўмитаси</b>
Эгалик қилиш хуқуқи	+		+	+
Фойдаланиш хуқуқи	+		+	+
Тасарруф этиш хуқуқи	+		+	+
Даромад олиш хуқуқи	+		+	+
Капитал қиймат хуқуқи		+		
Хавфсизлик хуқуқи			+	+
Мерос ва васиятнома бўйича ўтиш хуқуқи	+			
Муддатсизлик хуқуқи	+			
Зараарли фойдаланишни таъкиқлаш хуқуқи				+
Ундириш кўринишидаги жавобгарлик хуқуқи	+	+		
Қолдиқ хусусияти хуқуқи		+		

\*Жадвал Ўзбекистон Республикаси “Акциядорлик жамиятлари ва акциядорларнинг хукуқларини химоя қилиш тўғрисида”ги Қонуни асосида тузилган.

Энди бу ҳолатни хусусий корхоналар мисолида кўриб чиқамиз. Амалдаги қонунчиликка<sup>24</sup> асосан хусусий корхона мулкдори билан унинг ишчилари ўртасида мулкий хуқуқлар тақсимоти 7.3-жадвалда келтирилган шаклда намоён этилиши мумкин.

Хулоса қилиб айтганда, мулкий хуқуқларнинг бўлиниш ва маълум уйғунликда бирлашиш хусусиятлари боис улар таркибидаги ҳар қандай ўзгариш иқтисодий рағбатлар тизимида ҳам шунга мутаносиб силжишларга олиб келади. Бу эса хўжалик жараёни иштирокчиларининг хатти-ҳаракатларида ҳам маълум ўзгаришларга сабаб бўлади. Демак, мулкий муносабатлар хўжалик юритишнинг ҳаракатлантирувчи омили бўлиб, турли хўжалик юритиш тизимлари учун ўзига хос мулкий муносабатлар шаклланади.

<sup>24</sup> Ўзбекистон Республикасининг “Хусусий корхона тўғрисида”ги Қонуни. 2003 йил 11 декабрь.

**Хусусий корхоналарда устав фондига бўлган мулкий ҳуқуқлар  
тақсимоти\***

<b>Мулкий ҳуқуқ турлари</b>	<b>Мулкий ҳуқуқ субъектлари</b>		
	<b>Корхона бошлиғи (директори)</b>	<b>Корхона ишчилари (ходимлари)</b>	<b>Давлат</b>
Эгалик қилиш ҳуқуқи	+		
Фойдаланиш ҳуқуқи	+	+	
Тасарруф этиш ҳуқуқи	+		
Даромад олиш ҳуқуқи	+	+	
Капитал қиймат ҳуқуқи	+		
Хавфсизлик ҳуқуқи	+		+
Мерос ва вассиятнома бўйича ўтиш ҳуқуқи	+		
Муддатсизлик ҳуқуқи	+		
Зараарли фойдаланишни таъкиқлаш ҳуқуқи	+		
Ундириш кўринишидаги жавобгарлик ҳуқуқи	+	+	
Қолдиқ хусусияти ҳуқуқи	+	+	

\* Жадвал Ўзбекистон Республикасининг “Хусусий корхоналар тўгрисида”ги ҳамда “Тадбиркорлик фаолияти эркинлигининг кафолатлари тўгрисида”ги қонунлари ҳамда Фуқаролик Кодекси асосида тузилган.

Ўзбекистонда фермер хўжаликларига тегишли мол-мулк ва уларга бўлган мулкий ҳуқуқлар давлат ҳимоясида. Улар мол-мулкига қўйидагилар киради: бинолар, иншоотлар, қишлоқ ҳўжалиги экинзорлари ва кўчатзорлари, довдараҳтлар, чорва моллар, паррандалар, етиштирган маҳсулот, қишлоқ ҳўжалиги техникалари, инвентарь, асбоб-ускуналар, транспорт воситалари, пул маблағлари, интеллектуал мулк объеклари ва бошқалар (7.4-расм).

Маълум муддатга ижарага олинган ер участкаси учун фермер томонидан давлатга ижара ҳақи тўланади. Давлат, ўз навбатида, фермернинг ер участкасига бўлган ҳуқуқини шу муддатда мустаҳкам ҳимоясини таъминлайди. Яъни бу ҳолатда фермер учун ушбу ҳуқуқларни ўз ички имкониятлари билан ҳимоялашдан кўра, бу вазифани давлатга юклаб, ўзи ижара ҳақи тўлагани фойдалироқдир.



#### **7.4-расм. Фермер хўжаликлирида мулкий ҳуқуқлар объектлари таркиби\*.**

\*Манба: 2004 йил 26 августда қабул қиинган “Фермер хўжалиги тўғрисида”ги Конун асосида тузилган.

Фермер хўжаликлирида ерга бўлган мулкий ҳуқуқларни таҳлил қиласидан бўлсак, бу ерда мулкий ҳуқуқлар иккита субъект – фермер хўжалиги ва давлат ўртасида тақсимланган (7.4-жадвал).

Маълумки, фермер хўжаликлири мавсум пайтида турли қишлоқ хўжалиги техникаси (машина, трактор ва бошқа транспорт воситалар)га муҳтожлик сезади. Тегишли техникини лизинг орқали олиш ушбу муаммонинг самарали ечими ҳисобланади. Лизинг орқали олинган техникага бўлган мулкий ҳуқуқларнинг тақсимоти 7.5-жадвалда кўрсатилган.

#### 7.4-жадвал

#### **Фермер хўжаликларида ерга бўлган мулкий ҳуқуқлар тақсимоти\***

Мулкий ҳуқуқ турлари	Фермер хўжалиги	Давлат
Эгалик қилиш ҳуқуқи	-	16 -м. ЕК
Фойдаланиш ҳуқуқи	13 -м. Фхқ, 53 -м. ЕК	-
Тасарруф этиш ҳуқуқи	-	16 -м. ЕК
Даромад олиш ҳуқуқи	17-м. Фхқ, 173 м. ФК	-
Капитал қиймат ҳуқуқи	-	16 -м. ЕК
Хавфсизлик ҳуқуқи	17 -м. Фхқ	-
Мерос ва васиятнома бўйича ўтиш ҳуқуқи	13 , 21 -мм. Фхқ	-
Муддатсизлик ҳуқуқи	-	10,16 -м. ЕК
Заарли фойдаланишни таъкиқлаш ҳуқуқи	-	36 -м. ЕК, 173 -м. ФК
Ундириш кўринишидаги жавобгарлик ҳуқуқи	227 -м. ФК	16 -м. ЕК
Қолдиқ хусусияти ҳуқуқи	-	36 -м. ЕК

Изоҳ: ФК – Ўз Фуқаролик Кодекси, ЕК – ЎзР Ер Кодекси, Фхқ – ЎзР “Фермер хўжалиги тўғрисида”ги Қонуни, м. – модда.

\*Манба: Амалдаги қонунчилик хужжатлари асосида тузилган.

#### 7.5-жадвал

#### **Фермер хўжаликларида лизинг орқали олинган техникага бўлган мулкий ҳуқуқлар тақсимоти\***

Мулкий ҳуқуқ турлари	Лизинг олувчи (фермер хўжалиги)	Лизинг берувчи ташкилот (компания)	Лизинг сотувчи муассаса (банк)
Эгалик қилиш ҳуқуқи	589 -м. ФК, 2 -м. Лқ	-	-
Фойдаланиш ҳуқуқи	589 -м. ФК, 2 -м. Лқ	-	-
Тасарруф этиш ҳуқуқи	-	597 -м. ФК, 11 -м.Лқ	598 -м. ФК
Даромад олиш ҳуқуқи	183 -м. ФК, 6 -м. Лқ	590 -м. ФК, 22 -м.Лқ	-
Капитал қиймат ҳуқуқи	-	11 -м. Лқ	11 -м. Лқ
Хавфсизлик ҳуқуқи	593 -м. ФК, 19 -м.Лқ	19 -м. Лқ	-
Мерос ва васиятнома бўйича ўтиш ҳуқуқи	21 -м.Фхқ	-	-
Муддатсизлик ҳуқуқи	15 -м. Лқ	-	-
Заарли фойдаланишни таъкиқлаш ҳуқуқи	594, 595 -м. ФК, 24 -м. Лқ	24 -м. Лқ	-
Ундириш кўринишидаги жавобгарлик ҳуқуқи	227 -м. ФК, 12, 24 -м. Лқ	592 -м. ФК, 11 -м. Лқ	-
Қолдиқ хусусият ҳуқуқи	-	12, 20 -м. Лқ	-

Изоҳ: ФК – ЎзР Фуқаролик кодекси, Фхқ – ЎзР “Фермер хўжалиги тўғрисида”ги қонун, Лқ – ЎзР “Лизинг тўғрисида”ги Қонуни, м. – модда.

\*Манба: Амалдаги қонунчилик хужжатлари асосида муаллиф ишланмалари.

Жадвалга кўра, ушбу ҳуқуқлар бир субъект учун белгиланмаган, балки учта (фермер хўжалиги, лизинг компаниялари ва банклар) ўртасида тақсимланган. Фермер томонидан лизинг шартномаси асосида олинган қишлоқ хўжалиги техникасидан фойдаланиш ҳуқуқи фермернинг ўзига тегишли, айни пайтда ушбу техникага эгалик қилиш ҳуқуқи, фермер лизинг тўловини тўлиқ амалга оширгунига қадар, уни маблағ билан таъминлаган банкка тегишлидир.

Фермер хўжаликларининг асосий фаолияти қишлоқ хўжалиги маҳсулотини етиштиришдан иборат. Ушбу мулкка бўлган ҳуқуқлар “йифиндиси” вазияти аввалгиларга ўхшаш, яъни фермер хўжалиги, ушбу маҳсулотни қабул қилувчи (қайта ишловчи) корхоналар ҳамда давлатга тегишли (7.6-жадвал). Чунки фермер хўжаликлари нафақат ўз эҳтиёжлари учун, балки давлат буюртмаси ёки контрактация шартномасига асосан маҳсулот етиштиради.

#### 7.6-жадвал

#### **Фермер хўжаликларида етиштирилган маҳсулотларга бўлган мулкий ҳуқуқлар тақсимоти\***

Мулкий ҳуқуқ турлари	Фермер хўжалиги	Қайта ишловчи ташкилот	Давлат
Эгалик қилиш ҳуқуқи	8 -м.Тқ	-	-
Фойдаланиш ҳуқуқи	8 -м. Тқ	-	-
Тасарруф этиш ҳуқуқи	16 –м. Фхқ, 8 -м. Тқ	386 -м.ФК	386 -м.ФК
Даромад олиш ҳуқуқи	16, 24 –м. Фхқ, 20 -м. Тқ	-	-
Капитал қиймат ҳуқуқи	16, 24 -м. Фхқ	-	-
Хавфсизлик ҳуқуқи	464, 467 -м. ФК	466 -м. ФК	463-м. ФК
Мерос ва васиятнома бўйича ўтиш ҳуқуқи	21 -м. Фхқ	-	-
Муддатсизлик ҳуқуқи	13 -м. Фхқ	-	-
Заарарли фойдаланишни таъқиқлаш ҳуқуқи	38 -м. Тқ	466 -м. ФК	464 -м. ФК
Ундириш кўринишидаги жавобгарлик ҳуқуқи	-	-	35 –м.Фхқ
Қолдиқ хусусияти ҳуқуқи	19 -м. Фхқ, 14 -м. Тқ	-	-

Изоҳ: ФК – ЎзР Фуқаролик кодекси, Фхқ – ЎзР “Фермер хўжалиги тўғрисида”ги қонун Тқ – ЎзР “Тадбиркорлик фаолияти эркинлигининг кафолатлари тўғрисида”ги Қонун, м. – модда.

\*Манба: Амалдаги қонунчилик хужжатлари асосида тузилган.

Биринчи ҳолатда ушбу мулкка бўлган деярли барча ҳуқуқлар “йифиндиси” ер участкасига бўлган ижара муддати тутагунга қадар фермер хўжаликларида мужассам, у мутлақ эгаси ҳисобланади. Иккинчи ва учинчи ҳолатда эса ҳуқуқлар фермер хўжалиги маҳсулотни мулк қилиб топширгандан кейин қайта ишловчи ташкилот ёки давлат корхоналарга ўтади. Айнан шундай ўхшаш мураккаб мулкий ҳуқуқлар тақсимоти бошқа айланма воситалар,

масалан, пул маблағлари, минерал ўғитлар, ёқилғи-мойлаш материалларида ҳам кузатилади.

Хулоса қилиб айтганда, қишлоқ хўжалигидаги мулк шаклларидаги таркибий ўзгаришлар асосан мулкий ҳуқуқлар тақсимланишининг давлат томонидан тартибга солиниши натижаси бўлиб, айнан мулкий ҳуқуқлар тақсимоти ҳақиқий мулқдорлар ва хўжалик юритишнинг самарали шаклларини вужудга келтиришда муҳим аҳамият касб этади. Шу билан бирга 7.2-7.5-жадвалларда келтирилган мулкий ҳуқуқлар тақсимоти амалдаги қонун ҳужжатларини такомиллаштириш ҳамда мулқдорлар ҳуқуқини ҳимоя қилишга доир ҳуқуқий нормаларни яратишга асос бўлиб хизмат қиласди. Чунки Ўзбекистон Республикасининг қонун ҳужжатларида мулкка эгалик қилиш, ундан фойдаланиш ва уни тасарруф этиш ҳуқуқлари нормаларигина қонун ҳужжатларига киритилган, қолган 8 та мулк ҳуқуқи тури ҳали қонун ҳужжатларида тўлиқ ўз ифодасини топмаган.

### **Қисқача хулоса**

Мулк ҳуқуқлари назарияси мулкий ҳуқуқларнинг иқтисодиёт субъектлари (юридик ва жисмоний шахслар) ўртасида тақсимланиши ҳамда мулкий муносабатлар муаммоларини ўрганади. Мулк ҳуқуқи, бир томондан, субъектив ашёвий ҳуқуқ. Ўз мазмунига кўра, мулк ҳуқуқи барча ашёвий ҳуқуқлар орасида энг кенг ҳуқуқдир: мулқдор ўз мулкига эгалик қилиш, ундан фойдаланиш ва уни тасарруф этиш ҳуқуқига эга бўлиши лозим.

Хорижий манбаларда мулк ҳуқуқи 11 та турга ажратилган ҳолда ўрганилади. Бу эса мулк ҳуқуқини кенгроқ талқин этиш имконини беради.

Мулкий муносабатлар тарихан турли шаклларга эга бўлган ва улар мулкий ҳуқуқларнинг табақаланишида намоён бўлади.

Ўзбекистонда мулк шакли хусусий ва оммавий турларга бўлинади. Оммавий мулк шакли давлат мулкини ҳам ўз ичига олади.

Фермер хўжалигининг мулки фермер ва хўжалик аъзоларининг мулки ҳисобланади.

### **Таянч сўз ва иборалар**

Мулк ҳуқуқи, Оноре рўйхати, хусусий мулк, жамоавий мулк, давлат мулки, тоталитар мулк, корпоратив мулк, ижтимоий мулк, мулқдорлар, очиқ акциядорлик жамияти, фермер хўжалигининг мулкий ҳуқуқлари, мулкий ҳуқуқлар тақсимоти.

### **Такрорлаш учун саволлар**

1. Мулк ҳуқуқи деганда нима тушунилади?
2. Мулк ўзи нима? Унинг қандай шакллари мавжуд?
3. Оноре рўйхатига кирувчи мулк ҳуқуқлари турларини айтинг ва уларнинг моҳиятини тушунтиринг.
4. Мулк ҳуқуқи таснифи нима ва уни Ўзбекистон иқтисодиётининг амалиётида қўллаш имкониятларини изоҳлаб беринг.


## VIII - боб. ШАРТНОМАЛАР НАЗАРИЯСИ

Трансакция назариясига мувофиқ шахслар ўзаро ҳамкорлигининг умумий доиралари институтлар томонидан белгиланади. Битимларни тузиш шартларининг муайян доиралари эса ўзаро ҳамкорликнинг турли иштирокчилари ўртасида қайд этилади. Ўзбекистон Республикаси Фуқаролик Кодексининг 9-боби (101-112-моддалар) битимларга бағишиланган. Агар мулкчилик ҳуқуқлари назариясининг атамаларидан фойдалансақ, мулкчилик ҳуқуқлари билан алмашиш ва уларни ҳимоялаш тўғрисидаги ҳар қандай келишувни шартнома, деб аташ мумкин. Шартномани тузишда шахслар расмий ва норасмий меъёрларни муайян битим эҳтиёжлари учун қўллаган ҳолда, улардан фойдаланадилар. Бошқача айтганда, шартнома белгаланган институционал доираларда амалга ошириладиган алмашув мақсадлари ва шартларининг шахслар томонидан онгли равишида ва эркин танланишини акс эттиради.

### 8.1. Шартнома тушунчаси

**Шартнома** – белгаланган институционал доираларда шахсларнинг онгли равишида ва эркин танлови натижаси ҳисобланган мулкчилик ҳуқуқлари билан алмашиш ва уларни ҳимоялаш тўғрисидаги келишув.

Шундай қилиб, институционал таҳлил оқилона танлов моделининг умумий эмас, балки хусусий ҳолатини кўриб чиқиш учун замин яратади. Ушбу модел универсал эмас, у алоҳида институционал доираларда шахсларнинг хатти-харакатини ёритиш билан чегараланади, бунда шахслар ушбу доираларга чекланган даражада таъсир кўрсатадилар. Оқилона танлов моделини институционал доираларга жойлаштириш «доира самараси» деб ном олди. Бироқ оқилона танлов институционал доираларини фақат чегаралаш (гиёҳвандлик моддалари, қурол-аслаҳа, бошқа ижтимоий хавфли товар ва хизматлар олди-сотдиси тўғрисида шартномалар тузиш учун қонуний таъкиқ) сифатида талқин этиш нотўғри бўлади. Институционал доиралар нафақат чеклайди, балки оқилона танловни амалга ошириш учун замин яратиши мумкин. Шу тариқа, ишончнинг норасмий меъёри ҳам, томонларнинг шартномадан келиб чиқувчи *мажбуриятлари* пайдо бўлиши тўғрисидаги расмий қоида ҳам, ҳатто шартнома тузиш ва уни бажариш лаҳзаси ўртасида анча вақт ўтган тақдирда ҳам ҳуқуқлар билан алмашиш имконини беради. Бундай институционал доираларда амал қилувчи «муносабатли» киши, ўз хусусиятларига кўра *homo oeconomicus*дан фарқ қиласи – биринчи тушунча иккинчисига нисбатан анча кенг.



8.1-расм. Шартномавий мажбурият доираси.

«Муносабатли» киши оқилона мақсадли ҳаракат мөйёрига амал қиласы, лекин шу билан бирга у ўз хатти-харакатини ишонч, эмпатия ва бозор конституциясими ташкил этувчи бошқа мөйёрлар асосида ҳам қуради. Уни тузиш ва бажариш лаҳзаларининг вақт бўйича мос келмаслигини назарда тутувчи шартнома одатий ҳолатни ўзида намоён этади.

Бозор иқтисодиёти нормалари тизимида кўра, шахс хатти-харакатига «табиий» омилларнинг таъсирини олдиндан аниқ айтишнинг иложи йўқ. Чунки бозор иқтисодиёти нормалари *шахс* ва «*табиат*» ўртасидаги эмас, балки *шахслар* ўртасидаги ўзаро ҳамкорликни тартибга солувчи мөйёрлар йифиндисини намоён этади. Шахслар ўртасидаги ўзаро ҳамкорлик натижаларига «Табиат» таъсирининг учта варианти мавжуд.

1. «Табиат» ўзаро ҳамкорлик натижаларига таъсир қўрсатмайди, шахслар ушбу ҳолатда *аниқлик* шароитида бўладилар.

2. «Табиат» ўзаро ҳамкорлик натижаларига таъсир қўрсатади, лекин унинг таъсирини олдиндан айтиш мумкин. Шахс томонидан қабул қилинадиган қарорни муқобил натижаларнинг пайдо бўлиши эҳтимоли маълум бўлганида «хисоблаб чиқиши» мумкин.

3. «Табиат» ўзаро ҳамкорлик натижаларига таъсир қўрсатади, лекин унинг таъсирини олдиндан айтиб бўлмайди. Қарор қабул қилиш натижаларини «хисоблаб чиқиши» мумкин эмас, чунки қарорни қабул қилиш вақтида уларнинг пайдо бўлиши эҳтимол эмас, балки факат унинг муқобил якунлари маълум.

Хатар ва ноаниқлик шароитида ҳамма шахслар ҳам бир хил ҳаракат қилмайдилар. Инсонларнинг хатарга нисбатан муносабатлари нуқтаи назаридан уларнинг учта тури мавжуд: хатарга қарши инсонлар; хатарга *бетараф* муносабатда бўладиган инсонлар ва хатарга *мойил* инсонлар.

## **8.2. Сотиш тўғрисидаги шартнома ва ёллаш тўғрисидаги шартнома**

Қайси институционал доиралар инсонларнинг «табиий» («табиат» билан шартланган) хатар ва ноаниқликларга муносабатларининг ўзига хос хусусиятларини ҳисобга олган ҳолда шартномалар тузиш имконини беради? Ушбу институционал доиралар битим томонларидан бирига ўзаро ҳамкорлик натижаларига «табиий омиллар» таъсиридан қатъи назар кафолатланган даромад олиш хуқуқини қўлга киритиб, хатардан воз кечиш имконини берувчи ёллаш тўғрисидаги шартномада белгиланади. Бироқ бунда шартноманинг хатарга қарши томони вазият қулай тус олган ҳолларда катта даромад олиш учун эътиrozлардан воз кечади.

«Ёллаш тўғрисидаги шартнома» атамаси ёлланма ходим ва иш берувчининг ўзаро ҳамкорлиги моделидан келиб чиқиб, унда шу нарса назарда тутиладики, ёлланма ходим – хатарга қарши, иш берувчи эса хатарга нисбатан бетараф. Бозор конъюнктураси ва ёлланма ходим ишлаб чиқарувчи маҳсулотга талаб қандай бўлишидан қатъи назар, у меҳнати учун қатъий белгиланган мукофотни олади. Бунда шартноманинг ўзида қайси ҳаракатларни амалга оширганлик учун ёлланма ходим мукофот олиши аниқ қўрсатилмайди, ҳаракатлар хусусияти «табиий» омиллар билан шартланган бирор-бир вазият

содир бўлишидан келиб чиқади. Амалда ёллаш тўғрисидаги шартнома фақат ёлланма ходим иш берувчининг қарорларига бўйсуниши зарурлигини қайд этади.

Энди юқорида айтилганларни математик қўринишда ифодалаш мумкин. Шартнома тузиш палласида унинг амалга оширилишига шартнома иштирокчиларининг назорати остида бўлмаган  $e_i$  воқеалар таъсир кўрсатиши маълум, дейлик. Шу билан бирга ушбу воқеаларнинг содир бўлиши эҳтимоли  $p_i$  ҳам маълум. У ҳолда ёллаш тўғрисидаги шартномани тузишда иш берувчи томонидан ёлланма ходим шартноманинг амалга оширилиши палласида қандай  $e_i$  воқеа содир бўлишига кўра бажариши учун  $x_i$  вазифани танлаш тартиби тафсирланади. Ёллаш тўғрисидаги шартномада бутун  $X$  вазифалар йиғиндиси ҳақида келишиб олинади, шулардан иш берувчи, бунда ўзининг фойдалилик вазифасини максималлаштирган ҳолда  $x_i$  ни танлаши мумкин. Яъни ёллаш тўғрисидаги шартнома деб,  $X$  вазифалар йиғиндисининг унда вазифанинг максимал қиймати

$$EU[p_1x_1(e_1) + p_2x_2(e_2) + \dots + p_kx_k(e_k)],$$

$x_1, \dots, x_k \in X$  бўлган тафсирсига айтилади, бу ерда  $EU$  – иш берувчининг кутилаётган фойдалилиги. Ёллаш тўғрисидаги шартномага *сотиши тўғрисидаги шартнома* муқобил ҳисобланиб, унда эҳтимолий вазифаларнинг йиғиндиси эмас, балки бажариш учун қабул қилинадиган ва  $e_i$  воқеалар содир бўлишининг маълум эҳтимоллиги асосида белгиланган муайян вазифалар ҳақида келишиб олинади. Шундай қилиб, сотиши тўғрисидаги шартнома қуйидаги вазифанинг қиймати максимал бўладиган (шартноманинг амал қилиш муддати мобайнида) *келгуси* даврларда бажариш учун қабул қилинадиган вазифаларни белгилаб беради:

$$p_1U[x_1(e_1)] + p_2U[x_2(e_2)] + \dots + p_kU[x_k(e_k)],$$

бу ерда  $U$  – битим иштирокчиларининг  $x_i$  топширигини бажаришдан умумий фойдалилиги.

**Ёллаш тўғрисидаги шартнома** – хатарга бетараф бўлган шахс ва хатарга қарши шахс ўртасидаги келажакда шартноманинг бажарилиши жараёнида амалга оширилиши мумкин бўлган вазифалар доирасини белгилаб берувчи келишув. Бунда хатарга қарши шахс хатарга бетараф бўлган шахсга ўз ҳаракатлари устидан назорат қилиш ҳуқуқини топширади.

**Сотиши тўғрисидаги шартнома** – бир хил даражада хатарга бетараф бўлган шахслар ўртасидаги келажакда шартноманинг бажарилиши жараёнида амалга ошириладиган вазифалар доирасини белгилаб берувчи келишув.

Сотиши тўғрисидаги шартнома фақат унинг иккала томони ҳам хатарга нисбатан бетараф бўлиб, кутилаётган воқеалар содир бўлмаслиги ва шартномада қайд этилган вазифалар юзага келадиган вазиятга мос бўлмаган эҳтимолликка кўнишга тайёр бўлган тақдирда тузилиши мумкин.

Демак, сотиш тўғрисидаги шартнома хатарга бир хил муносабатда бўлувчи – хатарга бетараф шахслар ўртасидаги муносабатларни тартибга солади. Ёллаш тўғрисидаги шартнома эса хатарга ҳар хил муносабатда бўлувчи –хатарга бетараф ва хатарга қарши инсонлар ўзаро ҳамкорлигининг институционал доираларини белгилайди. Хатарга қарши шахслар (ёлланма ходимлар) хатарга бетараф бўлган шахслар (иш берувчилар) фойдасига келгусида «табиий» омилларни ҳисобга олган ҳолда ҳаракат стратегиясини эркин танлаш ҳуқуқидан ихтиёрий равишда воз кечадилар. Шахснинг шартномада белгиланган фаолият тури устидан *назорат ҳуқуқининг ихтиёрий равишда топширилиши* юз беради. Ҳудди ресурсларни тасарруф этиш ҳуқуқини топшириш каби шахс ўз ҳаракатлари устидан назорат қилиш ҳуқуқини ҳам топшириши мумкин.

Шундай қилиб, шахс, агар у бошқа шахс томонидан назорат қилинган тақдирда катта фойда ва (ёки) назорат қилиш ҳуқуки топширилаётган шахсдан компенсация олишига ишонса, ўз ҳаракатлари устидан назорат ҳуқуқининг топширилишидан *манфаатдор* ҳисобланади.

Шахсга фаолиятнинг шартномада белгиланган соҳалардаги ўз ҳаракатлари устидан назоратнинг топширилиши ҳукмонлик муносабатларига асосланади. Ҳукмонлик муносабатлари бир неча турга бўлинади:

- *оддий*, унинг доирасида назорат айнан унга назорат қилиш ҳуқуки топширилган шахс томонидан амалга оширилади;
- *мураккаб*, бунда унга назорат ҳуқуки топшириладиган шахс бир вақтнинг ўзида ушбу ҳуқуқни учинчи шахсларга топшириш ҳуқуқини ҳам қўлга киритади;
- *алоҳидаланган*, унда назорат муайян шахсга топширилади;
- *позицион*, у назоратнинг муайян шахсга эмас, балки жамиятнинг институционал таркибида (давлат аппаратида, фирманинг ички тузилишида ва ҳ.к.) муайян мавқега эга шахсга топширилишини назарда тутади.

### 8.3. Шартнома турлари<sup>25</sup>

Энди ёллаш тўғрисидаги шартнома билан сотиш тўғрисидаги шартномани ўзаро таққослаган ҳолда, бевосита шартнома таркибини мухокама қилишга киришамиз. Шартноманинг учта асосий тури маълум – *классик, имплицит ва неоклассик*.

Классик шартнома, унда ўзаро ҳамкорликнинг барча шартлари аниқ ва тўла-тўқис белгиланган, сотиш тўғрисидаги шартномадан ҳосил бўлган шартнома.

Имплицит (бундан «имплицит», яъни охиригача келишилмаган шартнома атамаси келиб чиқсан) шартнома эса, аксинча, ўзаро ҳамкорликнинг аниқ белгиланишини истисно этади, шартнома томонлари шартномани амалга ошириш жараёнида уларнинг тафсирланишини назарда тутади. Бундай шартнома ёллаш тўғрисидаги шартномадан ҳосил қилинади. Неоклассик ёки *гибрид*, «муносабатли» шартнома ўзида ҳам ёллаш тўғрисидаги шартноманинг,

<sup>25</sup> Ушбу кисм Н.Неделькина билан ҳамкорликда ёзилган.

ҳам сотиш тўғрисидаги шартноманинг унсурларини бирлаштиради ва томонларга кутилмаган ҳолатлар содир бўлганида унинг шартларига амал қилмаслик имконини беради.

Қуйидаги жадвал ёрдамида уч турдаги шартноманинг таркиби ва ўлчамларини солиштирамиз.

### 8.1-жадвал

#### Шартнома таркиби ва хусусиятлари

Классик	Неоклассик	Имплицит
<b>1. Шартнома томонларининг тавсифи</b>		
Ҳар бир иштирок-чининг ўрнини босадиган шахсни топиш осонлиги. Натижа иштирокчиларнинг таркибига боғлиқ эмас. Томонлар хатарга нисбатан бир хилда бетараф	Тенг ўринбосар топиш қийинлиги туфайли шартнома томонларининг юкори даражада ўзаро боғлиқлиги. Томонлар хатарга нисбатан бетараф	Битим иштирокчиларининг икки томонлама боғлиқлиги: натижа уларнинг биргаликда фаолият юрита олишларига боғлиқ. Бир томон хатарга нисбатан бетараф, иккинчи томон хатарга қарши
<b>2. Шартнома шакли</b>		
Шартнома стандарт шаклда, унда шартномани бажаришнинг барча икирчикирлари хақида тўлиқ келишиб олинган	Шартнома шакли «битимга мослаб» маҳсус ишлаб чиқилади. Шартнома тўлиқ тафсирланмаган, балки тузатишлар киритиш учун имконият қолдиради	Шартноманинг асосий қоидалари эксплицит тарзда умуман тафсирланмаслиги мумкин. Шартнома томонларнинг бири ўз ҳаракатини назорат қилиш ҳуқуқини бошқа томонга топширишига олиб келади
<b>3. Томонлар ўртасидаги муносабатлар</b>		
Томонлар тўлиқ мустақилликни сақлаб қоладилар	Томонлар мустақилликни сақлаб қоладилар	Ҳукмронлик муносабатлари: фаолиятни назорат қилиш ҳуқуқини топшириш
<b>4. Шартнома тузиладиган давр</b>		
Қисқа муддатли	Ўрта ва узоқ муддатли	Узоқ муддатли. Шартноманинг амал қилиш даври хақида умуман келишмаслик мумкин: у томонлардан бири учун назорат қилиш ҳуқуқидан мустақил фойдаланишга нисбатан уни топшириш фойдалироқ экан, у амал қилаверади
<b>5. Кутилмаган ҳолатларга мослашиш усули</b>		
Шартномани янги шартларда қайта тузиш	Музокаралар, позицияларнинг келишиш, «томонларнинг ўзаро муносабатлари мобайнида тўпланган барча ўзаро	Шартнома томонларидан бирининг бошқа томон қарорларига бўйсуниши (Хазифалар йиғиндисидан хазифанинг бажарилишига

	хамкорлик тажрибаси» асосида ўзаро воз кечиш	тааллуқли)
<b>6. Шартнома шартларини бажаришга ундовчи омиллар</b>		
Кучли: томонларнинг мукофотланиши шартномада қайд этилган муайян вазифаларнинг бажарилиши билан боғлиқ	Ўртача: ўзини «оқлаш» қоидасидан томонларга мажбуриятларнинг бажарилишига тўсик сифатида кутилмаган холатларни баҳона қилиш имконини беради	Кучсиз: шартнома томонларидан бири назорат хуқуқини топширганлиги учун қатъий белгиланган мукофотни олади
<b>7. Шартнома шартларини бажармаганлик учун санкция</b>		
Шартноманинг ўзида қайд этилган хуқукий санкциялар	Томонларнинг узоқ вақтли ўзаро хамкорлик даври мобайнида орттирилган обрўнинг йўқотилиши	Маъмурий жазо, назорат хуқуқини топширганлик учун қоплама (компенсация)нинг кам фойдали шартлари
<b>8. Низолар ҳал этиладиган инстанция</b>		
Суд	Учинчи томон: арбитраж суд, ҳакамлар суди	Низоларни ҳал этиш бирор учинчи томон жалб этилмаган ҳолда, ҳокимиятдан фойдаланиш асосида амалга оширилади
<b>9. Низоларни ҳал этиш тартиботи самарадорлигини чекловчи омиллар</b>		
Суд тасарруфида бўлган ахборотнинг чекланганлиги. Қонундан фойдаланиш нархи нолга teng эмас	Ҳакамлар суди ёки арбитраж судининг обрўси. Учинчи томонга топшириладиган ваколатларнинг чекланганлиги (арбитраж бундан мустасно). Хуфиёналик нархи нолдан фарқ қиласди	Маъмурий назоратни амалга ошириш харажатлари. Ҳар қандай низо ўзида томонларнинг нафақат «овоз бериш», балки «чикиш», яъни топширилган назорат хуқуқини қайтариб олиш хукувидан ҳам фойдаланиш имконини намоён этади
<b>10. Мисоллар</b>		
Олди-сотди шартномаси	Франчайзинг. Табиий монополияларнинг тартибга солиниши. Транспорт, энергетика ва хомашё компаниилари ўртасидаги узоқ муддатли шартномалар	Иш берувчи ва ёлланма ходим ўртасидаги шартнома. корхонадаги муносабатлар мажмую

Ўзбекистонда хўжалик шартномаларини тузиш, бажариш, ўзгартириш ёки бекор қилишнинг хуқукий асослари “Хўжалик юритувчи субъектлар фаолиятининг шартнома-хуқукий асослари тўғрисида”ги қонун билан тартибга солинади. Ўзбекистон Республикасида амалда бўлган хўжалик шартномаларининг турлари 8.2-расмда келтирилган.



\* Муаллиф томонидан Ўзбекистон Республикасининг амалдаги қонун ҳужжатларига мувофиқ тузилган.

## 8.2-расм. Ўзбекистон Республикасида шартнома турлари\*.

### 8.4. Ташкилот тушунчаси ва институт билан ташкилот ўртасидаги чегара

Принципial жиҳатдан янги ҳолат – шахс томонидан ёллаш тўғрисидаги шартнома доирасида ўз ҳаракатларини назорат қилиш ҳуқуқининг ихтиёрий равишда топширилиши – бозор иқтисодиёти нормаларига тузатишлар киритишни талаб этади. Биринчидан, мураккаб фойда кўриш нормасига фақат ёллаш тўғрисидаги шартноманинг томонларидан бири – унга назорат ҳуқуқи топширилаётган томон амал қиласи.

Битимнинг ушбу томони «принципial» ёки «топшириқ берувчи» деб аталади. Битимнинг иккинчи томони – «агент» ёки «ижро этувчи» маълум даражадан ортиқ бўлган мукофот эвазига ўз ҳаракатларини ўзи назорат қилиш ҳуқуқидан воз кечади. Бошқача айтганда, «агент» фойда олиш даражасини оширмайди, балки фойданинг маълум даражасига эришишни мўлжаллайди (чекланган фойда кўриш нормаси). «Принципial» ва «агент» ўртасидаги муносабатлар қатъий шаклда қўйидаги тенгламалар билан изоҳланади:

$$\max EU(\text{принципial}) = EU[f(Q), Q, A, S],$$

$$EU(\text{агент}) = EU(Y, A, S) \geq U,$$

бу ерда:  $Q$  – шартномани амалга ошириш натижаси ("чиқиш");

$Y = f(Q)$  - "агент" фаолиятига ҳақ тўлашнинг танланган қоидаси;

$A$  - ""принцип" томонидан қўйилган вазифаларни бажариш бўйича агент"нинг саъй-харакатлари;

$S$  – шартнома томонларига боғлиқ бўлмаган «табиий» омиллар.

Иккинчидан, «агент»нинг хатти-харакати оқилона мақсадли ҳаракат тамойилларини бузади, чунки у мақсадларни танлашда эркин эмас – мақсадлар «принцип»нинг манфаатлари билан белгиланган. «Агент» ўз ҳаракатларида фақат ўз манфаатларига амал қиласдан, у биринчи навбатда «принцип»нинг топшириқларини бажариши лозим. Идеал «агент» «принцип»нинг манфаатларини ўз манфаатлари сингари қабул қилиши зарур.

Учинчидан, ишонч меъёрини амалга ошириш билан боғлиқ муаммолар ҳам мавжуд. «Агент» «принцип»га у томонидан бирор – бир вазиятда қабул қилинадиган қарорларнинг тўғрилиги нуқтаи назаридан ишониши лозим. «Принцип»га ишонмаган «агент» унга назорат қилиш хукуқини топширишдан манфаатдор эмас. Бундан ташқари, «принцип» «агент»нинг ҳаракатлари устидан назоратни шартнома билан белгиланмаган муносабатларга ҳам қўлламаслигига ишонч ҳосил қилиши керак. Тескари ҳолат нотўғри, чунки «принцип» ҳатто «агент»нинг ҳаракатларини ўз фойдалилигини эмас, балки «принцип»нинг фойдалилигини оширишга йўналтириш зарурлигини ҳисобга олган ҳолда унга нисбатан маълум даражада ишочизлик билан муносабатда бўлиши лозим.

Тўртингидан, ёллаш тўғрисидаги шартномани амалга ошириш учун хайриҳоҳлик нормаси талаб этилмайди. «Принцип» мукофотнинг «агент» рози бўладиган энг паст даражасини билиши кифоя қиласди. Унда иккала томон ҳам шартнома ёрдамида ўз фойдалилигини оширадиган, «симметрик барқарорлик» мезонига жавоб берувчи сотиш тўғрисидаги шартномадан фарқли ўлароқ, ёллаш тўғрисидаги шартнома симметрик барқарорликни назарда тутмайди.

Бир томондан, ёллаш тўғрисидаги шартномани амалга оширишдан фойдани тақсимлаш ассимметрик хусусиятга эга. Иккинчи томондан - ҳатто «агент»га ўз хукуқларини «принцип»га топширганлик учун тўланадиган қоплама «горизонтал бўйича» эмас, фақат «вертикал бўйича» муносабатларга тааллукли. Ёллаш тўғрисидаги шартнома бир неча «агент»га амал қилинган ҳолатларда улар ўртасидаги муносабатлар «принцип»га мурожаат этиш орқали тартибга солинади ва шунинг учун симметрик барқарорликка эришишга йўналтирилмаган.

Ниҳоят, қонунга бўйсуниш нормасига зарурат йўқ, чунки шартномани амалга ошириш юзасидан келиб чиқувчи низолар умуман қонунга бўйсуниш орқали ҳал этилмайди. Ёллаш тўғрисидаги шартноманинг бажарилиши билан боғлиқ барча масалалар «ички ҳакам» - «принцип» томонидан ҳал этилади.

Шу тариқа «принцип» ва «агент»нинг ифодаловчи ўзаро муносабатларини тартибга солувчи нормалар йиғиндиси буйруқбозлик иқтисодиёти нормалари тизимини эслатади. Лекин бу тасодиф эмас.

Неоинституционал назария асосчиси, Нобель мукофотининг лауреати Роналд Коуз «Фирма табиати» мақоласида буйруқбозлик асосига эга бўлган иқтисодий муносабатларда бозор тизими ҳам мавжуд, деган хulosага келади. «Бизнинг иқтисодиётда режалаштириш мавжуд... Фирмада... бозор трансакцияларига барҳам берилган, алмашув трансакцияларига эга мураккаб бозор тузилмасининг ролини эса мувофиқлаштирувчи тадбиркор ўйнайди, у ишлаб чиқаришни ҳам бошқаради».

Бошқача айтганда, буйруқбозлик иқтисодиёти нормалари тизими нафақат тарихий жиҳатдан қизиқиши ўйғотади, балки у алоҳида тузилмалар – ёллаш тўғрисидаги шартнома асосида юзага келадиган *ташкилотлар* доирасидаги муносабатларни тартибга солади. **Ташкилот деганда**, «таърифланадиган чегараларга эга ва мақсадларга ёки иштирокчи аъзолар томонидан тақсимланадиган мақсадлар йиғиндисига эришиш учун фаолият юритувчи мувофиқлаштириш бирлиги» тушунилади. Корхона (фирмалар) (мувофиқлаштиришнинг иқтисодий бирликлари), касаба уюшмалари, сиёсий партиялар, университетлар, фойда кўрмай ишловчи ташкилотлар ва кўплаб бошқа «мувофиқлаштириш бирликлари» ташкилотлар ҳисобланади. Ушбу таърифдан ташкилотнинг учта асосий хусусияти келиб чиқади.

1. Иштирокчилар йиғиндиси.
2. Барча иштирокчиларнинг «принципал» манфаатларидан ҳосил бўлган ташкилот мақадларига мослашиш даражаси.

3. Ҳукмронлик муносабатларининг расмий тузилмаси, маълум даражадаги мураккаблиги билан тавсифланувчи кўп поғоналик.

**Ташкилот** - ҳукмронлик муносабатлари, яъни иштирокчиларининг айримлари - «агентлар» томонидан ўз харакатлари устидан назорат қилиш ҳуқуқининг унинг бошқа иштирокчи – «принципал»га топширилиши асосида тузилган мувофиқлаштириш бирлиги.

Ташкилотни мувофиқлаштириш бирлиги сифатида таърифлаш ушбу тушунча ва инсонларнинг ўзаро ҳамкорлигини белгилаб берувчи «институт» тушунчасини аниқ чегаралашни талаб қиласи. Уларни қуидаги жадвалдан кўриш мумкин:

Институт	Ташкилот
Макроинституционал тоифа	Микроинституционал тоифа
Ўзаро ҳамкорликнинг умумий доираларини белгилайди	Ўзаро ҳамкорлик(лар)нинг муайян доираларини белгилайди
Соф ижтимоий неъмат тавсифига эга	Шахслар уюшган гуруҳи неъмати тавсифига эга
Индивидуаллашмаган ва нолокал трансакцияларни тартибга солади	Аниқ чегаралангандемак, индивидуаллашган ва локал трансакцияларни тартибга солади
Шахслар институтларнинг ўзгариш жараёнига таъсир кўрсата олмайдилар	Ташкилот шахсларнинг онгли равишдаги танлови натижаси саналади
Ҳукмронлик муносабатлари унсур мавжуд эмас	Ҳукмронлик муносабатлари ташкилот фаолиятига асосланади
Трансакция харажатлари таркиби ва миқдорини белгилайди	Институционал доиралар томонидан белгиланган трансакция харажатлари тежалишига кўмаклашади

Трансакция харажатларини тежашга тааллуқли сўнгги фарқ хусусида алоҳида тўхталиб ўтиш лозим. Ёллаш тўғрисидаги шартномани амалга ошириш ўша мақсадлар учун сотиш тўғрисидаги шартноманинг институционал доираларидан фойдаланишга нисбатан анча кам трансакция харажатлари билан боғлиқ. Тежаш, биринчидан, шартномани мунтазам қайта тузиш зарурати йўқолиши муносабати билан, иккинчидан эса, шартноманинг имплицит шакли – ўзаро ҳамкорликнинг барча икир-чикирларини аниқ тафсирлашдан воз кечиш ҳисобидан пайдо бўлади.

Трансакция харажатларини тежашнинг қолган маълум воситалари орасида *ташкилот* бир қатор ўзига хос хусусиятлари билан тавсифланади. Битимлар тузишида музокаралар юритиш харажатларини тежаш имконини берувчи стандарт (намунавий) шартномалардан фойдаланиш; ўлчаш харажатларини пасайтирувчи сифат, ўлчаш ва тортиш стандартларини ишлаб чиқиши ва ривожлантириш; жамиятда мулкчилик ҳукуқларини тафсирлаш ва ҳимоя қилиш харажатларининг камайишига олиб келувчи консенсус мафкурасини шакллантириш каби воситалар шулар жумласидандир. Уларни қўллаш интенсивлигини ошириш билан юкорида кўрсатилган барча учта воситанинг самарадорлиги пасаймайди. Аксинча, ушбу воситалардан қанча кенг фойдаланилса, бир битим ҳисобида трансакция харажатларининг миқдори шунча кам бўлади.

Ташкилот доирасида трансакция харажатларини тежаш борасидаги ишлар эса бошқача қўринишга эга. Трансакция харажатлари миқдорлари ўсиши, яъни ташкилий доираларда битимлар кўпроқ амалга оширилиши билан ушбу соҳада унинг самарадорлиги камаяди. Ташкилотда битимларни амалга ошириш ҳамон ахборотни излаш харажатлари, шунингдек, музокаралар юритиш харажатлари ва шартнома тузиш харажатларини пасайтириш имконини берса-да, бунда бошқа турдаги харажатларнинг ўсиши юз беради.

Ташкилот ўлчамлари ортиши билан, биринчи галда, мониторинг ва оппортунизмнинг олдини олиш харажатлари ошади. Биринчидан, ташкилот иштирокчилари сони ўсиши билан улар манфаатларининг бирлигига, аникроғи улар манфаатларининг «принципал» манфаатларига мос келишига эришиш қийинлашади. Шунинг учун «принципал» мониторинг ва «агентлар» ҳаракатини назорат қилиш учун катта саъй-ҳаракатларни амалга оширишга тўғри келади. Бундан ташқари, ташкилотнинг ўсиши «принципал», «агентлар»ни назорат қилиш бўйича ваколатларининг бир қисмини ўз вакилларига топширган ҳолда, мураккаб ҳукмронлик муносабатлари қоидасига ўтишга мажбур этади. Ушбу таркибий ўзгаришлар нафақат «агентлар»ни назорат қилиш харажатлари ортиши, балки «принципал» манфаатлари вакилларининг ҳаракатларини назорат қилиш зарурати билан ҳам боғлиқ.

Р.Коуз [42] ташкилотнинг ўсиши билан камаювчи самарадорликни «менежментнинг камаювчи маржинал самарадорлиги» деб номланиб ва ҳамма *вақт институтга (бозорга) нисбатан ташкилот (фирма) ўсишининг чегараси мавжуд* деган фикрга келган. «Фирма фирмадаги битта қўшимча трансакцияни ташкил этиш харажатлари ўша трансакцияни очик бозорда алмашиш орқали

амалга ошириш харажатлари билан тенглашгунга қадар кенгайиб боради...». Яъни ёлғиз фирмадан ташкил топган иқтисодиёт (буйруқбозлик иқтисодиётини ана шундай дейиш мумкин) бўлиши мумкин, лекин менежментнинг маржинал самарадорлиги камайиши туфайли у *самарасиз* бўлади.

Масалан, А фирма бозорда Б, В ва Г фирмалардан (сотиш тўғрисидаги шартнома доирасида) сотиб олинадиган бутловчи қисмлардан компьютер йигиш билан шугулланади, дейлик. Трансакция харажатларини оптималлаштирган ҳолда, А фирма Б фирмадан ягона корхона тузишга қарор қиласди. У В фирма билан ҳам масалани ҳудди шу тариқа ҳал этади. Г фирмани ягона ташкилий тузилмага киритиш фирмадаги бошқарув ва назорат харажатлари ўсиши туфайли фойдасиз бўлиб чиқиши мумкин. Шундай қилиб, А фирма томонидан В фирманинг қўшиб олиниши *чегара* битими хисобланиб, шундан сўнг кейинги кенгайтириш самарасиз бўлиб қолади.

Лекин институт билан ташкилот ўртасидаги чегаранинг аниқ белгилаб қўйилиши сотиш тўғрисидаги шартнома (бозор битимлари)нинг ҳам, ёллаш тўғрисидаги шартнома (фирма ичидағи битимлар)нинг ҳам элементларини бирлаштирувчи неоклассик шартномаларнинг мавжуд бўлиши билан қийинлашади. Масалан, А фирма ўз таркибиға Г фирмани бирлаштиришдан бош тортиши, лекин айни пайтда у билан бутловчи қисмларни етказиб бериш учун шартнома тузиши мумкин, бу ҳукмронлик муносабатлари асосида эмас, балки икки томонлама келишув асосида бозорнинг «табиий» олдиндан айтиб бўлмаслигидан кўриладиган заарларни пасайтириш имконини беради.

## 8.5. Қишлоқ хўжалигида шартнома муносабатлари<sup>26</sup>

Ўзбекистонда ҳар йили қишлоқ хўжалиги маҳсулотларини сотиш, моддий-техника ресурсларини етказиб бериш ва хизматлар кўрсатиш учун кўплаб шартномалар тузилади. Томонлар шартномалар бўйича ўз зиммасига олган мажбуриятларининг ўз вақтида бажариши қишлоқ хўжалиги маҳсулотлари ишлаб чиқарувчиларининг якуний натижалари ва уларнинг самарадорлигига жиддий таъсир кўрсатади. Шунинг учун давлат томонидан шартномалар мониторингини юритиш йўли билан шартномалар шартларининг бажарилишини назорат қилишга катта эътибор қаратилади.

Қишлоқ хўжалиги корхоналари билан тузиладиган шартномалар қўйидаги таснифга эга:

- (а) давлат эҳтиёjlари учун маҳсулотлар учун шартномалар;
- (б) моддий-техника ресурсларини етказиб бериш учун шартномалар;
- (в) контракция шартномалари;
- (г) хизматлар кўрсатиш учун шартномалар.

Давлат эҳтиёjlари учун қишлоқ хўжалиги маҳсулотларининг ғалла, пахта хомашёси, уруғлик пахта, шунингдек, ғалла ва бошоқли экинлар уруғлари каби турлари харид қилинади.

<sup>26</sup> Ушбу кисм Н.Неделькина билан ҳамкорликда ёзилган.

Куйида республикамиз қишлоқ хўжалиги корхоналари билла ва бошоқли экинлар ҳамда ипак хомашёси етказиб бериш учун тузилган контракция шартномаларининг динамикаси келтирилган (8.2-жадвал).

### 8.2-жадвал

#### **Ўзбекистон Республикасида тузилган контракция шартномалари динамикаси\***

Кўрсаткич	Галла ва бошоқли экинлар етказиб бериш учун тузилган контракция шартномалари			Ипак хомашёси етказиб бериш учун тузилган контракция шартномалари		
	2008	2009	2010	2008	2009	2010
Шартномалар сони, дона	53863	53863	33937	95540	53698	48806
Етказиб бериш ҳажми, минг тонна	2966	3075	2237	23,4	23,7	19,7

\*Манба: ушбу ва кейинги жадваллар ҳамда графиклар 2010 йилда туманлар ҳокимларини ўқитиш жараёнида Адлия вазирлиги ва Олий хўжалик суди томонидан тақдим этилган маълумотлар асосида тузилган.

8.2-жадвал маълумотларига кўра, 2010 йилда ғалла ва бошоқли экинлар етказиб бериш учун жами 33937 та шартнома тузилган, бунда етказиб бериладиган қишлоқ хўжалиги маҳсулотларининг режалаштирилган ҳажми 2237 минг тоннани ташкил этган. Аввалги йилларга нисбатан контракция шартномалари бўйича ғалла етказиб бериш учун тузилган шартномалар сони камайиши давлат эҳтиёжлари учун харид қилинадиган ғалла ҳажмининг камайиши ҳасобидан юз берган.

Ғалланинг асосий етиштирувчилари ҳисобланган фермер хўжаликлари ер участкаларининг йириклиштирилиши туфайли уларнинг сони қисқариши ғалла етказиб бериш учун тузилган шартномалар сони камайишининг иккинчи омили ҳисобланади.

2010 йилда 19,7 минг тонна ҳажмидаги ипак хомашёси етказиб бериш учун 48806 та шартнома тузилган. Таъкидлаш лозимки, ипак хомашёси етказиб бериш учун тузилган энг кўп шартномалар сони 2008 йилга тўғри келади. Умуман, 2010 йилда хомашёнинг ушбу турини учун тузилган шартномалар сони 2008 йилдагига нисбатан 49 фоизга камайган.

8.3-расмда келтирилган маълумотлар таҳлилига кўра, 2009 йилда республикамизда пахта ҳосили етказиб бериш учун жами 41871 та ва ғалла етказиб бериш учун жами 53863 та шартнома тузилган. Кўриб чиқилган вилоятлар орасида пахта етказиб бериш учун тузилган энг кўп шартномалар Сирдарё вилояти улушига тўғри келади – 3101 та. Шунингдек, кўриб чиқилган минтақаларда пахта етказиб бериш учун тузилган шартномалар деярли бир хил сонни ташкил этади (+/- 516 та).



### **8.3-расм. Ўзбекистон Республикаси вилоятларида ғалла ва пахта етказиб бериш учун тузилган шартномалар сони.**

2009 йил ҳосили учун ғалла етказиб бериш учун тузилган шартномалар сони кўриб чиқилган учта вилоятда турли кўрсаткичга эга. Уларнинг энг қўп сони Жиззах (5541 та) ва Тошкент (4711 та) вилоятларида кузатилади.

Бозор иқтисодиёти ривожланиши шароитида томонлар (“принципial”-топшириқ берувчи ва “агент”) ўртасидаги мулкий муносабатлар шартномалар асосида қуриладиган мулқдорлар тадбиркорлик фаолиятини муваффақиятли юритиши учун ўз зиммасига олинган мажбуриятларнинг бажарилиши алоҳида аҳамиятга эга. Амалиётда шартнома мажбуриятлари бузилиши турларининг қўйидаги таснифи қўлланилади: ишларнинг бажарилмаслиги ёки хазматлар кўрсатилмаслиги; сифатсиз товарлар (ишлар, хазматлар)ни етказиб бериш; тўлиқсиз товарларни етказиб бериш; маркаланмаган, шунингдек, идишсиз ёки қадоқланмаган товарларни етказиб бериш; етказиб бериш муддатининг кечикирилиши, товарларни тўлиқ етказиб бермаслик; аккредитивдан фойдаланмаслик; тўлов, товар-транспорт хужжатларининг кечикирилиши; товарлар (ишлар, хазматлар) ҳақини тўламаслик ёки ўз вақтида тўламаслик; товарларни саралаб олмаслик ёки улардан воз кечиш; маблағларнинг акцептсиз ҳисобдан чиқарилиши.

Хўжалик юритувчи субъектлар (агентлар) шартнома муносабатларига киришаётib хўжалик фаолиятини келишилган ҳажмда, белгиланган вақтда ва жойда амалга оширилишини таъминлайдиган маҳсулот (ишлар, хазматлар)ни олиш учун кафолатланган асосга эга бўлишни назарда тутади. Бу эса тузилган шартномаларнинг бузилмаслиги ва ўзгармаслигини таъминлайди. Хомашё, материаллар, ярим тайёр маҳсулотларни харид қилиш учун шартномалар тузган томонларнинг ўзлари якуний маҳсулотни тайёрлаш занжири бўйича ушбу маҳсулотни бошқа субъектларга сотиш учун кўплаб шартномалар тузади, яъни хўжалик алоқаларининг мураккаб тизими шаклланади. Шунинг учун ҳар қандай жойда шартномаларнинг бажарилиши мамлакат хўжалик фаолияти механизмида кўзланган топшириклар бажарилишининг кафолати ҳисобланади, шартнома мажбуриятлари бажарилмаслиги эса кейинги бўғинларда номутаносибликни келтириб чиқаради.

Кейинги жиҳат шундан иборатки, хўжалик юритувчи субъектлар, шу жумладан мулқдорлар шартнома тузишда шартнома мажбуриятлари ўзгариши ёки тугатилишига олиб келиши мумкин бўлган барча шартларни кўрсатишга ҳақли. Бугунги қунда юзага келган амалиётга қўра шартномада хўжалик юритувчи субъектлар томонидан мажбуриятларнинг бажарилиши шартлари қанчалик аниқ белгиланса, шартнома бандлари ўзгариши ёки мажбуриятларнинг тугатилиши шунчалик осон кечади.

Бундан ташқари, амалиётда хўжалик юритувчи субъектлар томонидан шартномалар бўйича мажбуриятларнинг бажарилмаслиги кўпинча амалдаги қонун хужжатлари доирасидан чиқувчи кўпгина омиллар орқали юз беради. Шунинг учун хўжалик юритувчи субъектлар томонидан шартномалар бўйича мажбуриятлар бажарилмаслигининг ҳар бир ҳолатини аниқ тарзда кўриб чиқиша бунинг сабабини чуқур таҳлил қилиш мақсадга мувофиқ ҳисобланади.

Қишлоқ хўжалигида хўжалик юритувчи субъектлар томонидан ўз зиммасига олинган шартнома мажбуриятлари бажарилмаслиги тўғрисида сўз юритадиган бўлсак, бу ерда:

биринчидан, томонлар етказган заарлар учун тўлов кўринишида жавобгарлик;

иккинчидан, маҳсулот етказиб бериш учун берилган бўнак маблағларини қайтариш;

қонун хужжатларида ва шартнома шартларига қўра назарда тутилган жарималарни тўлаш каби чоралар қўлланилади.

Республикамизда ўзаро ва давлат билан шартнома муносабатларида иштирок этувчи томонларни ҳимоялаш учун қарздорлардан заарларни ундиришни талаб этиш имконини берувчи барча қонуний карорлар мавжуд. Бу ерда таъкидлаш лозимки, заарларнинг қопланиши шартномаларнинг бажарилишини рағбатлантириш ва ишлаб чиқариш унумдорлигини оширишда муҳим роль ўйнайди. Ушбу усулнинг қўлланиши билан шартнома интизомига амал қилинади ва ноишлаб чиқариш харажатлари қисқаради. Бундан ташқари, жавобгарликнинг мазкур турини қўллаш моддий ресурсларни тежаш тартиби, шунингдек, хўжалик юритувчи субъектлар томонидан хўжалик фаолиятининг оптимал тарзда юритилишига хизмат қиласи.

Шартномаларни тайёрлаш, тузиш ва амалга ошириш тамойилларининг белгиланиши республикада шартнома муносабатлари мазмунини муваффақиятли шакллантиришнинг энг муҳим методологик жиҳатларидан бири ҳисобланади. Ўзбекистон Республикаси Вазирлар Маҳкамасининг 2003 йил 4 сентябрдаги 383-сонли қарори билан тасдиқланган шартномаларнинг бажарилиши мониторингини юритиш тартиби қўйидагилардан иборат.

Тайёрлаш ва қишлоқ хўжалиги субъектларига хизмат кўрсатувчи ташкилотлар хўжаликлар билан тузилган шартномаларнинг бажарилиш мониторингини юритади ва ушбу ахборотни Қишлоқ ва сув хўжалиги бўлимларига хисобот давридан кейин 10 кун ичida тақдим этади. Мазкур бўлинмалар Қишлоқ ва сув хўжалиги вазирлигининг шартнома мажбуриятлари бажарилиши бўйича материалларга ишлов берувчи тегишли бошқармаларни

бундан хабардор қиласи. Шартнома мажбуриятлари бажарилмаган ҳолатларда умумлаштирилган маълумотлар ҳудудий суд органларига юборилади. Суд ҳамда қишлоқ ва сув хўжалиги органлари ўз ваколатлари доирасида тайёрлаш ва хизмат кўрсатувчи ташкилотлар томонидан шартномаларнинг бажарилиш мониторингини юритади ва назорат қиласи.

### **Қисқача хулоса**

Шартнома муайян битимларни амалга оширишнинг институционал доираларини ўзида намоён этади. Шартнома ҳар қандай институт сингари нафақат ўзаро ҳамкорликни чегаралайди, балки унга замин яратади, бу ҳол айниқса битимларни тузиш ва амалга ошириш лаҳзаларининг вақт бўйича мос келмаслигига яққол намоён бўлади. Бундай турдаги битимлар улар иштирокчиларининг мақсадларига боғлиқ бўлмаган ҳолатларнинг пайдо бўлиши хатари билан боғлиқ.

Инсонлар хатарни қабул қилиш даражаси бўйича фарқ қиласи, бу эса икки турдаги шартномаларнинг – хатарга бетараф бўлган шериклар ўртасидаги муносабатларни тартибга солувчи сотиш тўғрисидаги шартнома ҳамда хатарга бетараф бўлган ва хатарга қарши инсонларга ўзаро ҳамкорлик қилиш имконини берувчи ёллаш тўғрисидаги шартноманинг мавжуд бўлишини изоҳлайди.

Ташкилот кичиклашган буйруқбозлиқ иқтисодиётини ўзида намоён этади. Ташкилот ички ўсишининг чекланганлиги айнан шу билан боғлиқ. Ташкилот қўламларининг кенгайиши мониторинг ўтказиш ва оппортунизмнинг олдини олиш харажатлари ошишига олиб келади. Институт (бозор) билан ташкилот (фирма) ўртасидаги энг аниқ чегара қўйидаги кўрсаткичлар даражасини баҳолаш ёрдамида аниқланади: активларнинг ўзига хослиги, ноаниқлик, битим томонларининг хатарга мойиллиги, битимнинг мураккаблиги, шунингдек, қонундан фойдаланиш баҳоси билан хуфиёналик баҳосининг ўзаро нисбати.

### ***Таянч сўз ва иборалар***

Шартнома, шартномавий мажбуриятлар, сотиш тўғрисидаги шартнома, ёллаш тўғрисидаги шартнома, имплицит шартнома, шартнома даври, шартнома шартлари, санкция, ташкилот, қишлоқ хўжалигига шартномавий муносабатлар, мониторинг.

### ***Такрорлаш учун саволлар***

1. Сиз бугун қандай турдаги шартномаларни тузишингизга тўғри келди? Амалга оширилган битимлардан бирини шу нуқтаи назардан тавсифланг.
2. «Лавз пулдан ҳам қиммат» деган машҳур мақолни институционал нуқтаи назардан талқин этинг. Унда қандай шартнома идеали ўз аксини топган?
3. Бугунги кунда Сиз қандай ўзига хос активга эгасиз? Жавобингизни асосланг.

4. Институт ва ташкилот категорияларидан фойдаланган ҳолда институционал ёндашув асосида сиёсий партия билан ижтимоий-сиёсий ҳаракат ўртасидаги фарқни изоҳланг.

5. Нима учун имплицит шартномани амалга ошириш жараёнида юзага келадиган низоларни ҳал этиш учун учинчи томонни жалб этиш зарурати йўқ?

6. Қишлоқ хўжалигига қандай мақсадлар учун шартномалар тузилади ва шартнома шартлари бажарилишини назорат қилиш мониторингининг ўзига хос хусусиятларига нималар киради?

## **IX - боб. ФИРМА НАЗАРИЯСИ**

### **9.1. «Принципал» билан «агент» ўртасидаги ўзаро муносабатлар муаммоси**

Ташкилот таркибига кирувчи «агентлар» сони ўсиши, агентлар ҳаракати устидан назорат қилиш учун талаб этиладиган «принципал» харажатлари ошишини белгилаб беради. «Агент»ни назорат қилиш зарурати ва назоратни амалга оширишни истамаслик ўртасидаги танловдан иборат бўлган «принципал» муаммавий ҳолатини ўйинлар назариясидан қуидаги модель ёрдамида кўриш мумкин.

«Принципал»ни назорат қилиш харажатлари бирга teng дейлик, «агент» томонидан ўз мажбуриятларининг вижданан бажарилишидан олинадиган фойда 2 га ва виждонасизлик билан бажарганлик ҳолатларидаги йўқотишлар эса 2 га teng, дейлик. «Агент» томонидан ўз вазифасини бажаришга виждонасизлик билан муносабатда бўлинган ёки «ишидан бўйин товлаш» ҳолатлари аниқланган тақдирда, у мукофот олиш хуқуқидан маҳрум бўлишини ҳисобга олган ҳолда, «принципал» билан «агент»нинг ўзаро муносабатлари қуидаги матрица билан изоҳланади.

9.1 -жадвал

#### **«Принципал» билан «агент»нинг ўзаро муносабатлари матрикаси**

«Агент»	Кўрсаткичлар	«Принципал»	
		Назорат қилиш	Назорат қилмаслик
Вижданан ишлаш		1; 1 [St <sub>2</sub> ]	1; 2 [St <sub>1</sub> , P]
Ишдан бўйин товлаш		0; -1	2; -2

Ушбу ўйинда «принципал» ва «агент» стратегиясининг мос келмаслиги муаммоси яққол кўриниб турибди. Бунда Нэш бўйича мувозанат мавжуд эмас: «принципал» ва «агент» ўртасидаги ўзаро муносабатларда оптимал натижага эришиш ташкилот ривожланиши жараёнида юзага келадиган таҳдид остида бўлади. Лекин назорат харажатлари ортиши «агентлар» сони ўсишига тўғри пропорционал эмас. Бу ерда «принципал» ва «агент» ўртасида ахборот асимметриясининг пайдо бўлиши омилини ҳисобга олиш лозим. Учинчи ўйинчи – «табиат» билан ўйинни таҳлил қилган ҳолда, биз иккита асосий ўйинчи ўртасидаги ахборот асимметриясидан фикрни бошқа томонга бурдик. Ташкилот ичida ахборот асимметриясининг пайдо бўлиш сабабларини аниқлаш учун, институционал тизим сифатида буйруқбозлик тизимини тадқиқ этган Фридрих фон Хайекнинг исботларини келтириш мумкин. Яъни ҳеч қандай марказ (яъни «принципал») ҳамма вақт барча ҳодисалардан хабардор бўлиб туриш ва ушбу ахборотни манфаатдор томонларнинг хукмига тезкор ҳавола этишга қодир эмас

Хайекнинг фикрича, битимнинг барча иштирокчиларини teng ва тўлиқ ҳажмдаги ахборот билан таъминловчи механизм мутлақо рақобатчи бозорлардаги нархнинг шаклланиши ҳисобланади. Фирма доирасида рақобатли

нарх шаклланиши тўғрисида гап бўлиши мумкин эмас, агар «агент»нинг якуний меҳнати маҳсали қийматидан мунтазам равишида бош тортиши ана шундан далолат беради. Чунки фақат иш ҳақи меҳнатнинг якуний маҳсулита тенг бўлган тақдирдагина меҳнат бозорида мувозанатга эришиш мумкин ва нарх тўлиқ ахборотни ўзида мужассамлантиради.

Демак, ташкилотнинг ривожланишига кўра айланадиган ахборотнинг мураккаблашуви ва ихтисослашуви юз беради. Лекин улар самарадорлик бўйича нарх-наво механизми билан таққосланадиган ахборот айланниши тизимининг барпо этилиши билан кузатилмайди. Ташкилотда қарор қабул қилиш жараёни уларнинг ҳар бирида сифат жиҳатдан янги ахборот пайдо бўладиган кўплаб босқичларни ўз ичига олади. Бундан ташқари, ушбу сифат жиҳатдан янги ахборотга фақат уни олиш ва унга ишлов беришда бевосита иштирок этувчи ташкилот аъзолари эга бўлади.

Ноёб ахборотга эга ташкилот иштирокчилари - «агентлар» уни тарқатиш ва уни бузилмасдан «принципал»га узатилишидан манфаатдор эмаслар. Ҳақиқатан ҳам ахборот асимметрияси «агентлар»нинг оппортунистик хатти-ҳаракатлари учун замин яратади – уларнинг ўз фойдалилигини кўпайтиришига уринишлари, улар томонидан ёллаш тўғрисидаги шартнома тузилишида қабул қилинган мажбуриятларга қарамай, фойдалиликнинг бирор-бир қатъий белгиланган даражаси билан қондирилади.

«Табиий» кўзда тутилмаган ҳолатлар содир бўлган тақдирда, ёллаш тўғрисидаги шартнома ёрдамида белгиланган мукофот кафолатини олиб, «агент» унга «принципал» билан найранг қилиш ёрдамида фаолият натижасини ўз фойдасига қайта тақсимлаш имконини берувчи кутилмаган «сунъий» ҳолатларни ташкил этишга уринади. Социализм даврида содир этилган «агентлар»нинг ўз фаолияти натижаларини ўзлаштиришда иштирок этишга оппортунистик уриниши каби иқтисодий жиноятларнинг аксариятини айнан шу нуқтаи назардан талқин этиш лозим.

**«Принципал-агент» муаммоси** – «агент»нинг «принципал» топшириғи ва кўрсатмасини бажаришда унинг найранг қилиш хавфи ҳисобланади. Найранг қилиш ахборот асимметрияси ва «агент» фаолияти устидан назорат қилиш харажатларининг юқори даражаси туфайли мумкин бўлади.

Шундай қилиб, ташкилотларнинг фаолият кўрсатиши танқис ахборотга эга бўлиш натижаси сифатида «агент»нинг оппортунистик хатти-ҳаракат имкониятини туғдириши муқаррар. Шунинг учун «принципал-агент» муаммоси маънавий хатар вазиятида тез-тез учрайдиган ҳолат ҳисобланади: «принципал» «табиий» хатарлардан суғурталовчи ролида, «агент» эса (соғлиқ ҳолати, кутилаётган даромадлар ва ҳ.к. ҳақидаги) муҳим ахборотни яширувчи суғурталанувчи ролида иштирок этади. Энг муҳим масала бу ерда «агент» томонидан ишончли ахборотнинг тарқатилишига кўмаклашувчи ёки, аксинча, унга тўсқинлик қилувчи *рағбатлар* тизимини барпо этишдан иборат. Бозорда ишончли ахборотнинг тарқатилиши рақобат билан рағбатлантирилади. Аксинча, «принципал» ва «агент» муносабатларининг одатий вариантида

ахборот асимметрияси ва оппортунизм имкониятлари «агент»ни «принципал» билан найранг қилишга ундейди.

## **9.2. «Принципал-агент» муаммоларини ҳал этиш варианatlари**

«Агент»нинг оппортунистик хатти-ҳаракатини чеклашга йўналтирилган рағбатлар тизимини излаш билан оптимал шартнома назарияси ёки «принципал-агент» назарияси шуғулланади. Кўпинча ушбу муаммони ҳал этишнинг қўйидаги варианatlари кўрсатилади.

1. «Агентлар» рақобати. «Принципал-агент» муаммосини ҳал этишнинг биринчи варианти агентлар ўртасидаги рақобатни кучайтиришни талаб этади. Бунда одатий шартномадан фарқли ўлароқ «агент» томонидан нафақат «принципал» белгилаган (масалан, ишлаб чиқариш) даражага эришиши, балки қолган «агентлар»га нисбатан энг юқори даражага эришиши (қўшимча равишда) рағбатлантирилади. «Агентлар» рақобати ғояси ўзаро ҳаракатларни ўзарот қилиш учун «агентлар»нинг ўзларидан фойдаланиш имконини беради.

Чунки энг катта мукофот «принципал» томонидан қўйилган вазифаларни ҳал этишда энг яхши нисбий кўрсаткичларга эришган «агент»га тегса, «агентлар» бошқаларнинг муваффақиятларига ҳасад билан қарай бошлайдилар – атрофдагиларнинг муваффақияти ўз муваффақиятига эришиш имкониятлари пасайишини англатади. Иккинчи томондан, бошқа қолоқ «агентлар»га нисбатан ошириб берилган «ғолиблар» мукофоти унумдорликни оширишга нисбатан кучли рағбат ҳисобланади. Чунки паст эҳтимолли йирик ютуқ истиқболи юқори эҳтимолли йирик ютуққа нисбатан кам жозибали (ютуқдан математик кутиш таҳминан бир хил). Қўйи даражага менежерларининг шундай фойдали ўринни эгаллашга интилишини рағбатлантиришни ҳисобга олган ҳолда, юқори даражага менежерларига улар меҳнатининг юқори маҳсулидан ортиқ мукофотни тўлаш самарали бўлиши мумкин. Бироқ рақобатлашиш элементидан фойдаланиш ўз чегарасига эга:

- фақат «ғолибнинг» мукофоти энг хатарли стратегияни танлашни рағбатлантиради: «агентларни» «тескари танлаш» юз беради, натижада энг хатарли стратегияларни қўлловчи «агентлар» қолади;

- «агент»нинг «табиий» кутилмаган ҳолатлар билан боғлиқ хатарга мойиллиги даражаси чегараланган;

- «агентлар» ўртасидаги рақобат улар ўртасидаги муносабатлардаги ишонч элементларини бутунлай йўққа чиқаради: «агентлар»нинг биргаликдаги саъй-ҳаракатларини талаб қилувчи вазифалар деярли амалга оширилмайдиган бўлиб қолади.

2. «Агент»нинг қўйима фаолият натижаларида иштирок этиши. Муаммони ҳал этишнинг иккинчи варианти «агент» томонидан қатъий белгиланмаган, балки фирма фаолияти натижаларига боғлиқ мукофотни тўлашни назарда тутувчи ёллаш ҳақидаги шартноманинг тузилишидан иборат. Бунга, масалан, ёлланма ходимларнинг фирманинг фойдасида иштирок

этишининг турли шакллари, шу жумладан акциядорлик корхонасининг капиталида иштирок этиш киради.

АҚШда кўп йиллардан буён ESOP дастури амал қилмоқда, унга кўра 10 фоиздан ортиқ саноат корхоналари ходимлари ўз корхонаси акцияларини харид қилишда имтиёзларга эга бўладилар. «Агентлар»нинг фирма фаолияти натижаларида иштирок этишининг барча турдаги қоидалари орасида мукофотнинг натижаларга чизиқли боғлиқлигини назарда тутувчи оддий йўллар энг самарали ҳисобланади.

Бу уларда чизиқли бўлмаган йўллардан фойдаланиладиган шартномаларни тузишнинг юқори харажатлари билан ҳам, «агентлар» томонидан мукофотнинг натижаларга мураккаб боғлиқлигининг қийин қабул қилиниши билан ҳам боғлиқ. Энг қулай вариантларда қатъий белгиланган мукофот «агент»га эмас, балки «принципал»га таклиф этилади, яъни «агент» «принципал»га рента ва фойданинг улушкини тўлаган ҳолда ундан мол-мулкни ижарага олади. «Агент» томонидан «принципал» топшириклигининг вижданан бажарилишини бундай рафбатлантириш йўлларини амалиётда қўллашга қуидаги омиллар тўсқинлик қиласди:

- «агент»нинг хатарга мойиллик даражаси;
- «агент» томонидан мол-мулкнинг ижарага олиниши ёки унинг мулкда иштирок этиши учун ресурсларнинг чекланганлиги; бунда «агент»нинг ушбу мақсадларда банкдан ссудалар олиши шу ахборот асимметрияси муаммоси ҳамда у билан кредитор сифатида банк ўртасидаги муносабатлардаги маънавий хатар туфайли мураккаблашди.

3. *Фирма «агентлар» иттифоқи сифатида.* Ушбу қарор аввалгисидан шундай тубдан фарқ қиласди, бунда нафакат «агентлар»нинг фаолиятдан олинадиган даромадларда иштирок этишига йўл қўйилади, балки «принципал» вазифаларининг ўзи «агентлар» томонидан *навбати билан бажарила бошлайди*. «Принципал» вақтинча «тенглар ичиди биринчи» бўлади. Таъкидлаш лозимки, ҳукмронлик муносабатлари «агентлар» томонидан ўз харакатлари устидан назоратнинг бошқаларга топширилиши билан тутатилмайди, шунчаки назорат ва вазифаларни тақсимлаш вазифалари ташкилот иштирокчилари томонидан навбатма-навбат бажарилади. Вақтинча ахборот оқимларининг кесишувидаги мавқени эгаллаган ва натижада айланувчи ахборотни тўплаш имкониятига эга «агент» «принципал»га айланади.

«Агентлар»нинг «принципал» мавқеига ўтиши фақат ишончли ахборотни узатишни рафбатлантириш муаммосини ҳал этади. Лекин энг асосийси, у «агентлар» ўртасида ишончли муносабатларни мустаҳкамлаш ва кооперацияни ривожлантириш учун замин яратади. О.Уильямсон «агентлар» ўртасида ишончли муносабатларнинг пайдо бўлишида фирмада фойдалиликни ошириш стратегияси сифатида оппортунизмдан бош тортишга олиб келувчи «ассоциатив муҳит» пайдо бўлишининг муҳим омилини кўради: «Унумдорлик умумий ишга адолатли улуш қўшганлик учун жавобгарлик ҳисси туфайли ортади». Ўзини – ўзи бошқарувчи фирма бундай иттифоқни амалиётга жорий этиш шакли сифатида иштирок этади.

Ассоциатив мұхиттінг пайдо бўлиши билан боғлиқ фойда нафақат назорат ҳаражатларидан тежаш, балки янги манба – коопeraçãoдан ютишдан иборат. Классик иқтисодиёт фани Адам Смитдан кейинги меңнат тақсимотини ташкилот аъзоларининг бәззи вазифаларни ҳал этишдаги қиёсий устунликларининг асосий манбай, дея эътироф этади. Ушбу ёндашувга кўра, коопeração фойдали, чунки алоҳида вазифаларни бажаришга ихтисослашган ходимлар биргаликдаги саъй-ҳаракатлар билан улар томонидан барча вазифалар мустақил ҳал этилгандагига нисбатан кўп маҳсулот ишлаб чиқаради.

Ишчининг чаққонлигини ривожлантириш у бажара оладиган ишлар миқдорини оширади. Меңнат тақсимоти эса, ҳар бир ишчининг ишини бирор – бир оддий операцияга йўйиб, ушбу операцияни унинг бутун ҳаётидаги ягона машғулотга айлантирган ҳолда, ишчининг абжирлигини керакли даражада оширади. Ассоциатив мұхит нафақат меңнат тақсимоти, балки «жамоавий иш» асосида коопéraциядан фойда олиш имконини беради. Коопéraциядан олинадиган ижобий самара биргаликда ишлаш ва ташкилот аъзолари – «жамоа»нинг ўзаро қўллаб-қувватлаши билан изоҳланади.

Хулоса қилиб, таъкидлаш жоизки, «агентлар» иттифоқи сифатида фирмада «принципал»дан «агентлар»ни уларнинг умумий натижага қўшган улушига мувоғиқ мукофотлаши, «агент»дан эса «принципал» томонидан қўйилган вазифаларнинг вижданан бажарилишини талаб этиувчи «олтин қоида» асосида «принципал» ва «агент» муаммосини ҳал этиш имконияти пайдо бўлади. Мисол тариқасида қуйидаги моделни келтирамиз, унда ўйинчилар учта стратегиядан биттасини танлайдилар: «олтин қоида», teng саъй-ҳаракатлар стандарти ва оппортунистик хатти-ҳаракат.

«Принципал» томонидан teng саъй-ҳаракатлар стандарти «агентлар» меңнатига қатъий белгиланган teng ҳақ тўланилишини қўллашдан иборат, агентлар томонидан эса яхши ҳам, ёмон ҳам эмас, «ҳамма қатори» ишлашдан иборат. «Принципал» оппортунизми, бунда «агент» бозордаги барча вазият ҳақида тўлиқ ахборотга эга бўлмайдиган нокулай «табиий» шарт-шароитлар (масалан, бозор конъюнктураси) белгиси остида «агент»ни пасайтирилган тарзда мукофотлаш шаклига эга бўлиши мумкин.

Таъкидлаш лозимки, Нэш бўйича мувозанат ҳисобланмайдиган «олтин қоида» стратегияларини фақат, бир томондан, «агентлар» ўртасида, иккинчи томондан, «агентлар» билан «принципал» ўртасидаги ўзаро ишонч нормалари асосида қабул қилиш мумкин. Кўриб чиқилаётган модель унда ўзаро ишончсиз ўйинчилар ҳам ўз айини инкор этиши мумкин бўлган «хукм қилинганлар муаммоли ҳолати»нинг варианти ҳисобланади (9.2-жадвал).

## 9.2-жадвал

Кўрсаткичлар		«Принципал»		
		«Олтин қоида»	Teng шароитлар андозаси	Оппортунизм
«Агент»	«Олтин қоида»	7; 7 [P]	4; 8	1; 9
	Тенг шароитлар андозаси	8; 4	5; 5	2; 6
	Оппортунизм	9; 1	6; 2	3;3 [N, St <sub>1</sub> , St <sub>2</sub> ]

Шунга қарамай, «агентлар» иттифоқи сифатида фирма моделининг тарқалишини қўйидаги омиллар чегаралайди:

- «агентлар»нинг хатарга мойиллиги;
- ташкилот иштирокчилари сони: самарали бўлиш учун, ўрин алмашиш тамойиллари асосида ягона ташкилотга бирлашган 5-10 кишидан иборат гурух доирасида қўллинилиши мумкин; ташкилот аъзоларининг умумий сони 100 кишидан ошмаслиги керак (10 кишидан иборат 10 та гурух);
- ташкилот аъзолари томонидан «ижтимоий» капитал, яъни ўзаро қўллаб-куватлаш ва ўзаро ишонч анъаналари, умумий мақсадлар ва манфаатларга дастлабки эгалик қилиш; ижтимоий капитал ташкилот фаолиятининг дастлабки босқичида «агентлар» ўрин алмашувини бошлаш учун зарур.

### **9.3. Фирманинг ички тузилмаси**

«Принципал-агент» муаммоси ҳал этилиши муқобил моделлардаги ташкилотнинг ички тузилиши асосида ётади. Фирма ички тузилишининг қўйидаги тўртта варианти кенг тарқалган:

- унитар (У-тузилма);
- холдинг (Х-тузилма);
- мультидивизионал (М-тузилма);
- аралаш (А-тузилма).

1. *Унитар тузилма* - хукмронлик муносабатларининг энг юқори даражада марказлашувини назарда тутади. Барча асосий қарорлар «принципал» томонидан қабул қилинади, унинг ўзи назоратни ҳам амалга оширади. Агар «агентлар» фаолиятини назорат қилиш ҳуқуқи бошқаларга ўтказилса, у ҳолда функционал белги бўйича – функционал бўлинмалар бошлиqlарига: сотиш бўлими бошлиғи, бош муҳандис, бош бухгалтер ва ҳ.к.га берилади. Шундай қилиб, функционал бўлинмалар раҳбарлари бир вақтнинг ўзида фирма раҳбариятига нисбатан «агентлар», топшириқларнинг бевосита ижроилариға нисбатан эса - «принципал» ҳисобланади.

Унитар ташкилотда «принципал-агент» муаммосини ҳал этишнинг ягона варианти назоратнинг янги, паст харажатлари билан боғлиқ усулларини ишлаб чиқиши асосида назоратни кучайтиришдан иборат.

2. *Холдинг тузилмаси* қарорлар қабул қилиш ва «агентлар» ҳаракатлари устидан назорат жараёнини имкон қадар марказлашган тизимдан чиқаришни ўзида намоён этади. Амалда «принципал» фақат молиявий оқимлар ва «агентлар» фаолиятининг молиявий натижаларини назорат қилиш ваколатини ўзида сақлаб қолади. «Агентлар» барча қарорларни қабул қилишда четда қолади, фойдани тақсимлаш тўғрисидаги қарор бундан мустасно. Бошқача айтганда, «принципал» «агентлар» фаолиятини бевосита эмас, балки «агентлар» мусобақасини ташкил этиш орқали назорат қиласди.

Холдинг тузилмаси ҳатто бир фирманинг бўлинмалари ўртасида бевосита рақобатни ҳам истисно этмайди. Таъкидлаш лозимки, холдинг бўлинмалари даражасида «принципал» (бир вақтнинг ўзида фирма раҳбарияти учун «агент»

ҳисобланган бўлинма бошлиғи) ва «агент» ўртасидаги муносабатларнинг унитар турини ҳам учратиш мумкин.

*Мультидивизионал тузилма.* XX асрнинг энг аҳамиятли ташкилий-бошқарув инновацияси бўлиб, 20-йилларда Пьер Дюпон («Du Pont» раҳбари) ва Альфред Слоун («General Motors» раҳбари) томонидан мультидивизионал тузилманинг ташкил этилиши ҳисобланади.

*Мультидивизионал тузилма* – маҳсулот тури, савдо маркасига кўра ёки географик белги бўйича ўз харажатини қоплаш ва ўзини – ўзи молиялаш тамойили асосида фаолият юритувчи ярим тобе ишлаб чиқариш бўлинмаларини ташкил этишни назарда тутади.

Мультидивизионал тузилма унитар ва холдинг тузилмаларининг ўзига хос синтези ҳисобланади. Ҳақиқатан ҳам, унда (масалан, янги маҳсулот ишлаб чиқариш тўғрисида) *стратегик* қарорларни қабул қилишнинг марказлаштириш тамойили сақланиб қолган ва айни пайтда *тезкор* назорат ва бошқарув марказлашмаган. Шу тариқа дивизионлар («агентлар»)нинг молиявий харажатини қоплаш тамойили уларга ўз фаолиятидан олинадиган даромадларда иштирок этиш имконини беради, лекин фирма раҳбари («принципал») бунда фирманинг мақсад ва вазифаларига мувофиқ бўлинмалар фойдасининг бир қисмини қайта тақсимлаш ҳуқуқини сақлаб қолади. Саноат кластерлари ва трансмиллий компаниялар мультидивизионал тузилма тамойилларини амалда қўлловчи корхоналарга мисол бўлади.

4. *Аралаши тузилма*, агар бўлинмалардан бири худди унитар корхонадаги каби фирма раҳбари (томонидан тўлик назорат қилинса, иккинчи бўлинма холдингдаги каби фирма раҳбари)тига молиявий жиҳатдан қарам бўлса, учинчи бўлинма эса операцион мустақилликка эга бўлиб, мультидивизионал тузилмадаги каби ўз харажатини қоплаш тамойили асосида фаолият юритган тақдирда, юзага келади.

#### **9.4. Фирмалар типологияси ва уларни ривожлантириш траекторияси**

Фирма ички тузилиши бაъзи моделларининг пайдо бўлиши ва тарқалишини *фақат* уларнинг «принципал-агент» муаммосини ҳал этишдаги қиёсий самарадорлиги билан изоҳлаб бўлмайди. Фирманинг янги ички тузилишини ривожлантиришга нисбатан эҳтиёж пайдо бўлиб, бироқ бу амалга ошмай қоладиган ҳолат бўлиши табиий.

Фирманинг ички тузилишини таҳлил қилишда нафақат трансакция харажатлари динамикаси (биринчи навбатда мониторинг харажатлари ва оппортунизмнинг олдини олиш), балки институтлар динамикасидаги «тарихий шартланганлик самарааси» каби ташкилий ривожланишнинг ундан аввалги траекторияга боғлиқлигини ҳам ҳисобга олиш лозим. Фирманинг ташкилий ривожланишини таркибий ўзгаришларнинг алоҳида *траекторияси* бўйича ҳаракат сифатида талқин этиш мумкин. Ташкилот ривожланишидаги «тарихий шартланганлик самарааси» таҳлили институтлар динамикасини ўрганишда

ифодаланган далилларни тўлдириш ва қисман қайта кўриб чиқишни талаб этади.

Биринчидан, ташкилот доирасида институционал даражада мафкура бажарадиган вазифаларга ўхшаш вазифалар ташкилий маданият ҳисобланади. Ҳар қандай ташкилотда: корхона, касаба уюшмаси ёки сиёсий партияда умумий таркибий қисм – ташкилий билим мавжуд. Ташкилий маданият, «принципал» билан «агент» ўртасидаги ўзаро муносабатлар улар асосида қуриладиган меъёрлар, қоида ва анъаналарда амалга оширилади. Ташкилий маданиятнинг талқин этиш вазифаси баъзи кутилмаган ҳолатлар содир бўлганида «принципал» қарорларнинг асослилигини баҳолаш учун ундан «агентлар»нинг фойдаланишларидан иборат. Ташкилий маданият бўйсунувчиларга ташкилот баъзи кутилмаган ҳолатларга қандай муносабат билдириши ҳақида тасаввур беради. Қатъйроқ айтадиган бўлсак, у туфайли ташкилот ўзига хосликка эга бўлади.

**Ташкилий маданият** – ташкилот аъзолари ўртасидаги ўзаро муносабатларни тартибга солувчи ва уларнинг жамоавий билимлари ва тажрибасининг ифодаси ҳисобланган меъёрлар, қоида ва анъаналар йиғиндиси.

Иккинчидан, ташкилотнинг кундалик фаолиятида *мутаассиблик* муҳим ўрин тутади. Бу ўринда мутаассиблик ҳаракатни мунтазам тақрорлаш орқали эсда сақлаб қолиш сифатида белгиланади. Мутаассиблик ташкилот аъзолари орасида ахборот алмашувини таъминлашда марказий ўрин тутади: у уларнинг хабарни олиш, талқин этиш, ифодалаш ва узатиш қобилияти асосида ётади. Ҳар бир ташкилот ўз ташкилий «диалектига» эга, ҳеч бир ташкилотда «соф» ўзбек тилида ҳам, «соф» рус тилида ҳам сўзлашилмайди.

Бундан ташқари, агар назорат тадбири мутаассиблик хусусиятига эга бўлса, назоратни амалга ошириш анча енгиллашади. Университет ҳаётидан мисол келтирган ҳолда таъкидлаш мумкинки, талабалар давоматининг мутаассиблик хусусияти (семинар бошида ёки охирида) фақат *шу гал* давоматни текшириш унутилишига умид қилиш билан асосланган дарс қолдиришларнинг олдини олади. Демак, ташкилот ичida ахборот асимметриясини пасайтириш ва назоратни осонлаштириш орқали «принципал-агент» муаммосини ҳал этишга кўмаклашган ҳолда мутаассиблик айни пайтда унинг аъзолари ўртасида юзага келган ўзаро муносабатларнинг тақрорланишига олиб келади.

Берилган траектория бўйича ҳаракат ташкилий маданият ва мутаассиблар асосида «принципал» билан «агент» ўртасидаги ўзаро муносабатларнинг маълум турига эга бўлиниши ва мустаҳкамланишини назарда тутади. Шунинг учун ташкилий ривожланишнинг бошланғич нуқтаси ҳисобланган вазиятни билиш лозим – у аввал кейинги эволюциянинг барча вариантларини ўзида мужассамлаштиради. Чунки бекарор мухитда унитар фирма трансакция харажатларини тежаш нуқтаи назаридан жуда ёмон кўрсаткичларга эга, лекин у барқарор шароитдаги мослашувчан ташкилий тузилмага эга фирмага нисбатан самарали ва бардошли бўлиши мумкин.

Демак, бекарорлик шароитида шаклланган ва фирманинг кейинги ривожланишини белгилаб берган ички тузилиши ташки муҳит барқарорлашадиган келгусидаги йўқотишларни белгилаб беради. Қизиги шундаки, қисқа муддатли истиқболда оптимал бўлмаган тузилма узоқ муддатли истиқболда фойдали бўлиб чиқиши мумкин. Айнан ушбу ҳолатни дастлабки босқичда йўқотишларга олиб келган ва кейинги босқичларда устунликни таъминлаган ўз эволюциясини юқори даражадаги интеграция ва тузилмани марказлаштиришдан бошлаган Япония фирмаларининг урушдан кейинги ривожланиши мисолида кўрсатиш мумкин.

### **9.5. Фирмаларнинг асосий турлари**

Корхоналар ривожланиши траекторияларининг ўзига хос хусусияти корхоналар ташкилий тузилишидаги миллий фарқларни белгилаб беради. Бугунги кунда исталган мамлакатдаги йирик корхоналарнинг аксарияти жаҳон бозорида юзага келган тенденцияларни ҳисобга олган ҳолда ҳаракат қилишига қарамай, уларнинг ташкилий тузилишлари ва улар томонидан амалга ошириладиган стратегияларнинг хилма-хиллиги кузатилади. Чунки ташкилий ривожланиш траекториясини танлашга таъсир этган омиллар йигиндиси турли мамлакатларда турлича.

Ташкилий ривожланиш траекториясини белгилаб берувчи омиллар жумласига қуйидагилар киради:

- институционал муҳит, шу жумладан институционал ривожланиш траекторияси;
- активларнинг ўзига хослик даражаси (рақобот бозорининг ривожланганлик даражаси);
- ташки муҳитнинг ноаниқлик даражаси (бозорнинг барқарорлик даражаси);
- хатарга мойиллик даражаси (мамлакат аҳолисининг умумий сонида хатарга нисбатан бетараф бўлган инсонлар улуши);
- ижтимоий-иктисодий ривожланишнинг умумий даражасига боғлиқ битимларнинг мураккаблик даражаси;
- қонундан фойдаланиш баҳоси ва хуфиёналик баҳосининг нисбати.

Ташкилий ривожланиш миллий траекториясининг фарқлари нафақат тузилмаларга – унитар, холдинг ёки мультидивизионал, балки уларнинг мақсадли вазифасига, корхонанинг етказиб берувчилар, истеъмолчилар ва ёлланма ходимлар билан муносабатлардаги хатти-ҳаракати, шунингдек, корхона фаолиятининг қўплаб бошқа кўрсаткичларига тааллуқли. Энди корхоналарнинг бир неча бенуқсон турларини ёритишга ҳаракат қиласиз. Улар буйруқбозлик иқтисодиётида фаолият юритувчи корхона (*B* корхона); Америка фирмаси (*A* фирма); Япония фирмаси (*J* фирма) ва ўтиш туридаги корхона (*Ў* корхона)лари.

*1. Буйруқбозлик иқтисодиётида ҳаракат қилувчи корхона.* Корхонанинг ушбу турига нисбатан қизиқиш асосан шу билан боғлиқки, Россия ва Шарқий Европа корхоналари катта қисмининг илдизи буйруқбозлик иқтисодиётига

бориб тақалади. Буйруқбозлик иқтисодиётида ҳаракат қилувчи корхона фойдани кўпайтиришга эмас, балки бир меъёрдаги ишлаб чиқариш режасини бажаришга йўналтирилган. «Принципал» (режа органи)нинг фармойиши мутлақ хусусиятга эга эмас, балки муҳокама ёки *режали савдонинг* предмети ҳисобланади. Ушбу савдода корхонанинг овози рухсатнинг юқори чегараси, нормадан юқорига чиқиш ҳақида огоҳлантиради, юқори турувчи органнинг овози эса рухсатнинг қўйи чегараси, нормадан қўйига оғиш ҳақида эслатади.

Бу ерда «принципал» қандай мақомга эгалиги алоҳида таҳлилни талаб этади. Коммунистик мафкурага мувофиқ социализмда ўз манфаатлари вакили – режа органи орқали *Б корхона* фаолиятини назорат қилиш хукуқини амалга оширувчи барча меҳнаткашлар «принципал» ҳисобланарди. Лекин назоратнинг самарали механизмлари фақат режа органи билан корхона дирекцияси ўртасида ҳамда корхона дирекцияси билан унинг ходимлари ўртасидаги муносабатларда юзага келар эди.

Ишлаб чиқариш топшириқларини бажаришдаги қатъий интизомга назоратнинг учта механизми – партия (партия ташкилотлари орқали), хўжалик (вазирликлар ва идоралар орқали) ва кенгаш (Халқ депутатлари кенгашининг ижроия органлари орқали) механизмлари орқали эришилди. Режа органларининг меҳнаткашлар томонидан назорат қилиниши механизмлари эса мавжуд эмас эди, натижада меҳнаткашлар «принципал» сифатида ўз манфаатларини амалга ошира олмас эди. Шунинг учун режа органи амалда «агент»дан ягона «принципал»га айланди: назоратсиз бюрократик аппарат ўз манфаатларини умуман жамият манфаатлари билан мослаштириш имкониятига эга бўлди. Келтирилган далилларга асосланган ҳолда *Б корхонани* унитар ташкилот, яъни вазирлик ёки идоранинг бўлинмаси сифатида таърифлаш мумкин.

*Б* корхона ишлаб чиқариш ва сотиш алоқаларининг таркиби унинг унитар ташкилот бўлинмаси сифатидаги ҳолати туфайли унга «принципал» томонидан белгилаб берилган. *Б* корхоналар ўртасидаги барча горизонтал алоқалар вертикал алоқалар - «принципал»га мурожаат этиш орқали амалга оширилади. Таъминот-сотиш алоқаларининг таркиби ресурслар тақсимотининг *ажратиши* ёки фондлаш сингари механизмидан ҳосил бўлган. Ажратиш вазирлик ёки идора томонидан *Б* корхона маҳсулотининг асосий истеъмолчилари ва етказиб берувчилари белгиланишидан иборат. *Б* корхонанинг таъминот ва сотиш таркибини мустақил ўзгартиришга уринишларига «принципал» кескин тўсқинлик қилди.

*Б* корхонада меҳнат муносабатларининг тизими ҳам ўзига хос. Унда банд бўлганлар сонининг қўйи чегараси режа топшириқлари, юқори чегараси эса – ишчи кучининг кутилаётган тақчиллиги билан белгиланади. Ресурслар чекланган иқтисодиётдаги бошқа ҳар қандай ресурс сингари ишчи кучи ҳам тақчил. Шунинг учун корхона ўзининг ресурс, шу жумладан *ортинча* бандлик шаклида - ишчи кучи заҳирасини барпо этишга уринади. Бунда таббийки, *Б* корхона барча ходимларини иш билан таъминлашга қодир эмас ва уларга тенглаштирувчилар амалда ишлаб топилмаган иш ҳақини тўлайди. Ишчидан

эгалик вазифасини олиб, уни ишлаб чиқариш натижаларига реал таъсир этиш имкониятидан маҳрум этган ҳолда, қоғозбозлик тизими ушбу имкониятнинг ўрнини ишлаб топилмаган иш ҳақини олиш имконияти билан қоплади.

*2. A фирма.* Америка фирмаси ёки *A* фирма неоклассик дарслклар саҳифаларида таҳлил қилинувчи фирманинг идеал турига кўпроқ мос келади. *A* фирма ўз маҳсулотига рақобат томонидан белгиланган нарҳда ва ишлаб чиқариш билан ёритиладиган харажатлар таркибида фойдани кўпайтиришни мақсад қилиб қўйган. Ҳатто, агар бирор – бир фирмада рақобат бозорида фирманинг мувозанатини тўғри ҳисоблаб чиқа оладиган биронта ходим топилмаса ҳам, у бозорда ўзини неоклассик назариянинг барча қоидалари бўйича фойдани кўпайтиргандек, тутади.

Фойдани кўпайтиришга йўналтирилиш *A* фирма «принципали» - унинг акциядорларининг мақсадли вазифаси билан белгиланган. Акциядорларнинг асосий манфаати бир акцияга ҳисобланган ўз даромадини оширишдан иборат, бу йил якунига кўра корхонанинг инвестиция қилинмаган фойдасининг миқдорига боғлиқ. Ўз навбатида, фойда миқдори «агентлар» - *A* фирманинг ёлланма менежерлари ҳаракатлари билан белгиланган. «Принципал-агент» туридаги ўзаро муносабатлар менежерлар билан ёлланма ходимлар ўртасида ҳам юзага келади.

Акциядорлар билан менежерларнинг ўзаро муносабатларида «принципал-агент» муаммоси иккита муқобил механизм – «овоз бериш» ва «чиқиш» асосида ҳал этилади. Акциядорлар менежерларнинг фаолияти устидан назорат ҳуқуқини ё акциядорларнинг йиллик йиғилишида иштирок этиб, директорлар кенгаши таркибини ўзгаришиш («овоз бериш») орқали ёки ўз акциясини сотиб, бу билан менежерларнинг ҳаракатларини маъқулламаслигини ифодалаш («чиқиш») йўли билан амалга оширишлари мумкин.

Менежерларга ўз хизматлари бозори томонидан кўрсатиладиган интизомий таъсир ушбу бозорда юқори трансакция ҳаражатлари ва унда алмашиладиган ресурслар – бошқарув кўнималари ва иқтидорларнинг юқори даражадаги ўзига хослиги туфайли, самараси кам ҳисобланади.

Иккала муқобил вариант - «овоз бериш» ҳам, «чиқиш» ҳам қатор камчиликларга эга. Овоз бериш акцияларнинг кичик пакетлари эгалари учун «чиптасиз муаммо»ни келтириб чиқаради. Бундан ташқари, менежерлар акциядорлар йиғилиши кун тартибини назорат қиласидилар. Самарасиз бошқарилаётган фирма акцияларининг сотилиши эса ҳамма вақт акцияларнинг пасайган курси туфайли мулқдорларга зарар келтиради.

«Овоз бериш» борасидаги ҳолатни ишончли овоз бериш амалиёти ёрдамида тўғрилаш мумкин, бунда кичик пакетлар мулқдорлари ўз номидан овоз беришни йирикроқ пакетлар эгаларига ишониб топширадилар. «Чиқиш» вариантидан фойдаланишни эса акцияларнинг бирлаштирилган пакетлари олди-сотдисига тендер таклифларидан фойдаланиш орқали оптималлаштириш мумкин.

Менежерлар билан ходимларнинг ўзаро муносабатларида «принципал-агент» муаммосининг ҳал этилиши *фордизм* – Буюк қатағонлик даврида Генри

Форд томонидан ишлаб чиқилган меҳнатни ташкил этиш тизими тамойилларига асосланади. Менежерлар билан ёлланма ходимларнинг ўзаро муносабатлари сиёсати сифатида фордизмнинг асосий унсурлари қўйидагилардан иборат:

- нархларнинг ўсишига кўра иш ҳақининг индексацияланишини ўз ичига оловчи меҳнатга юқори даражада ҳақ тўлаш;
- қатъий ишлаб чиқариш интизоми, бунда машина (масалан, конвейер) ходимнинг ҳаракатларини назорат қилиш воситаси ролини бажаради;
- қасаба уюшмалари иш берувчилар билан ёлланма ходимлар ўртасидаги низоли муносабатларда воситачи ролини бажаради;
- бир тармоқнинг ўзига тегишли корхоналарда (масалан, «Ford» ва «General Motors» ўртасида) кадрлар ўрнининг алмаштирилиши юқори даражада.

Ниҳоят, *A* фирманинг ишлаб чиқариш ва сотиш алоқалари таркиби трансакция харажатларини пасайтириш вазифасига тўлиқ бўйсунган. Интеграция – орқага, олдинга ва комбинациялаш – муқобил мақсадларга нисбатан кўпроқ трансакция харажатларини пасайтириш мақсадлари билан боғлиқ. Етказиб берувчилар, харидорлар, шунингдек, улар билан тузиладиган шартнома турини танлаш фирманинг шу онда бозорда юзага келган трансакция харажатлари даражасини пасайтиришга интилишини акс эттиради. Масалан, гўшт маҳсулотини ташиш учун рефрижератор техника билан таъминлашга катта миқдордаги инвестициялар зарурлиги боис, қўпинча гўштни қайта ишловчи корхоналар ташиш масаласини рефрижераторлар паркини харид қилган ҳолда, пудрат асосида ҳал этади.

3. *J* фирма. Мацашика Аоки томонидан *J* фирма деб номланган Япония фирмаси Америка фирмасидан катта фарқ қиласди. *J* фирмада «принципал» мақомини фақат мулкдорларнинг турли тоифалари ўртасида акцияларнинг тақсимланиши тўғрисидаги статистика маълумотлари асосида аниқлаш мушкул. Ушбу маълумотлар фақатгина япон фирмаларида ҳам, ҳудди АҚШда бўлгани каби, якка акциядорлар «принципал» ҳисобланмайди, деб таъкидлаш имконини беради. Агар 1949 йилда япон компаниялари акцияларининг таҳминан 70 фоизи якка акциядорларга тегишли бўлса (эслатиб ўтамиз, урушдан кейинги даврда гап институтни - *A* фирмани - Японияга импорт қилиш ҳақида борди), 80-йилларнинг охирига келиб, уларнинг қўлида фақатгина акцияларнинг 24 фоизи қолди. *J* фирма акцияларининг 42 фоизи молиявий институтларга, 25 фоизи урушдан аввалги «дзайбатс» туридаги холдингларга тегишли<sup>27</sup>.

Бироқ япон фирмаларини таҳлил қилишда юзага келадиган асосий қийинчилик – фақат турли ҳаракатни белгилаб берувчи хужжатларга бириктирилган расмий маълумотларга таянишнинг имкони йўқлиги. Очиқ мулкдорлар сафида *J* фирма ходимлари мавжуд эмаслигига қарамай, улар амалда ўз фирмасининг фаолиятини назорат қилишда бевосита иштирок этишади. М.Аоки «принципал» ролида бир вақтнинг ўзида ташки акциядорлар ҳам, «инсайдерлар» - корхона ходимлари ҳам иштирок этадиган вазиятни

<sup>27</sup> Aoki M. Economic Japonaisc. Information, motivations et marchandage. Paris : Economica, 1991, p. 128, 135.

ёритиш учун «икки томонлама назорат» атамасини таклиф этди. Бунда назорат соҳалари акциядорлар ва ходимлар ўртасида аниқ бўлинган. Йирик акциядорлар, биринчи навбатда банклар, корхона ўз акцияси учун даромаднинг қулай (максимал эмас!) даражасини таъминлагунга қадар жорий назоратдан бош тортади. Бу билан улар жорий назоратни фирма ходимларига ишониб топширадилар. Бу ерда гап қисқа муддатли шартномалар асосида ёлланган ходимлар ҳақида эмас, балки доимий ходимлар ҳақида боради.

Шундай қилиб, япон фирмаси «агентлар» иттифоқи моделига жуда яқин ва унда «принципал-агент» хилидаги классик муносабатлар мавжуд эмас. Ушбу фикр қуйидаги фактлар билан ҳам тасдиқланади. Биринчидан, *J* фирмада ходимларни бўлинмалар ва бажариладиган вазифалар бўйича бўлишдан фаол фойдаланилади: ўзаро боғлиқ операцияларни бажариш ҳамда раҳбарликни амалга оширишга ҳам лаёқатли универсал ходим идеал ҳисобланади. Масалан, янги маҳсулотларни ишлаб чиқиши билан шуғулланувчи муҳандисларни ишлаб чиқариш жараёнига сафарбар этиш амалиёти, ва аксинча, «чизиқли» муҳандисларнинг тажриба-конструкторлик бюросидаги ҳар йиллик амалиёти кўпроқ горизонтал мувофиқлашувга мисол бўлади.

Мувофиқлашувнинг горизонтал тамойиллари фирмада ахборот оқимлари айланишини шу даражада оптималлаштириш имконини берадики, бўлинмалар шиддат билан ишлаб ва зарурат туғилишига қўра янги маҳсулот тўпламларини бошқа бўлинмаларга буюртма қилгани ҳолда, суғурта ва бутловчи қисмлар захираларини барпо этмай фаолиятда давом этадилар.

Иккинчидан, ўрин алмасиши тамойили ходимларнинг мансаб бўйича ўсишларини режалаштириш асосида ётади. *J* фирмада даража пафонаси амал қиласи, яъни ходимлар меҳнатига ҳақ тўлаш ва уларнинг ижтимоий мақоми ишлаб чиқариш ўлчами билан эмас, балки фирмадаги пофона даражаси билан белгиланади. Янгидан ишга қабул қилинган ходим учун лавозимда ўсиш паст пафоналардан бошланиб, унинг меҳнат фаолияти мобайнида давом этади. Қизиги шундаки, акциядор банклар ҳам, *J* фирма ҳам, унинг ҳамкорлари (ўзаро боғлиқ корхоналар) ҳам даражаларнинг ягона иерархиясини ҳосил қиласи. Шунинг учун ходимнинг мансабда кўтарилиши корхонадан бошланиб, банкда ёки ҳамкор фирмада давом этиши мумкин ва аксинча.

Япония корпорацияси агентлар иттифоқи томонидан назорат қилинади, бу фирманинг мақсадли вазифасини ўзгартиради: ҳозирда фойдани кўпайтириш унинг мақсадлари иерархиясида дастлабки ўринни эгалламайди. Фирма томонидан назорат қилинадиган бозор улушининг узлуксиз ўсишини таъминлаш биринчи ўринда туради, чунки бундай ўсиш ташкилий ўзгартириш, тузилмани кенгайтириш ва ривожлантириш учун замин яратади. Ўсиш уни таъминлаганларни мукофотлайди, - тамойили айнан япон фирмаларига нисбатан тўғри, уларда ташкилий ўзгартириш даражаларининг сонини оширади, демак, ходимларининг мансабдаги ўсишини яхшилайди.

Бошқача айтганда, акциядорларни ҳам, ходимларни ҳам назорат қилиш ишлаб чиқариш ва сотув ҳажмини ошириш орқали фирмани ташкилий юқори рентани оширишга йўналтиради: факат ана шундай мақсад турли

мулқорларнинг манфаатларини тенглаштиради. *J* фирманинг асосий ҳамкорлари – ўзаро боғлиқ корхоналар ва давлат билан ўзаро муносабатларига тўхтадиган бўлсак, ҳар бир фирма квазидоимий ўзаро боғлиқ корхоналар – «кейретсу» доирасига эга. Бунда «Toyota» туридаги йирик корпорацияларда ўзаро боғлиқ корхоналар бош фирма атрофида учта қаторга гурухланади.

Биринчиси – энг барқарор фирмалар (неоклассик шартнома асосида ишловчи бундай ўзаро боғлиқ корхоналарнинг сони «Toyota»да 122 та), иккинчиси – бозордаги вазият тубдан ўзгарган ҳолатда улар билан муносабатлар узилиши эҳтимолига эга (5437 та) фирмалар, учинчиси - қисқа муддатли шартномалар асосида ишловчи етказиб берувчилардан (41703 та фирма) таркиб топади. «Кейретсу»ни тузишда ўзаро боғлиқ корхоналарнинг нуфузи асосида трансакция харажатларини тежаш омилига хатарни бўлиш омили қўшимча қилинади: бозор конъюнктурасининг асосий таъсирини иккинчи ва айниқса учинчи қатор таркибидаги ўзаро боғлиқ корхоналар ўзида хис этади.

Давлат билан муносабатларга келсак, *A* фирмадан фарқли ўлароқ *J* фирма тўлиқ мустақилликка интилмайди. Амалда давлатга япон фирмаси томонидан корпоратив манфаатлар ва умуман жамият манфаатлари ўртасидаги ҳакам корпорациялар курашида эса мувозанатни сақлаш кафолати сифатида қаралади.

4. *Ўтиш туридаги корхона*. Шарқий Европа мамлакатларида амалга оширилган бозор ислоҳотлари *B* корхона билан *A* фирма ўртасида ярим йўлда турган яна бир идеал корхона – ўтиш туридаги корхонанинг пайдо бўлишига олиб келди. Ў корхонанинг «оралиқ» ҳолати, бироқ, уни *B* корхона ва *A* фирма элементларининг турли комбинацияларидан фойдаланиб таърифлаш мумкинлигини англаштади. Ҳеч бўлмагандан Ў корхонанинг мақсадли вазифасини олайлик: у маъмурий буйруқларни бажаришдан ҳам, фойдани кўпайтиришдан ҳам иборат эмас. Ў корхона омон қолишга, меҳнат жамоасини сақлаб қолишга йўналтирилган, шу муносабат билан айрим тадқиқотчилар ушбу идеални тавсифлаш учун ҳатто «омон қолишга йўналтирилган корхона» атамасини ҳам таклиф этди.

Ўтиш туридаги корхона мақсадларини танлашнинг ўзига хос хусусияти унинг мулки таркибига боғлиқ. *J* фирмада бўлгани каби бу ерда ҳам мулкнинг тўлиқ ва реал таркиблари ўртасида номувофиқлик мавжуд ва бу ҳам «инсайдерлар» - корхона ходимлари ва раҳбарлари фойдасига хизмат қиласди. Бу ерда гап қайта комбинацияланган мулк ҳақида бораяпти, яъни унда қуидагиларга йўл қўйилади:

- хусусий ва давлат мулки ўртасидаги чегараларнинг йўқолиши. Давлат бюджетидан қатъи назар расмий жиҳатдан хусусийлаштирилган корхона. Бироқ давлатнинг шартнома мажбуриятлари ва бюджет олдидағи мажбуриятларни бажармаган корхоналарнинг банкротлигини эълон қилишга тайёр эмаслиги, давлат дебиторлик қарзларининг бир қисмини ўз зиммасига олишга розилигини англашади. Ўзаро ҳисоб-китобларни ўтказиш амалиёти ҳақиқий молиявий битимларни имитация қиласди ва корхонани тўхтатиб қўйишнинг иложи

йўқлиги ҳолатини шунчаки ниқоблайди, чунки бу ишчиларнинг норозилиги ва ишлаб чиқаришнинг пасайишини келтириб чиқаради.

- корхона ташкилий чегараларининг йўқолиши. Тўланмасликлар муаммоси нафақат пул массасининг ишлаб чиқариладиган товар ва хизматлар ҳажмига мос келмаслиги, балки корхоналарнинг ўзи билан ўзаро боғлиқ корхоналарга *товар кредити* беришга тайёрлигини акс эттиради. Шартнома мажбуриятларини бажаришнинг паст маданиятини ҳисобга олган ҳолда, корхоналар томонидан ўзаро ҳақ тўланмасликларга ихтиёрий равишда йўл қўйилишининг ягона изоҳи бўлиб ўзаро боғлиқ корхоналар *ўртасида* фирма *иҷидаги* оқимлар каби тамойилларда товар-пул оқимини ташкил этиш имконини берувчи ўзаро назоратнинг мавжудлиги ҳақидаги тасаввур ҳисобланади.

- мулкнинг расмий ва реал таркибининг мос келмаслиги. Ташқи мулкдорлар, одатда, фонд бозорининг оптималь бўлмаган ҳолда фаолият юритиши ва менежерларнинг ахборот асимметриясидан оппортунистик фойдаланишлар туфайли Ў корхона менежерларини назорат қилиш хукуқини амалга оширишнинг иложи йўқ. Натижада «агентлар» - менежерлар – ҳатто акцияларнинг асосий қисми ташқи сармоядорларга тегишли корхоналар устидан ҳам назоратни сақлаб қоладилар.

Шундай қилиб, омон қолишга йўналтирилиш «агентлар»нинг «принципаллар»нинг ўз назорат хукуқини «овоз бериш» орқали ҳам, «чиқиш» орқали ҳам амалга ошириш мумкин бўлмаган вазиятни сақлаб қолишга уринишларини англатади. Демак, «агентлар» оппортунизми Ў корхона фаолиятининг мухим жиҳати ҳисобланади. Таъкидлаш лозимки, менежерлар ходимлар (уларнинг ўзларига нисбатан «агентлар») устидан назоратни сақлаб қолишга эришдилар. Улар буни молиявий қийинчиликларга қарамай корхона балансида ижтимоий соҳа обьектлари (уй-жой-коммунал хўжалиги, дам олиш базаси, болалар муассасалари, асл ҳолатида таъминлаш)ни сақлаб туришда ифодаланувчи патернализм сиёсати ҳисобидан уддаладилар.

Ў корхона томонидан ишлаб чиқариш алоқалари таркиби трансакция харажатларини камайтириш мезони бўйича эмас, балки вақт орқали текширилган алоқани сақлаб қолишга уриниш асосида шаклланади. 1993-1994 йилларда Россия корхоналарининг аксарияти асосий етказиб берувчилар (83%) ва истеъмолчилар (70%) билан аввалги алоқаларини сақлаб қолган ва янги шерикларни топиш истиқболига шубҳа билан қараган. Таъминлаш ва сотиш сиёсатидаги мутаассибликтарнинг эҳтимолий талқинларидан бири янги шериклар билан шартномалар тузишнинг ғоят юқори трансакция харажатлари ҳақидаги тасаввурдан иборат.

Биринчи навбатда бу янги шерикларнинг оппортунистик ҳатти-харакатларининг юқори даражада эҳтимол тутилиши билан боғлиқ. Эски шерикларнинг оппортунизми уларнинг юзага келган нуфузи ва режали иқтисодиёт мухитида фақат «ўзиникига» нисбатан амал қилувчи алоҳида ахлоқ нормаларига эга директорларнинг мавжудлиги туфайли деярли истисно этилган.

Энди корхоналарнинг тўртта бенуқсон турини жадвал кўринишида қиёсий таҳлил қилиш натижаларини келтирамиз (9.3-жадвал).

### 9.3-жадвал

#### **Турли иқтисодиётда ҳаракат қилувчи корхоналар фаолияти мезонлари**

<b>Таққослаш мезонлари</b>	<b>B корхона</b>	<b>A корхона</b>	<b>J корхона</b>	<b>Ў корхона</b>
<i>Мақсадли вазифа</i>	Нормал юкламали режани бажариш	Фойдани ошириш	Ишлаб чиқариш ва сотиш ҳажмларини ошириш ҳисобидан ташкилий рентани ошириш	Корхонанинг омон қолиши, меҳнат жамоасини сақлаб қолиш
Мулкчилик таркиби	Формал-давлат, «идораларнинг» реал мулки	Акциядорлар ичida жисмоний шахслар устунлик қиласиган акциядорлик	Формал-акциядорлик, жамоа корхонаси эле-ментларига эга реал акциядорлик	Формал-акциядорлик, реал – «рекомбинация ланган»
«Принципал»	«Идора» (вазирлик, идора)	Якка акциядорлар	Акциядорлар ва доимий ходимлар иттифоки	Корхона раҳбарияти
Бюджет чекловларининг қатъийлик даражаси	0-2	4	3-4	2-3
Ташки муҳит тавсифи	Барқарор	Хатар	Хатар	Номалум
«Принципал-агент» муаммосини ҳал этиш усувлари	Уч шаклдаги бевосита назорат (маъмурий, партия, касаба уюшмалари ёки кенгаш)	«Овоз бериш» ёки «чиқиши» орқали	«Агентлар» иттифоки сифатида фирмамоделидан фойдаланиш	Корхона раҳбарияти ва ходимларининг ўзаро муносабатлари даги паттернализм сиёсати
Хўжалик алоқалари таркибини белгилаб берувчи омиллар	Барча горизонтал алоқалар вертикал алоқалар орқали (ресурсларни ажратиш доирасида) амалга оширилади	Трансакция харажатларини пасайтириш	Трансакция харажатларини пасайтириш ва хатарни турли бўғинлар таркибидаги ўзаро боғлиқ корхоналар ўртасида тақсимлаш	Илгари юзага келган алоқаларни сақлаш, юқори трансакция харажатлари туфайли янги алоқаларни излашдан бош тортиш
Давлат билан ўзаро муносабатлар	Режа органи буйруқларига бўйсуниш	Тўлиқ мустақиллик	Бошқа корхоналар билан низолар пайдо бўлганида ҳакам сифатида фойдаланиш	Тўлиқ мустақиллик, лекин давлат пассивларни бошқаришни реал марказлаштириш доирасида мажбуриятлар-

				нинг бир қисмини ўз зиммасига олади
Бандлик сиёсати	Ресурслар тақчиллигининг кутилаётган миқдоридан функция сифатида меҳнатга талаб	Маҳсулотга талаб ва ходимнинг меҳнат унумдорлигидан кутилаётган миқдоридаги вазифа сифатида меҳнатга талаб	Доимий ходимларнинг меҳнатига бўлган талаб барқарор, маҳсулотга нисбатан кутилаётган талаб факат қисман ва вақтинчалик бандлик миқдорига таъсир кўрсатади	Мехнат жамоасининг ўзагини сақлаб қолишга интилиш туфайли меҳнатга талаб барқарор, ихтиёрий ишдан бўшашилар ҳисобидан ортиқча бандлик даражаси қисқаради
Иш хақи сиёсати	Ягона тариф сеткаси асосида қатъий белгиланган	Энг юқори меҳнат унумдорлигига кўра мослашувчан	Ходимнинг дараҷалар иерархиясидаги ўрнига қараб қатъий белгиланган	Қатъий белгиланган
Касаба уюшмаси шакли	Тармоқ	Тармоқ	Корхонанинг касаба уюшмаси	Тармоқ
Касаба уюшмасининг вазифаси	Ходимларни назорат қилишининг кўшимча механизми; ижтимоий бойликларни тақсимлаш	Ходимлар ва иш берувчиilar ўртасида низолари пайдо бўлганида воситачи	Оддий ишчилардан тортиб то дирекциягача барча «инсайдерлар» манфаатларини намоён этиш	Касаба уюшмалари паст сафарбар этувчи салоҳиятга эга

### Қисқача хулоса

«Принципал-агент» муаммоси ҳар қандай ташкилот фаолиятини кўрсатишини мураккаблаштиради. «Агент»дан «принципал»нинг фойдалилигини оширувчи ҳаракатлар кутилади, лекин «агент» ҳамма вақт ўзи билан «принципал» ўртасида мавжуд ахборот асимметриясидан ўз фойдаси йўлида ва «принципал» манфаатларига зид ҳолатда фойдаланишга ҳаракат қиласди. Муаммони ҳал этиш йўллари бир нечта: юқори харажатлар билан боғлиқ бевосита назоратни кучайтириш; «принципал» томонидан «агентлар» мусобақасининг ташкил этилиши; «агентлар»нинг ташкилот фаолияти даромадларида иштирок этиши ва «агентлар» томонидан «принципал» вазифаларининг бажарилиши. «Принципал-агент» муаммосини ҳал этишнинг ушбу вариантлари фирма ички тузилмасининг кўринишини учта тури: унитар, холдинг ва мультидивизионал кўринишини изоҳлайди.

Фирманинг ички тузилиши таркибини шартловчи омилларнинг ҳар бир ўзига хос комбинацияси ташкилий маданият асосида ўзини – ўзи такрор ишлаб чиқариш тенденциясига эга. Гап ташкилотнинг траектория бўйича

ривожланиши ҳақида бормоқда. «Ривожланишнинг тарихий шартланганлик самараси» мавжудлиги корхоналарнинг тўрт идеал тури ҳақида сўзлаш имконини беради: буйруқбозлик иқтисодиётида ҳаракатланувчи *B* корхона, *A* фирма, *J* фирма ва ўтиш туридаги корхона. Корхоналарнинг бундай хиллари буйруқбозлик иқтисодиётида (режали иқтисодиётда), мутлақ рақобат иқтисодиётида (Америка иқтисодиётида), иқтисодиётнинг корпоратив моделида (Япония иқтисодиётида) ва ўтиш иқтисодиётида юзага келган омилларнинг ўзига хос комбинацияларини акс эттиради.

### ***Таянч сўз ва иборалар***

“Принципиал” ва “агент” муносабатлари, ички ахборот асимметрияси, Нэш бўйича мувазанат, “агентлар” рақобати, фирманинг ички тузилмалари, холдинг, унитар ташкилот, мултидивизинал тузилма, траектория, ташкилий маданият, фирма турлари, таққослаш мезонлари.

### ***Такрорлаш учун саволлар***

1. “Принципиал” ва “агент” сўзлари нимани англатади? Улар ўртасидаги муносабатлар нималарга асосланади?
2. Сизга яхши таниш ташкилотни танланг ва қуидаги саволларга жавоб беринг: корхонада «принципал-агент» муаммоси қандай ҳал этилади; корхонанинг ташкилий тузилиши қандай (унитар, холдинг, мультидивизионал, аралаш); корхона фирманинг қайси бенуқсон турига кўпроқ яқин?
3. Ўзбекистон бозорида фаолият юритувчи чет эл фирмасининг филиали қандай турдаги корхона жумласига кириши мумкин? Жавобингизни асослашда қайси омиларни хисобга олиш лозим?
4. Ўтиш туридаги корхона барқарор ташкилий тузилма ҳисобланадими ёки ушбу бенуқсон тур ёрдамида фақат *B* корхонанинг *A* фирмага айлантирилишидаги босқич ёритилганми?

## **Х - боб. ТАШКИЛОТНИ АМАЛИЙ ТАҲЛИЛ ҚИЛИШ НАЗАРИЯСИ**

Фирмаларни энг мақбул (бенуқсон) турларга бўлиш реал ташкилотлар тўғрисида тўлиқ тасаввурга эга бўлиш имконини бермайди, балки фақат ташкилий тузилманинг барқарор қисмини ажратиб кўрсатади. Аммо ушбу фикр институционал ёндашув фақатгина ташкилотда юз бераётган жараёнларни тушунишга қодир эканлигини англаатмайди. Муайян ташкилот ҳолатини текшириш ва муайян амалий ташкилий муаммоларни ҳал этиш бўйича таклифлар ишлаб чиқишида институционал ёндашув билан бир қаторда, трансакция харажатлари назарияси, келишувлар назарияси ва мулкчилик ҳуқуқлари назариясини ҳам амалда қўллаш мумкин.

### **10.1. Трансакция харажатлари назарияси асосида ташкилий тузилмаларни амалий таҳлил қилиш**

Трансакция харажатларини ўлчашдаги қийинчиликлар муайян иқтисодий таҳлил учун асосий тўсиқлардан бири ҳисобланади. Биринчи галда трансакция харажатлари барча турлари пул эквивалентида баҳоланиши мумкинми деган савол очиқлигича қолмоқда. Ҳатто трансакцияни амалга ошириш учун вақт сарфини пул эквивалентида ифодалашнинг оддий тадбири ҳам кўпгина ҳолатларда трансакциянинг (масалан, музокаралар юритишнинг) баъзи жиҳатларини таъминлашга ихтисослашган воситачиларнинг йўқлиги туфайли такомиллашмаган. Шунингдек, илгари ишончга эга шерикнинг оппортунистик хатти-харакати ёки мулкчилик ҳуқуқларининг ҳимояланмаганлиги туфайли юзага келадиган руҳий ташвиш натижасида харажатларни пул шаклида баҳолашга уринишда янада каттароқ мураккабликлар пайдо бўлади.

Трансакция харажатларини ўлчаш ўтган аср охирида фойдалиликни ўлчаш юзасидан мунозаралар жараёнида қўйилган муаммога ўхшаш муаммони келтириб чиқаради. Агар фойдалиликни сифат жиҳатдан функционал боғлиқликдаги аниқлик билан ўлчаш мумкин бўлса, у ҳолда биринчи ва иккинчи ҳосила нафлий маъносини касб этади; биринчи ҳосиланинг миқдори энг юқори нафлий кўрсаткичи ҳисобланади, манфий белгили иккинчи ҳосила эса энг юқори нафни камайтирувчи қонуннинг амал қилишини англаатади<sup>28</sup>.


Мунозаралар чоғида фойдалиликни ўлчашнинг қабул қилинган усулига муқобил вариант сифатида Ж.Эежуорт ва И.Фишер фойдалиликнинг турли даражалари нисбатини аниқлаш ва уларнинг мутлақ миқдорини баҳолашга нисбатан даъволардан бош тортишдан иборат бўлган ординалистик ёндашувни таклиф этганлар<sup>29</sup>. Трансакция харажатлари назарияси ҳам ушбу йўналишда ривожланмоқда. Иқтисодий ташкилотларни қиёсий таҳлил қилишда ҳеч қачон

<sup>28</sup> Блауг М. Экономическая мысль в ретроспективе. – М.: Дело, 1991, с. 307-30.

<sup>29</sup> Олейник А. Институциональная экономика: Учебно-методическое пособие. // Вопросы экономики. 1999, №1, с.134.

алоҳида олинган ташкилий шакллар тадқиқ этилмайди, улар факат мавжуд муқобил вариантиларга нисбатан кўриб чиқилади.

Турли шартномалар ва ташкилий матнларда юзага келадиган трансакция харажатларини таққослаш уларнинг микдорини экспертиза йўли билан баҳолаш орқали чегаралаш имконини беради. Турли вариантиларга аниқликлар киритиш трансакция харажатларини пул шаклида ўлчашнинг такомиллашмаган усулларидан бош тортиш имконини беради. У ҳолда муайян битимни амалга оширишнинг оптимал шаклини танлаш алгоритми иккита босқични ўз ичига олади. Биринчи босқичда турли кўринишдаги: классик, неоклассик ва имплицит шартномалардан (5-бобга қ.) фойдаланишда юзага келадиган трансакция харажатлари таққосланади.



### **10.1-расм. Битимни амалга ошириш босқичлари.**

Агар эксперт баҳоларга кўра, энг кам харажатлар имплицит шартномалардан фойдаланиш билан боғлиқ бўлса, у ҳолда иккинчи босқичда унитар, холдинг, мультидивизионал ва аралаш каби муқобил ташкилий тузилмалар доирасида юзага келадиган трансакция харажатларини таққослаш мумкин.

Умумий кўринишда (битимнинг муайян шартларини ҳисобга олмай) шартноманинг учта тури қиёсий устунликлари, О.Уильямсон фикрига кўра, қўйидаги тарзда намоён этиш мумкин (10.1-жадвал).

**10.1-жадвал**

#### **Шартноманинг қиёсий устунликлари [54]**

Қиёсий мониторинг харажатлари параметрлари	Шартнома турлари		
	классик	неоклассик	имплицит
Рафбатлар кучи	++	+	0
Назорат қилиш самарадорлиги	0	+	++
Иштирокчиларнинг кутилмаган ҳолатларга автоном мослашиши	++	+	0
Иштирокчиларнинг кутилмаган ҳолатларга келишилган тарзда мослашиши	0	+	++
Низоларни ҳал этиш хуқуқий тадбирларининг қулайлиги	++	+	0

Изоҳ: +- энг самарали; +- етарлича самарали; 0 - самарасиз.

Мисол тариқасида корхона раҳбарларининг корхоналар соҳасига тааллукли бўлмаган фаолият турини мустақил равишда ёки четки ташкилотларга пудрат (неоклассик шартнома) асосида бажаришни афзал кўришларига оид маълумотлар 10.2-жадвалда келтирилган.

### 10.2-жадвал

#### **Корхоналарда (имплицит шартнома асосида) амалга ошириладиган фаолият тури улуши таҳлили\***

Фаолият тури	Мустақил равишда (имплицит шартнома асосида) бажариш улуши, фоизда		
	1990-1992 йй.	1994-1995 йй.	1996-1998 йй.
Илмий тадқиқот ва тажриба конструкторлик ишланмалари (ИТТКИ)	100	70	50
Қурилишни лойиҳалаштириш	50	60	50
Қурилиш-монтаж ишлари	72	44	45
Жихозларга хизмат кўрсатиш	65	63	63
Асбоб-анжомлар ишлаб чиқариш	73	77	73
Идишлар ишлаб чиқариш	68	51	71
Иссиқлиқ таъминоти	100	10	10
Транспорт хизмати	75	72	82

\*Манба: хориж эксперт баҳолари маълумотлари.

Фаолиятнинг маълум турини мустақил равишда амалга оширувчи корхоналар улушининг энг тез қисқариши ИТТКИ, қурилиш-монтаж ишлари ва иссиқлиқ таъминоти соҳасида кузатилади. Табиийки, бу ушбу фаолият турлари классик шартномадан фойдаланиш харажатлари пасайиши билан боғлиқ. Аксинча, классик шартнома асосида транспорт хизматларига эга бўлиш харажатлари кўриб чиқилаётган даврда корхонанинг таркибий транспорт бўлинмасини барпо этишга нисбатан ошган.

Фирма ички тузилмаларининг турли вариантларини ҳам ҳудди шу тариқа таққослаш мумкин. Бутловчи қисмларнинг алоҳида турларини ишлаб чиқариш билан шуғулланувчи таркибий бўлинмалар ё унитар, ёки холдинг, ёхуд мультидивизионал тузилма доирасида ўзаро ҳамкорлик қиласи, дейлик. Унда барча ахборот оқими марказлашган унитар тузилмада ахборотни харажатлари энг кам ва холдинг тузилмада энг юқори, чунки бўлинмалар ҳатто факат молиявий кўрсаткичларни назорат қилувчи бош оғисда ҳам бир – бири хақидаги ахборотга эга бўла олмайди.

Музокаралар юритиш харажатлари унитар корхонада энг кам, бўлинмалари тарқоқ жойлашган холдингда эса - энг юқори. Ўлчаш харажатлари холдингда юқори, у ерда ягона стандартларни жорий этиш вазифалари қўйилмайди. Шартнома тузиш харажатлари бош оғис ва бўлинмалар ўртасидаги ҳуқуқларни чегаралаш қийинлиги туфайли мультидивизионал тузилмада энг юқори. Мониторинг харажатлари холдингда энг паст. У ерда бўлинмаларнинг оппортунистик хатти-ҳаракатлари устидан назорат бозор

механизмлари асосида амалга оширилади. Трансакция харажатлари миқдорининг тафсилоти 10.3-жадвал кўринишида берилган.

### 10.3-жадвал

#### Трансакция харажатлари миқдорининг эксперт баҳоларидаги тафсилоти

Трансакция харажатлари тури	Унитар корхона	Холдинг	Мультидивизионал тузилма
Ахборотни излаш	1	3	2
Музокаралар олиб бориш	1	3	2
Ўлчаш	1	2	1
Шартнома тузиш	1	2	3
Мониторинг	3	1	2
Мулкчилик ҳуқуқларини ҳимоялаш	-	-	-
Учинчи шахслардан ҳимоялаш	-	-	-
Жами	7 (min)	11 (max)	10

Демак, унитар корхона трансакция харажатларининг энг паст умумий миқдори билан тавсифланади. Бироқ амалда тармоқ бозоридаги муайян вазият ҳисобга олиниши лозим. Масалан, капитал бозори ва фонд бозорининг ривожланмаганлиги капиталнинг тармоқлараро оқимини таъминлаш учун холдингнинг жозибадорлиги, капиталнинг тармоқдаги оқимини таъминлаш учун эса мультидивизионал тузилманинг жозибадорлигини оширади. Бундан ташқари, битимнинг хусусиятига кўра ҳар бир параметрга (0 дан 1 гача) алоҳида улуш бериш зарур. Ахборотни излаш харажатларининг нисбати эмас, балки айнан мониторинг харажатларининг нисбати ҳал этувчи бўлиши мумкин.

#### 10.2. Фирманинг баланси унинг таркиби тўғрисидаги ахборот манбаи сифатида

Бухгалтерия ҳисботларининг, биринчи галда баланс ҳамда фойда ва зарарлар тўғрисидаги ҳисбот (даромадлар ҳақидаги ҳисбот) маълумотлари эксперт баҳоларидан ташқари, трансакция харажатларининг нисбий миқдори ва ташкилий тузилманинг оптималлик даражаси ҳақидаги ахборот манбаи бўлиб хизмат қилиши мумкин. Балансдан фойдаланишнинг бундай йўналиши асосан фирманинг кредитга лаёқатлилигини имкониятли кредиторлар нуқтаи назаридан баҳолашга қаратилган молиявий таҳлилнинг оддий технологиясидан фарқ қиласи.

Институционал таҳлил учун таклиф этилаётган балансдан фойдаланиш методологияси, албатта, тўлиқ эмас, шунинг учун унга мутлақ аниқ ва тўлаттўқис хусусиятга даъвогарлик қилмайдиган хомаки вариант сифатида ёндашиш лозим.

Бухгалтерия ҳисботининг институционал таҳлилидаги дастлабки нуқта сифатида биз даромадлар ҳақидаги ҳисбот асосида аниқланадиган фирма маҳсулотини сотиш нархининг таркиби «ахборотнинг уч турини: ташкилотнинг

ички тафсилотлари, бозордаги рақобат даражаси ва фирма стратегияси ҳақидаги ахборотни синтез қиласи», деган тезисни қабул қиласиз. Ҳақиқатан ҳам, таннарх таркиби нафақат ишлаб чиқариш ва технологик харажатлар, балки ташкилот *ицида* юзага келадиган трансакция харажатларини ҳам акс эттиради. Иккинчи томондан, даромадлар таркиби фирма фаолият юритадиган *ташқи мұхит* ҳақидаги: талаб ҳолати ва динамикаси, рақобатчилар товарларининг нархи ва сифати, рақиб фирмаларнинг савдо тажовузкорлиги даражаси, мазкур секторда трансакция харажатлари миқдори ҳақидаги ахборотни ҳам мужассам этади.

Алохида фирманинг бухгалтерия ҳисботида келтирилган ахборот ўз – ўзича кам маълумот беради: институционал таҳлил уни тармоқ бўйича ёки шундай ўлчамдаги фирмалар гурӯҳлари бўйича ўртacha кўрсаткичлар билан таққослашни талаб этади, чунки гап трансакция харажатларини мутлақ эмас, балки нисбий ифодада ўлчаш ҳақида бормоқда. Масалан, Японияда ҳар йили 865 та йирик фирманинг ўртacha ҳолатга келтирилган баланс кўрсаткичлари ҳисоблаб чиқилади (NEEDS – Nikkei Economic Electronic Data System).

Айнан ўртacha ҳолатга келтирилган баланс маълумотлари асосида М.Аоки ишдан бўшашда тўланадиган йигилган нафақалар миқдори фирма томонидан ходимнинг фирма учун ўзига хос кўникма ва билимларга эга бўлиши учун сарфланадиган саъй-ҳаракатларга тўғри пропорционал, деган фараздан келиб чиқиб, J фирмада инсон капитали ўзига хослигининг миқдорини баҳолашга уринган. Бундай эҳтимолликни Япония фирмаларида нафақага чиқаришда тўланадиган нафақани шакллантириш тартиботини таҳлил қилиш орқали қабул қилиш мумкин.

Янги ходим келиши билан унинг номига маҳсус ҳисобварақ очилади, ундаги маблағлар суммаси иш стажининг ортиши ва ички иерархия тузилмалари бўйича ҳаракатланишга кўра ошади. Нафақага чиқиш маблағи пенсияга кетиш ёки муддатидан олдин ишдан бўшашда, тўланади (иккинчи ҳолатда ходим катта йўқотишларга дуч келади), бу уни фирма томонидан тўланадиган якка пенсияга яқинлаштиради. М.Аоки фирмада инсон капитали ўзига хослиги даражасини тўпланган чиқиш нафақалари суммасининг фирманинг умумий капиталига нисбати сифатида ҳисоблаб чиқиладиган индекс ёрдамида аниқлаган. Агар муайян фирма учун ҳисоблаб чиқилган бундай индекс ўртачалаштирилган баланс маълумотлари бўйича ҳисоблаб чиқилган индексдан ортиқ бўлса, у ҳолда фирмада инсон капитали ўзига хослиги даражаси *нисбатан* юқори, ва аксинча.

NEEDSга ўхшаш баланс ҳар бир мамлакатда ҳам ҳисоблаб чиқилавермаслигига қарамай, исталган йирик консалтинг ёки аудиторлик фирмасининг маълумотлар базаси таққослаш учун зарур ахборотни ўзида мужассам этган. Энди ташкилотнинг ички тузилиши ва унинг бозор стратегияси ҳақида хулоса чиқариш имконини берувчи индексларнинг йиғиндисини батафсил кўриб чиқамиз. Дастребалансынинг умумий таркиби ва GAAP стандартидаги даромадлар ҳақидаги ҳисботни ёдга оламиз (10.4-жадвал).

Актив ва пассив алоҳида моддаларининг таҳлили ташкилотда ҳуқуқларнинг реал тақсимланиши ҳақида тасаввурга эга бўлиш имконини беради, у расмий, таъсис ҳужжатлари ва акциядорлар реестрида қайд этилган тақсимлашга ҳамма вақт ҳам мос келмайди.

**«Ходимларга иш ҳақи бўйича қарздорлик»**

$$I_1^i = \frac{\text{«Жами жорий операцион мажбуриятлар»}}{\text{«Ходимларга иш ҳақи бўйича қарздорлик»}}$$

$I_1^i$  индекс корхона ходимларининг қарорларни қабул қилиш жараёнига таъсири даражасини акс эттиради. Банклар, давлат ва ўзаро боғлиқ корхоналар олдидағи қисқа муддатли қарздорлик бўйича ҳам шундай  $I_1^i$  индекслар ҳисоблаб чиқилади. Агар корхона раҳбарияти ходимлар олдидағи мажбуриятларни бажаришни банклар, давлат (бюджет) ва ўзаро боғлиқ корхоналар олдидағи мажбуриятларни бажаришдан кўра устуворли деб ҳисобласа, у ҳолда бу меҳнат жамоаси томонидан эгалик қилиш, тасарруф этиш ва даромад олиш ҳуқуқига норасмий эгалик қилинишидан далолат беради.

**«Узок муддатли кредитлар: таъминланмаган»**

$$I_2 = \frac{\text{«Жами узок муддатли мажбуриятлар»}}{\text{«Узок муддатли кредитлар: таъминланмаган»}}$$

Банклар томонидан корхона устидан назорат даражасини аниқлаш учун  $I_2$  индексни ҳисоблаб чиқиши ҳам фойдали, чунки банк томонидан гаров билан таъминланмаган кредитлар, фақат берилган кредит қайтарилишининг бошқа, норасмий кафолатлари кўзда тутилган ҳолатларда берилиши мумкин<sup>30</sup>.

**«Дебиторлар ҳисобвараглари: тижорат»**

$$I_3 = \frac{\text{«Тўланадиган ҳисобвараглар: тижорат»}}{\text{«Дебиторлар ҳисобвараглари: тижорат»}} ;$$

$$I_4 = \frac{\text{«Жами айланма маблағлар»}}{\text{«Дебиторлар ҳисобвараглари: тижорат»}} .$$

Ўзаро боғлиқ корхоналар томонидан ташкилот устидан назорат даражасини аниқлаш учун (масалан, қайта комбинацияланган мулкнинг мавжудлиги ҳақидаги гепотезани текширишда)  $I_1^i$  турдаги индексни (суръатда – «Тўланадиган ҳисобвараглар»)  $I_3$  дебиторлик қарздорлиги индекси ва  $I_4$  коэффициенти билан мувофиқлаштириш зарур. Агар  $I_1^i$  индексининг миқдори ўзаро боғлиқ корхоналарнинг имтиёзли ҳолати ҳақида тасаввур этиш имконини берса, у ҳолда  $I_3$  ва  $I_4$  индекслари корхонанинг ўзаро боғлиқ корхоналар устидан назорат даражаси ва ўзаро боғлиқ корхоналарнинг корхона устидан назорат

<sup>30</sup> «Кредиторнинг ўз пулларини қайтариб олиш ҳуқуки чегараланган, лекин акциядорларни киға нисбатан кам, чунки (кредиторларда) назоратнинг билвосита, номуайян усуслари мавжуд» (Стиглиц Дж. Кредитные рынки и контроль над капиталом. – М.: ЭиМО, 1989, № 6, с. 46-47).

даражасини белгилайди. Ушбу индексларнинг қўлланилиши M1 пул агрегатининг реал товар массасига мос келмаслиги натижаси<sup>31</sup> сифатидаги ҳақ тўламасликлар ва корхоналар ўртасидаги товар кредитининг шакли сифатидаги ҳақ тўламасликлар ўртасида чегара ўтказиш имконини беради.

#### 10.4-жадвал

#### Фирманинг баланс қўрсаткичлари

БАЛАНС	
АКТИВ	ПАССИВ
<b>Нақд пул</b> Осон сотиладиган қимматли қоғозлар Дебиторлар ҳисобварақлари: тижорат Захиралар: хомашё Захиралар: тугалланмаган ишлаб чиқариш Захиралар: тайёр маҳсулот Жами захиралар Бўлажак даврлар харажатлари Бошқа айланма активлар Жами айланма активлар Бинолар, иншоотлар ва жиҳозлар Асосий жиҳозлар лизинги Амалдаги жиҳозлар лизинги Минус амортизация Жами бинолар, иншоотлар ва жиҳозлар: соф Инвестициялар ва ссудалар Узоқ муддатли қимматли қоғозлар Дебиторларнинг турли ҳисобварақлари Соф активлар Бошқа айланмадан ташқари маблағлар Номоддий активлар Харидларни капиталлаштириш (гудвилл)	Тўланадиган векселлар Тўланадиган ҳисобварақлар: тижорат Бошқа жорий мажбуриятлар Жами жорий операцион мажбуриятлар Жорий узоқ муддатли қарздорликнинг бир қисми Бўлажак даврлар даромадлари Узоқ муддатли кредитлар: таъминланмаган Узоқ муддатли кредитлар: таъминланган Капитал лизинги бўйича мажбуриятлар Операцион лизингнинг ҳозирги қиймати Бошқа жорий мажбуриятлар Жами узоқ муддатли мажбуриятлар Субординацияланган қарздорлик Қисқа муддатли пенсия мажбуриятлари Тўлаш муддати кечикирилган солик тўловлари
<i>Жами асосий воситалар</i>	<b>Жами пассив</b>
<i>Жами актив</i>	<b>ХУСУСИЙ КАПИТАЛ</b>
	Тўлаш муддати кечикирилган солик тўловлари Шуъба корхоналарда ташки капитал Имтиёзли акциялар Оддий акциялар Таксимланмаган фойда Сармоядорлардан сотиб олинган акция-лар
	<b>Жами хусусий капитал</b>
	<b>УСТУНДАГИ ЖАМИ</b>

#### ДАРОМАДЛАР ТЎҒРИСИДА ҲИСОБОТ

##### *Соф сотувлар (тушумлар)*

Сотилган товарлар таннаҳхи (минус амортизация)

Амортизация ажратмалари

##### *Ялпи фойда*

Сотиш харажатлари

Маъмурий-бошқарув харажатлари

<sup>31</sup> M1 пулларнинг миқдорий тенгламаси  $MV=PY$  асосида ҳисоблаб чиқилади, бу ерда M - пул агрегати, V - пул муомаласи тезлиги, P - нархлар даражаси ва Y - реал даромад.

Раҳбар ходимларни мукофотлаш  
 Бошқа операция харажатлари  
*Операцион даромад*  
 Бошқа операциядан ташқари харажатлар  
 Тўланган фоизлар  
 Олинган фоизлар  
 Корхоналарни ёпиш ва ҳисобдан чиқариш  
 Капитал қўйилмалардан даромадлар  
*Солиқлар тўлангунга қадар фойда*  
 Даромад солиги  
 Давом этаётган операциялардан даромад  
 Тўхтатилган операциялардан соғ фойда  
 Корхонани сотишдан фойда (зарар)  
 Фавқулодда даромадни олгунга қадар даромад (зарар)  
 Фавқулодда даромад  
 Соғ фойда

$$\begin{aligned}
 & \text{«Тақсимланмаган фойда»} \\
 I_5 = & \frac{\text{«Жами хусусий капитал»}}{\text{«Маъмурий-бошқарув харажатлари»} + \text{«Раҳбар ходимларни мукофотлаш»}} ; \\
 I_6 = & \frac{\text{«Ялпи фойда»}}{\text{—}}
 \end{aligned}$$

$I_5$  индекси акциядорларнинг акциядорлик жамиятидаги қолдиқ даромадни олиш ҳуқуқидан фойдаланиш самарадорлигини таҳлил қилиш учун таклиф этилади. Агар тадқиқ этилаётган фирманинг баланси асосида ҳисоблаб чиқилган ушбу индекс тармоқ ёки корхоналар гуруҳлари бўйича ўртacha индексдан анча кичик бўлса, у ҳолда расмий мулкдорлар «агентлар» - менежерларнинг оппортунистик хатти-ҳаракатлари эҳтимолига эътиборни қаратиши мақсадга мувофиқ.

Менежерларнинг оппортунизми, масалан, даромадлар тўғрисидаги ҳисботда «Маъмурий-бошқарув харажатлари» моддасининг ошириб кўрсатилиши ҳолатлари тасдиқлайди, чунки кўпинча менежерлар ўз даромадларини пул шаклида кўпайтириш имкониятидан маҳрум бўладилар. Шунинг учун  $I_6$  индекси  $I_5$  индексининг табиий тўлдирувчиси ҳисобланади.

$$I_7 = \frac{\text{«Нақд пулда тўланган дивиденdlар»}}{\text{«Солиқлар тўланганидан сўнг фойда»}} ;$$

**«Жорий операция харажатлари»**

$$I_8 = \frac{\text{«Солиқлар тўлангунича фойда»}}{\text{«Жорий операция харажатлари»}}$$

Мазкур индекслар фирманинг мақсадли вазифасини таҳлил қилиш ва, ўз навбатида, унинг реал «принципал»ини аниқлаш учун мўлжалланган. Бир акцияга даромадни кўпайтириш гепотезасини текшириш учун («принципал» - акциядорлар)  $I_7$  дивидендларни тўлаш коэффициенти қўлланилади (нақд пуллар харакати хақидаги ҳисботдан «Нақд пулда тўланган дивидендлар» моддаси). Бунда  $I_7$  коэффициентини динамикада кўриб чиқиш лозим – фақат унинг бир неча ҳисбот даврларидағи ижобий динамикаси фирманинг бир акцияга даромадни кўпайтириш мақсади кўзлаганлигидан далолат беради. Иккинчи томондан, корхонанинг омон қолишга йўналтирилиши даражаси солиқлар тўлангунга қадар фойданинг барқарор энг кам миқдори чоғида жорий операция мажбуриятлари ва умуман пассивнинг ўзаро нисбати динамикаси (ошиш томонга) асосида баҳоланади.

**«Сотилган товарлар таннаҳхи»**

$$I_9 = \frac{\text{«Захиралар: хомашё»} + \text{«Захиралар: тугалланмаган ишлаб чиқариш»}}{\text{«Захиралар: хомашё»} + \text{«Захиралар: тугалланмаган ишлаб чиқариш»}};$$

$$\text{«Захиралар: хомашё»} + \text{«Захиралар: тугалланмаган ишлаб чиқариш»}$$

$$I_{10} = \frac{\text{«Жами айланма активлар»}}{\text{«Жами айланма активлар»}}.$$

Ж корхонаси мисолида биз шунга амин бўлдикки, хомашё ва тугалланмаган ишлаб чиқариш захиралари даражаси фирмада ахборот оқимларини ташкил этиш ва бўлинмалар фаолиятини горизонтал мувофиқлаштириш самарадорлигини акс эттиради. Шундай қилиб, захираларнинг айланувчанлиги ва даражаси коэффициентлари фирма ички тузилишининг нисбий устунликлари (камчиликлари)дан далолат беради.

**«Бинолар, иншоотлар ва жиҳозлар»**

$$I_{11} = \frac{\text{«Жами асосий воситалар»}}{\text{«Жами асосий воситалар»}};$$

**«Номоддий активлар»**

$$I_{12} = \frac{\text{«Жами асосий воситалар»}}{\text{«Жами асосий воситалар»}};$$

**«Жами айланма активлар»**

$$I_{13} = \frac{\text{«Жами жорий операция мажбуриятлари»}}{\text{«Жами жорий операция мажбуриятлари»}};$$

Активларнинг ўзига хослик даражаси активнинг қуйидаги моддаларини таққослаш ёрдамида баҳоланади: «Бинолар, иншоотлар ва жиҳозлар» (жойлашиш ўрни бўйича ўзига хослик ва технологик ўзига хослик) ва «Номоддий активлар» (товар белгилари). Активларнинг ўзига хослиги даражаси ҳақида ликвидлилик коэффициентларини ноанъанавий талқин этишни таклиф этган ҳолда тасаввурга эга бўлиш мумкин – ликвидлиликнинг жорий (I<sub>13</sub>) ва «тез» (I<sub>14</sub>) коэффициентлари қанча юқори бўлса, фирма активлари шунча кам ўзига хослик даражасига эга.

### **10.3. Фирмадаги низоларни таҳлил қилиш ва келишувлар назарияси асосида ҳал этиш**


Ташкилотни амалий таҳлил қилишга келишувлар назарияси ҳам ўз улушини қўшади. Унинг ёрдамида ташкилотдаги низолар табиатини, оптималь шартнома назарияси ва трансакция харажатлари назариясининг тарафдорлари таклиф этганидек, «принципал» ва «агент» манфаатларининг қарама-қарши қўйилишига йўйиш мумкин эмас. Келишувлар назарияси ташкилот тузилмасининг мураккаблигидан келиб чиқади – у турли хилдаги келишувлар унсурларини ўз ичига олади. Одатда, ҳар қандай ташкилотнинг фаолият юритиши камида қуйидаги келишувлар устуворликларига жавоб бериши лозим: бозор, индустрисал, анъанавий, фуқаролик, ижодий фаолият ва ижтимоий фикр.

Ҳар қандай ташкилот, ҳатто фойда кўрмай ишлаётган корхона ҳам, ўз даромадларини харажатларга мувофиқлаштириши ва ўзининг молиявий мажбуриятларини бажариши зарур (бозор келишувининг унсурлари). Ҳар қандай ташкилотни бошқаришда меҳнатни илмий ташкил қилиш ва, ўз навбатида, индустрисал келишув унсурларидан фойдаланилади. Ташкилотда ўзининг алоҳида маданияти, эскилик тўпламининг шаклланиши унинг фаолиятида анъанавий келишувлар унсурлари пайдо бўлганлигидан далолат беради.

Ташкилотда «агентлар» бирлашган манфаатлари - касаба уюшмаси вакилининг иштироки, шунингдек, ташкилот ички ҳаётининг меҳнат тўғрисидаги қонун хужжатларига бўйсуниши фуқаролик келишуви импертивини ўзида акс эттиради. Ташкилотнинг ишбилармонлик доираларидаги обрўси ёки истеъмолчилар ўртасида товар белгисининг машҳурлиги бизни ижтимоий фикр устуворликларига амал қилишга ундайди. Нихоят, кенг маънодаги инновацияларга интилиш (янги товар ёки хизматлар ишлаб чиқаришдан тортиб то ташкилий тузилмани оптималлаштиришгача) ташкилот фаолиятида ижодий фаолият устуворлигини акс эттиради. Шундай қилиб, ташкилот асосида турли устуворликлар ўртасидаги низолар ётади.

Келишувлар назариясининг устунлиги нафақат ташкилот фаолияти жараёнида юзага келадиган низоларни озми ёки кўпми мунтазам ёритишдан иборат, балки у муросанинг турли кўринишиларини таҳлил қилиш асосида низоларни ҳал этиш вариантларини ҳам таклиф этади. Масалан, корхона раҳбари, ишлаб чиқариш жараёнини оқилона ташкил этиш ҳисобидан истеъмолчиларга таклиф этилаётган маҳсулот нархини пасайтиришни қўзлаган ҳолда, бош муҳандис (инустриал келишув) ва сотув бўлими (бозор келишув) хизматларининг манфаатлари ўртасидаги низони ҳал этиш йўлини излаши лозим. «Фордизм» тамойилларидан бири инустриал ва бозор келишувлари ўртасидаги муросанинг бундай кўринишини қўйидагича изоҳлайди: ишлаб чиқаришни узлуксиз ташкил этиш асосида ишлаб чиқариладиган машиналар таннархини пасайтириш, сотувни рағбатлантириш ва ҳатто истеъмолнинг янги стандартини ташкил этиш имконини беради.

Француз ишлаб чиқарувчисининг «Погребок Аффинуа» янги пишлоқ навини ишлаб чиқариш тўғрисидаги қарори муросанинг янада мураккаб кўринишига мисол бўлади. Ушбу қарор анъанавий рецептлар, замонавий технологиялардан фойдаланиш ва пишлоқнинг ушбу тури кўплаб сонли совринлар билан тақдирланадиган нуфузли танловларда иштирок этиши асосида истемолчининг нозик дидли талабларини қондиришга уриниш таъсири остида қабул қилинган. Мазкур корхона фаолиятини белгилаб берувчи бозор, анъанавий, инустриал келишувлар ҳамда ижтимоий фикр тўғрисидаги келишув муросаси қўзга ташланиб турибди (10.2-расм.).



### 10.2-расм. Келишувлар назарияси бўйича таҳлил.

Хар қандай корхона учун юзага келадиган муаммоларни унинг ёрдамида идентификациялаш ва уларни ҳал этиш йўлларини излаш йўналишларини белгилаш осон бўладиган ўзига хос келишувлар «харитасини» тузиш мумкин. Келишувлар назарияси нуқтаи назаридан ташкилий тузилмани

оптималлаштириш ташкилот олдида турган турли устуворликларни мувофиқлаштиришга ёрдам берувчи муроса тамойилларини излаб топишдан иборат.

### **Қисқача хуроса**

Фақат трансакция харажатларининг миқдорини баҳолашга нисбатан ординалистик ёндашув ёрдамида муайян ташкилотлар тузилмасини таҳлил қилиш учун трансакция харажатлари назариясини қўллаш мумкин. Мазкур ёндашув турли шартнома ва ташкилий шаклларда битим тузишда юзага келадиган трансакция харажатлари миқдорини экспертиза йўли билан баҳолаш ёрдамида таққослашдан иборат. Эксперт баҳоларидан ташқари, ташкилотнинг бухгалтерия ҳисботи ҳам ахборот манбаи бўлиб хизмат қилиши мумкин. Ўз навбатида, келишувлар назарияси ташкилотларни миқдорий жиҳатдан эмас, балки сифат жиҳатдан таҳлил қилишга ўз ҳиссасини қўшади. Унинг асосида ташкилотда юзага келадиган низолар табиатини изоҳлаш ва унинг тузилишини трансакция харажатлари мезони бўйича эмас, балки низоларнинг кескинлигини пасайтириш мезони бўйича оптималлаштириш мумкин.

### **Таянч сўз ва иборалар**

Трансакция харажатлари, фойдалиликни ўлчаш, шартномаларни қиёслаш, харажат турлари, фирма баланси, даромадлар тўғрисида ҳисбот, фирмадаги низолар, индустрIAL бозор, анъанавий ва фуқаролик келишувлари.

### **Такрорлаш учун саволлар**

1. Трансакция харажатлари ва фойдалиликни ўлчашнинг ўзига хос жиҳатларини тушунтиринг.
2. Шартноманинг қиёсий устунликлари нималарда намоён бўлади?
3. Трансакция харажатлари таркибининг ахборот базаси қандай ҳужжатларда мужассамланган?
4. Фирма баланси қандай мақсадда таҳлил қилинади ва бунда қандай индекслар ҳисоблаб чиқлади?
5. Келишувлар нима учун зарур ва уларнинг қандай йўналишлари мавжуд?

## **XI - боб. ФИРМАНИНГ ТАШКИЛИЙ-ХУҚУҚИЙ ШАКЛИНИ ТАҲЛИЛ ҚИЛИШ**

### **11.1. Мулкий хуқуқларнинг тавсифланиши**

Мулкчилик хуқуқлари назарияси хар қандай ташкилот мулкчилик хуқуқлари иштирокчилари ўртасида тақсимланишини белгилаб берувчи шартномага олиб келади. «Фирма» атамаси шартнома келишувлари асосида фаолиятни ташкил этишнинг қисқартирилган таърифи ҳисобланади. Коуз теоремасига мувофиқ эркин алмашув натижасида эришилган хуқуқлар тақсимоти энг оптимал вариант (трансакция харажатлари нолга teng) бўлиб, ўзаро ҳамкорлик иштирокчилари уни ўзгартиришдан манфаатдор эмаслар.

Шу сабабли ташкилий тузилмани амалий таҳлил қилиш учун мулкчилик хуқуқлари назариясини кўллашга қизиқиш шу билан шартланганки, ҳақиқатда трансакция харажатлари нолга teng эмас, демак, хуқуқлар тақсимоти ресурслардан фойдаланиш самарадорлигига *таъсир кўрсатади*. Мулкчилик хуқуқлари назарияси ташкилот фаолиятининг ўзига хослигига кўра мулқдорлар ўртасида хуқуқлар тақсимотининг энг оптимал вариантини танлашга ёрдам беради. Бундан ташқари, корхонанинг ташкилий-хуқуқий шакли тўғрисидаги маълумотлар асосида шерикларни танлаш имконияти очилади.

Бирор-бир ташкилий-хуқуқий шаклга хос бўлган хуқуқлар тақсимоти Ўзбекистон Республикаси Фуқаролик кодексининг «Юридик шахслар» деб номланувчи 4-бобида қайд этилган меъёрлар билан белгиланади. Юридик шахсларни ташкил этишнинг ташкилий-хуқуқий жиҳатлари мулк хуқуқининг турли иқтисодий субъектларга тегишли алоҳида хуқуқларга ажратилишига олиб келади. Мисол тариқасида ташкилий-хуқуқий шаклни белгиловчи хуқуқлар тўпламиининг айrim жиҳатларини қуидаги жадвал орқали ҳавола этамиз, унда турли хуқуқларнинг тегишлилиги Фуқаролик кодексининг тегишли моддасида белгиланган (11.1-жадвал).

Улушли мулк хуқуқи эса қуидаги субъектлар ўртасида тақсимланади: унинг иштирокчилари, иштирокчиларнинг умумий йиғилиши, ижро этувчи орган ва давлат. Конунда қайд этилган хуқуқларнинг бундай тақсимланиши иқтисодий фаолиятни таъминлаш нуқтаи назаридан қанчалик оптималлигига оид саволга жавоб бериш учун ташкилий-хуқуқий шаклни танлаш мезонларидан фойдаланиш мумкин.

11.1-жадвал

#### **Ўзбекистон Республикасининг Фуқаролик Кодексида мулкий хуқуқларнинг тавсифланиши**

	Шахс	Улушли мулк	Биргаликдаги мулк	Давлат
Эгалик қилиш хуқуқи	154,207	219	225	
Фойдаланиш хуқуқи	154,207	219	225	
Тасарруф этиш хуқуқи	154,207	218	225	179,180
Хўжалик юритиш хуқуқи				176
Тезкор бошқариш хуқуқи				178

## **11.2. Ташкилий-хуқуқий шаклни танлаш мезонлари**

Ташкилий-хуқуқий шаклни танлаш мезонлари сифатида қуидаги ёндашувлар қўлланилади.

1. Мулкий хуқуқларнинг тафсирланиш (аниқ ва бир хил маънода белгиланиш) даражаси.

2. Эгалик қилиш ва қолдиқ қийматни олиш хуқуқларининг иқтисодий субъектлараро тақсимланиши.

3. Хуқуқлар тўплами доирасини ўзgartiriшга нисбатан чекловлар мавжудлиги.

4. Мулкий хуқук учлигининг турли иқтисодий субъектларга («Принципаль» ва «агент») тегишлилиги.

5. Хатарларни бўлиш ва ўтказиш даражаси.

6. Капитални жамғариш даражаси.

1. Мулкий хуқуқларнинг тафсирланиш (аниқ ва бир хил маънода белгиланиш) даражаси. Тафсирлаш даражаси жуда муҳим, чунки Коуз теоремасига мувофиқ ресурсларнинг иккита самарали омилидан бири хуқуқларни тафсирлашнинг тўлиқлигидан иборат. Иккинчи томондан, хуқуқлар эгасини аниқ белгиламаслик ёки мулк хуқуқининг йўқолганлиги ресурслардан самарали фойдаланишга қизиқтиришга тўскенилик қиласи. Улушли мулкда барча хуқуқлар эгалари аниқ ва бир хил маънода белгиланган, қолдиқ қийматни олиш хуқуқи ва устав капиталидаги улушнинг мерос бўйича ўтиши хуқуқи бундан мустасно. Давлат суд органлари орқали ҳамма вақт «қонунни бир неча марта ёки кўпол бузганлик» учун юридик шахсни тугатишнинг ташаббусчиларидан бири ҳисобланишини ҳисобга олган ҳолда, тафсирлаш билан боғлиқ ягона муаммо устав капиталидаги улушнинг мерос бўйича ўтиши хуқуқининг эҳтимолий «йўқолиши»дан иборат.

2. Эгалик қилиш ва қолдиқ қийматни олиш хуқуқларининг иқтисодий субъектлараро тақсимланиши. Агар мулкдор, яъни ташкилот фаолиятини назорат қилувчи «принципаль» бир вақтнинг ўзида қолдиқ қийматни олиш хуқуқига ҳам эга бўлса, у ҳолда бу унга ўз назорат-бошқарув вазифаларини бажаришда ўзини оппортунистик тарзда тутмаслик учун туртки беради. МЧЖ ҳолатида кўриб чиқилаётган иккала хуқуқ ҳам иштирокчиларнинг умумий йиғилишига тегишли. Бироқ умумий йиғилишнинг жамоавий табиати самарали назоратга бўлган рағбатларнинг амалийлигини чегаралайди, чунки «чиптасиз» муаммоси пайдо бўлади. Аслида барча иштирокчилар фирманинг фойдали фаолият юритишидан манфаатдор, бироқ шу билан бирга улар назоратни амалга ошириш харажатларини бошқа шахслар зиммасига юқлашга интиладилар, бунинг натижаси ўлароқ, назорат вазифасини ҳеч ким бажармайди. Лекин улушли мулк ҳолатида унинг иштирокчилари сони қонун билан чекланганлиги туфайли «чиптасиз» муаммосининг кескинлиги пасаяди.

3. Хуқуқлар тўплами доирасини ўзgartiriшга нисбатан чекловлар мавжудлиги. Хуқуқларни алмашибашга чекловлар масаласи Коуз теоремаси нуқтаи назаридан ҳам муҳим: трансакция харажатларидан ташқари яна қандай омиллар хуқуқларнинг улардан энг кўп манфаатдор бўлган мулкдорлар қўлига

үтишига тўсқинлик қиласи? Масалан, ҳуқуқларни жисмоний ва юридик шахсларнинг алоҳида тоифаларига (норезидентлар, банк тузилмалари, исталган бошқа учинчи шахсларга) топширишдаги ҳамда ҳуқуқлар тўпламининг турларини тубдан ўзгартиришдаги қонуний чекловлар. Улушли мулк доирасида ҳуқуқлар билан алмашиб учун чекловлар уставда қайд этилиши ва иштирокчиларнинг ўз улушларини умуман учинчи шахслар ва хусусан, меросхўрларга ўтказиш ҳуқуқига тааллукли бўлиши мумкин. Фуқаролик Кодексида улушли мулкка эга субъектларнинг турли варианлари “тижорат ташкилотлари” (58-69-модда) бандида келтирилган. Қонун улушли мулк субъектлари учун ҳуқуқлар тўплами турларини ўзгартириш учун энг кам тўсиқларни белгилайди.

4. Мулкий ҳуқук учлигининг турли иқтисодий субъектларга («Принципаль» ва «агент») тегишлилиги. Бундай муаммо эгалик қилиш, ундан фойдаланиш ва уни тасарруф этиш ҳуқуқлари турли субъектларга тегишлилиги билан боғлиқ. Учала ҳуқук турли субъектларга тегишли бўлган ҳолатда «принципаль-агент» муаммоси иккита даражада пайдо бўлади: мулкдорлар ва менежер (бошқарувчи) ўртасидаги муносабатлар ҳамда менежер ва бевосита ижро этувчи (ходим) ўртасидаги муносабатларда. «Принципаль-агент» муаммоси кўплаб усуллар ёрдамида ҳал этилиши мумкин – «агентлар»нинг фирма фаолияти натижаларида иштирок этишдан тортиб то «принципаль» томонидан «овоз бериш» ва «чиқиши» ҳуқуқидан фойдаланишигача.

Улушли мулкли субъект ҳолатида «принципаль-агент» муаммоси иштирокчиларнинг умумий йиғилиши («принципаль») ва ижро этувчи орган («агент») ўртасидаги ўзаро муносабатларда пайдо бўлади. Акциядорлик жамиятидан фарқли ўлароқ, масъулияти чекланган жамият (МЧЖ)да «агент»га босим ўтказиш варианти сифатида «чиқиши» мумкин эмас, чунки устав капитали суммасига фонд бозорида котировка қилинадиган акциялар чиқарилмайди. Ҳар йиллик аудиторлик текширувлари ва ишларни юритиш натижалари тўғрисидаги маълумотларнинг чоп этилиши мажбурий эмаслиги туфайли умумий йиғилишнинг самарадорлиги ҳам катта эмас.

5. Хатарларни бўлиш ва ўтказиш даражаси. Ҳуқуқлар тўпламининг доираси унинг қарорлар қабул қилиш (тасарруф этиш ҳуқуқи) ва хатарни қабул қилиш (қолдиқ қийматни олиш ҳуқуқи) вазифаларига бўлиниши ёки ушбу тўпламнинг битта мулк ҳуқуқи субъектининг қўлида бўлишини назарда тутади. Биринчи ҳолатда хатарнинг *хежирланиши*, яъни унинг менежердан мулкдорга ўтиши муҳим ўрин тутади. Хежирлаш хатарга камроқ қарши бўлган иқтисодий субъектлар хатарини қабул қилиш вазифасига ихтисослашувни назарда тутади. Сўнгра хатар кўплаб мулкдорлар ўртасида бўлиниши ва, боз устига, маълум миқдор (масалан, устав капиталига қўшилган улуш миқдори) билан чегараланган бўлиши мумкин. Хатарни бўлиш ва ўтказиш тамойиллари дастлаб фаолияти бошидан соф иқтисодий фаолиятга йўналтирилмасдан, балки ижтимоий (диний, таълим, ўзини-ўзи бошқариш) фаолиятни молиялаш билан шуғулланган корпорациялар доирасида амалга оширилган эди.

МЧЖда ҳам хатарни ўтказиш (жамият иштирокчилариға), ҳам хатарни бўлиш ва чегаралаш (барча иштирокчилар ўзлари киритган улушларнинг қиймати доирасида заарар қўриш хатарига эга) механизмлари амал қиласи. МЧЖнинг ягона камчилиги – унинг иштирокчилари сони қонун билан чекланганлиги, бу ҳол ушбу ташкилий-хуқуқий шакл акциядорлик жамияти билан солиштирилганда кам жозибали бўлади.

6. Капитални жамғариш даражаси. Мазкур ташкилий-хуқуқий шакл капиталнинг кам трансакция харажатлари билан тўпланишини таъминлашга қодирми? Бу ерда ҳам очиқ акциядорлик жамияти идеал ҳисобланади, чунки унда устав капитали акциядорлар умумий йиғилишининг қарори асосида қўшимча акцияларни чиқариш ҳисобидан оширилади. МЧЖда капитални жамғариш жараёни, юқори трансакция харажатлари билан боғлиқ бўлмаса-да (устав капиталини ошириш учун умумий йиғилишнинг қарори етарли), МЧЖ иштирокчиларининг энг кўп сони қонун билан чекланганлиги туфайли, чегараларга эга.

Юқорида таклиф этилган мезонлар ёрдамида Ўзбекистон Республикаси қонун ҳужжатларига мувофиқ фаолият юритаётган мулкчиликнинг ўн битта ташкилий-хуқуқий шаклини таққослаймиз. Ушбу мезонлар бўйича энг оптималь ташкилий-хуқуқий шаклни бир балл билан, энг паст оптималь шаклни эса ўн бир балл билан қайд этган ҳолда ташкилий-хуқуқий шакллари олтига мезонининг ҳар бири бўйича кўриб чиқамиз (11.2-жадвал).

Бундай эксперт баҳолари шартли бўлгани ҳолда, улар очиқ акциядорлик жамияти (ОАЖ) (камида 19 балл) ва хусусий корхона, дехқон ва фермер хўжаликлари (25-28 балл)нинг устунликларини ҳамда тезкор бошқарув ҳуқуқига (кўпи билан 54 балл) ва хўжалик юритиш ҳуқуқига эга бўлган (52 балл) унитар корхоналарнинг нисбатан самарасизлигини тасдиқлаб турибди.

#### 11.2-жадвал

#### Ўзбекистонда фаолият юритаётган иқтисодиёт субъектларни турли мезонлар бўйича баҳолаш

Ташкилий-хуқуқий шакл	Мезонлар					
	1	2	3	4	5	6
Хусусий корхона	1	1	1	1	11	11
Оила тадбиркорлиги	1	1	1	2	11	10
Очиқ акциядорлик жамияти	2	8	2	5	1	1
Ёпиқ акциядорлик жамияти	3	7	3	9	2	2
Шуъба корхона (филиал)	9	9	4	6	3	3
Масъулият чекланган жамият	5	5	5	8	6	4
Қўшимча масъулиятли жамият	6	6	6	7	7	5
Тезкор бошқарув ҳуқуқига эга унитар корхона	11	10	11	11	5	6
Хўжалик юритиш ҳуқуқига эга унитар корхона	10	11	10	10	4	7
Фермер хўжалиги	2	2	1	2	10	11
Дехқон хўжалиги	1	1	1	1	11	10

### **11.3. Ташкилий-хуқуқий шакл фирманинг стратегияси ҳақида ахборот манбаи сифатида**

Ташкилий-хуқуқий шакл нафақат фирманинг ташкилий тузилиши, балки шартномани амалга ошириш жараёнидаги эҳтимолий хатти-ҳаракати ҳақидаги ахборотни ҳам ўзида мужассам этади. Шу нуқтаи назардан ташкилий-хуқуқий шаклни таҳлил қилиш битимни амалга ошириш учун шерик танлашда фойдали ҳисобланади. Бошқа шартларда (активларнинг ўзига хослик даражаси, битимнинг мураккаблик даражаси) битимнинг якуни унинг ташкилий-хуқуқий шаклини белгилаб берувчи шартнома бўйича ҳамкор хатти-ҳаракатининг ўзига хос ҳусусиятларига боғлиқ.

Янада аниқроқ айтадиган бўлсак, ҳамкорнинг ташкилий-хуқуқий шаклни билиш битимни амалга оширишда гаровнинг мавжудлиги ҳамда мулкнинг расмий ва ҳақиқий таркибларини мувофиқлаштириш қанчалик мумкинлиги ҳақида ахборот олиш имконини беради. Сўнгти жиҳат мулоқотлар юритиш ва шартномани бажариш шартларини фирманинг *расмий* эгалари билан мувофиқлаштиришнинг самарасизлиги туфайли муҳим, бунда шартномани бажариш корхонани ҳақиқий назорат қилувчи инсонларнинг ҳаракатларига боғлиқ.

*Гаров шакллари.* Шартнома мажбуриятларининг бажарилишини кафолатлаш учун битим томонлари анъанавий тарзда гаровдан фойдаланади. Пул шаклидаги гаровни битим тузиш вақтида томонлардан бири, шартнома бекор қилинган ёки у керакли тарзда бажарилмаган тақдирда, иккинчи томоннинг йўқотишлирини қоплаш учун тўлайди. Мулк хуқуқи назариясининг атамаларида ундириб олиш кўринишида жавобгарликни ўтказиш юз беради. Масалан, банк томонидан кредит берилаётганда, у одатда кредитнинг қайтарилиши ва у бўйича фоизлар тўланишининг кафолати сифатида гаров киритилишини талаб этади.

Битим шартларидан қатъий назар пул шаклидаги гаров миқдорини ҳисоблаб чиқиши осон, бунда ягона муаммо шартноманинг тўлиқсизлигида ва демак, гаровни бегоналаштиришнинг қонунийлиги ҳусусида низолар келиб чиқиши муқаррарлигида. Шунинг учун шартнома томонларининг ихтисослашган гаровни биргалиқда барпо этишини назарда тутувчи соф (натура) шаклдаги гаров (ушбу гаров ҳақида шартномада келишилмаса-да) анча самарали. Масалан, имкониятли харидор нафақат маҳсулотни сотиш тармоқларига эга, балки уни ишлаб чиқариш ва унга сотувдан кейин хизмат кўрсатиш харажатларининг бир қисмини ҳам ўз зиммасига олади.

Фирма томонидан мажбуриятлар бажарилмаган тақдирда, Фуқаролик кодекси нормаларига мувофиқ унинг мулкдорлари зиммасида бўладиган жавобгарлик улуши шартнома шартларида кўрсатилмайдиган гаровнинг яна бир шакли ҳисобланади. МЧЖ, ЁАЖ ва ОАЖ ҳолатларида бундай жавобгарлик *устав капиталининг миқдори билан* чегараланади, бунда ушбу ташкилий-хуқуқий шаклларнинг муассислари сонига нисбатан чекловларни ҳисобга олган ҳолда, устав капиталига нисбатан энг кичик талаблар МЧЖда, энг катта талаблар ОАЖда қўйилади.

Қолган ташкилий-хуқуқий шакллар учун мулқорларнинг анча катта ҳажмдаги жавобгарлиги кўзда тутилган. Бу ерда гаров сифатида *муассисларнинг мол-мулки* иштирок этади, унинг микдори мулқорлар томонидан киритилган ҳиссаларнинг ёки уларга тегишли акцияларнинг қиймати билан чегараланмайди. Тўлиқ ширкат иштирокчилари зиммасига юклатиладиган мажбуриятлар ҳажми энг катта, чунки гаров ролини унга тегишли барча мол-мулк бажаради.

Кўшимча масъулиятли жамиятда иштирокчилар барча мол-мулклари билан эмас, балки барча учун тенг бўлган, улар ҳиссалари қийматининг карраси микдорида жавобгарликка эгалар. Ишлаб чиқариш кооперативи асосида ҳам худди шундай тамойил ётади. Тезкор бошқарув хуқуқига асосланган унитар корхона шакли мулқор – давлат ёки маҳаллий ҳокимият органлари томонидан унинг мажбуриятлари юзасидан ўз мулки билан субсидиар жавобгарликка эга бўлишини назарда тутади.

Шуъба хўжалик жамияти ҳолатида ҳам худди шундай тамойил, лекин фақат «принципаль» (бошқа хўжалик жамияти ёки ширкат) кўрсатмаларини бажаришда амалга оширилган битимларга нисбатан қўлланилади. Таъкидлаш лозимки, бу ерда муассисларнинг мол-мулки шаклидаги гаровнинг микдори эмас, балки мулқорнинг фирма фаолияти учун ўз мол-мулки билан жавоб бериши туфайли юзага келадиган шартнома мажбуриятларини бажаришга ундовчи омиллар муҳим. Бундай омиллар тўлиқ ширкатда энг қучли ва МЧЖ, ЁАЖ ва ОАЖда – энг кам (11.1-расм.)

Тўлиқ ширкат	Коммандит ширкат	Кўшимча масъулиятли жамият	Ишлаб чиқариш кооперативи	ЁАЖ, ОАЖ, МЧЖ

### 11.1-расм. Мажбуриятни бажаришдан рағбатланиш интенсивлиги

Муассислар нуфузи ва корхонанинг товар белгисини пулда баҳолаш битимни амалга оширишда имплицит иштирок этувчи гаровнинг навбатдаги шакли ҳисобланади. Бу асосан тижорат доираларида, шу жумладан имкониятли шериклар ҳамда ўзи ишлаб чиқарадиган товар ва хизматларнинг истеъмолчилари орасида иштирокчилар ва умуман фирма нуфузига боғлиқ. Бу ерда асосий тушунча - товар белгисининг капиталлаштирилган қиймати: фирма ўзига тегишли товар белгилари қийматини саклаб қолишга интилади. Шундай қилиб, нуфузни ушлаб туриш фақат ижтимоий санкцияларга боғлиқ бўлмай қолади. Нуфуз бозор нархига эга бўлади, чунки у ўзида имкониятли шерикнинг ишончлилиги ва унинг ҳаракати стратегияси ҳақида кўшимча ахборотни мужассамлаштиради. Айни пайтда, иқтисодий субъект ёки фирма кўпинча реклама харажатлари шаклидаги нуфузни барпо этиш учун тўлашга тайёр.

Реклама – имкониятли харидорларга сотувчилар ҳақида маълумот бериш усули. Табиийки, бу восита маълумот бериш учун оғзаки маъруза ўрнига китобдан фойдаланиш билан таққосланувчи бехабарликни тугатиш учун жуда

муҳим. Реклама институтнинг муваффақиятли эволюциясига мисол бўлиб, эгасизлантирилган ўзаро таъсиrlашув тартибида норасмий институтнинг устунлигини – нуфузни сақлашга ёрдам беради.

Айрим корхоналар, биринчи навбатда тўлиқ ширкат ва ишончга асосланган ширкатнинг ташкилий-ҳуқуқий шакли ижтимоий нуфузни бозор товар белгисига айлантиришга замин яратади. Ҳақиқатан ҳам, тўлиқ ширкат ва ишончга асосланган ширкатнинг фирма номи барча тўлиқ ширкатларнинг ёки «ва компания» сўзлари қўшимча қилинган ҳолда камида битта тўлиқ ширкатнинг номини ўзида мужассамлантириши керак. Шунинг учун хўжалик ширкатлари тижорат соҳасидаги шериклар сифатида энг жозибали, чунки битим тузишда гаров сифатида улар билан нафақат муассисларнинг шахсий мол-мулки, балки уларнинг товар белгиси шаклидаги ижтимоий нуфузи иштирок этади.

Шу муносабат билан хўжалик ширкатларига солиқ имтиёзлари ва рўйхатга олишдаги имтиёзларни бериш асосли ҳисобланади. Корхонанинг ташкилий-ҳуқуқий шаклига кўра қонунга бўйсуниш баҳосини табақалаш шартнома маданияти ошиши ва ўз навбатида, трансакция харажатлари пасайишига кўмаклашган ҳолда иқтисодиётни давлат томонидан билвосита тартибга солишнинг самарали воситасига айланиши мумкин.

*Мулкнинг расмий ва ҳақиқий таркибларини мувофиқлаштириши шакллари.* Ташкилий-ҳуқуқий шакл мулк ҳуқуқлари тўпламининг расмий - қонунда қайд этилган ва ҳақиқий доирасини мувофиқлаштиришнинг эҳтимолий вариантлари ҳақидаги ахборотни ҳам акс эттиради. Ушбу ахборот қайта ташкил этилган мулк асосида фаолият юритувчи ўтиш туридаги корхоналар (Ў корхоналар)га нисбатан муҳим аҳамият касб этади. Эвристик тарзда ташкилий-ҳуқуқий шакл ва мулк ҳуқуқлари тўпламининг расмий - қонунда қайд этилган ва ҳақиқий таркибларини мувофиқлаштириш эҳтимоли ўртасидаги қуйидаги боғлиқликларни ифодалаш мумкин.

Биринчидан, қонунда ҳуқуқлар қанча кам тафсирланган бўлса (1-мезон), «агентлар» (ижроия органи) оппортунизми ва улар томонидан фирманинг фаолияти устидан назорат вазифаларининг ўзлаштирилиш эҳтимоли шунча юкори.

Иккинчидан, корхонанинг ташкилий-ҳуқуқий шакли «принципал-агент» муаммосини ҳал этиш механизмларининг қанча кам сонидан фойдаланишга йўл қўйса (4-мезон), «агентлар» томонидан реал назорат эҳтимоли шунчалик юкори. Масалан, ЁАЖда акциядорларнинг сони анча кўп, бу улар томонидан «овоз бериш» механизмидан фойдаланишда «чиптасиз» муаммосининг келиб чиқишига замин яратади, лекин шу билан бирга ЁАЖ акциялари фонд бозорида котировка қилинмаслиги туфайли «чиқиши» механизми ҳам ишламайди.

Учинчидан, қонунда қайд этилган ҳуқуқларни қайта тақсимлаш трансакция харажатлари қанча юкори бўлса, мулкнинг расмий ва ҳақиқий таркибларини мувофиқлаштириш эҳтимоли шунча юкори. Назарда тутиш лозимки, бирор ҳуқуққа эгалик қилишдан энг манфаатдор шахслар пировардида уни қўлга киритади, лекин ошкора эмас, балки хуфиёна усул

билин. Фонд бозорида, масалан, ОАЖ акциялари билан битимлар тузилишининг фаоллигини кузатиш унда хукуқларни алмашиш билан боғлиқ трансакция харажатларининг миқдорини билвосита баҳолаш имконини беради. Шунингдек, хукуқларни алмашиш бўйича битимларнинг қонуний чекланиши натижасида юзага келадиган трансакция харажатларини ҳам ҳисобга олиш лозим (3-мезон).

МЧЖда иштирокчи улушкини сотиб олишнинг имтиёзли хукуқига бошқа иштирокчилар эга, ушбу улушдан учинчи шахс ҳисобига воз кечиш учун эса, бошқа иштирокчилар уни сотиб олишдан бош тортганларидан сўнг, уч ой ўтиши керак. Юқорида айтилган фикрларни умумлаштирган ҳолда таъкидлаш мумкинки, мулкнинг расмий ва ҳақиқий таркибларини мувофиқлаштириш эҳтимоли унитар корхоналарнинг иккала турида, ЁАЖ, МЧЖ ва ОАЖда энг юқори. Шундай фирмалар билан ўзаро муносабатларда расмий мулкдорлар томонидан тақдим этиладиган шартномаларнинг бажарилиши кафолатлари етарли эмас ва ҳақиқий мулкдорлар билан «норасмий» шартнома тузиш бўйича қўшимча саъй-ҳаракалар талаб этилади, бундай мулкдорлар сифатида кўпинча «агентлар» - бошқарувчилар иштирок этади.

### **Қисқача хуроса**

Трансакция харажатлари нолга teng бўлмаган шароитда хукуқлар тўпламини тақсимлаш корхона фаолияти самарадорлигига таъсир қўрсатади. Фуқаролик кодексида мустаҳкамланган, бирор – бир ташкилий-хукуқий шаклга хос бўлган хукуқларнинг тақсимланиши иқтисодий жиҳатдан муҳим аҳамиятга эга. Мулк хукуқлари турларининг оптималлик даражасини баҳолаш учун олти мезондан фойдаланилади: (1) қонунда мулк хукуқларининг тафсирланиш даражаси; (2) эгалик қилиш хукуки ва қолдиқ қийматни олиш хукуқини тақсимлаш; (3) хукуқлар билан алмашиш учун чекловлар мавжудлиги; (4) «принципал-агент» муаммосини ҳал этиш варианлари сони; (5) хатарларни бўлиш ва ўтказиш даражаси; (6) капитални жамғариш даражаси. Ушбу мезонлардан фақат корхонанинг ташкилий-хукуқий шаклига тааллуқли ахборот мавжуд бўлганда битимни амалга ошириш учун шерикни танлашда фойдаланиш мумкин.

### **Таянч сўз ва иборалар**

Мулкчилик хукуқлари тақсимланиши, эгалик қилиш, фойдаланиш, тасарруф этиш, қолдиқ қиймат, мулкчилик хукуқларини тафсирлаш, хатарларни бўлиш, капитални жамғариш, мезонлар, гаров шакллари, мулкнинг расмий ва ҳақиқий таркиби.

### **Такрорлаш учун саволлар**

1. “Имкон капитал” компаниясининг ижрои директори билан тузилган шартнома унга йилига 750000 сўм миқдоридаги ҳар йиллик мукофот ҳамда дивидендар тўланганидан сўнг қоладиган 11 фоиз миқдоридаги йиллик фойданинг 2 фоизи тўланишини назарда тутар эди. Менежерларни бундай

рағбатлантириш тизимларининг пайдо бўлиши хатарларни бўлиш ва ўтказиш даражаларига қандай янгиликлар киритади?

2. Қонун хужжатлари «Иқтисодий манфаатлар бўйича бирлашувларни» - ўз мустақиллигини йўқотмаган ҳолда бошқа корхоналар билан қўшма фаолият юритиш ва ҳамкорлик қилишни истовчи корхоналар йифиндисини назарда тутади. Ушбу ташкилий-хуқуқий шаклга акциядорлик жамиятининг ҳам, юридик шахслар бирлашмаларининг ҳам хусусиятлари хос. Фуқаролик кодексига бундай тушунчанинг киритилиши бизнес учун қандай ўзига хос вазиятни қонунлаштириши мумкин?

3. Корхона бўлинмалари ўртасидаги низоларни ҳал этишда унинг раҳбари бажарадиган ҳакамлик вазифаларининг ўзига хослиги нимадан иборат? Чунки «фирма ичидаги низоларни судда ҳал этишнинг имкони бўлмаган шароитда ушбу низолар томонлари фирма ичida низони ҳал этиш йўлини излашга мажбурлар. Иерархия фирманинг ўз «аппеляция суди»га айланади».

4. ЛУКойл, Ўзбекнефтгаз каби нефть-газ қазиб чиқаришдан тортиб то бензин-газ сотишгача бўлган технологик занжирнинг барча бўғинларини бирлаштирувчи вертикал интеграциялашган компанияларни шакллантириш фойдасига хизмат қилувчи институционал далилларни келтиришга уриниб кўринг.

5. Нотижорат ташкилотларида, масалан, таълим муассасаларида – олий ўкув юртларида мулкнинг расмий ва ҳақиқий таркибларини мувофиқлаштириш мумкинми? Мувофиқлаштириш сабаблари нималардан иборат бўлиши мумкин? Сиз таҳсил олаётган университет ёки институтда мувофиқлаштириш кузатиладими?

## **ХІІ - боб. ДАВЛАТ ИНСТИТУЦИОНАЛ ТАШКИЛОТ СИФАТИДА**

Давлат ва давлат томонидан тартибга солиш табиатининг концептуал асосларини тадқиқ этиш институционал назарияда алоҳида ўрин тутади. Бу шундай изоҳланадики, жаҳон хўжалиги тизими ривожланишининг ҳозирги босқичида иқтисодий ривожланиш ва бирор – бир давлатнинг иқтисодий асосини шакллантириш йўлини аниқлашда муҳим роль ўйновчи мулк ҳуқуқларини таъминлаш мулк соҳасида муайян чекловларни белгилаш, ушбу чекловларга риоя этилишини назорат қилиш ва мазкур чекловлар бузилган ҳолатларда куч ишлатиш монополиясига эга мавжуд сиёсий тузилмага боғлиқ.

Шундай қилиб, давлат жамиятда расмий қоидаларнинг шаклланишида катта роль ўйнайди ва бу билан институционал муҳитнинг ўзгаришига ҳал этувчи таъсир кўрсатади.

### **12.1. Давлатнинг вазифалари**

2008-йилда бошланган жаҳон хўжалик тизимида юз берган молиявий инқироз давлатнинг иқтисодиётдаги роли ва давлатнинг табиати тўғрисидаги янги баҳс-мунозараларга туртки берди.

Давлатнинг иқтисодий жараёнларга аралашуви чегараси нима билан белгиланади? Давлатнинг иқтисодий соҳада иштирок этишининг ўзи инқироз сабаби ва иқтисодий ривожланиш учун тўсиқ ҳисобланмайдими? Агар давлатнинг аралашуви етарлича самарали бўлмаса, буни қандай қилиб тўғрилаш мумкин? Давлатнинг ролига тааллуқли шу ва бошқа саволларга жавоб излаш билан турли илмий мактаб ва йўналишлар иқтисодчиларининг аксарияти банд.

Давлат томонидан тартибга солиш соҳалари тўғрисидаги масала энг баҳс-мунозарали бўлиб, ушбу параграфда унга жавоб топишга уриниб кўрамиз.

Адам Смит XVIII асрнинг иккинчи ярмидаёқ давлатнинг асосий мажбуриятлари доирасини белгилаб берди:

- биринчидан, жамиятни куч ишлатиш ва бошқа мустақил жамиятларнинг бостириб келишидан ҳимоялаш;

- иккинчидан, имкон қадар, жамиятнинг ҳар бир аъзосини адолатсизлик ва унинг бошқа аъзолари томонидан жабрлашдан ҳимоялаш ёки яхши адолат ҳукмини ўрнатиш;

- учинчидан, уларни барпо этиш ва сақлаб туриш алоҳида шахслар ёки кичик гуруҳлар манфаатлари йўлида амалга оширилмайдиган муайян ижтимоий иншоотлар ва ижтимоий муассасаларни барпо этиш ва сақлаб туриш, чунки улардан келадиган фойда ҳеч қачон алоҳида шахслар ёки кичик гуруҳларга харажатларни тўлай олмайди, лекин кўпинча харажатларни катта жамиятга ортиқча тўлаши мумкин<sup>32</sup>.

Икки асрдан ортиқ вақт ўтган бўлишига қарамай, мазкур тасниф давлат фаолияти соҳаларининг асосий маъносини акс эттиради.

<sup>32</sup> Смит А. Исследование о природе и богатстве народов. – М.: Лекиздат, 1935, с. 231.

Янги институционал мактабнинг ҳозирги вакиллари давлат ҳаракатларини иқтисодий асослашни бозорнинг нуқсонлари ёки начорлигига кўрмоқда. Янги институционалистларнинг ҳозирги талқинида давлатнинг вазифалари қўйидагилардан иборат<sup>33</sup>:

- *мулкчилик ҳуқуқларини тафсирлаш ва ҳимоя қилиши*: трансакция харажатлари нолга тенг бўлмаган тақдирда мулкчилик ҳуқуқларининг тақсимланиши ресурслардан фойдаланиш самарадорлигига таъсир кўрсатади;

- *ахборот билан алмашиши тармоқларини барпо этиши*: мува занатли нарх бозор иштирокчиларига паст харажатли ва кам бузуб кўрсатилган ахборот билан алмашиш имконини берувчи ривожланган ахборот инфратузилмаси базасида шаклланади;

- *ўлчаши стандартларини ишлаб чиқиши*: давлатнинг ушбу йўналишдаги фаолияти алмашинадиган товар ва хизматлар сифатини ўлчаш харажатларини пасайтириш имконини беради, янада кенг маънода эса универсал чоратадбирлар жумласига давлат томонидан пул муомаласининг ташкил этилиши ҳам киради, чунки алмашувнинг универсал тадбир – пулнинг энг муҳим вазифаларидан бири;

- *товар ва хизматлар билан жисмоний алмашиши тармоқлари ва механизмларини барпо этиши*: бозор инфратузилмаси нафақат ахборот билан алмашиш тармоқлари, балки товар ва хизматларнинг жисмоний ҳаракатланиши тармоқлари (транспорт тармоқлари, савдолар учун уюшган майдончалар ва х.к.)ни ўз ичига олади;

- *ҳуқуқни муҳофаза қилиши фаолияти ва низоларда «учинчи» томон ролини бажсарииш*: шартномаларни бажаришда кутилмаган ҳолатларнинг пайдо бўлиши шарнома томонларининг улардан оппортунистик фойдаланишидан кафолатлаш учун «учинчи» томон (суд)нинг аралашувини талаб этади;

- *соғ ижтимоий фаровонликни яратиш «чиптасиз» муаммосини келтириб чиқаради*, бу уни молиялаш учун давлат томонидан мажбурлов чораларидан фойдаланиши талаб этади (биринчи навбатда мудофа, кейин соғлиқни сақлаш ва таълим сингари ижтимоий фаровонликни яратиш).

Янги институционал назария воситаларига таяниб, давлатни шакллантириш ва ривожлантириш босқичларини тадқиқ этган ҳолда, давлатни асосий бошқариш соҳаларини танлашнинг институционал сабабларини аниқлаш мумкин.

## 12.2. Давлатнинг институционал табиати

Келишувлар ва алмашувнинг оддий шаклларидан тортиб то ҳозирги даврнинг ривожланаётган иқтисодиётини ажратиб турувчи мураккаб шаклларгача бўлган инсон ҳамкорлигининг эволюцияси ўз-ўзидан автоматик тарзда юз бергани йўқ.

Иқтисодий тарихнинг катта қисмида майда ишлаб чиқариш ва маҳаллий савдо-сотик жараёнида томонларнинг индивидуаллашган муносабатлари билан тавсифланувчи алмашув тури устунлик қилди. Бундай алмашув такрорланиб

<sup>33</sup> Олейник А. Институциональная экономика. – М.: ИНФРА-М, 2000, с. 344-345.

туриши, маданий гомогенлик (яни бойликлар умумий тўпламининг мавжудлиги) ва учинчи шахслар томонидан назорат ва мажбурловнинг мавжуд эмаслиги билан ажралиб туради. Бундай алмашув иштирокчилари учун чекловлар қонли муносабатлар, гаровлар, гаровга олингандарни алмашиш каби ҳолатларлар туфайли юзага келарди.

Жамиятнинг ривожланиши билан алмашув турлари қўпайди, қўпроқ илгари белгиланган чекловлар доирасидан ташқарига чиқувчи алмашув харакатлари амалга оширилди. Бундай индивидуаллаштирилмаган алмашув бозорни кенгайтириш ҳамда янада мураккаб ишлаб чиқариш ва кичик жуғрофий ёки этник бирликлар доирасидан ташқарига чиқувчи битимлар фойдаларини сотиш имконини берди. Томонлар ўртасида тузилган янада мураккаб келишувлар шартномалардан фойдаланишни таъминловчи қўшимча институтларнинг шаклланишига ёрдам берди. Алмашувнинг ушбу тури давлатнинг шаклланиши ва ихтисослашган институтларнинг савдогарларни ҳимоялаш ва савдо кодексларини қабул қилишдаги роли ортишига хизмат қилди.

Шундай қилиб, алмашувнинг учинчи шакли – учинчи томондан назорат қилинадиган индивидуаллаштирилмаган алмашув пайдо бўлди. Учинчи томондан келишув шартларининг таъминланиши ҳеч қачон идеал ва мукаммал бўлмайди ва у алмашув иштирокчилари учун катта харажатлар билан боғлиқ. Давлат ривожланишининг дастлабки босқичида унинг фаолиятини икки томондан тавсифлаш мумкин: бир томондан – у мулк ҳуқуқларини ҳимоялаш ва таъминлаш манбаи бўлиб хизмат қилди, иккинчи томондан – ушбу вазифаларни кўпинча алмашув иштирокчилари учун катта миқдордаги трансакция харажатлари эвазига амалга оширди. Бироқ томонларнинг келишувларни мастакил равишда таъминлаши янада катта харажатлар билан боғлиқ эди, чунки мураккаб жамиятларда хатти-ҳаракатнинг оппортунизм (алдаш, товламачилик) каби шакллари фойдалироқ бўлади.

Давлат ривожланишининг юқорида келтирилган босқичларига давлат тузилишининг қуйидаги турлари мос келади<sup>34</sup>:

1) унда қонун чиқарувчи, суд ва ҳуқуқни муҳофаза қилиш органлари ва умумий қоидалар мавжуд бўлмаган ҳамжамият;

2) унда мутлақ ҳуқуқларни тафсирловчи умумий қоидалар, қонун чиқарувчи орган, судлар мавжуд бўлган, лекин полиция ёки армия мавжуд бўлмаган ва бу билан қонунга риоя этишга мажбурлаш алоҳида хусусиятга эга бўлган жамият;

3) унда давлат қоидаларни белгилайди, низолар юзага келганда ҳакамлар суди вазифасини бажаради ва мутлақ ҳуқуқларни таъминлайди<sup>35</sup>.

<sup>34</sup> Норт Д. Институты, институциональные изменения и функционирование экономики. – М.: Фонд экономической книги “Начала”, 1997, с. 54-55.

<sup>35</sup> Эггерссон Т. Экономическое поведение и институты. –М.: ДЕЛО. 2001, с. 75-76.

### **12.3. Давлатнинг моҳияти ва унинг таърифи**

Давлат нима? Институционал ёндашувга мувоғиқ унинг асосий моҳиятини “трансакция харажатлари” категориясидан фойдаланган ҳолда очиб бериш мумкин.

Д. Нортнинг таърифлашича, давлат – ўз ҳукмини амалга оширишда қиёсий устунликларга эга бўлган, чегаралари унинг фуқароларга солиқ солиш қобилияти билан белгиланган географик худудни қамраб оловчи ташкилот. Ушбу устунликлар нималар билан белгиланади?

Ҳақиқатан ҳам, ҳар қандай кафолатланган алмашув, пировардида, молмulkни ҳимоялашни соғ куч билан амалга ошириш ёки куч ишлатиш таҳдидини солишга олиб келади. Шу маънода ҳукм ишлатиш, иқтисодий жиҳатдан, хўжалик фаолиятининг бошқа икки туридан фарқ қилмайди.

Бундан ташқари, трансакция харажатлари иқтисодий тизимнинг самарадорлигига таъсир қўсатади. Улар иқтисодий, сиёсий ва ижтимоий тузилмалар фаолиятининг самарадорлигини таққослашда асосий мезонлардан бири ҳисобланиб, жамият, шу жумладан, давлат тузуми фаолиятининг барча соҳаларида агентлик муносабатлари ушбу мезонга асосланади. Шундай қилиб, бирор-бир тузilmани танлаш ва ривожлантириш минимал трансакция харажатлари билан шартланган.

Демак, суверен (давлат) ҳокимияти агентлик муносабатларининг харажатлари билан чекланган ва унга рақобат тўсқинлик қиласи<sup>36</sup>. Энди ушбу ҳолатга ойдинлик киритамиз. Агар жамиятда тартибни сақлаш ва давлат вазифаларини амалга ошириш ўлчамсиз юқори нархларда амалга оширилса, у ҳолда бу давлатнинг ичидаги ҳам, унинг ташқарисида ҳам (ҳам расмий, қонун доирасида фаолият юритувчи, ҳам норасмий) рақобатлашувчи тузилмаларнинг пайдо бўлишига олиб келади.

Солиқ солиш эҳтимоли ҳам агентлик муносабатлари ва ўлчаш (солиқ солиш базасини аниқлаш ва ўлчаш) ҳамда солиқларни йиғиш харажатлари билан боғлиқ қатор чекловлар туфайли юзага келади.

Шундай қилиб, давлат – назарий жиҳатдан энг самарали мажбур қилиш органи ҳисобланиб, бунда унинг самарадорлиги унинг легитимлиги, яъни “солиқ солинадиган фуқаролар томонидан” давлатда ҳукм ишлатиш ҳуқуқи мавжудлигининг тан олинишига бевосита боғлиқ. Чунки агар жамоат фикрига мос келадиган бундай тан олиш мавжуд бўлса, у ҳолда давлат ўз вазифа ва мақсадларини амалга ошириш учун чекланган ресурслардан оқилона фойдаланувчи ташкилот сифатида ўз имкониятларини аҳолининг ушбу вазифалар ва мақсадлар бажарилишига қаршилигини енгиш учун сарфламаслиги мумкин<sup>37</sup>.

<sup>36</sup> Эггерссон Т. Экономическое поведение и институты. – М.: ДЕЛО. 2001, с. 77.

<sup>37</sup> Томбовцев В.Л. Государство и переходная экономика: Пределы управляемости . – М.: МГУ – ТЕИС, 1997, с. 34.

## **12.4. Давлатнинг шартномавий ва эксплуататорлик концепцияси**

Фуқаролар билан давлат ўртасида хукуқларнинг тақсимланиши, одатда, жамоат шартномаси ролини ўйновчи Конституцияда қайд этилади. Бироқ давлатнинг моҳияти фуқаролар билан давлат аппарати ўртасида юзага келадиган ҳокимлик муносабатлари билан белгиланади.

Келишувларнинг учинчи томоннинг куч билан самарали таъминланишига сўнгра норасмий чекловларни ҳам самарали қилувчи қоидаларни яратиш йўли билан эришилади. Лекин келишувларни муайян қоидаларни қўлловчи таъсирчан ҳукуқий тизим орқали учинчи томоннинг кучлари билан таъминлаш муаммоси институционал эволюция тадқиқотларидаги энг муҳим муаммо ҳисобланади.

Давлатнинг юқорида келтирилган таърифлари кўп жиҳатдан унинг шартномавий моҳиятини тавсифлайди, яъни давлат жамоат шартномасидир. У тартибни таъминлаш воситаси сифатида (нафақат иқтисодий, балки ижтимоий алмашувларнинг ҳам тартибга солинганлиги) куч ишлатиш ҳолатини эмас, балки фуқароларнинг ўзаро кутишлари тизими сифатида ушбу тартибни ўрнатиш ҳолатини таъкидлайди.

Давлатнинг шартномавий назариясидан ташқари давлатнинг асосан эксплуататорлик моҳиятини назарда тутувчи назария ҳам мавжуд.

Ж.Бьюкенен<sup>38</sup> ўз асарларида давлатнинг жамиятдаги роли икки томонламалигига алоҳида эътибор қаратади, яъни давлат ҳам ҳимоя қилувчи, ҳам ишлаб чиқарувчи воситадир.

Ҳимоя қилувчи ёки ҳукуқий давлат конституцион босқичда келишувчи томонларга нисбатан концептуал ташқи ва ҳукуқларни ҳамда бундай ҳукуқларни ихтиёрий равишда алмашиш бўйича шартномаларни таъминлаш учун ягона жавобгарликка эга ҳукуқларни таъминлаш институти ёки органи сифатида пайдо бўлади. Ушбу босқичда давлат фақатгина конституциявий шартномада мустаҳкамланган ҳукуқларни таъминлайди ва ижтимоий неъматларни тақсимлаш ва қайта тақсимлаш билан боғлиқ эмас. Суд ҳокимияти жамоавий танловни амалга оширувчи қонун чиқарувчи ҳокимиятга қарам эмас.

Гап ижтимоий неъматларни ишлаб чиқариш ҳақида борганда, ишлаб чиқарувчи давлат намоён бўлади. Давлат конституциядан кейинги (шартномадан кейинги) босқичда амалга ошириладиган мазкур ролда муайян ҳукуқларни “ҳимоя қилмайди”, балки жамиятнинг иқтисодий фаровонлиги даражаси ошишида, ҳеч бўлмагандан назарий жиҳатдан, энг яхши кўмаклашувчи ишлаб чиқариш жараёнини акс эттиради. Назарий жиҳатдан, мазкур жараённинг натижалари уларнинг яқуний натижаларга таъсири танловни амалга оширишнинг конституцион қоидалари билан белгиланадиган инсонлар афзалликларининг таркибини акс эттирувчи индивидлар манфаатлари уйғулашувини намоён этади.

Шу муносабат билан хусусий ва жамоат неъматлари, уларни ишлаб чиқариш харажатларини тақсимлаш ва ишлаб чиқариш ҳажми борасидаги

<sup>38</sup> Бьюкенен Дж. Границы свободы. – М.: Таурус Альфа, 1977. - 272 с..

якуний қарор қандай бўлиши уларга боғлиқ бўлган якка тартибдаги афзаликларни аниқлашга эътибор қаратиш лозим.

Конституциядан кейинги шартнома шароитида алоҳида субъектлар учун ушбу қайта тақсимлашни ўз манфаатлари ёки алоҳида гурӯҳлар манфаатлари йўлида амалга ошириш имконияти мавжуд. Агар ҳимоя қилувчи давлат вазифасини амалга оширувчи амалдорлар якка тартибдаги ҳокимиятни мустаҳкамлаган ҳолда шартнома шартларини бажармасалар, давлат жамиятни сиёсий жиҳатдан таъсир этувчи алоҳида субъектлар манфаатлари йўлида эксплуатация қилувчи мажбурий репрессив механизм сифатида қабул қилина бошлади.

## 12.5. Давлатнинг «муваффақиятсизликлари»

Исталган бошқа ташкилий тузилма сингари давлатнинг фаолият юритиши ҳам трансакция харажатлари билан боғлиқ. Улар катта миқдордаги трансакцияларга нисбатан қанча кўп бўлса, давлат шартнома шартларини бажаришнинг кафили сифатида иштирок этади. Шахс ва давлат ўтасида юзага келувчи ҳукмронлик муносабатлари *мураккаб ва позицион* хусусиятга эга.

Биринчидан, шахслар давлатга назорат қилиш ҳуқуқи билан бирга ушбу ҳуқуқни ўз вакилларига – давлат хизматчиларига ўтказиш ҳуқуқини ҳам топширадилар. Иккинчидан, шахслар назорат қилиш ҳуқуқини муайян шахсга эмас, балки давлат тузилмасида маълум мавқени эгаллаб турган функционер - *бюрократларга* топширадилар. Ҳукмронлик муносабатлари функционерларнинг шахсий хусусиятларига эмас, балки уларнинг «оқилона яратилган қоидалар билан асосланган ишбилармонлик маҳоратига» асосланади.

Мулкчилик ҳуқуқларини тафсирлаш ва ҳимоя қилишда давлатнинг роли қанча фаол бўлса, давлатнинг ички тузилиши шунча мураккаб ва давлат хизматчилари сони шунча юқори, демак, давлат аппаратида айланувчи ахборотнинг бузиб кўрсатилиш даражаси шунча юқори бўлади. Бундан ташқари, мониторинг ва давлат томонидан ўз вакиллари – бюрократлар оппортунистик хатти-ҳаракатларининг олдини олиш харажатлари ҳам ортади. Шунинг учун давлатнинг мулкчилик ҳуқуқларини тафсирлаш ва ҳимоя қилиш жараёнига ҳар қандай аралашувини моделлаштиришда, биринчидан, ахборотнинг эҳтимолий бузиб кўрсатилиши, иккинчидан, мажбур қилишдан легитим фойдаланиш эҳтимоли ҳамма вақт 100 фоиздан камлигини ҳисобга олиш зарур.

Шу нуқтаи назардан бозорнинг «муваффақиятсизликлари» билан бир қаторда давлатнинг «муваффақиятсизликлари»ни ҳам эътиборга олиш лозим. Хусусан, давлатнинг қуйидаги «муваффақиятсизликлари» ажратилади:

- *даромад ва харажатларнинг мос келмаслиги*: оддий фирмадан фарқли ўлароқ, давлатнинг қатъий бюджет чеклови даражаси мутлақ даражадан анча йироқ, давлат, ҳатто ўз зиммасига олган мажбуриятларни бажаришга қодир бўлмаган тақдирда ҳам, уни банкротга айлантириш анча мушкул;

- *давлат фаолияти самарадорлигининг аниқ мезонлари мавжуд эмаслиги*: фирма учун фойда сингари самарадорликнинг аниқ мезонлари

мавжуд әмаслиги туфайли давлат тузилмалари уларни мустақил ишлаб чиқилган стандартлар билан алмаштиради ва ушбу ҳолатда давлатнинг фаолияти улар томонидан бериладиган мезонлар (бюджет тушумлари ўсиши, давлат назорати экспансияси ва ҳ.к.) бўйича баҳоланади;

- олдинга қўйилган натижалардан фарқ қилувчи натижаларга эришии эҳтимоли: ахборот харажатлари ҳамда мониторинг ва назорат харажатлари ўсиши амалга оширилган вазифаларнинг олдинга қўйилган вазифалардан муентазам фарқ қилиши учун замин яратади (юқорида келтирилган, унда давлатнинг куч ишлатишдан хусусий фойдаланишни чеклашга уриниши унинг эскалациясига олиб келиши эҳтимоли бўлган модель бунга яққол мисол бўлади);

- ресурсларнинг нотўғри тақсимланиши: трансакция харажатлари нолдан фарқ қилганда ресурсларга мулкчилик ҳуқуқларини тақсимлашда давлат учун адолатлиликнинг бир неча стандартлари мавжуд; Парето бўйича оптимум билан бир қаторда қўйидагилар ана шундай стандартлар ҳисобланади: Калдора қоидаси (агар ресурсларни тақсимлаш натижасидан ютаётган томон ютқазаётган томонга йўқотишларни қоплашга қодир бўлса, ресурсларни тақсимлашга ўзгартириш киритишга йўл қўйилади), Ролз қоидаси (энг кам таъминланганларнинг аҳволини яхшиловчи - ресурсларнинг адолатли тақсимланиши) ва кўплаб бошқа стандартлар.

Шунинг учун иккита идеал ҳолат (бир томондан, шартноманинг бажарилиши қисман кафолатланган мулкчилик ҳуқуқларини харажатларизи фаолият юритувчи бозор алмашуви асосида тақсимлаш ва, иккинчи томондан, ҳуқуқлар билан алмашиш устидан назоратни шартнома томонларининг манфаатлари йўлида харакат қилувчи давлатга ўтказиш) ўртасида эмас, балки иккита такомиллашмаган муқобил вариантлар ўртасида танлашга тўғри келади.

Бозор ва давлат ўртасидаги танлов фақат номукаммалликларнинг турли даража ва турлари ўртасидаги танлов ҳисобланади. Шундай қилиб, мулкчилик ҳуқуқларини алмашиш ва ҳимоя қилишнинг бозор механизми нолдан фарқ қилувчи трансакция харажатлари ва куч ишлатиш эскалациясини назарда тутади, давлат томонидан куч ишлатишдан фойдаланиш учун монопол ҳуқуқнинг кўлга киритилиши ҳам, бу сафар давлат аппаратида, трансакция харажатлари ўсишига олиб келади, бу ҳол ҳуқуқлар тақсимланишида муентазам бузиб кўрсатишларни келтириб чиқаради.

Шу муносабат билан О.Уильямсон мулкчилик ҳуқуқларини тақсимлашнинг бирор – бир варианти самарадорлигини, уни фараз билан эмас, балки *real* амалга ошириладиган муқобил вариантлар билан таққослаган ҳолда баҳолашни таклиф этади. Агар тақсимлашнинг бирор варианти учун уни таърифлаш ва катта миқдордаги соф ютуқ билан жорий этиш эҳтимоли бўлган муқобил вариантни таклиф этиш мумкин бўлмаса, уни оптимал деб ҳисоблаш лозим. Шу нуқтаи назардан, илгари самарасиз ҳисобланган мулкчилик ҳуқуқларини тақсимлаш мисоллари реал муқобил вариантларни ҳисобга олган ҳолда, оптимал бўлиб чиқмоқда.

## **Қасқача хулоса**

Давлат ташкилотнинг бир тури ҳисобланади. Давлатнинг ўлчамлари катта бўлса-да, давлатнинг иқтисодиётга аралашувини таҳлил қилиш микроиктисодиёт эмас, балки макроиктисодиёт предметига киради. Давлатни алоҳида ташкилот сифатида эмас, балки институт сифатида қўриб чиқиш лозим. Фуқаролар ҳуқуқларининг бир қисми давлатга топширилиш ҳолати бундай ёндашувнинг асосини ташкил этади. Давлат ўз фаолиятини айнан шу асосда амалга оширади, яъни давлат моҳияти фуқаролар ва давлат аппарати ўртасида юзага келадиган ҳукмронлик муносабатлари билан белгиланади. Шунинг учун институционал нуқтаи назардан давлатнинг асосий вазифаси - мулкчилик ҳуқуқларини тафсирлаш ва ҳимоя қилишдан иборат. Давлатнинг оптималь ўлчамлари уларда давлат кафил сифатида бошқа кафиллар (битим томонлари, ҳакам, ижтимоий гурӯх)га нисбатан самаралироқ фаолият юритувчи битимлар доираси билан белгиланади. Давлатнинг оптималь ўлчамлари ўзгармас эмас, балки тарихан шартланган.

## ***Таянч сўз ва иборалар***

Давлатнинг вазифалари, мулкчилик ҳуқуқларини тафсирлаш ва ҳимоя қилиш, ахборот билан алмашиш тармоқлари, ўлчаш стандартлари, товар ва хизматлар билан алмашиш, ҳуқуқни муҳофаза қилиш, ижтимоий фаравонлик, ижтимоий шартнома, Конституция, ҳуқуқий давлат, давлатнинг «муваффакиятсизликлари», Колардо қоидаси, Ролз қоидаси.


## ***Такрорлаши учун саволлар***

1. “Давлат” тушунчасига таъриф беринг. Давлатнинг институционал моҳиятини тушунтиришга уриниб кўринг. Таърифдан келиб чиқиб, давлатнинг асосий вазифаларини санаб беринг.
2. Давлат, институтлар ва иқтисодий тизим ўртасида қандай боғлиқлик мавжуд?
3. Давлатнинг шартномавий ва эксплуататорлик табиати нима?

## XIII - боб. ДАВЛАТ ТУРЛАРИ

### 13.1. Давлат ва «принципал-агент» муаммоси

Давлатни фуқаролар билан давлат аппарати ўртасидаги ижтимоий шартнома орқали таърифлаш «принципал-агент» муаммосини олдинги ўринга суради. Бу ерда биринчи галда ким «принципал» ва ким «агент» эканлигини аниқлаб олиш талаб этилади. Жавоб умуман аниқ эмас. Фуқаро ҳам, давлат ҳам икки томонлама роль ўйнайди. Бир томондан, фуқаро давлатга айрим вазифаларнинг бажарилишини юклаган ҳолда унинг таркибини белгилайди, яъни у «принципал», давлат эса «агент» хисобланади. Иккинчи томондан, фуқаро «агент» ролида иштирок этиб, шартномалар бажарилишининг кафили сифатида давлат қарорларига бўйсунади. Ж.Бьюкенен<sup>39</sup> ушбу икки томонламалиликни «бўйсунувчининг ақлга зид фикри» деб номлган: инсон ўзини бир вақтнинг ўзида ҳам давлат бошқарувининг иштирокчиси – обьекти сифатида, ҳам ўзи танламаган хатти-харакат меъёрларига амал қилишга мажбур этилувчи субъект сифатида қабул қиласди. Шундай қилиб, «принципал-агент» муаммоси мазкур ҳолатда икки томонлама хусусиятга эга ва уни қуйидаги чизма ёрдамида тасвирлаш мумкин:



**13.1-расм. “Принципал-агент” муносабати.**

«Принципал-агент» модели давлатнинг фаолияти билан боғлиқ қуйидаги хавф-хатарларни аниқлаш имконини беради. Биринчидан, давлат ўз назорати соҳасини томонлар билан аниқ келишилган битимлар доирасидан ташқарига ҳам ёймайдими, деган хавф-хатар ҳакида 1651 йилдаёқ машҳур инглиз файласуфи Томас Гоббс айнан «Левиафан», деб номланувчи китобида огоҳлантирган эди. Иккинчидан, бир томондан, давлат куч ишлатишни қўллаш учун монополия ҳукуқидан фойдаланган ҳолда, фуқароларнинг манфаатларини инкор этмайдими? Иккинчи томондан, фуқаролар давлат томонидан кўрсатиладиган хизматлар ҳақини тўлашдан бош тортишга уриниб, худди жамоат транспортидаги оддий чиптасиз кимса каби, ўзларини оппортунистларча тутмайдиларми? Чунки давлат хизматлари ва жамоат транспорти хизматлари ижтимоий фаровонлик хусусиятига эга.

Икки томонлама «принципал-агент» муаммосининг қай тарзда ҳал этилишига кўра, давлатнинг турли моделлари шаклланади. Назарий жиҳатдан якка хисоб-китоблардан ҳосил бўлган давлат шартнома воситаси сифатида,

<sup>39</sup> Бьюкенен Дж. Границы свободы. – М.: Таурус Альфа, 1977. – 272 с.

мураккаб алмашувга кўмаклашиш ва уни амалга ошириш воситаси сифатида пайдо бўладиган давлатдан мутлақ фарқ қиласди.

Ўз навбатида, давлатнинг икки бенуқсон модели мавжуд. Биз, Д.Норт бўйича, «шартномавий» деб атайдиган биринчи модел юқорида санаб ўтилган муаммоларни ҳал этиш чоғида пайдо бўлади. Иккинчи – «эксплуататор» модели унда давлатнинг ҳам, фуқаронинг ҳам оппортунистик хатти-ҳаракатига тўсиқ мавжуд бўлмаган давлат фаолиятини ёритади. Ўзаро муносабатларнинг иккала томони ҳам, биринчи навбатда душманни кўрган ҳолда, зиммага олинган мажбуриятлар адо этилмайди. Шу ўринда ҳар бир моделни алоҳида тарзда батафсил кўриб чиқамиз.

### **13.2. «Шартномавий» давлат тушунчаси**

Шартномавий давлатнинг қисқача таърифи шундай бўлади: бу – фақат унга фуқаролар томонидан топширилган ҳукуқлар доирасида ва уларнинг манфаатлари йўлида куч ишлатиш монополиясидан фойдаланувчи давлат, фуқаролар эса солиқларни тўлашга мажбурият деб эмас, балки ўз зиммасига ихтиёрий равишда олинган мажбурият сифатида қарайди. Бошқача айтганда, давлатнинг роли уларда мулкчилик ҳукуқларини ҳимоя қилишни давлат ихтиёрига топшириш қулай битимлар доираси бўйича кафил роли билан чегараланади.

Трансакция харажатлари нолга teng бўлмаган тақдирда, мулкчилик ҳукуқларини ҳимоя қилиш вазифасидан ташқари, давлат Коуз назариясида ёритилган ҳукуқларнинг оптималь тақсимланишини кўзда тутган ҳолда уларни тафсирлаш жараёнига ҳам аралаша бошлайди. Шундай қилиб, шартномавий давлатнинг мақсади ҳукуқларни уларни оптималь тарзда тасарруф этишга қодир иқтисодий субъектлар қўлига топшириш асосида мулкчилик ҳукуқларининг жамиятнинг умумий даромадини ошириш тарзида тақсимланишига эришишдан иборат. Қандай шароитда шартномавий давлат мавжуд бўлади?

*1. Давлат фаолиятининг аниқ конституциявий доиралари мавжуд бўлиши.* Конституцияда шахслар томонидан давлатга топшириладиган ва ҳеч бир шароитда бегоналаштирилиши мумкин бўлмаган ҳукуқлар эксплицит тарзда келишилган. Бундан ташқари, давлат аппаратида улар асосида фаолият юритувчи меъёрлар аниқ ифодаланган<sup>40</sup>.

*2. Фуқароларнинг давлат фаолиятида иштирок этиши механизmlарининг мавжудлиги.* Фуқаролар давлат фаолиятида иштирок этишининг сиёсий механизmlари жумласига демократик тартиботлар киради. Бироқ демократия нормалари ўз ўзича етарли эмас, улар фуқаролар иштирокининг барқарор анъаналарига таяниши лозим, улар баъзан фуқароларнинг умумий фаровонлик ўсишини таъминлашдаги роли туфайли ижтимоий капитал деб аталади. Иқтисодий соҳада фуқаролар иштироки анъаналари алоҳида фирмалар даражасида ўзини-ўзи бошқаришни ривожлантириш шаклини қабул қиласди. Иш ўрнидаги демократия умуман жамиятни демократлаштиришнинг унсури ҳисобланади: инсон, агар у давлатни демократик бошқаришда фаол иштирок

<sup>40</sup> Тамбовцев В. Государство и переходная экономика: пределы управляемости. – М., 1997, с. 80-81.

этишга интилса, кундалик турмушида демократик ўзини ўзи бошқариш тажрибасига эга бўлиши лозим.

3. *Мулкчилик ҳуқуқларини тақсимлашининг асосий муқобил механизми сифатида бозор институтининг мавжудлиги.* Давлат мулкчилик ҳуқуқларининг бозорда нолли трансакция харажатлари чоғида эришилиши мумкин бўлган тарзда тақсимланишига эришишни қўзлади. Шунинг учун давлат вакти-вақти билан бозорга таққосланмаган ҳолда фаолият юрита олмайди.

4. *Мулкчилик ҳуқуқларини тафсирлаш ва ҳимоя қилиши муқобил механизмларининг мавжудлиги.* «Овоз»дан фойдаланиш, яъни фуқароларнинг давлат фаолиятида иштирок этиши билан бир қаторда «чиқиши» - шахсларнинг шартномалар бажарилишининг бошқа кафилларига мурожаат этишининг муқобил вариантлари ҳам мавжуд бўлиши керак. Муқобил кафиллар сифатида бошқа давлатлар, давлатни назорат қилувчи гурухга муҳолифат, ижтимоий гурух, ҳакамлар судьяси иштирок этиши мумкин. Субинститутлар қанча такомиллашган бўлса, давлат шунча кам даражада эркинликка эга, умумий даромаднинг шунчалик катта улуши фуқароларнинг қўлларига тегади.

Шу нуқтаи назардан бир давлат минтақалари ўртасидаги ҳамда давлатлар ўртасидаги миграцион оқимлар инсонларнинг самарасиз давлат аппаратига қарши овоз бериш истагини акс эттиради. Умуман, мулкчилик ҳуқуқларини тафсирлаш ва ҳимоя қилиш механизмлари «бозори» ҳақида гапириш мумкин. Ушбу бозорда шахслар нафақат муайян жамият доирасидаги мавжуд муқобил вариантларни танлайдилар, балки бошқа мамлакатларда, тарихда ёки назарияда мавжуд муқобил вариантларни ҳам ҳисобга оладилар. Шарқий Европа мамлакатларида бундай бозор айниқса яққол ифодаланган: ушбу бозорнинг давлатни унинг шартномаларнинг муқобил кафиллари билан рақобатлашиши жараёнида ислоҳ этишдаги роли ўта муҳим.

### **13.3. «Эксплуататорлик» давлати тушунчаси**

Шартномавий давлатдан фарқли ўлароқ эксплуататорлик давлати ўз даромадини (солиқ тушумларини), аниқроғи, - давлат аппаратини назорат қилувчи гурухнинг даромадини ошириш учун мажбурлаш монополиясидан фойдаланади. Эксплуататорлик давлатининг мулкчилик ҳуқуқларини тафсирлаш ва ҳимоя қилишдан асосий мақсади унга умуман жамият фаровонлигига зиён етказиб эришилса-да «бошқарувчи рентасини оширувчи мулк таркибига» эришишдан иборат. Масалан, қироллар ўрта асрлар корпорацияларига ҳунармандчиликнинг ривожланиши ва техника тараққиётiga тўсқинлик қилувчи кўплаб ҳуқуқларни топшириб, бунинг ўрнига барқарор тушумлар манбаига эришганлар. Бундан ташқари, давлат унга ижтимоий шартнома билан берилган доиралар билан чегараланмайди, давлат аппарати инсонлар ўртасидаги ўзаро ҳамкорликнинг янги соҳаларига доимий экспансияни амалга оширади, бу ҳол эксплуататорлик давлатининг ўз даромадлари ва давлат бюджети орқали ўтувчи ресурслар ҳажмини оширишга интилиши билан изоҳланади.

Эксплуататорлик давлати фаолиятидан кўриладиган заарни фақат оғир соликлар (ноҳақ йиғимлар) ва мулкчилик ҳуқуқларини тақсимлаш мунтазам ва олдиндан айтиб бўладиган хусусиятга эга бўлган тақдирда қисқартириш мумкин. Оғир соликларнинг олдиндан айтиб берилиши ҳам давлат, ҳам фуқаролар манфаатларига хизмат қиласи, бунда давлат узоқ муддатли истиқболда барқарор даромадга эга бўлади, фуқаролар эса ўз фаолиятини давлатга ажратмаларнинг юқори, лекин олдиндан маълум бўлган даражасини ҳисобга олган ҳолда режалаштириш имкониятига эга бўладилар.

Шу нуқтаи назардан эксплуататорлик давлати кўп жиҳатдан мафия билан умумийликка эга – уларнинг иккаласи ҳам ўзи назорат қиласидан ҳудудда яшовчилардан солик йиғса-да, лекин айни пайтда «чегарани биладиган» ва бунинг устига уларни «ўғирлаш ва қочиш» тамойили бўйича ҳаракат қилувчи «қўнимсизлар»дан ҳимояловчи «ўтрок» қароқчига ўхшайди.

Эксплуататорлик давлати фаолиятида мажбурлаш салоҳиятининг фуқаролар ўртасида тақсимланиши муҳим роль ўйнайди. Чунки айнан шахс ёки куч ишлатишнинг катта имкониятига эга гуруҳ давлат аппаратини назорат қиласи ва куч ишлатишни қўллаш монополиясини қўлга киритади. Айнан шунинг учун ҳарбий технологиянинг ривожланиши эксплуататорлик давлати фаолиятида асосий омиллардан бирига айланади. Бу эса, ўз навбатида, унинг ички бекарорлигини назарда тутади.

Ҳақиқатан ҳам, ҳарбий технологиянинг ўзгариши куч ишлатиш салоҳиятининг турли ахоли гуруҳлари ўртасида қайта тақсимланиши, яъни давлат аппаратини назорат қилувчи гуруҳнинг алмашишига олиб келади. Давлатнинг эксплуататорлик моделидан шартномавий моделга ўтиш ҳам мумкин. Бундан давлат қурилиши динамикасининг, демак, мулкчилик ҳуқуқлари таркиби динамикасининг тебрантириб турувчи хусусияти ҳақидаги таҳминлар келиб чиқади. Рентани ундиришга йўналтирилган тизимдан кейин самарадорликни оширувчи тизим келиши муқаррар ва аксинча.

### **13.4. Давлат хусусиятини баҳолаш усул ва мезонлари**

Давлат турини аниқлаш (шартномавий ёки эксплуататорлик) давлат бюджетининг таркибини таҳлил қилиш имконини беради. Фирманинг баланси каби давлат бюджети ҳам институционал таҳлил учун зарур етарли миқдордаги ахборотни беради. Талаб этиладиган маълумотлар қабул қилинган ва реал ижро этилган давлат бюджети даромад ва харажатлар қисмларининг қатор моддаларида акс этган. Бундан ташқари, агар бюджет тақчиллиги мавжуд бўлса, уни қоплаш усувлари давлатнинг муҳим тавсифи ҳисобланади. Куйида давлат бюджетининг таркибини келтирамиз:

<b>ДАРОМАДЛАР</b>	<b>ХАРАЖАТЛАР</b>
<i>Солик даромадлари,</i> шу жумладан: фойда солиғи даромад солиғи кўшилган қиймат солиғи	Иқтисодиётга бюджет кредитлари Ташқи иқтисодий фаолият Ижтимоий-маданий тадбирлар Фан Мудофаа

махсус солиқлар акцизлар экспорт-импорт божлари ресурс тўловлари лецензиялар <i>Солиқдан ташқари даромадлар,</i> шу жумладан: ташқи иқтисодий фаолиятдан даромадлар давлат мулкида бўлган активлар давлат захираларини амалга ошириш Бюджет кредитларини қайтариш Мақсадли бюджет фондлари	Ҳукуқни муҳофаза қилиш фаолияти Адлия Давлат бошқаруви Давлат захираларини тўлдириш Фавқулодда ҳолатлар бўйича харажатлар Хизмат кўрсатиш ҳамда ташки ва ички қарзни тўлаш Маҳаллий бюджетларни молиялаш <b>Жами</b>
<b>Жами</b>	<b>Тақчиллик</b>

Давлатни бирор-бир турга киритишнинг биринчи мезони –даромадлар турли моддаларининг нисбати. Солиқдан ташқари тушумларнинг улуши қанча юқори бўлса, давлатнинг иқтисодиётга аралашуви шунча фаол бўлади. Бундай ҳолатда унинг роли шартномалар бажарилишининг оддий кафили доирасидан ташқарига чиқади. Бюджетнинг солиқдан ташқари даромадлар улуши динамикаси барқарор тенденция мавжудлиги ҳақида сўзлаш имконини бермайди.

Бундан ташқари, турли солиқ тушумлари нисбати таҳлили уларнинг мусодара хусусияти ҳақида (рента тўловлари ва махсус солиқлар устунлигига), ёки солиқ тизимининг ишлаб чиқариш фаолиятини рағбатлантириш мақсадларига бўйсуниши («бозор» солиқлари: фойда солиғи, ҚҚС, акцизлар, даромад солиғи, мол-мулк солиғи устунлик қилган ҳолатда) ҳақида фикр юритиш имконини беради. Таъкидлаш лозимки, бюджетда «бозор» солиқларининг улуши барқарор қисқариш тенденциясига эга. Шунингдек, солиқларнинг йиғилиши, яъни амалдаги солиқ тушумлари ва солиқ солиш базасининг реал миқдорларидан келиб чиқсан ҳолда ҳисоблаб ёзилган солиқлар ўртасидаги нисбат тўғрисидаги маълумотлар ҳам муҳим ахборотни акс эттиради. Солиқларнинг йиғилиши қанча юқори бўлса, давлат шартномавий моделга шунча яқин бўлади.

Иккинчи мезон – давлат харажатларининг таркиби ва биринчи навбатда реал молияланган ҳамда давлат бюджети тўғрисидаги қонунда қайд этилган харажатлар нисбати. Эксплуататорлик давлатида унинг мажбурлаш салоҳиятини сақлаб қолиш ва кучайтириш билан боғлиқ харажатлар («куч ишлатувчи» вазирликларни сақлаб туриш харажатлари) ҳамда бевосита давлат аппаратини сақлаб туриш учун йўналтирилган харажатларни молиялашнинг устуворлиги муҳим ўрин тутади. Мудофа, ҳукуқни муҳофаза қилиш фаолияти ва давлат аппарати харажатларни катта тайёргарлик билан амалга оширади.

## **Харажат моддалари**

Хуқуқни муҳофаза қилиш фаолияти (адлиясиз)  
Ижтимоий-маданий тадбирлар  
Давлат бошқаруви  
Халқаро фаолият (шу жумладан давлатнинг ташқи қарзига хизмат кўрсатиш)  
Мудофа

Учинчи мезон – бюджет тақчиллигини молиялаш усуллари. Бюджет тақчиллигини қоплашнинг учта асосий усули – Марказий банкнинг ҳукуматга кредитлари, ташқи ва ички қарзлардан эксплуататорлик давлати биринчисини афзал кўради. Бундан ташқари, марказий банкнинг кредитларидан фойдаланиш давлатга мусодара хусусиятига эга «инфляция солиғи» орқали даромад олиш имконини беради. Аксинча, шартномавий давлат бюджет тақчиллигини молиялашнинг энг кам инфляция усули – ташқи бозордаги қарзларни афзал кўради. Ички бозордаги қарзлар узоқ муддатли даврда инфляция хавфини туғдиради ва жамият умумий фаровонлигининг ўсишига тўскىнлик қиласи, чунки молиявий ресурслар реал сектордан давлат қарз мажбуриятлари бозорига оқиб кетади.

## **Бюджет тақчиллигини молиялаш усули**

МБ кредитлари, ташқи кредитлар, қимматли қоғозлар  
Хазина мажбуриятлари

### **13.5. Коррупция муаммоси**

Коррупция назариясининг ривожланиши давлатнинг иқтисодиётдаги роли тўғрисидаги масалага нисбатан янгича ёндашувга мисол бўлади ва шу билан бирга назарий жиҳатдан тўлиқ англаш етилмаган тажрибадан тўғридан-тўғри хулоса қилишнинг хавфлилигини намоён этади.

Фақатгина 1970-йилларга келиб, коррупциянинг иқтисодий муаммо эканлиги англаш етилди. Коррупция – нафақат ривожланган ва ўтиш иқтисодиётига эга мамлакатлар, балки бутун жаҳон муаммоси. 13.1-жадвалда иқтисодий ривожланиш ва жамиятнинг демократлашганлик даражаси бўйича мутлақо турлича бўлган 50 та мамлакат бўйича коррупцияланиш индекси келтирилган.

Коррупцияланиш индекси қуйидаги қатор омилларни баҳолаш усуллари ёрдамида ҳисоблаб чиқилган: юридик қоидаларнинг очиқ-ойдинлиги, идоравий тузилмаларнинг етуклиги, эркинлашиш даражаси, лицензиялар олиш ва рўхатдан ўтказишнинг қийинлиги, суд тизимлари самарадорлиги, бюрократиянинг омилкорлик даражаси, фискал тизимнинг самарадорлиги ва очиқ-ойдинлиги, божхона ишининг самарадорлиги ва х.к. Мамлакат индекси (нолдан 10 гача бўлган шкала бўйича) қанча юқори бўлса, унинг коррупцияланиш даражаси шунча паст бўлади.

**Ривожланган ва ўтиш иқтисодиётига эга мамлакатларда  
коррупцияланиш индекси\***

<b>Мамлакат</b>	<b>Корруп- цияланиш индекси</b>	<b>Харид қобилияти даражаси, АҚШ долл.</b>	<b>Мамлакат</b>	<b>Корруп- цияланиш индекси</b>	<b>Харид қобилияти даражаси, АҚШ долл.</b>
Дания	9,94	21,23	Бельгия	5,25	21,66
Финляндия	9,48	17,76	Чехия	5,20	9,77
Швеция	9,35	18,54	Венгрия	5,18	6,41
Янги Зеландия	9,23	16,36	Польша	5,0	5,40
Канада	9,10	21,13	Италия	5,03	19,87
Нидерландия	9,03	19,95	Малайзия	5,01	9,02
Норвегия	8,92	21,94	ЖАР	4,95	5,03
Австралия	8,86	18,94	Жанубий Корея	4,29	11,45
Сингапур	8,66	22,77	Уругвай	4,14	6,63
Люксембург	8,61	37,93	Бразилия	3,56	5,40
Швейцария	8,61	25,86	Руминия	3,44	4,36
Шимолий Ирландия	8,28	15,68	Туркия	3,21	5,58
Германия	8,23	20,07	Тайланд	3,06	7,54
Буюк Британия	8,22	19,26	Филиппин	3,05	2,85
Исроил	7,97	16,49	Хитой	2,88	2,92
АҚШ	7,61	26,98	Аргентина	2,81	8,31
Австрия	7,61	21,25	Венесуэла	2,77	7,90
Гонконг	7,28	22,95	Ҳиндистон	2,75	1,40
Португалия	6,97	12,67	Индонезия	2,72	3,80
Франция	6,66	21,03	Мексика	2,66	6,40
Япония	6,57	22,11	Покистон	2,53	2,23
Коста-Рика	6,45	5,85	Россия	2,27	4,48
Чили	6,05	9,52	Колумбия	2,23	6,13
Испания	5,90	14,52	Боливия	2,05	2,54
Греция	5,35	11,71	Нигерия	1,76	1,22

\* Манба: ХТТБ маълумотлари.

Бюрократик аппаратнинг коррупциясига қарши курашиш муаммосига турли халқаро ташкилотлар, шу жумладан Жаҳон банкининг материалларида катта эътибор қаратилади. 13.2-расмда бюрократияга қарши кураш ва давлат институтларининг қобилиятини ошириш юзасидан асосий тадбирлар келтирилган.

Мазкур дастурнинг асосий бандлари қуидагилардан иборат:

- самарали нормалар ва чекловларни қабул қилиш;
- давлат хизматчилари, шунингдек, давлат ва хусусий сектор соҳасида рақобатни кучайтириш;
- давлатни инсонларга яқинлаштириш: фуқаролар билан давлатнинг ўзаро ҳамкорлигини кучайтириш, фуқаролар фикрларини ҳисобга олиш;



### **13.2-расм. Коррупцияга қарши қураш соҳасида давлатнинг имкониятларини мустаҳкамлашуга кўмаклашувчи механизмлар доираси.**

- бюджет ўсишининг ички барқарорлаштирувчи воситаларини яратиш, масалан, ижро этувчи, қонун чиқарувчи ва суд ҳокимиятлари, қарорларни ким белгилаши, қабул қилиш ва амалга ошириши устидан назорат қилиш.

Ушбу дастур давлат ва давлат институтлари фаолияти асосида ётувчи мотивациянинг ўзгариши билан боғлиқ. Унинг амалга оширилиши давлат амалдорларига жамоавий манбаатлар йўлида ҳаракат қилиш учун рағбатлантирувчи омилларни яратишга кўмаклашувчи ва бир вақтнинг ўзида мажбурий ҳаракатлар эҳтимолини чекловчи қоида ва нормаларнинг жорий этилишини назарда тутади.

Янада самаралироқ давлатни барпо этишга уринишлар далолат бериб турибдики, ҳатто саноати ривожланган мамлакатларда ҳам бироз яхшиланишлардан самара жуда юқори. Жаҳон тажрибасига кўра, ҳатто давлат самарадорлигининг паст даражада оширилиши ҳам вақт ўтиши билан инсонлар турмуш сифатини сезиларли даражада оширади, чунки ислоҳотлар, одатда, ўзининг фойдали бир вақтига етади.

Жаҳон банки томонидан ўтказилган тадқиқотлар натижаларига кўра, паст салоҳиятли давлатга эга бўлиб, амалга оширилаётган сиёсатнинг сифати паст

бўлган мамлакатларда аҳоли жон бошига тўғри келувчи даромад ҳажми бир йилда, тахминан, 0,4 фоизга ўсган, айни пайтда кучли давлатга эга бўлиб, оқилона сиёsat юритувчи мамлакатларда эса аҳоли жон бошига тўғри келаувчи даромад ҳажми бир йилда ўртacha 3 фоизга ўсгани аниқланди<sup>41</sup>.

### **Қисқача хуноса**

Куйида келтирилган маълумотлар давлатнинг икки турини таққослаш имконини беради:

	<b>Шартномавий давлат</b>	<b>Эксплуататорлик давлати</b>
Мақсади	Жамият аъзоларининг умумий даромади (ЯИМ)ни кўпайтириш, трансакция харажатларини пасайтириш	Давлат аппаратини назорат қилувчи гурухнинг рентасини (солик тушумларини) кўпайтириш
Вазифалари (вазифалари)	Шахслар ўртасидаги катор битимларда кафиллик, мулқчилик хуқуқларини тафсирлаш ва ҳимоя қилиш	Кафил роли билан чегараланмаган ҳолда ижтимоий ва иқтисодий ўзаро ҳамкорликка фаол араласиши
Воситалар (мажбуrlаш қилиш монополиясидан фойдаланиш)	Ижтимоий шартнома ва конституциявий доиралар билан чегараланган	Давлатни назорат қилувчи гурухнинг сиёсий иродасига боғлиқ
«Принципал-агент» муаммосини ҳал этиш механизmlари	Принципал – фуқаро: демократик назорат механизmlари, конституциявий доиралар мавжудлиги, муқобил варианtlар мавжудлиги. Принципал – давлат: қонунга ихтиёрий бўйсуниш меъёrlарини ёйиш	Принципал – фуқаро: мавжуд эмас. Принципал – давлат: мажбур қилиш ва куч ишлатишдан фойдаланиш, ҳар томонлама назоратни амалга оширишга уриниш
Бюджет чекловлари	Қатъий, бюджетни тасдиқлашнинг демократик тартиботи билан чекланган	Юмшоқ
Даромадларнинг асосий моддалари	Биринчи навбатда «бозор» солиқларидан тушумлар	Мусодара солиқлари ва солиқдан ташқари тушумлар
Харажатларнинг асосий бандлари	Адлия, хуқуқни муҳофаза қилиш фаолияти	Мудофаа, давлат бошқаруви, хуқуқни муҳофаза қилиш фаолияти
Бюджет тақчиллигини асосий қоплаш усуллари	Ташқи бозордаги қарзлар	МБнинг хукуматга қарзлари, ички бозордаги қарзлар, мусодара солиғининг тури сифатида мажбуриятларни бажаришдан бош тортиш ҳам мумкин

### **Таянч сўз ва иборалар**

Давлат турлари, «принципал-агент» муаммоси, «шартномавий» давлат, «эксплуататорлик» давлати, давлат бюджети таҳлили, бюджет даромадлари,

<sup>41</sup> Государство в меняющемся мире. Отчет о мировом развитии 1997. – М.: ПРАЙМ-ТАСС, 1997, с. 39.

бюджет харажатлари, “бозор солиқлари”, давлатни бирор-бир турга киритиш мезонлари, коррупция индекси.

***Такрорлаш учун саволлар***

1. Давлат ва «принципал-агент» муаммосининг моҳиятини тушунтиринг.
2. «Шартномавий» давлатга таъриф беринг.
3. «Шартномавий» давлат қандай шароитларда мавжуд бўлади?
4. «Эксплуататорлик» давлатининг ўзига хос жиҳатлари нималардан иборат?
5. Давлат хусусиятини белгилашнинг қандай усул ва мезонлари мавжуд?
6. Коррупция ва унга қандай омиллар таъсир кўрсатади?

## **XIV - боб. УЙ ХҮЖАЛИГИ ФАОЛИЯТИ ВА РИВОЖЛАНИШИННГ НАЗАРИЙ АСОСЛАРИ**

Уй хўжалиги иқтисодий фаолиятнинг муҳим субъектларидан бири ҳисобланиб, нафақат оила ёки хўжалиқ, балки бутун мамлакат аҳолисининг фаровонлиги унинг натижаларига боғлиқ. Уй хўжалиги иқтисодиётнинг йирик сектори сифатида тижорат корхоналари ва давлат билан бир қаторда барча макроиқтисодий тартибга солиш жараёнларида иштирок этади. Шу нуқтаи назардан уй хўжалигининг таркиби, мақсади ва асосий вазифаларини ўрганиш оила бизнеси (тадбиркорлиги)ни ташкил этиш ва уни юритиш учун муҳим асос бўлиб хизмат қиласди. Уларнинг турларини таққослаш уй хўжалигининг бозор муносабатларига мос тури ва унинг таркибини танлаш имконини беради.

Ҳозирги вақтда уй хўжаликлари фаолиятининг муаммоларига эътиборнинг ортганлиги кузатилмоқда. Бу авваламбор уй хўжаликларининг миллий иқтисодиёт ўсишига қўшаётган ҳиссаси ошаётгани билан боғлиқдир. шу боис уй хўжалиги тушунчасининг ижтимоий-иқтисодий моҳиятини, унинг белгилари ва таркибий-функционал хусусиятлари, ривожланиш омилларини чуқурроқ билиш талаб этилади.

### **14.1. Уй хўжалиги турлари ва унинг оила билан функционал боғлиқлиги**

Уй хўжалиги жамият ҳаётининг барча соҳалари билан боғлиқ бўлиб, уни социология, демография, статистика, психология, иқтисодиёт ва бошқа ижтимоий фанлар вакиллари ўрганади. Ушбу фанларнинг ҳар бири уй хўжалиги фаолиятининг у ёки бу жиҳатларини тадқиқ этади. Уй хўжалигининг ҳаёти ва фаолияти билан боғлиқ муаммоларнинг мажмуавий хусусиятга эга эканлиги унинг фаолият кўрсатишининг турли жиҳатларини ёритувчи кўп йўналишларининг мавжудлигидан далолат беради.

Илмий манбалар таҳлили шуни кўрсатадики, уй хўжалиги тушунчасига ҳозиргача ягона таъриф берилмаган. Муаллифлар уй хўжалиги моҳиятининг турли дастлабки тушунчалари ва унинг функцияларини бош асос қилиб олган ҳолда, ўз таърифларини берганлар. Бироқ турли вақтларда, турли шароитларда ва турли вазифаларни ҳал этишда улар турли маънога ва турлича талқинга эга бўлган (14.1-жадвал).

*14.1-жадвал*

#### **“Уй хўжалиги” тушунчасининг таърифлари**

<b>Муаллифлар</b>	<b>Таъриф</b>
Макконелл С.Р., Брю С.Д. <sup>42</sup>	Уй хўжалиги – бир ёки ундан кўп шахсдан таркиб топган, иқтисодиётни ресурслар билан таъминловчи ва ушбу ресурслар учун олинган пулни инсоннинг моддий эҳтиёжларини қондирувчи товар ва хизматларни сотиб олиш учун сарфловчи иқтисодий бирлик

<sup>42</sup> Макконелл С.Р., Брю С.Д. Экономикс: принципы, проблемы и политика. – М.: Республика. – 1992. т. 2, - 396 с.

## Жадвал давоми

Олейник А.Н. <sup>43</sup>	Уй хўжалиги – инсон капиталини тақрор барпо этишнинг умумий вазифалари, яшаш жойи, бюджет ва оила-қариндошлиқ алоқалари билан бирлашган инсонлар гурухи. Уй хўжалигининг асосида ҳокимият муносабатлари ётади – биргалиқдаги иқтисодий фаолият устидан назорат қилиш ҳуқуқлари оила аъзоларидан бирига, яъни оила бошлиғига топширилади
Винтер М., Моррис У. <sup>44</sup>	Уй хўжалиги – инсон капиталини тақрор барпо этишнинг умумий вазифалари, яшаш жойи, бюджет ва одатда оила-қариндошлиқ алоқалари билан бирлашган инсонлар гурухи
Бойчук Н.И., Корнеева Е.С. <sup>45</sup>	Уй хўжалиги – бир ёки ундан кўп шахсдан таркиб топган, иқтисодиётни ресурслар билан таъминловчи ва ушбу ресурслар учун олинган даромадларни инсоннинг моддий эҳтиёжларини қондирадиган товар ва хизматларни харид қилиш учун сарфловчи иқтисодий бирлик
Мироненко О.В. <sup>46</sup>	Ижтимоий-мехнат муносабатларининг субъекти сифатида уй хўжалиги – умумий бюджет ва яшаш жойи билан бирлашган, ҳар қайси ишлаб чиқариш омили сифатида меҳнат таъминотчиси бўлгани ҳолда бандлик мақомига эга бўлган, шунингдек, ҳам табиий, ҳам товар хусусиятига эга бўлиши мумкин бўлган иқтисодий фаолиятда иштирок этувчи бир ёки бир неча шахслар гурухи
Ахмедова М.А. <sup>47</sup>	Бозор иқтисодиёти шароитида уй хўжалиги ресурслар, маҳсулотлар ва хизматларни харид қилиш ва сотиш тўғрисида мустақил қарор қабул қилувчи, ўз эҳтиёжларини имкон қадар қондиришга интилевчи бозор муносабатларининг агентини ўзида намоён этади
Барсукова С.Ю. <sup>48</sup>	“Уй хўжалиги” тушунчаси бир уйда яшовчи ва биргалиқда хўжалик юритувчи шахслар гурухига тааллуқли бўлиб, бу неъматларни биргалиқда ишлаб чиқариш ва истеъмол қилишда намоён бўлади. Уй хўжалигидан фарқли равишда оила қариндошлиқ тушунчасига асосланади, лекин ягона оиласи бирлашиш учун етарли бўлган қариндошлиқ даражаси тарихий ва маданий контекстга боғлиқ
Журавлева Г.П. <sup>49</sup>	Уй хўжалиги – иқтисодиётнинг истеъмол соҳасида фаолият юритувчи, бир ёки бир неча шахсдан таркиб топиши мумкин бўлган иқтисодий бирлик. У “инсон капитали”нинг барпо бўлиши ва тақрор барпо бўлишини таъминлайди, мустақил равишида қарорлар қабул қиласи, бозор иқтисодиётида қандайдир ишлаб чиқариш омилиниң эгаси ва етказиб берувчиси ҳисобланади, шахсий эҳтиёжларини имкон қадар қондиришга (фойдани оширишга эмас) интилади

<sup>43</sup> Олейник А. Институциональная экономика: Учебник.- М.: ИНФРА-М, 2009.-704 с.

<sup>44</sup> Winter M., Morris E. Family Resource & Family Business: Coming Together // Theory and Research, working paper. Ames: Iowa State University, Iowa Agriculture and Home Economics Experiment Station, 1996. P.2

<sup>45</sup> Бойчук Н.И., Корнеева Е.С. Домашние хозяйства как сектор экономики. // Вологдинские чтения. - 2005. - № 54-2. - С. 27-29. lib.usue.ru/text/bul2/bul310.htm

<sup>46</sup> Мироненко О.В. Домашние хозяйства в системе социально – трудовых отношений. Автореферат дисс. к.э.н. , Хабаровск. 2008. – 20 с. <http://www.festu.khv.ru>

<sup>47</sup> Ахмедова М.А. Домашнее хозяйство в системе национальной экономики и его роль в развитии рыночных отношений Республики Таджикистан // Автореф. дис. к.э.н., Худжанд, 2012. – 18 с.

<sup>48</sup> Барсукова С.Ю. Сущность и функции домашней экономики. svbars@mail.ru

<sup>49</sup> [Поведение домохозяйства в рыночной экономике.](http://kondratyev.professorjournal.ru/c/document_library/get_file?p_l_id=520889...) kondratyev.professorjournal.ru/c/document\_library/get\_file?p\_l\_id=520889...

## Жадвал давоми

Орлов Л.Ф. <sup>50</sup>	Уй хўжалиги – бу мамлакат иқтисодиётидаги жисмоний шахслар бўлиб, бунда улар бир нафар шахсдан ҳам, умумий бюджет билан бирлашган шахслар гуруҳидан ҳам таркиб топиши мумкин (қариндошлар бўлиши шарт эмас). «Уй хўжалиги» тушунчасига фаолиятини юридик жиҳатдан ҳам, иқтисодий нуқтаи назардан ҳам ўз мулкдорларининг фаолиятидан ажратиб бўлмайдиган уй хўжаликларининг нокорпоратив корхоналари ҳам киради
Мазная Е.А. <sup>51</sup>	Уй хўжалиги – бу индивид билан жамият ўртасидаги, шунингдек, ўз бюджетини бирлаштирувчи ва биргаликда қарорлар қабул қилувчи, инсон томонидан ўз эҳтиёжларини қондириш ҳамда ўз хаёти ва фаолиятининг шароитларини такрор яратиш мақсадида барпо этиладиган иқтисодий муносабатлар тизими

“Уй хўжалиги” тушунчаси тор маънода оила аъзоларига майший хизмат кўрсатиш, шахсий ёрдамчи хўжаликни юритиш, уйда натура ҳолда маҳсулот ишлаб чиқариш каби хўжалик юритиш бўйича анъанавий уй ишлари йиғиндисини ўз ичига олади. Ҳозирги “уй хўжалиги” тушунчаси кенг маънода ўта мураккаб, кўп қиррали ва кўп жиҳатли бўлиб, «индивид» ва «коила» тушунчалари билан тавсифланувчи, лекин айни пайтда унга ўхшаш бўлмаган (чунки у бир индивиддан ҳам, бир неча оила аъзоларидан ҳам таркиб топиши мумкин) иқтисодий кичик тизим яъни ташкилот сифатида кўриб чиқилади.

“Уй хўжалиги” тушунчасининг юқоридаги таърифларда изоҳланиши ушбу категория ижтимоий-иқтисодий моҳиятининг аста-секин вужудга келиши ва шаклланишининг мантигини акс эттиради.

Кўпинча уй хўжаликлари оиланинг иқтисодий, ижтимоий-демографик ва статистик белгиланиши сифатида кўриб чиқилади. Оила анъанавий тарзда никоҳ-қариндошлиқ муносабатлари, биргаликда ҳаёт кечириш, умумий бюджет ва биргаликда хўжалик юритиш белгилари билан таърифланади. Қариндошлиқ белгиси, оилани таърифлаш учун шарт ҳисобланса-да, лекин у ҳамма вақт ҳам иштирок этмайди, чунки оила таркибига ҳам туғишиган, ҳам асраб олинган фарзандлар кириши мумкин.

Шунингдек, хусусан, турмуш ўртоғининг бошқа қариндошлари ҳам бир оила аъзолари бўлиши мумкин. Оила хўжалик нуқтаи назаридан, биринчи навбатда, уй хўжалиги негизи сифатида кўриб чиқилади. Бунда хўжалик-иқтисодий тавсифлар, инсонларни кичик гуруҳга бирлаштирувчи иқтисодий алоқалар биринчи ўринга қўйилади. Шундай қилиб, “уй хўжалиги” тушунчасининг мазмуний аҳамияти ижтимоий-иқтисодий йўналишга эга бўлади. У оиланинг ижтимоий таркиби, даромад-мулкий ҳамда сарф-харажат ва истеъмол қилиш салоҳияти билан тавсифланади.


Уй хўжалигининг таърифи муайян ижтимоий-иқтисодий шароитларга боғлиқ бўлиб, мамлакатлар бўйича фарқ қиласи.

<sup>50</sup> Орлов Л.Ф. Исследование роли и места финансовых домашних хозяйств в современной экономике России. // Вестник Московского государственного областного университета. [lib.usue.ru/text/bul2/bul310.htm](http://lib.usue.ru/text/bul2/bul310.htm)

<sup>51</sup> Мазная Е.А. Домашнее хозяйство в системе экономических отношений общества. Автореферат дисс. к.э.н. Самара, 2006. – 28 с.

тавсияларига кўра (1981 й.),<sup>52</sup> «уй хўжалиги» тушунчаси унинг доирасида алоҳида шахслар ёки шахслар гурухлари ўзини озиқ-овқат ва турмуш учун барча зарур нарсалар билан таъминлайдиган турмуш тарзига асосланган. Аксарият мамлакатлар БМТ берган таърифга қўшилади. Лекин айрим мамлакатларда бошқа таърифлар ҳам қабул қилинган. Бунда уларнинг айримларида биргаликда тановвул қилиш, бошқаларида эса биргаликда истиқомат қилиш биринчи ўринда туради. Масалан, айрим мамлакатларда (АҚШ, Швеция, Швейцария) алоҳида тураг жойни эгаллаган шахс ёки шахслар гурухи уй хўжалиги ҳисобланади.

Юқорида номлари келтирилган муаллифларнинг илмий ишларини таҳлил қилиш асосида шундай холосага келиш мумкинки, барча уй хўжаликларини оилавий, оиладан ташқари ва жамоавий турларга бўлиш мумкин (14.1-расм).



#### 14.1.-расм. Уй хўжалиги турлари

Хозирги иқтисодий шароитда «уй хўжалиги» ва «оила» тушунчалари бир-бiriга жуда яқин. Шунинг учун адабиётларда аксарият ҳолатларда «уй хўжалиги» атамаси «оила» тушунчаси билан қўшилиб кетган ёки ўзаро тўлдириш ёхуд ҳатто ўзаро ўрин босиш муносабатларига эга.

Шунингдек, “оила” тушунчасининг таърифлари унинг ўзига хос мақсади ва функцияларига кўра асосий эътиборни қаратади. Масалан, қариндошлар гурухи сифатида оиласа қўйидагича таъриф берилган<sup>53</sup>: “Оила – бирга яшовчи яқин қариндошлар гурухи ёки никоҳ ва қариндошлик муносабатлари билан боғланган инсонларнинг фарзандлар тарбиясини ва бошқа ижтимоий аҳамиятли функцияларнинг бажарилишини таъминловчи гурухи”. Винтер М. ва Моррис У. тадқиқотида<sup>54</sup>: “Оила – бир уйда яшами ва умумий бюджетга эга бўлиши шарт бўлмаган, оила-қариндошлик алоқаларининг умумийлиги билан бирлашадиган гурух” эканлиги эътироф этилади. Урумова Ф.И. эса<sup>55</sup>: “Оила – инсонларнинг, одатда, қариндошлик алоқалари ва турмушнинг умумийлиги асосида онгли равишда ташкил этилган кичик гурухи бўлиб, уларнинг ҳаёти ва фаолияти индивиднинг ижтимоий, иқтисодий ва маънавий эҳтиёжларини

<sup>52</sup> Принципы и рекомендации в отношении проведения переписей населения и жилого фонда. Статистические документы. Серия М.- №67.- ООН, Нью – Йорк, 1981. – 68 с.

<sup>53</sup> Поведение домохозяйства в рыночной экономике. kondratyev.professorjournal.ru/c/document\_library/get\_file?p\_1\_id=520889...

<sup>54</sup> Winter M., Morris E. Family Resource & Family Business: Coming Together // Theory and Research, working paper. Ames: Iowa State University, Iowa Agriculture and Home Economics Experiment Station, 1996. P.2

<sup>55</sup> Экономическая теория: учебник / Под общей редакцией В.И.Видянина, Г.П.Журавлевой. М.: Инфра, 1997. с. 243.

қондириш учун амалга оширилади”, -деб таъкидлаган. Ушбу таърифларда оиланинг қариндошлиқ, никоҳ ҳамда ижтимоий функцияларни таъминлаш каби белгилари асос сифатида иштирок этади.

Уй хўжалиги ҳам қўйидаги асосий белгилар билан тавсифланади: биргаликда ҳаёт кечириш, биргаликда хўжалик юритиш, умумий бюджет ва никоҳ-қариндошлиқ алоқалари (14.1-жадвалга қаранг). Бунда никоҳ-қариндошлиқ алоқалари бўлиши ҳам, бўлмаслиги ҳам мумкин. Лекин бу ҳол шундай хулосага келиш имконини берадики, “уй хўжалиги” ва “оила”нинг ўзига хос белгилари кўпинча мос келади, аммо оила уй хўжалигининг негизи ҳисобланади. Буни янада яққол кўриш учун уй хўжалиги билан оиланинг асосий белгилари ва таркибий-функционал хусусиятларини таққослаш мумкин (14.2-жадвал).

#### 14.2 -жадвал

#### **Оила ва уй хўжалиги функцияларининг таркиби**

<b>Функциялар</b>	<b>Оила</b>	<b>Уй хўжалиги</b>
Асосий ҳал қилувчи белгилар (аҳамиятига қараб пасайиш)	- Никоҳ-қариндошлиқ алоқалари; яшаш жойи; - умумий бюджет; - биргаликда хўжалик юритиш	- Яшаш жойи; - биргаликда хўжалик юритиш; умумий бюджет; никоҳ-қариндошлиқ алоқалари
Асосий мақсадли функция	Инсонни дунёга келтириш	Инсон салоҳиятини такрор тиклаш
Ўзига хос функциялар (оила ва уй хўжалиги-нинг моҳиятидан келиб чиқади)	Жамиятнинг барча ўзгаришларида ўзгармасдан қолади: <i>репродуктив, социаллашув ва б.</i>	Инсон капиталини такрор тиклаш ва амалга оширишнинг асоси ҳисобланади, ташқи ва ички иқтисодий ўзаро муносабатларнинг тарихий хусусиятини акс эттиради: <i>таъминот;</i> <i>ишилаб чиқариши;</i> <i>жамғарии;</i> <i>истеъмол</i>
Ўзига хос бўлмаган функциялар (муайян тарихий шароитда мажбурий ёки мослаштирилган функциялар)	Оила ичидаги муносабатларнинг тарихий хусусиятини ва оиланинг жамият билан ўзаро ҳамкорлигини акс эттиради: <i>хўжалик-майший;</i> <i>ишилаб чиқариши;</i> <i>истеъмол;</i> <i>рекреацион ва б. функциялар</i>	Инсон салоҳиятининг физиологик асосини яратиш, уни шакллантириш ва сақлаш: <i>репродуктив;</i> <i>социаллашув;</i> <i>рекреацион ва б.</i> <i>функциялар</i>

Уй хўжалиги ва оиланинг асосий функцияларини қиёсий таҳлил қилиш натижалари, уларнинг бир-бирини ўзаро тўлдириши ва боғлиқлигини кўрсатади, яъни уй хўжалиги ўзига хос (таъминот, ишилаб чиқариш, жамғариш ва истеъмол) функцияларининг муваффақиятли амалга оширилиши унинг бир

вақтнинг ўзида оиланинг ўзига хос функциялари ҳисобланган унга хос бўлмаган (репродуктив, реакреация ва б.) функцияларининг сифати, сақланиши ва амалга оширилишига боғлиқ.

Бу уй хўжаликларининг асосий функцияларини тўлдириш, уларни ўзига хос ва хос бўлмаган турларга бўлиш орқали қуидаги хulosаларга келиш имконини беради.

Биринчидан, таҳлиллар оила билан уй хўжалиги ўртасидаги узвий функционал боғлиқлик мавжудлигидан, шунингдек, уй хўжалиги ҳамда оиланинг ўзига хос функцияларини тўлдиришидан, яъни ўзаро боғлиқ бўлиб, шунинг учун бир – бирига таъсир кўрсатишидан далолат беради.

Иккинчидан, уй хўжалиги ҳамда оиланинг ўзига хос ва хос бўлмаган функциялари бир-бирини такрорлайди ва тавсифланаётган обьектга қараб, уларни тадқиқ этишнинг негизига қараб фарқланади. Уй хўжалигининг асосида ётувчи оиланинг таркиби ва функциялари унинг ичидаги юзага келадиган муносабатларни тўлиқ очиб бериш имконини беради. Бу уй хўжаликларини тадқиқ этишдаги муҳим омил ҳисобланади. Чунки ички муносабатлар ташқи хўжалик-иктисодий муносабатларни шакллантиришда ҳал қилувчи роль ўйнайди. Уй хўжалигининг функциялари ташқи хўжалик-иктисодий муносабатларнинг бутун таркибини, унинг тўлиқ ҳажмда очиб бериш имконини беради ва оиласда ички муносабатларнинг шаклланишига ҳамда рол ва функцияларнинг тақсимланишига таъсир кўрсатади.

Учинчидан, уй хўжалиги бир шахсдан таркиб топиши, оиласдан ташқари ва жамоавий бўлиши мумкинлиги, оиланинг эса никоҳ-қариндошлик муносабатлари иштирокининг шартлиги билан тавсифланиши бизга уй хўжалигини оила билан солиштирилганда янада кенг тушунча сифатида кўриб чиқиши ва бунда оиласи тадқиқ этиш ахборот базасидан фойдаланиш имконини беради.


Тўртинчидан, уй хўжалиги билан оиланинг асосий мақсадли функцияларини таққослаш натижаси ҳам юқоридаги фикрларни тасдиқлайди.

Оиласнинг асосий мақсадли функцияси – инсонни дунёга келтириш, уй хўжалигини эса – инсон капиталини такрор тиклаш ва сақлаш (14.2-расм). Инсон капиталини такрор тиклаш тушунчаси кўп қиррали жараён моҳиятини чуқурроқ акс эттирган ҳолда нафақат шахс сифатида инсонни ва жамоа сифатида уй хўжалигини ҳам биологик, ҳам ижтимоий, ҳам хўжалик-иктисодий жиҳатдан такрор тиклаш, балки унинг ҳаёти ва фаолияти шарт-шароитларини ҳам такрор тиклашни ўз ичига олади.

Ушбу тушунча уй хўжалиги мавжуд бўлишининг моддий, инсоний, маънавий, этник, диний асослари йиғиндисини ўзида акс эттиради ва бу билан унинг кўп қирралилиги ва катта аҳамиятга эгалигини кўрсатади. Лекин уй хўжалиги унинг иктисодий баҳоси нуқтаи назаридан, кўпинча, инсон капиталини такрор тиклаш сифатида кўриб чиқилади.

Шундай қилиб, уй хўжаликларини юқорида келтирилган иктисодий категория сифатида унга қуидагича таъриф бериш мумкин. Уй хўжалиги – бу инсон капиталини такрор тиклаш ва уни амалга оширишнинг асосий

ижтимоий-иқтисодий бирлиги, якка ёки биргаликда яшовчи ва биргаликда



**14.2-расм. Оила ва уй хўжалигининг функционал боғлиқлиги ва уларнинг функциялари**

хўжалик юритувчи бир неча шахслар томонидан таъминланадиган яхлит ҳаёт фаолияти воситаси ҳисобланади. Ушбу таъриф, назаримизда, уй хўжалигининг моҳиятини: унинг таркибини; аъзолари ўртасидаги ўзаро боғлиқликни; ижтимоий-иқтисодий табиатини аниқ тарзда акс эттиради; унинг ҳаёти ва фаолиятининг асосий йўналишини белгилаб беради.

Бино ижарага олинган ҳолатларда бинонинг хўжайини, ташкил этилган уй хўжалигининг аъзоси ҳисобланмайди. Шу билан бирга уй хизматчилари ҳам ўз иш берувчиларининг уйида истиқомат қилишганида ҳам (мехнатлари учун бошпана ва озиқ-овқат билан таъминланадилар) уй хўжалигининг аъзоси ҳисобланмайдилар.

“Уй хўжалиги” ва “оила” тушунчаларини адаштираслик энг асосий шарт ҳисобланади. Бу икки атама бир-бирига ўхшаса-да, аввал таъкидланганидек, оила уй хўжалигининг ўзаги бўлиб ҳисобланади.

## 14.2. Уй хўжалигининг инсон капиталини ривожлантиришдаги функциялари


Оила ва унинг моддий асосини мустаҳкамлаш уй хўжаликларини ўрганиш, улар бажарадиган функцияларни билиш, ривожланишини рафбатлантириш бўйича қарорлар қабул қилиш ўта муҳим ҳисобланади.

Бозор иқтисодиётида уй хўжалиги мустақил субъект (ташкилот) сифатида фаолият кўрсатади. Улар ўз эҳтиёж ва талабларини қондириш учун бозорда маҳсулот ва хизматларини айирбош қиласиди. Шу орқали уй хўжаликлари ижтимоий-иқтисодий фаолиятнинг асосий субъекти сифатида бошқа корхоналар ҳамда давлат билан ўзаро алоқада бўлади.

Кўп ҳолларда уй хўжаликлари функциялари “оила” функциялари билан тенглаштирилиб, “оила хўжаликлари” ёки “дехқон хўжаликлари”, “шахсий томорқа хўжаликлари” сифатида ўрганилган. Шу нуқтаи назардан “уй хўжалиги” функцияларининг асосий моҳиятини билиш муҳим ҳисобланади.

Уй хўжалигининг мақсади – кутилмаган ҳолатлар юзага келишидан қатъи назар ўз оила аъзоларига фаровонликнинг кафолатланган даражасини таъминлашдан иборат. Уй хўжалигининг ҳимоя вазифаси ўзаро ёрдам ва оила аъзоларини моддий жиҳатдан қўллаб-қувватлашнинг расмий ва норасмий меъёрларига асосланади.

1. Уй хўжалиги фаолиятининг асосий функциясини инсон капиталини ишлаб чиқариш, реализация қилиш ва сақлаш сифатида белгилаш лозим. Инсон капитали, ўз навбатида, инсоннинг билимлари, амалий қўнимкалари ва меҳнат саъи–харакатлари йигиндиси сифатида тушунилади. Уй хўжалигининг инсон капиталини шакллантириш бўйича қуидаги таркибий қисмларга ажратиш мумкин (14.3-расм).



**14.3-расм. Инсон капиталини шакллантириш бўйича уй хўжалиги фаолияти таркиби**

2. Уй хўжалиги фаолиятида инсон капиталини тиклаш ва сақлаш. Ушбу функцияларни бажаришда иккита асосий вазифа ҳал этилади. Биринчиси, уй хўжалиги бюджетини шакллантириш ва ундан фойдаланиш. Иккинчиси, уй хўжалигини юритиш. Бу вазифалар уй хўжаликлари харажатларини қоплаш ва инсон капиталини шакллантириб (жамғариб) бориш билан боғлиқ ҳолда амалга оширилади.

3. Уй хўжалигига инсон капиталини ишлаб чиқариш (шакллантириш), яъни бола туғилиши, уни тарбиялаш, вояга етказиш ва ижтимоий функцияларини бажариш ҳисобланади. Булар ўз навбатида инсон капиталини амалда турли йўналишларда ишлатиш функцияси билан чамбарчас боғлиқдир.

4. Уй хўжалигининг инсон капиталидан фойдаланиш, амалда иккита функцияни ўз ичига олади. Биринчиси, оила бизнесини ҳамда қишлоқда дехқон хўжалигини юритиш (ишлаб чиқариш) ва иккинчиси, уй хўжалиги аъзоларининг бозор муносабатларида якка тартибда ёки корпоратив шаклда иштирок этиш функциялари.

Уй хўжалигининг ушбу функцияларини ҳаётда амалга ошириш, бир томондан оила ҳамда унинг бошлиғига боғлиқ бўлса, иккинчи томондан давлатнинг уй хўжаликларини тартибга солиш, уларни кўллаб – қувватлаш тизимига ҳам боғлиқ ҳисобланади.

Шу нуқтаи назардан Ўзбекистонда уй хўжаликлари фаолияти билан бевосита боғлиқ бўлган қонун ҳужжатлари қабул қилинган. Улар ичидаги оила бюджетини шакллантириш билан боғлиқ бўлган муҳим қонунлар мавжуд. “Дехқон хўжалиги тўғрисида”ги ва “Оила тадбиркорлиги тўғрисида”ги ЎзР Қонунлари шулар жумласига киради. Ушбу қонунлар негизида уй хўжаликларининг ишлаб чиқариш ҳамда оила бизнеси амалга оширилади.

Шуни таъкидлаш лозимки, мамлакатимизда “Дехқон хўжалиги тўғрисида”ги Қонун қабул қилинган даврга қадар (1998 йилгача) Давлат статистика қўмитаси тизимида, оила бошлиғига берилган томорқа ер участкаларида қишлоқ хўжалиги маҳсулоти етиширадиган барча субъектлар номлари, шу жумладан томорқа хўжалиги, шахсий ёрдамчи хўжаликлар “дехқон хўжалиги”<sup>56</sup> номи билан юритилган.

Қонунга мувофиқ “Дехқон хўжалиги” майда товар ишлаб чиқарувчи хўжалик ҳисобланади. Оила бошлиғига мерос қилиб қолдириш ҳуқуқи билан ажратиб берилган ер участкасида оила аъзолари меҳнатидан фойдаланиб маҳсулотлар ишлаб чиқарилади. Улар оила истеъмолига ҳамда бозорда сотиш учун тақсимланади.

Оила тадбиркорлиги (бизнеси) ҳамда дехқон хўжаликлари тўғрисидаги қонунларнинг қабул қилиниши уй хўжаликлари ишлаб чиқариш фаолиятини ҳамда уларни молиявий ва инвестициялаш функцияларини фаоллаштирумокда.

<sup>56</sup> Ўзбекистон Республикаси Вазирлар Махкамасининг 1998 йил 15 июлдаги 300–сонли қарори билан тасдиқланган “Фаолият кўрсатаётган шахсий ёрдамчи хўжаликларини дехқон хўжаликларига ўзгартириш тартиби”.

### **14.3. Турли иқтисодиётлардаги уй хўжалиги шакллари**

Уй хўжалиги функцияларини тўлақонли бажарилиши жамиятнинг ижтимоий-иқтисодий ривожланишида мухим роль ўйнайди. Шу боис иқтисодий ривожланиш кўп жиҳатдан уй хўжаликлари ҳолати билан тавсифланади. Турли иқтисодиётда уй хўжаликлари шакллари ўзига хос хусусиятга эга.

Уй хўжалиги инсонни ташки муҳитнинг ноаниқлиги, унга юқлатиладиган харакат нормалари ва қоидалари, кундалик муаммоларга ортиқча эътибор қаратишдан сақлайди. Бинобарин, институционал муҳит хусусиятлари (ноаниқлик даражаси, расмий ва норасмий меъёрларнинг ўзаро нисбати, содир бўлаётган ўзгаришлар тезлиги) уй хўжалиги таркибига таъсир кўрсатади.

Корхона ёки давлатнинг ҳамма учун бир хил (универсал) модели бўлмагани каби, уй хўжалигининг ҳам ягона модели мавжуд эмас. Шу муносабат билан турли иқтисодиётлар шароитида шаклланган уй хўжалигининг учта шаклини ажратиш мумкин. Улар қаторига-бозор иқтисодиёти, буйруқбозлик иқтисодиёти ва буйруқбозлик иқтисодиётидан бозор иқтисодиётига ўтиш шароитида фаолият юритувчи уй хўжаликларини киритиш мумкин. Ушбу тоифадаги уй хўжаликлари фаолияти ва ривожланишининг ўзига хос хусусиятлари қуидагилардан иборат (14.3-жадвал).

14.3-жадвал

#### **Турли иқтисодиётдаги уй хўжаликлари шаклларининг асосий тавсифлари**

Таққослаш кўрсаткичлари	Бозор уй хўжалиги	Буйруқбозлик иқтисодиётида уй хўжалиги	Ўтиш иқтисодиётидаги уй хўжалиги
Мақсад функциялари	Тўловга кодир талабнинг чекланганлиги шароитида фойдалиликни ошириш	Ресурслар тақчиллиги шароитида фойдалиликни ошириш	Фаолият кўрсатишида давом этиш (яшовчанлик қобилиятини йўқотмаслик)
Ресурслар	Асосий ишда иш ҳақи	Асосий ишдаги иш ҳақи + бўш вақт + алоқалар + трансферлар	Расмий, норасмий ва криминал бандикдан олинадиган ресурслар “портфели” + рента
Бюджет чекловларининг қатъйлиги	Мутлақ қатъий: уй хўжалиги маошдан ташқари бошқа даромад манбаларига эга эмас	Даромадларнинг катта кисмини трансферлар кўринишида олиш имконини беради	Даромадларнинг турли манбалари ўртасидаги чегараларнинг мослашувчанлиги
Жамғармаларнинг мухимлиги ва уларнинг миқдори	Жамғармалар миқдори уларнинг жамғаришга нисбатан мойиллиги билан белгиланади	Жамғармалар (тақчиллик туфайли) ҳам мажбурий, ҳам ихтиёрий хусусиятга эга	Жамғармалар асосан “суғурталаш” хусусиятига эга

### 14.3-жадвал давоми

Иқтисодий ресурсларни бирлаштиришнинг мақсадга мувофиқлиги	Уй хўжалиги аъзоларининг ҳар бири ноёб ресурсларга эга, шунинг учун турмуш куриш узоқ муддатли инвестициялаш тўғрисидаги қарор билан айнан бир хил	Оила асосида алоҳида турдаги ноёб ресурсларни бирлаштириш ётади-алоқаларга, маъмурий ҳуқуқларга (яшаш жойида рўйхатда туриш, партияга аъзолик) эга бўлиш	Хар бир оила аъзосидан мустақил даромад манбаларининг мавжуд бўлиши хатарни камайтириш имконини беради
Уй хўжаликларининг оптимал ўлчами	Ўзига хос ресурсларни ишлаб чиқариш имкониятининг камайишига қараб уй хўжаликларининг ўсиши тўхтайди	Уй хўжаликларининг ўлчамлари алоҳида ўзига хос ресурслар - алоқалар, турар-жой майдонлари ва ҳ.к.га эга бўлиш харажатлари билан чегараланганд	Ўлчамлар уй хўжалиги аъзоларининг ўхшаш бандлиги туфайли хатарларни диверсификация қилиш билан чекланади
Ички тузилма	Оддий иерархия, оила бошлигининг жинси аҳамиятга эга эмас	Оддий иерархия, партия иерархиясида юқори турган шахс. Оила бошлиғи	Оддий иерархия, энг кўп даромад оладиган шахс. Оила бошлиғи

*Буйруқбозлик иқтисодиётида уй хўжалиги.* Буйруқбозлик иқтисодиётида инсон капиталини тиклаш бир қатор муаммоларга дуч келади. Ташки муҳитнинг барқарор хусусиятга эгалигига қарамай, уй хўжалигининг кундалик ҳаёти истеъмол товарлари ва хизматларнинг танқислиги билан мураккаблашади. Бошқа ҳолатда маҳсулотлар ёки кийим-кечак харид қилишнинг мутаассиблик (тез-тез такрорланиб турувчи ҳолатлар) тадбири қўп вақт, куч ва руҳий хаяжонларни талаб қилувчи жараёнга айланади.

Буйруқбозлик иқтисодиётида уй хўжалигининг шаклланишини иқтисодий жиҳатдан асослаш унинг негизида танқис товар ва ресурслардан фойдаланишни кенгайтиришдан иборат бўлган. Партия-давлат поғонасидаги ўрнига кўра ноёб ресурслардан фойдаланишнинг табақаланиши уй хўжалиги ва давлатнинг ўзаро муносабатлари турини алоҳида ифодалаган. Уй хўжалиги бюджет чекловлари, корхонанинг бюджет чекловларига нисбатан анча қатъий бўлишига қарамай, уй хўжалиги томонидан давлатдан олинадиган пул (ижтимоий трансферлар) ва пул бўлмаган (нуфуз, тақчил товарлардан фойдаланишда устунлик) шаклдаги “рента даромадлари”ни ҳисобга олиш лозим.

Уй хўжалигининг давлатга юқори даражада қарамлиги буйруқбозлик иқтисодиётининг қўз илғамас тизим сифатида тавсифлаш имконини беради. Бирор-бир ижтимоий груп давлат ҳокимияти бошқаруви ва давлат ресурсларини тақсимлаш тизимиға қанча яқин бўлса, унинг ижтимоий ва иқтисодий мавқеи шунча юқори бўлган. Шунинг учун уй хўжалигини биринчи

галда давлат сиёсатининг унга партия-давлат поғонасидаги мавқеи асосида рентани олиш имконини берувчи йўналишлари қизиқтирган, булар: пенсия; уйжой коммунал хизматлари сиёсати; ижтимоий таъминот сиёсати; таълим соҳасидаги сиёсат.

*Бозор иқтисодиётида уй хўжалиги.* Бозор институти уй хўжалигини камёб товар ва хизматларни излаш ҳамда улар учун навбатда туриш билан боғлиқ вақтнинг йўқотилишидан халос этади – харид қилиш жараёни мутаассибликка (ҳар кун такрорланадиган бир хилдаги юмуш, вазифа) айланади. Масалан, шанба куни кечкурун ва дам олиш куни эрталабдан савдо дўконларида харидорлар кўп бўлади, шу кунлари кишилар анъанавий тарзда кейинги ҳафтага етадиган миқдорда харид қиласидар. Хариднинг мутаассибликка айланиши натижасида бўшаб қоладиган қисқа вақтли имкониятлар нима учун сарфланади?

Биринчидан, харид хатти-ҳаракатини оптималлаштириш. Агар буйруқбозлик иқтисодиётида нимани харид қилиш мумкин бўлса, ўша нарсани сотиб олиш муҳим ҳисобланса, бозор иқтисодиётида сифат ва нархнинг энг яхши ўзаро нисбати асосида истеъмол қилишда энг кўп фойдани таъминловчи товарни харид қилиш муҳим саналади. Истеъмолни оптималлаштириш ишлаб чиқарувчиларнинг реклама ёрдамида талабни тартибга солишга интилиши билан мураккаблашади. Реклама харид жараёнини мутаассибликка бутунлай айланишига тўскинлик қилган ҳолда, доимий равишда янги талабларни шакллантиради.

Иккинчидан, уй хўжалигининг у учун асосий даромад манбаи бўлган меҳнат бозорида иштирок этиши доимий назоратни талаб этади. Уй хўжалиги меҳнат бозоридаги бандликнинг муқобил варинатлари, уй хўжалигини юритиш ва бўш вақт ўртасида танланган ҳолда, меҳнат бозорида инсон капиталини фойдали тарзда сотишга интилади. Бир томондан, уй хўжалигининг аъзоси эгалик қиласидиган инсон капиталининг ўзига хослик даражаси қанча юқори бўлса, уй хўжалигини юритиш билан эмас, балки ўз меҳнат ресурларини бозорда сотиш билан шуғулланиш шунча фойдали.

Иккинчи томондан, инсон капиталининг ўзига хослик даражаси қанчалик паст бўлса, унинг эгаси учун уй хўжалигини юритиш билан чегараланиш шунчалик асослидир. Ўз навбатида, бандликни оптималлаштириш ҳам уй хўжалиги доирасида амалга ошади.

Уй хўжалигининг асосий даромад манбаларини бозор билан белгиланадиган соҳага йўналтириш унинг давлатдан кам қарам бўлишини таъминлайди. Давлат фаолияти уй хўжалигини фақатгина давлат меҳнат бозорида битимлар кафолати сифатида иштирок этиш даражаси ва у (солиқ кодекси орқали) уй хўжалиги даромадининг бир қисмига дарьвогар бўлиши учун қизиқтиради.

*Ўтиши иқтисодиётида уй хўжалиги.* Уй хўжалиги фаолият юритадиган институционал муҳитнинг ноаниқлиги ва бекарорлиги мутаассибликларнинг мавжуд бўлишини шубҳа остига қўяди. Бундай шароитда мутаассибликлар доимий равишда қайта кўриб чиқилишини талаб этади, яъни улар инсон

онгининг онгсиз соҳасидан онгли ва доимий эътиборни талаб этувчи соҳасига ўтади. Ислоҳотлар қанча фаол амалга оширилса, уларнинг мутаассибларга нисбатан салбий таъсири шунча кучли бўлади. Бундан ўтиш иқтисодиётида уй хўжалигининг мақсади келиб чиқади: уй хўжалигининг ҳимоя функциясини сақлаб қолишга интилиш борган сари ортиб борувчи саъй-ҳаракатларни ва имкон қадар кўп эътиборни талаб этади.

Асосий фаолиятдан олинадиган даромадлар ва рента даромадлари (пенсиялар, ижтимоий тўловлар, ходимнинг обрўси) билан юзага келадиган ноаниқликлар уй хўжалигини ўз фаолиятини максимал тарзда диверсификация қилишга мажбур этади, бинобарин, ҳар қандай даромад манбаи ҳам барқарор манба сифатида қаралиши мумкин эмас. Оила аъзоларининг инсон капиталини такрор ишлаб чиқаришга аниқ ихтисослашувига таянадиган бозор туридаги уй хўжалигидан фарқли ўлароқ, ўтиш иқтисодиётидаги уй хўжалиги ишчи қучини меҳнат бозорига таклиф этиш ҳамда ижтимоий трансферларни истеъмол қилиш, шунингдек, томорқа ери ёрдамида ўзини ўзи таъминлаш ва кўплаб бошқа фаолият турлари билан шуғулланади.

Турли иқтисодиётларда уй хўжаликлари фаолиятининг яна бир муҳим таққослаш мезони мавжуд бўлиб, давлатнинг ижтимоий сиёсати ҳисобланади. Масалан, бозор шароитидаги уй хўжаликлари учун меҳнат муносабатлари, солик ҳамда таълим соҳасидаги сиёсатлар муҳимдир. Бунинг асосий сабаби ушбу хўжаликлардаги сиёсат уй хўжалиги даромадига катта таъсири билан изоҳланади.

Режали иқтисодиётдаги уй хўжалиги учун эса нафақа, уй–жой–коммунал хизматлар ҳамда айрим тур ижтимоий таъминот, хизматлар соҳасидаги сиёсатлар, уларнинг даромади ҳамда уни жамғаришга катта таъсири этган.

Ўтиш иқтисодиётидаги уй хўжаликлари учун эса соғлиқни сақлаш соҳасидаги сиёсат, ижтимоий таъминот тизими ҳамда нафақа сиёсати устувор ҳисобланади. Булар ўтиш даври уй хўжаликларининг яшовчанлиги учун асосий омиллардан ҳисобланади. Уй хўжаликларининг турли иқтисодиётдаги таҳлил этилган тавсифлари, улар ривожланишини қонуниятларини ўрганиш ёндашувларини танлашга асос бўлиб хизмат қиласди.

Масалан, уй хўжаликларининг иқтисодий фаолиятини таҳлил қилишда уларни икки поғонага, яъни микро ҳамда макродаражага бўлиб ўрганиш ёндашувини қўллаш мақсадга мувофиқ ҳисобланади. Бунда микродаражада алоҳида (якка) уй хўжалигини иқтисодиётнинг кичик модели сифатида ажратиб кўриб чиқиш, макродаражада эса уй хўжаликлари йиғиндисини миллий иқтисодиётнинг алоҳида сектори сифатида таҳлил қилиш мумкин. Шунингдек, такрор ишлаб чиқариш ёндашуви тамойиллари асосида уй хўжаликларини товар ва хизматларга бўлган ялпи истеъмол талабини шакллантиришни асослаш, уй хўжаликлари жамғармаларининг иқтисодиётга инвестициялар киритишнинг муҳим манбалари эканлигини кўрсатиш, уй хўжаликлари секторини бошқа иқтисодиёт субъектлари билан ўзаро алоқаларининг асосий йўналишларини очиб бериш муҳим ҳисобланади.

#### **14.4. Уй хўжаликларининг иқтисодий ва молиявий функциялари**

Уй хўжаликлида юз берадиган барча иқтисодий муносабатларнинг моҳияти уларнинг функциялари орқали тавсифланади. Уй хўжалиги аъзолари томонидан иқтисодий фаолиятнинг амалга оширилиши жараёнида у иқтисодий бирлик (ташкилот) сифатида ишлаб чиқариш ва иқтисодий ноишлаб чиқариш функцияларини, молиявий тизим субъекти сифатида эса қайта тақсимлаш, тартибга соловчи ва назорат функцияларини бажаради (14.4-расм).



**14.4-расм. Уй хўжаликлари даромадлари шаклланиши ва уларни тақсимлаш функциялари**

Уй хўжалигининг ишлаб чиқариш функциялари дехқон хўжалигини юритиш, якка тартибдаги меҳнат фаолияти, оилавий тадбиркорлик билан боғлиқ.

Уй хўжалигининг ишлаб чиқариш функцияларига қўйидагиларни киритиш мумкин:

- дехқон хўжалигини юритиш. Бунда барча турдаги ер участкаларидан қишлоқ хўжалиги маҳсулотлари этиштириш учун фойдаланилади. Этиштирилган маҳсулотни ўзи истеъмол қилиши ҳам, бозорда сотиши ҳам мумкин. Бозор иқтисодиёти ривожланишининг ҳозирги босқичида ва иқтисодий инқироз шароитида дехқон хўжалиги аҳоли турмушини тўкин бўлишидаги аҳамияти янада ортди ҳамда оила даромадларининг муҳим манбаига айланди.

Деҳқон хўжалигида етишириладиган қишлоқ хўжалиги маҳсулотлари кўпайиши нафакат маҳаллий аҳолини мева ва сабзавотлар билан таъминлаш, балки уларни бошқа минтақалар бозорларида сотиш имконини ҳам кенгайтирди. Бу қишлоқ жойлари учун четдан пул маблағлари тушумининг муҳим манбаига ҳам айланди.

- якка тартибдаги уй меҳнати ва тадбиркорлик фаолияти. У билан асосан уй шароитида йирик корхоналар билан кооперация (касаначилик) негизида аҳоли учун кундалик эҳтиёж молларини ишлаб чиқариш ва турли ишлар бажарилади.

Якка тартибдаги тадбиркорлик фаолияти жараёнида қуидаги ишлар бажарилади:

- кийим-кечак тикиш, пойабзal тайёрлаш;
- хонадонларни таъмирлашда, дала ҳовлиларини қуришда фойдаланиладиган материалларни тайёрлаш ва сотиш;
- ҳунармандчилик маҳсулотларини тайёрлаш ва сотиш;
- маҳаллий доимий ва мавсумий ҳунармандчилик;
- озиқ-овқат маҳсулотлари тайёрлаш;
- ошхона маҳсулотлари тайёрлаш;
- оиласвий корхоналар (дўконлар, қаҳвахоналар, устахоналар ва ҳ.к.)ни ташкил этиш ва сақлаб туриш.

- оиласвий тадбиркорлик. Бу уй шароитида ёки алоҳида кичик корхоналарда тайёр маҳсулотлар ишлаб чиқариш; улар билан савдо – сотиқ қилиш; тўпланиб қолган кераксиз майда мулкларни сотиш; четдан олиб келинган товар ва маҳсулотлар билан савдо қилиш каби фаолият турларини ўз ичига олади.

Уй хўжаликларининг деҳқон хўжалигидаги ишлаб чиқариш ва оиласвий тадбиркорлик фаолиятидан 2005 йилда қарийб 4,5, 2016 йилда эса 55,8 трлн. сўм даромад олинган. Ёки шу даврда уй хўжаликлари тадбиркорлик даромадлари 12,5 мартаға кўпайган. Уй хўжаликларининг тадбиркорлик даромадлари аҳоли умумий даромадининг 39,4 фоизини ташкил этади (14.4-жадвал).

Уй хўжалигининг иқтисодий ноишлаб чиқариш функциялари жумласига қуидагилар киради:

- тураг жой майдони, дала ҳовлилари, узоқ муддатли фойдаланиладиган буюмлар, автомобиллар, гаражлар, саройлар ва бошқа мулкларни ижарага бериш;

- қимматли қофозларни харид қилиш ва улардан фойдаланиш, банкдаги омонатлар билан операцияларни амалга ошириш.

Уй хўжаликлари ноишлаб чиқариш фаолиятидан олинган даромадлар ҳам кейинги йилларда тез ўсиш тенденциясига эга. Статистик маълумотларга кўра, уй хўжаликлари мулкидан олинган даромад 2005 йилда 35,1 млрд. сўмдан,

2016 йилда 3681,6 млрд. сўмга ошган. Ёки шу даврда ўсиши қарийб 105 мартаға тенг бўлган (14.4-жадвал).

14.4-жадвал

**Уй хўжаликлари даромадларининг ўзгариш динамикаси**

(млрд. сўм)

Кўрсаткичлар	2005 й.	2007 й.	2009 й.	2010 й.	2016 й.	2016 йилда 2005 йилга нисбатан ўсиш, марта
Аҳолининг ялпи даромади ЯИМга нисбатан %да	11674 73,3	20906 74,2	36430 73,8	47760 76,6	141601 77,0	12,1 3,7 ф.п.
Тадбиркорлик фаолияти даромади	4476, 4	8123, 1	12317	17656	55811	12,5
Мулкдан олинган даромад	35,1	57,7	135,6	191,1	3681	105
Маош кўринишидаги даромад	3771	6929	12969	16886	57804	15,3
ЯИМга нисбатан %да	23,7	24,6	26,3	27,1	29,0	5,3 ф.п.
Натурал шаклдаги даромад	1035	1635	2468	2870	5979	5,8
ЯИМга нисбатан %да	6,5	5,8	5,0	4,6	3,0	-3,5 ф.п.
Пенсия ва бошқа ижтимоий трансферлар	1508	2666	4938	6239	18138	12
ЯИМга нисбатан %да	9,5	9,5	10,0	10,0	9,1	-0,4
Бошқа даромадлар	849,4	1553	3738	4110	3867	4,6

Манба: ЎзР Иқтисодиёт вазирлиги маълумотлари асосида тузилган.

Шу билан бирга бозор муносабатлари ва рақобатни шакллантириш учун уй хўжаликлари муайян ҳажмдаги молиявий ва мулкий салоҳиятга эга бўлиши лозим. Бу:

- кўчмас мулк (ер участкаси, квартира, бошқа бинолар);
- капитал активлар (ускуналар, асбоб-анжомлар, иш ҳайвони);
- молиявий активлар (пул, қимматли қоғозлар ва б.);
- мол-мулк (узоқ муддат фойдаланиладиган товарлар).

Уй хўжаликлида бундай активларнинг мавжудлиги уларга мустақиллик беради ва бозорда рақобат курашини олиб бориш имкониятини яратади. Умуман олганда мамлакатда бозор муносабатларини ривожлантириш учун шароит яратади.

Уй хўжалигининг даромадлари, одатда, мақсадли йўналишга эга бўлган алоҳида ажратилган пул жамғармалари кўринишида шаклланади. Уй хўжалигига оиланинг иккита асосий пул жамғармаси ташкил этилади:

- оиланинг шахсий эҳтиёжларини қондириш (озик-овқат маҳсулотлари, саноат ишлаб чиқариши товарларини харид қилиш, турли пулли хизматлар ҳақини тўлаш) учун мўлжалланган истеъмол жамғармаси;

- келгусида қимматбаҳо товарларни харид қилиш ёки фойда олиш учун капитал сифатида фойдаланиладиган омонатлар жамғармаси.

Даромадларни жамғарма шакли уй хўжалигининг эҳтиёжини хўжалик аъзоларининг имконияти билан боғлаш ҳамда оиладаги ҳар бир кишининг эҳтиёжи қандай қондирилаётганлигини назорат қилиш имконини беради. Шуларни инобатга олганда уй хўжаликларида молиявий ресурсларни шаклланиш ва уларни тақсимлаш функциялари амал қилиши муҳим ҳисобланади.

Уй хўжалиги молияси — оила аъзоларининг якка тартибдаги меҳнат фаолияти натижасида яратиладиган пул маблағларини шакллантириш ва улардан фойдаланиш билан боғлиқ иқтисодий пул муносабатлари йифиндиси ҳисобланади.

Уй хўжаликлари молиявий ресурсларни тақсимлаш функциясини бажарган ҳолда ишлаб чиқариш омилларидан бири сифатида ишчи кучини қайта тиклаш жарёнининг узлуксизлигини моддий ресурслар билан таъминлайди. Уй хўжалиги молиясининг айнан ушбу функцияси орқали ҳар бир инсонни унга ҳаёт кечириш учун зарур бўлган ресурслар билан таъминлаш амалга оширилади.

Уй хўжалигининг молиявий муносабатлари иккита гурухни ўз ичига олади:

1) иш ҳақи, пенсиялар, нафақалар ва ҳ.к. кўринишида бошланғич даромадларни яратган ҳолда ушбу хўжалик бирлиги билан молия тизимининг бошқа бўғинлари (давлат молияси – бюджетлар ва бюджетдан ташқари фонdlар ҳамда тижорат ташкилотлари ва корхоналарининг молияси) ўртасидаги муносабатлар;

2) маблағлар алоҳида ажратилган пул жамғармаларини ҳосил қилган ҳолда тақсимланадиган ва алоҳида ажратиладиган ҳолларда уй хўжалигининг аъзолари ўртасидаги муносабатлар.

Уй хўжалигининг соф даромади – умумий даромаднинг солиқлар ва бошқа мажбурий тўловлар тўланганидан кейин уй хўжалигининг ихтиёрида қоладиган қисми тақсимлаш функцияси амал қилишининг обьекти ҳисобланади. Тақсимлашнинг субъектлари жумласига уй хўжалигининг барча иштирокчилари киради.

Бозор иқтисодиёти шароитида уй хўжалиги мустақил хўжалик юритувчи субъект ҳисобланади, яъни уй хўжалиги аъзоларининг турмуш даражаси унинг улущига тўғри келадиган даромаднинг миқдорига боғлиқ. Ушбу миқдорга бир қатор омиллар таъсир кўрсатади. Ушбу омиллар таъсири остида у ҳам ошибб, ҳам камайиб туриши мумкин. Шунинг учун истеъмолнинг одатий даражасини сақлаб туриш мақсадини кўзлаган ҳолда уй хўжалиги турли жамғармалар бўйича олинган даромаднинг тақсимланиши, ушбу жамғармалар маблағларидан мақсадли фойдаланиш устидан назоратни амалга ошириши зарур. Бу уй хўжалиги молиясининг назорат функцияси ҳисобланади.

Уй хўжаликлари молиясининг яна муҳим бир функцияси – инвестициялаш функцияси ҳисобланади. У шундан иборатки, уй хўжаликлари иқтисодиёт учун асосий молиявий ресурслар таъминотчиларидан бири ҳисобланади. Уй хўжаликлари даромадларининг ўсиши мазкур функцияни

бажариш учун моддий асос ҳисобланади. Кўпинча уй хўжаликларининг инвестициялаш функцияси фақат капиталлаштириладиган даромадлар улуши билан боғланади. Лекин бу бир томонлама ёндашув ҳисобланади. Аслида эса истеъмол улушининг ортиши иқтисодиётда инвестицияларнинг ўсишига хизмат қилувчи омил ҳисобланади.

Статистик маълумотларга кўра, 2005 йилда асосий капиталга уй хўжаликлири 3165,2 млрд. сўм инвестиция киритган, бу кўрсаткич 2016 йилда 2005 йилга нисбатан 15,6 марта ошган ёки 46310,8 млрд. сўмга тенг бўлган. Бу мамлакат ЯИМ нисбатан 4,9 фоизни, жами инвестицияларга нисбатан эса 24,5 фоизни ташкил этади (14.5-жадвал).

14.5-жадвал

### **Ўзбекистонда уй хўжаликларининг асосий капиталга инвестициялар киритиш динамикаси**

(млрд. сўм)

Кўрсаткичлари	2005 й.	2006 й.	2007 й.	2008 й.	2009 й.	2010 й.	2016 й.	2016 й.да 2005 й.га нисбатан ўсиш, %
Асосий капиталга инвестициялар	3165,2	4041,0	5903,5	9555,9	12531,9	15338,7	49476	15
ЯИМга нисбатан %да	19,9	19,1	20,9	24,5	25,4	24,6	24,8	4,9 ф.п.
Аҳоли маблағи	361,1	477,9	643,8	834,6	1325	2448,9	12108	33,5
ЯИМга нисбатан %да	2,3	2,3	2,3	2,1	2,7	3,9	6,1	3,8 ф.п.
Умумий инвестицияга нисбатан %	11,4	11,8	10,9	8,7	10,6	16,0	24,5	10,1 ф.п.

Манба: ЎЗР Иқтисодиёт вазирлиги маълумотлари асосида тузилган


Уй хўжаликларининг молиявий ресурслари қуйидаги манбалардан келиб тушадиган маблағлар ҳисобига шаклланади:

- ўз маблағлари, яъни оиланинг ҳар бир аъзоси томонидан ишлаб топилган маблағлар – иш ҳақи, деҳқон хўжалигидан келадиган даромад, тижорат фаолиятидан кўриладиган фойда;
- кредит ташкилотларидан олинган кредит шаклида бозорга сафарбар этилган маблағлар, дивидендлар, фоизлар;
- қайта тақсимлаш тартибида келиб тушган маблағлар – пенсиялар, нафақалар, бюджетлардан ва бюджетдан ташқари фонdlардан олинган ссудалар.

Уй хўжалиги пул маблағлари марказлаштирилган молия (давлат ва маҳаллий бюджетлар ҳамда бюджетдан ташқари ижтимоий фондлар), мулкчиликнинг тури шаклларидағи корхоналарнинг марказлашмаган молияси ва молиявий бозор билан ўзаро ҳамкорлик қиласи. Улар ўртасида узлуксиз пул оқимлари юзага келади.

Пул оқимлари уй хўжаликлирида тижорат корхоналари, фермер хўжаликлири, тури ташкилотлар, ижтимоий соҳа ва истеъмол бозори субъектлари билан ҳам юзага келади (14.5-расм). Улардан товар ва хизматларни қўлга киритиб, уй хўжаликлири уларга пул шаклида олинган тури неъматлар қийматини қайтаради. Шу билан бирга юридик шахслар уй

хўжаликларини мазкур жамоа аъзоларида тегишли мулк мавжуд бўлган ҳолларда кредит ресурслари, фойда, дивиденdlар, фоизлар, ижара тўлови билан ҳам таъминлашлари мумкин.



**14.5-расм. Уй хўжаликларининг бошқа иқтисодиёт субъетлари билан ўзаро алоқалари**

Уй хўжаликларининг иқтисодиётдаги роли яна шунда намоён бўладики, улар, бир томондан, корхоналарнинг бирламчи эгалари бўлгани ҳолда уларга ишлаб чиқариш омилларини тақдим этади, иккинч томондан, тўловга қодир талабни шакллантирган ҳолда бозорда корхоналар томонидан ишлаб чиқариладиган товар ва хизматларнинг харидорлари сифатида иштирок этади. Уй хўжаликлири иқтисодий фаолиятда иштирок этишининг асосий мотиви – унинг аъзоларининг моддий эҳтиёjlарини имкон қадар тўлиқ қондиришдан иборат.

#### **14.5. Ўзбекистон иқтисодиётида уй хўжаликларининг ўрни ва ривожланиш тенденциялари**

Ўзбекистонда давлат мустақиллигининг дастлабки йилларидан бошлаб амалга оширилган институционал ислоҳотлар жараёнида шаҳар ва қишлоқ аҳолиси уй хўжаликлари ривожланишини ҳар томонлама қўллаб-қувватлаш ва рағбатлантириш тизими шаклланди. Унга мувофиқ уй хўжаликларига қўшимча ер участкалари ажратиш, кам таъминланган оиласалар учун қорамоллар, пул маблағлари ҳамда ёш оиласаларга уй – жой бериш йўлга қўйилган. Натижада мамлакат бўйича уй хўжаликлари сони ҳамда даромадлари кескин кўпайди, айниқса, уларнинг тадбиркорлик фаолияти ривожланиши тезлашди.

Таҳлиллар шуни кўрсатадики, мамлакат иқтисодиётида ялпи ички маҳсулот (ЯИМ) ишлаб чиқаришнинг ўсиш суръати 2000 – 2004 йилларда ўртача 4,1 фоизга, 2005 – 2007 йилларда 8 фоизга, 2008 йилда 9 фоизга тенг бўлган бўлса, жаҳон молиявий-иктисодий инқирози даврида қўплаб хорижий давлатларда (масалан, АҚШ, Япония, Германия ва б.) иқтисодий ўсиш сезиларли даражада пасайган бир пайтда, Ўзбекистонда бу кўрсаткич 2009 йилда 8,1, 2010 йилда 8,5, 2011 йилда эса 8,3 фоизга тенг бўлди. Умуман олганда, 2000–2011 йиллар давомида Ўзбекистонда ЯИМ 2 мартадан кўпроққа ошли [21].

Мамлакатимиз аҳолиси сонининг мунтазам ўсиб боришига қарамай, ЯИМ ўсиш суръатлари аҳоли жон бошига уни ишлаб чиқаришни ошишини таъминлаб берди. Агар аҳоли сони 2011 йилда 2005 йилга нисбатан 11,7 фоизга кўпайган бўлса, шу даврда аҳоли жон бошига тўғри келадиган ЯИМ 4,4 марта ошгани бунинг исботи ҳисобланади. Шу билан бир вақтда аҳоли умумий даромади шу даврда 11674 млрд. сўмдан 63282 млрд. сўмни ташкил этди. Ёки ушбу кўрсаткичнинг ўсиши 2011 йилда 2005 йилга нисбатан 5,4 марта ошган.

Бундай ижобий ўзгаришларда республика уй хўжалиги сектори ҳам ўзига хос ўрин тутади. Статистик маълумотларга қараганда, республикада 2010 йилда 5389,1 мингта ва 2011 йилда 5752,8 мингта уй хўжаликлари мавжуд бўлиб, улар сони 2005 йилга солиширганда 12,1 фоизга ошган. Эксперт баҳоларга қараганда республикада шулардан 3,7 млн. дан ошиғи қишлоқ аҳолиси уй хўжаликлари ҳисобланади.

Республика шаҳар ва қишлоқ туманларини ҳам қўшиб олганда, уй хўжаликлари сони (2011 й.) Самарқанд (646,8 минг), Фарғона (644,6 минг), Тошкент (536,9 минг), Қашқадарё (518,9 минг), Андижон (472,5 минг), Наманган (448,6 минг) вилоятлари ҳамда Тошкент шаҳрида (606 минг) энг кўп ҳисобланади. Бундай юқори кўрсаткичлар ушбу минтақаларда аҳоли сони кўплиги билан тавсифланади.

Ўзбекистонда уй хўжаликлари сонининг ошиши уларга якка тартибда уй – жой қуриш ҳамда дехқон хўжалиги юритиш учун ажратиб берилаётган томорқа ерларининг кўпайишига олиб келмоқда.

Ўзбекистонда уй хўжаликлари ихтиёридаги умумий ер майдони 2000 йилда 579,3 минга гектарни ташкил этган ва бу кўрсаткич 2011 йилда 617,2 минга тенг бўлган (14,6-жадвал). Шундан қишлоқ хўжалиги ерлари 500 минг

гектардан ошиқ бўлиб, 2000 йилга солиштирганда 6,9 фоизга кўпайган. Уй хўжаликлари гектарни ташкил этган ва бу республикадаги бутун ҳайдаладиган ерларнинг 10 фоизидан кўпроғини ташкил этади. Уй хўжаликлари ажратилган ерларнинг 474,2 гектарида қишлоқ хўжалиги маҳсулотлари етиштиради (дехқон хўжаликлари шаклида) ва бу ер майдони 2011 йилда 2000 йилга нисбатан такрор экинларни ҳам кўшиб ҳисоблаганда 18 фоизга кўпайган.

#### 14.6-жадвал

#### Ўзбекистонда уй хўжаликлари ер майдонларининг таркиби ва улар ўзгариш динамикаси

Йиллар	Умумий ер майдони		Қишлоқ хўжалиги ерлари		шундан				Экин майдони, минг га**
	минг га	%*	минг га	%*	ҳайда ладиган ерлар	%*	боғ ва узум зорлар	%*	
2000	579,3	2,3	468,2	2,3	395,9	9,8	72,4	21,3	401,5
2005	612,1	2,7	497,3	2,9	422,8	10,5	74,5	22,9	441,9
2006	623,4	2,8	509,3	2,9	434,8	10,8	74,5	23,2	454,8
2007	622,5	2,8	507,6	2,9	432,9	10,7	74,7	23,0	458,0
2008	621,7	2,8	506,0	2,9	430,6	10,6	75,4	23,0	466,7
2009	621,4	2,8	505,0	2,9	426,1	10,5	78,9	23,9	472,8
2010	619,2	2,9	502,7	3,1	423,8	10,5	78,9	23,6	471,8
2015	617,2	3,0	500,9	3,2	420,9	10,5	79,8	22,3	478,6
<b>2015 йилда 2000 йилга нисбатан ўсиш, %</b>	<b>6,5</b>	<b>0,7 ф. п.</b>	<b>6,9</b>	<b>0,9 ф. п.</b>	<b>106,5</b>	<b>0,6 ф. п.</b>	<b>8,9</b>	<b>2,1 ф. п.</b>	<b>18,1</b>

Манба: ЎзР Давлат статистика қўмитаси маълумотлари асосида тузилган.

\* Республика қишлоқ хўжалиги ерларида дехқон хўжаликлари ерларининг улуши

\*\* Такрор экинлар майдони билан

Умуман олганда уй хўжаликлари улушкига республикадаги жами ер майдонларининг 3 фоизи, қишлоқ хўжалик ерларининг 3,2; ҳайдаладиган ерларнинг 10,4 фоизи тўғри келади.

Республикада доннинг 18,3 фоизи, картошканинг қарийб 80 фоизи, сабзавот маҳсулотларининг 63,9 фоизи, меванинг 51,1 фоизи, узумнинг 42,7 фоизи уй хўжаликлида ишлаб чиқарилади. Ушбу фоиз кўрсаткичлари 2005 йилга нисбатан бирмунча пасайган (дон маҳсулотларидан бошқа) бўлсада, уларни ишлаб чиқариш ҳажми шу даврда ўсиб бориш тенденциясига эгадир. Масалан, уй хўжаликлида картошка ишлаб чиқариш 2015 йилда 2005 йилга нисбатан 232,8 фоизга, сабзавот – 251,9; мева – 229,8; узум – 214,4 фоизга ошган. Шу билан бир вақтда, уй хўжаликларининг чорва моллари ва паррандаларнинг бош сони ҳамда маҳсулотларини ишлаб чиқаришдаги ўрнининг юқори даражаси сақланиб қолмоқда.

Қишлоқ хўжалигидаги қора моллар сонининг 90 фоизидан кўйпроғи, қўй ва эчкilarнинг қариб 80 фоизи, паррандаларнинг 60 фоиздан ортиғи уй хўжаликларида жойлашган. Республикада ўртача битта уй хўжалигига (қишлоқ жойларида) 2,3 бош қорамол (шундан бир боши соғин сигир), 3,3 бош қўй ва эчки, 6 бош парранда тўғри келади.

Статистик маълумотларга кўра, 2015 йилда 2000 йилга солиштирганда уй хўжаликларида қорамоллар сони 1,8 марта, шундан сигирлар 1,7 марта кўпайган. Бу уй хўжаликлининг республика бўйича шу даврда қорамоллар подасидаги улушини 7,2 фоиз пунктига, сут ишлаб чиқариш ҳажмини эса 1,9 марта ошириш имкониятини берди. Шу билан бир вактда ушбу даврда қўй ва эчкilar, паррандалар сони мос равишда 2 ва 2,5 марта кўпайган. Булар ҳаммаси республика уй хўжаликларида гўшт ва тухум ишлаб чиқариш ҳажмини тез суръат билан ўсиб боришини таъминлади.

Экинлар ҳосилдорлиги ҳамда 1 гектар ердан олинган маҳсулот қийматларини таққослаш шундан далолат берадики, республика уй хўжаликлири, мамлакатимизда тобора ривожланиб бораётган фермер хўжаликларига нисбатан юқори иқтисодий кўрсаткичларга эга. Буни биринчи навбатда экинлар ҳосилдорлигининг ўсиш тезлиги ҳамда уларнинг жисмоний ҳажмининг ўзгаришида кузатиш мумкин.

Статистик маълумотларга кўра, дон ҳосилдорлиги фермер хўжаликларида 2015 йилда 2000 йилга нисбатан қариб 2 марта, дехқон хўжаликларида эса шу даврда 1,5 марта кўпайган. Аммо, дехқон хўжаликларида дон экинлари ҳосилдорлиги бир гектаридан 2015 йилда 69,6 центнерга, фермер хўжаликларида эса 44,1 центнерга тенг бўлган. Ёки шу даврда дехқон хўжаликларида 1 гектар ердан фермер хўжаликларига нисбатан 25 центнер кўп дон ҳосили етиширилган (14.7-жадвал).

Худди шундай нисбатлар картошка, сабзавот, полиз ва бошқа маҳсулотлар ҳосилдорлигининг ўзгариш динамикасида ҳам кузатилади. Бундай ижобий ўзгаришларни фермер ҳамда дехқон хўжаликларида ишлаб чиқарилган қишлоқ хўжалиги маҳсулотлари қийматининг ўзгаришида ҳам кўриш мумкин.

14.7-жадвалда келтирилган маълумотларга кўра, 2000 – 2015 йиллар давомида фермер хўжаликлири маҳсулоти қийматининг 32 марта, дехқон хўжаликларида эса 10,7 марта кўпайган. Дехқон хўжаликлири 2015 йилда, фермер хўжаликларда ишлаб чиқарган маҳсулотлар қийматига нисбатан 22 марта кўп маҳсулот ишлаб чиқарган. Ушбу нисбат 2000 йилда 19,2 марта ташкил этган. Бундай ҳолатни, биринчидан, қишлоқ хўжалиги маҳсулотларини ишлаб чиқаришдаги дехқон хўжаликлининг катта тажрибаси билан ва иккинчидан, улар маҳсулотлари таркибида бозор баҳоси нисбатан юқори бўлган гўшт, сут, тухум ҳамда уй шароитида қайта ишланган маҳсулотлар улуши катталиги билан изоҳлаш мумкин.

Мамлакатимиз уй хўжаликларида дехқончилик ва чорва маҳсулотларини ахоли ва бозор талаблари асосида диверсификация қилиниши, давлат томонидан уларни қўллаб – қувватлаш, нафақат уй хўжаликлининг қишлоқ хўжалиги маҳсулотлари ишлаб чиқаришини узлуксиз ривожига ва

таркибий ўзгаришларга олиб келди, балки уй хўжалигида маҳсулотлар ишлаб чиқариш самарадорлигига ҳам ижобий таъсир кўрсатди.

### 14.7-жадвал

#### Ўзбекистон уй хўжаликларида қишлоқ хўжалик маҳсулотлари ишлаб чиқариш самарадорлиги кўрсаткичлари

Йиллар	Асосий экин турлари хосилдорлиги, ц/га							
	Дон экинлари		Картошка		Сабзавот		Полиз	
	Фермер хўжалиги	Деҳқон хўжалиги	Ф/х	Д/х	Ф/х	Д/х	Ф/х	Д/х
2000	22,3	38,8	118,5	143,5	154,1	228,7	77,7	185,0
2005	38,1	53,6	158,3	189,0	221,3	273,2	138,9	238,3
2006	39,5	54,2	208,3	192,3	290,1	273,8	167,9	243,9
2007	41,4	57,1	226,1	211,9	292,5	294,6	194,2	247,8
2008	40,2	58,8	228,8	235,2	304,6	330,5	201,7	269,1
2009	43,7	57,5	263,8	241,5	343,8	346,5	234,3	254,9
2010	42,4	58,8	214,8	247,9	374,9	362,9	225,7	277,7
2015	44,1	69,1	374,1	283,5	497,1	481,3	323,8	333,0
<b>2015 йилда 2000 йилга нисбатан, марта</b>	<b>2,0</b>	<b>1,8</b>	<b>3,1</b>	<b>2,0</b>	<b>3,2</b>	<b>2,1</b>	<b>4,2</b>	<b>1,8</b>

Манба: ЎзР Давлат статистика қўмитаси маълумотлари асосида тузилган.

Шундай қилиб, таъкидлаш мумкинки, уй хўжаликларида ердан фойдаланиш ҳамда деҳқон хўжалигини юритиш иқтисодий жиҳатдан бошқа тоифадаги хўжаликларга нисбатан самарали ҳисобланади. Шуларни ҳисобга олганда уй хўжаликларини мамлакатимиз ва унинг ҳудудлари ривожидаги роли ва аҳамиятини янада ошириш, улар салоҳиятидан тўлиқ фойдаланиш имкониятларини баҳолаш муҳим ҳисобланади.

#### Қисқача хулоса

Институционал ёндашув асосида уй хўжалигини барча хусусиятларга эга бўлган ўзига хос ташкилот (иктисодиёт субъекти) сифатида таърифлаш мумкин.

Уй хўжалигининг асосий функцияси инсон капиталини асрар ҳисобланади. Ушбу функцияни самарали бажарилиши ўзаро боғлиқ ҳамда бошқа иқтисодий функцияларнинг ажратилиши билан белгиланади.

Хозирги бозор муносабати шароитида уй хўжалиги бошқа иқтисодий субъектлар билан доимий ўзаро ҳамкорликка киришади. Шунинг учун уй хўжалигини институционал ривожлантириш жараёни доирасида уларнинг давлат билан ўзаро муносабатлари муаммоси долзарб аҳамият касб этади.

Уй хўжаликлари ривожланишининг ҳозирги босқичида, уларнинг умумий даромади асосан учта манба ҳисобига шаклланмоқда, яъни меҳнат ҳақи, тадбиркорлик ва мулқдан олинган даромадлар ҳамда ижтимоий тўловлар. Барча

манбалар ичидә уй хўжаликлари даромадларининг оила тадбиркорлиги фаолиятидан олинган қисми ҳисобига улар кўпайиши кузатилмоқда.

### ***Таянч сўз ва иборалар***

Уй хўжалиги, оила, инсон капитали, ҳимоя вазифалари, буйруқбозлик иқтисодиётида уй хўжалиги, бозор иқтисодиётида уй хўжалиги, ўтиш иқтисодиёти даврида уй хўжалиги, ишлаб чиқариш ва ноишлаб чиқариш, молиявий ресурслар, жамғармалар.

### ***Такрорлаш учун саволлар***

1. Уй хўжалиги таърифини келтиринг ва унинг ташкилот сифатидаги ўзига хос хусусиятлари нималардан иборатлигини айтинг.
2. Оила билан уй хўжалиги ўртасидаги фарқ нимада?
3. Уй хўжалигини юритиш ва инсон капиталини шакллантиришда қандай вазифалар амалга оширилади?
4. Уй хўжалигининг қандай шакллари мавжуд ва уларнинг ўзаро фарқи нимада?
5. Уй хўжаликлари қандай иқтисодий функцияларини бажаради?
6. Уй хўжаликларининг молиявий функцияларига нималар киради?
7. Ўзбекистонда уй хўжаликларининг ривожланиш тенденцияларини изоҳлаб беринг.

## **XV - боб. РИВОЖЛАНИШНИНГ ИНСТИТУЦИОНАЛ НАЗАРИЯСИ ВА ТАШКИЛИЙ ИННОВАЦИЯЛАР СУБЪЕКТАЛАРИ**

### **15.1. Ривожланишнинг институционал назарияси**

Ташкилотнинг учта асосий тури – фирма, давлат ва уй хўжалигининг юқоридаги таҳлили (IX, XII, XIV – боблар) бизни узоқ муддатли ривожланишнинг институционал назариясини ифодалашга имконият беради. Биринчи ўринда эслатиб ўтиш зарурки битимлар бўйича кафил сифатида давлатнинг унга аралашуви иккита иқтисодий ўзгаришга замин яратди. Иккинчи томондан, демократик давлат ўз фуқароларининг ишлаб чиқариш фаолиятига бўлган қизиқишини доимо қўллаб – қувватлаши ва иқтисодий ўсишни рағбатлантирган ҳолда мулк хуқуқларининг самарали тақсимланишини мустаҳкамлаши лозим. Фирма ва уй хўжалиги ҳақида гапирганда улар фаолиятдаги тез ўзгарувчанлик жиҳатларини таъкидлаш лозим. Шу нуқтаи назардан ривожланишни назариясини институционал талқин этишда давлат, фирма, уй-хўжалигини ана шу ва бошқа унсурларини тизимга солиш зарур.

Шуларни ҳисобга олиб биринчи галда ривожланиш назариясининг асосий вариантлари ва уларда институционал омиллар тутган ўрин ҳақида тўхталиб ўтамиз. Биринчидан, ривожланиш назариясининг неоклассик вариантида (Р.Солоу, Р.Барро, Р.Лукас) капитални тўплаш, омонотлар нормасининг ўзгариши, аҳолининг ўсиши, инсон капиталини тўплаш ва техник тараққиёт каби узоқ муддатли ўсиш омилларига ургу берилади<sup>57</sup>. Институционал омиллар жумласига ушбу ҳолатда факат инсон капиталини киритиш лозим, чунки уни такор барпо этиш уй хўжалиги, фирма (learning-by-doing орқали) ва давлатнинг (таълим соҳасидаги сиёsat орқали) биргаликдаги саъй-харакатлари ёрдамида амалга оширилади.

Иккинчидан, иқтисодий ривожланишнинг Кейнс ёндашувини статиклик учун танқид қилувчи неокейнсиан назариялари (Р.Харрод, Э.Хансен)<sup>58</sup>. Неокейнсиан назарияси вакиллари омонатга бўлган ўта мойилликка, давлат харажатларининг миқдорларига, капиталнинг энг юқори самарадорлиги миқдорига эътибор қаратади. Ривожланишнинг неокейнсиан назарияси вакиллари кўрсатган омиллардан ҳар бирини институционал нуқтаи назардан талқин этиш мумкин бўлса-да (масалан, омонатга бўлган ўта мойилликка – уй хўжалиги мутаассиблиги орқали), капиталнинг энг юқори самарадорлиги талқини катта қизиқиш уйғотади. Бундай қизиқишининг сабаби капиталнинг энг юқори самарадорлиги билан иқтисодий агентлар кутишларининг шаклланиши жараёни ўртасидаги боғлиқликда ҳисобланади.

«Айнан ушбу капитал фонди энг юқори самарадорлигининг кутишлардаги ўзгаришларга боғлиқлиги капитал энг юқори самарадорлигининг кескин ўзгаришларга мойиллигини белгилаб беради»<sup>59</sup>. Кутишлар эса

<sup>57</sup> Дорибуш Р., Фишер С. Макроэкономика. М.: Издательство МГУ/Иифра-М, 1997, с. 708-718.

<sup>58</sup> Харрод Р. К теории экономической динамики. В кн.: Харрод Р., Хансен Э. Классики кейнсианства. М.: Экономика, т. 1, с. 58.

<sup>59</sup> Кейнс Дж. Избранные произведения. М.: Экономика, 1993, с. 335.

иктисодий агент томонидан фонд бозоридаги битимларнинг бошқа иштирокчиларини кузатиш асосида шаклланади. Бундан кўплаб мувазанатли якуний ҳолатлар эҳтимоли пайдо бўлади ва уларнинг ҳар бирига эришиш учун ушбу якуннинг ҳақиқийлигига бозор иштирокчилари етарлича сонининг ишониши кифоя қиласи. «Кутилаётган воқеа бир вақтнинг ўзида кутишларнинг натижаси ҳисобланади» (self-fulfilling prophecies, etats autorealisateurs)<sup>60</sup>. Бошқача айтганда, иктисодий ўсиш суръатлари бозорда оптимистик ҳолатларнинг ҳукумронлигини акс эттиради. Ўсиш истиқболлари давлатнинг юқори оптимистик рухга ишонч ҳиссини уйғотишга қодирлиги билан белгиланади. Шунингдек, агар давлатга ишонч бўлмаса, унинг кутишларни шакллантириш борасидаги ҳар қандай сиёсати муваффақиятсизликка учрайди.

Ўзбекистонда қабул қилинган Ҳаракатлар стратегияси<sup>61</sup> ривожланиш истиқболларини белгилаш билан уни қўллаб – қувватлаш чора – тадбирларини ҳамда халқ манфаатларини ҳисобга олади. Стратегиянинг ушбу жиҳатлари кутишнинг юқори натижавийлигини таъминлайди.

Учинчидан, Й.Шумпетернинг иктисодий ривожланиш назарияси, унинг марказида ишлаб чиқариш омиллари, янги маҳсулотлар, янги бозорлар ва янги технологияларнинг янги комбинациялари муаллифи сифатида инноватор-тадбиркор сиймоси туради<sup>62</sup>. Бу ерда санаб ўтилган омиллар иктисодий тизимни вақтинча мувазанатдан чиқаради («шумпетер шоки ҳолати») ва Шумпетер шоки ҳолатга мослашиш сифатида иктисодий ўсишни рафбатлантиради. Институционал нуқтаи назардан тадбиркор сиймосининг ўзи эмас, балки ташқи муҳит, у ҳаракат қилаётган бозорнинг институционал тузилмаси қизиқиши уйғотади. Янги неъматлар бозорда таклиф этилаётган неъматларга нисбатан тўлиқ субинститутлар ҳисобланмайди, бу эса инноваторга монопол мавқени ва нархларни белгилашда эркинликни таъминлайди. Такомиллашмаган рақобат шароитида нархни шакллантириш билан бирга янги неъматлар ишлаб чиқаручилари ва уларнинг истеъмолчилари ахборот билан алмашиб ҳамда манфаатларни мувофиқлаштириш имконини берувчи алоҳида институционал доиралардагина янги даражада мувазанатга эришиш мумкин. «Агар иктисодий тизим мувазанатдан чиқарилган бўлиб чиқса, у ҳолда биринчи галда трансакциялар ва бозорнинг институционал тузилмасига эътибор қаратиш зарур»<sup>63</sup>.

Ўсишнинг институционал назарияларида институтлар ва ташкилотларга бериладиган ролни кўриб чиқиб, биз ривожланишнинг институционал назарияси жавоб бериши лозим бўлган талабларни қуидагича ифодалашимиз мумкин:

<sup>60</sup> Orlean A. L'auto-referencne dans la theorie kcynesienne de la speculation. - Carriers d'economie politique, 1988, Mo 14-15, p. 236.

<sup>61</sup> «Ўзбекистон Республикасини янада ривожлантириш бўйича Ҳаракатлар стратегияси тўғрисида». Ўзбекистон Республикаси Президентининг Фармони. 07.02.2017 й., ПФ-4947.

<sup>62</sup> Шумпетер И. Теория экономического развития. М.: Прогресс, 1982, с. 169-170.

<sup>63</sup> Fisher F. La formation des grandeurs economiques: desequilibre et instabilite. In: La formation des grandeurs economicques. J. Cartel it:t (ed.). Paris, Presses Univrsitaires dc France, 1991, p. 46.

- ҳаракатлари узок муддатли ўсишга олиб келиши мумкин бўлган барча субъектларни ҳисобга олиш. Тадбиркор сиймоси – давлат, фирма ва уй хўжалиги каби бир қатор ривожланиш субъектлари ичида ягона;
- узок муддатли ривожланиш субъектлари ҳаракат қиладиган институционал шароитларни ҳисобга олиш. Институционал шароитлар новаторларнинг фаолиятини чекламайдиган, балки, аксинча, рағбатлантирадиган ҳолатларни таҳлил қилиш. Масалан, қанақа институционал шароитларда инвестициялар бозорида оптимистик ҳолатлар хукумронлик қиласди.

Бошқача айтганда, узок муддатли иқтисодий ўсиш иқтисодий субъектларнинг инновацион фаолияти учун рағбатлантирувчи омилларини яратувчи алоҳида институционал ва ташкилий шароитлардан, зарурый функцияга айланади.

Ривожланишнинг институционал назариясининг якуний вариантини тузишга дъавогарлик қилмаган ҳолда, унинг истиқболини белгилаш йўлидаги дастлабки қадамни қўйишга уриниб кўриш мумкин. Бунинг учун биз инновацияларнинг турли хилларини ва уларни амалга ошириши мумкин бўлган субъектларни тавсифлашимиз керак бўлади.

## **15.2. Инновациялар таснифи**

Инновацияларни амалга оширишга рағбатлантирувчи омилларни билиш муҳим аҳамиятга эга. Бундай омилларни ижтимоий танлов назарияси ёрдамида, яъни хусусий ва ижтимоий неъматларни бир – бирига таққослаш орқали таснифлаш мантиқан тўғри бўлади. Масалан, фаолиятнинг институционал доираларини ўзгартириш, унинг барча иштирокчиларга нисбатан ижтимоий неъмат ҳисобланади ва, ўз навбатида, барча ижтимоий неъматларнинг ишлаб чиқарилишида кузатиладиган бошқа шахслар ҳисобига текинга юриш муаммоси билан боғлиқ. ««Якка, оқилона мақсадли хатти-ҳаракатнинг неоклассик модели доирасидан четга чиқмайдиган институционал ўзгаришларнинг динамик назарияси ҳеч қачон жамиятда содир бўлаётган ўзгаришларнинг аксариятини тушунтириш имконини бермаган бўлар эди»<sup>64</sup>.

Иккинчи томондан, ташкилотлар даражасидаги ўзгаришлар клуб неъматлари хусусиятига эга. Улардан фойдаланувчилар сони ташкилот аъзолари, ёки «инсайдерлар» билан чекланган. Бундай инновациялар ташкилот доиралари билан чекланган. Чунки тақлид (имитация) қилиш ва инновацияларни ташкилий доиралар ташқарисига тарқатишга уни алоҳида тилда ва мутаассиблиқда «кодлаш» факти тўсқинлик қиласди. Бироқ, «инсайдерлар» томонидан инновациялардан фойдаланилишини назорат қилиш ҳам қийин. Шунинг учун ташкилий инновацияларни клуб неъматлари сифатида белгилаш мумкин.

Ва ниҳоят, янги маҳсулотни яратиш, ўз моҳиятига кўра, айниқса ихтиро хукуқларини ҳимоя қилувчи патентлар мавжуд бўлган ҳолларда, шахсий

<sup>64</sup> North D. Structure and Change in Economic History, New York. Norton, 1981, p.58.

нельзя ишлаб чиқаришга яқин. Бирок, ҳатто агар патентлар бўлмаган тақдирда ҳам, бозорда пайдо бўлганидан сўнг дастлабки даврда янги маҳсулот монопол ҳолатда бўлади. Янги маҳсулотга тақлид қилиш бошлангунга қадар унинг ихтироиси «инноватор рентасини» - монопол қўшимча фойдани олади, айнан ушбу ҳолат янги маҳсулотларни ишлаб чиқишга унди. Демак, инновациялар *ижстимоий*, клуб ва шахсий нельзялар хусусиятига эга бўлиши мумкин

### 15.3. Инновация субъектларнинг таснифи

Бундан аввал ўтказилган таҳлил бизга инновациянинг тўртта эҳтимол кутилган субъекти, яъни якка тадбиркор, фирма, давлат ва уй хўжалигининг хатти-харакатини кўриб чиқиш имконини берди. Ушбу рўйхатни инновацияларнинг яна иккита субъекти – *гуруҳлар* (networks) ва *ижстимоий ҳаракат* билан кенгайтиришдан аввал, дастлабки учта субъект ҳақида батафсилроқ тўхталиб ўтамиз. Агар уларнинг ҳар бирига мотивацияни таърифлашга уриниб кўрадиган бўлсак, у ҳолда ушбу мақсадда келишувлар назариясидан фойдаланган маъқул. Инновация субъектларининг ҳар бири турли келишувлар томонидан берилган алоҳида қоидаларга мувофиқ амал қиласи. Шунинг учун инновацияларга ундовчи турли омилларни назарда тутиш мақсадга мувофиқ ҳисобланади. Якка тадбиркор фойдани кўпайтириши кўзлайди ва унинг мақсадли функцияси қуйидаги формула билан ифодаланиши мумкин<sup>65</sup>:

$$\max V = -C_0 + (R_1, -C_{rl})/(1+r) + (R_2, -C_{r2})/(1+r)^2 + \dots + (R_n, -C_{rn})/(1+r)^n,$$

бу ерда  $V$  – инновациядан кутилаётган фойданинг миқдори;  $C_0$  – бошланғич харажатлар;  $R_n$  –  $n$  даврда инновациядан олинган фойда;  $C_{rn}$  –  $n$  даврда инновацияни амалга ошириш харажатлари;  $r$  – бўлажак даромадлар ва харажатларни дисконтлаш миқдори.

Фойдани кўпайтириш устуворлиги якка тадбиркор ҳаракат қиласи билан бозор келишувига хосдир. Давлатга келсак, ўз фуқароларининг умумий даромадини кўпайтиришга йўналтирилган демократик давлатнинг фаолияти фуқаролик келишувининг кўрсатмасига жавоб беради. Унда мутаассиблик ҳукумронлик қиласи билан уй хўжалигининг фаолияти эса анъанавий келишувлар нормалари билан тартибга солинади.

*15.3.1. Гуруҳ.* Гуруҳ (network, reseau) деганда биз умумий мақсад билан бирлашган инсонларни тушунамиз, бунда улар ўртасида ҳукумронлик муносабатларининг пайдо бўлиши истисно этилади. Гуруҳга берилган бундай

<sup>65</sup> Davis L., North D. Institutional Change and American Economic Growth: A First Step Towards a Theory of Institutional Innovation. – Journal of Economic History, 1970, vol.XXX, No I, p.140.

таъриф унинг, бир томондан, ташкилотдан, иккинчи томондан эса, уй хўжалигидан фарқини билдиради. Гуруҳлар шахсларнинг ўз саъи-ҳаракатларини ўз олдига шунга ўхшаш мақсадларни қўйган кишилар билан бирлаштиришга интилиши натижасида ҳосил бўлади. Гуруҳларни шакллантиришнинг учта усули мавжуд<sup>66</sup>. Биринчидан, оила-қариндошлик муносабатларини давом эттириш сифатида. Масалан, дўстона муносабатлар кўпроқ индивидуаллаштирилган ва локаллашган. Лекин оила-қариндошлик муносабатларидан фарқли ўлароқ, улар томонлардан бирининг ўз ҳаракатларини назорат килишни бошқа томонга беришини назарда тутмайди. Иккинчидан, бизнес, сиёсат, бўш вақт соҳасидаги манфаатларнинг умумийлиги асосида. Шу маънода гуруҳ ташкилотга муқобил инсонлар бирлашуви ҳисобланади, чунки ўзининг фаолият кўрсатишида у асосан ижтимоий санкцияларга асосланади. Бу ерда мисол тариқасида манфатларига кўра турлича бўлган клубларни кўрсатиш мумкин. Учинчидан, гуруҳ замонавий алоқа воситалари, биринчи навбатда Интернет ёрдамида муносабатларини ушлаб турувчи шахсан нотаниш бўлган инсонларни ҳам бирлаштириши мумкин. У ҳолда гуруҳ аъзоларининг сони ҳеч нарса билан чекланмаган ва ижтимоий санкциялар амал қилмай қўяди. Уларни факат умумий қизиқиши бир-бири билан боғлайдиган шахсан нотаниш бўлган инсонларни бирлаштириш сифатида гуруҳни давлатга муқобил вариант сифатида кўриб чиқиши лозим. Демак, гуруҳ уй хўжалигидан ҳам, фирмадан ҳам, давлатдан ҳам фарқ қиласди, бу эса гуруҳда учта келишув – анъанавий, бозор ва фуқаролик келишувлари ўртасидаги муроса вариантини кўриш имконини беради. Шунинг учун интенсивликнинг турли даражаларидағи ижтимоий алоқалардан фойдаланиш асосида ўз аъзоларининг умумий фойдалилигини кўпайтириш гуруҳ инновация фаолиятининг устуворлиги бўлади.

*15.3.2. Ижтимоий ҳаракат.* Ижтимоий назарияга тааллуқли бўлган ушбу атама турли хилдаги инновацияларни амалга оширишда касаба уюшмалари, экологик, аёллар, истеъмолчилар ҳаракатларининг фаол иштирок этиши муносабати билан қизиқиши уйғотади. Ижтимоий ҳаракатнинг энг машҳур тадқиқотчиларидан бири Ален Турэнга тегишли бўлган таърифни келтирамиз. “Ижтимоий ҳаракатнинг асосида “актор” ва унинг рақиби ўртасида маданий ресурсларни, айниқса ишлаб чиқариш кучларини бошқариш юзасидан келиб чиқадиган низо ётади. Ушбу низо мазкур учта асосий унсурга институционал шаклни берувчи сиёсий доираларда ривожланади»<sup>67</sup>. Ижтимоий ҳаракат у маҳаллий ҳамжамиятнинг сафарбар этувчи салоҳиятига таянганда анъанавий келишув унсурларини ўз ичига олади. Масалан, ишчилар ҳаракати ҳамма вақт ҳунармандлар ҳамжамиятларининг кучли анъаналарига таянган.

Анъанавий келишув унсурлари билан бир қаторда ижтимоий ҳаракатлар индустрiali келишув унсурларини ҳам ўз ичига олади. Ижтимоий ҳаракатни

<sup>66</sup> Fortin A. Nouveaux reseaux: les espaces de sociability. - Revue International d'action communautaire, 1993, № 26/69, p. 133—134.

<sup>67</sup> «Актор» – социологияда фаолият кўрсатувчи шахс, ижтимоий ва сиёсий жараёнлар субъектини белгилаш учун қўлланиладиган атама (Touraine A. La parole et le sang. Politique et societe en Amerique Latine. Paris, Editions Odile Jacob, 1988, p. 153).

шакллантириш базаси бўлиб одатда ижтимоий-касбий гуруҳ ҳисобланади. Хусусан, А.Турэн айрим касб ходимлари ўз талабларини асослаш сифатида ишлаб чиқариш жараёнидаги асосий мавқедан фойдаланишганда ишчилар ҳаракатининг “касбий детерминизми” ҳақида гапиради<sup>68</sup>.

У ёки бу ижтимоий-касбий гуруҳнинг технологик жараёндаги роли қанчалик муҳим бўлса, ушбу гуруҳнинг ўз манфаатларини ҳимоялаш борасидаги ҳаракатлари шунчалик фаол бўлади. Ва ниҳоят, ижтимоий ҳаракат фуқаролик келишуви нормаларига мувофиқ ҳам ҳаракат қиласи, чунки унинг мақсади умуман ижтимоий-касбий гурухларнинг манфаатларини ҳимоялашдан иборат. “Жамоавий ҳаракат мингта якка ҳаракат ва қарор йифиндисига йўйилмайди. У – ўзаро ҳаракатлар, ўзаро баҳолар ва кутишлар маҳсули”<sup>69</sup>. Демак, ижтимоий ҳаракат нафақат ўзининг бевосита иштирокчиларининг (гуруҳдаги каби), балки ўхшаш манфаатларга эга бўлган барча инсонларнинг ҳам манфаатларини ҳимоя қиласи. Касбий (аёллар ва х.к.) бирдамлик тамоили ижтимоий ҳаракатининг аниқ ташкилий чегаралари мавжуд эмаслигига мисол бўлиб хизмат қиласи.

#### **15.4. Инновация субъектларининг қиёсий таҳлили**

Шундай қилиб, биз инновациялар таснифига ҳамда инноваторлар турларига эгамиз, энди эса уларни таққослаб, инновациялар турли субъектларининг ўзгаришларни амалга оширишдаги қиёсий устунликларини аниқлашимиз лозим. Аниқроқ айтадиган бўлсак, вазифа инновацияларнинг у ёки бу субъекти шахсий, клуб ёки ижтимоий неъмат хусусиятига эга бўлган ўзгаришларни амалга оширишдан қанчалик манфаатдорлигини аниқлашдан иборат. У ҳолда қўйидаги таҳлилий чизма намоён бўлади<sup>70</sup>.

Ижтимоий-иқтисодий тизимнинг узоқ муддатли ўсишига трансакция харажатларини камайтирувчи, шунингдек янги товарлар ва хизматларни яратиш учун рағбатлантирувчи омилларни ҳосил қилувчи институционал ва ташкилий инновациялар ҳисобидан эришилади. Биз инновациялар хусусиятини акс эттирадиган кордината ўқи чизмада вертикал ҳолатда бўлсин.

У ҳолда горизонтал кордината ўқи ёрдамида биз инновациялар субъектларини уларнинг якка фойдалилик устуворлигидан узоқлашиши ва жамият манфаатларини кўпайтириш устуворлигига яқинлашишига қараб жойлаштиришимиз мумкин. Инновациянинг хилини турли субъектларни уни амалга оширишдан манфаатдорлиги баҳолаш билан боғлаш имконини берувчи қўйидаги матрица ҳосил бўлади. Масалан, Б4 ўрин гуруҳнинг клуб неъмати хусусиятига эга бўлган инновацияни амалга оширишдан манфаатдорлигини, В6 ўрин давлатнинг ижтимоий неъматларни ишлаб чиқаришдан манфаатдорлигини таҳлил қилишни назарда тутади ва х.к. (15.1-жадвал).

<sup>68</sup> Touraine A., Wieviorka M., Dubet F. Le mouvement ouvrier. Paris, Fayard, 1984, p. 128.

<sup>69</sup> Obcenschali A. Social Movements: Ideologies, Interests and Identities. New Brunswick, Transaction Publishers, 1993, p. 3.

<sup>70</sup> Олейник А. Динамика экономических систем: институциональный аспект. В кн. Введение в институциональный анализ. Под редакции В.Тамбовцева. М.: ТЕИС,1996, с.99-102,

### Инновациялар манфаатдорлигини боғлаш матрицаси

Инновация хили	Тадбиркор	Уй хўжалиги	Фирма	Гурух	Ижтимоий ҳаракат	Давлат
Шахсий неъмат	A <sub>1</sub>	A <sub>2</sub>	A <sub>3</sub>	A <sub>4</sub>	A <sub>5</sub>	A <sub>6</sub>
Клуб неъмати	B <sub>1</sub>	B <sub>2</sub>	B <sub>3</sub>	B <sub>4</sub>	B <sub>5</sub>	B <sub>6</sub>
Ижтимоий неъмат	B <sub>1</sub>	B <sub>2</sub>	B <sub>3</sub>	B <sub>4</sub>	B <sub>5</sub>	B <sub>6</sub>

Манба:[70] асосида тузилган.

Инновациядан манфаатдорлик кучини ёки, аксинча, ҳар бир субъект мавжуд ҳолатининг тўхтатиб қўйилишини таққослашга уриниб қўрамиз. Шахсий неъмат хусусиятига эга бўлган инновациядан бошлаймиз. Бу ерда тадбиркорнинг салоҳияти тўлиқ сафарбар этилган – у инноваторнинг фойдасини тўлиқ ҳажмда ўзига олишга умид қилиши мумкин. Гурух фойдани тақсимлаш борасида низонинг келиб чиқиши туфайли шахсий неъматни ишлаб чиқаришдан камроқ манфаатдорликка эга. Лекин, ушбу низони ижтимоий санкциялар ва нуфуз самарасидан фойдаланиш асосида осонгина ҳал этиш мумкин. Фирма ва уй хўжалиги «шахсий» инновацияларни ишлаб чиқариш борасида бетараф. Фойда олиш истиқболлари мутаассибларга тузатишлар киритиш харажатларининг ортиши билан мувофиқлашади, бу уй хўжалиги нуқтаи назаридан ўта мухим аҳамиятга эга. Ижтимоий ҳаракат ва давлат инновациянинг қўриб чиқилаётган хилига нисбатан ўзгармас роль ўйнайди, чунки унинг шахсий хусусияти умумий манфаатлар нуқтаи назаридан танқидга учрайди.

Клуб неъмати хусусиятига эга бўлган инновацияни амалга оширишдан энг катта манфаатдорликка гурӯҳлар эга. Гуруҳларнинг ташкилий тузилиши қўпроқ инновация натижаларидан фойдаланишни чеклаш ва улардан ушбу фойдаланишга руҳсат олганлар томонидан чексиз фойдаланилиши эҳтиёжларига мос келади. Тадбиркор бундай инновацияларнинг амалга оширилишидан энг кам даражада манфаатдорликка эга, чунки инновацияни инкор қилувчи монополист сиёсатини изчил амалга ошира олмайди. Лекин, тадбиркор инновация натижаларидан фойдаланишни назорат қилиш бўйича ваколатларнинг бир қисмини ўз агентларига топширган ҳолда ташкилий тузилмага (фирмага) таяниши мумкин. Бундай вазиятга майда улгуржи ва чакана бозорларни ташкил этиш борасидаги фойдали бизнес мисол бўлади. Фирма – бозор ташкилотчиси муҳофазани, нисбий тартиб ва тозаликни, товарлар сифатининг минимал назорат қилинишини таъминлайди. Эвазига у бозорда савдо қилиш ҳуқуқи учун ҳақ тўланишини талаб қиласи. Кейинги ўринларда ижтимоий ҳаракат ва давлат туради, чунки клуб неъматининг алоҳида хусусияти умумий қулайлик универсалликнинг устуворлиги бўлган нуқтаи назаридан танқид қилинади.

Давлат ва уни ортидан ижтимоий ҳаракат ижтимоий неъматни ишлаб чиқаришдан энг кўп манфаатдорликка эга. Давлат эса ўзгаришларни молиялаш учун мажбурашни қўллашга ҳам таяниши мумкин. Кейинги ўринда инновацияни молиялаш учун мажбурашни чекланган қўлламларда қўлловчи фирма ва гуруҳ туради. Тадбиркор бундай хилдаги инновацияларнинг амалга оширилишидан умуман манфаатдор эмас. Ва ниҳоят, уй хўжалиги ўта ўзгармас роль ўйнайди, чунки кўриб чиқилаётган ўзгаришлар нафақат мутаассибликни, балки уй хўжалигининг ҳимоялаш функциясини ҳам таҳдид остига қўяди. Институционал инновациялар ҳаётнинг шахсий ва оммавий соҳалари ўртасидаги чегарани ўзгартиришга қодир.

Турли субъектларнинг узоқ муддатли ўсишни таъминлашдаги ролини эвристик таққослаш вазифасига қайтамиз. 5-балли шкаладан фойдаланамиз, бу ерда +2 ушбу хилдаги инновациянинг амалга оширилишидан энг кўп манфаатдорликни, -2 – ўзгармасликга йўналтирилганликни, 0 – қўшилмаслик муносабатини англатади. У ҳолда матрицанинг катакларида биз инновация/ўзгармасликнинг кўриб чиқилаётган субъектлар эга бўлган қидирилаётган салоҳиятларини акс эттиришимиз мумкин (15.2-жадвал).

15.2-жадвал

### **Инновация хиллари бўйича субъектлар салоҳияти**

Инновация хили	Тадбиркор	Уй хўжалиги	Фирма	Гуруҳ	Ижтимоий ҳаракат	Давлат
Шахсий неъмат	+2	0	0	+1	-1	-2
Клуб неъмати	+1	0	0	+2	+1	-2
Ижтимоий неъмат	0	-2	+1	-1	+1	+2

Манба: [70] асосида тузилган.

### **Қисқача хуросалар.**

Ижтимоий-иктисодий тизимнинг узоқ муддатли ўсишига трансакция харажатларини пасайтирувчи ҳамда янги товарлар ва хизматларни ташкил этишга ундовчи институционал ва ташкилий инновациялар ҳисобидан эришилади. Ривожланишнинг институционал назариясининг асосий қоидаси ана шундай. Инновацияларнинг субъектлари сифатида тадбиркор, гурух, фирма, уй хўжалиги, ижтимоий ҳаракат ва давлат иштирок этади. Ушбу субъектларнинг ҳар бири шахсий, клуб ёки ижтимоий неъмат хусусиятига эга бўлган инновацияларнинг бир турини амалга оширишда қиёсий устунликка эга. Шу боисдан, узоқ муддатли ўсиш учун замин яратиш вазифасини ҳал этишда инновация/ўзгармас ҳолда қолишининг ижтимоий-иктисодий ривожланишнинг асосий субъектлари эга бўлган турли салоҳиятларини ҳисобга олиш лозим.

### **Таянч сўз ва иборалар**

Ривожланиш, институционал назария, инновациялар, тадбиркор, гурух, фирма, уй хўжалиги, давлат, клуб, ижтимоий неъмат.

***Такрорлами учун саволлар***

1. Ривожланиш назарияси вариантларининг бир – биридан фарқи нимада?
2. Ривожланиш назарияси вариантларда қайси омилларга кўпроқ ургу берилган?
3. Ривожланиш назарияларида қайси омиллар институционал омиллар ҳисобланади?
4. Шахсий клуб ҳамда ижтимоий неъматлар тавсифини тушунтириб беринг.
5. Инновациядан кутилаётган фойда миқдори қандай ҳисобланади?
6. Ижтимоий ҳаракат ҳамда гурӯҳ тушунчаларига таъриф беринг.
7. Инновациялар субъектларининг ўзига хос хусусиятларини тафсифлаб беринг.

## XVI - боб. ИНСТИТУЛарНИНГ ВАҚТГА КҮРА ЎЗГАРИШИ

### 16.1. Институционал ўзгаришлар назариясининг асосий қоидалари

Институтлар ривожланишининг эволюцион варианти норасмий институтларни очиқлигини таъминлаш, яъни уларнинг асосида ётувчи нормаларга қонун кучини бериш ва ушбу институтларни расмий доираларга айлантиришдан иборат. Бундай ўзгаришлар эволюцион ёки генетик ривожланиш деб аталади. У шуни назарда тутадики, янги расмий институтлар бўш жойда эмас, балки мавжуд норасмий институтлар шаклини ўзгартириш жараёнида пайдо бўлади. Расмий институтларнинг ривожланиши норасмий доиралар даражасида юзага келган тенденцияларни қайтадан тиклайди. Институционал ривожланишининг эволюцион вариантига мисол тариқасида Ўзбекистонда мустақиллик йилларида қайта тикланган наврӯз байрами институтини кўрсатиш мумкин.

Институтлар инсонлар хатти-ҳаракатини тартибга солади, улар фаолиятининг барқарор бўлишини таъминлайди. Лекин инсонлар фаолияти ва умуман иқтисодиётнинг барқарорлигини таъминлаш учун институтларнинг ўзлари ўзгариши керак. Ўзгаришлар унча катта бўлмаган микдорда қўпайтириш йўли билан аста-секин ва туб ўзгартиришлар орқали бир лаҳзада юз бериши мумкин.

Т.Вебленнинг фикрига кўра<sup>71</sup>, институтлардаги ўзгаришларга инсоннинг хаётга мос ижодий фаолият юритишга мойиллиги, эскига тафаккурни ўзгартирувчи илмий, технологик, ижтимоий ўзгаришларга олиб келувчи турлича қарашлар сабаб бўлади. Ўзгаришнинг яна бир сабаби – бу институтлар ўртасида турли тарихий даврларда юзага келган ва турли маданий илдизларга эга бўлган низолар бўлиши мумкин. Й.Шумпетернинг<sup>72</sup> фикрича, тадбиркорларнинг инновацион фаолияти, амал қилиб турган институтларни ўзгартиришнинг асосий омили бўлиб хизмат қиласи.

Янгиинституционал иқтисодиётда Дуглас Норт<sup>73</sup> институционал ўзгаришлар назариясининг асосчиси ҳисобланади.

Эволюцион институционал ўзгаришлар назариясини Р.М.Нуреев<sup>74</sup>, Р.И.Капелюшников, А.Н.Нестеренко<sup>75</sup>, А.Н.Олейник<sup>76</sup>, А.Е.Шаститко<sup>77</sup>, Я.И.Кузьминов<sup>78</sup> каби россиялик олимлар тадқиқ этишган.

<sup>71</sup> Веблен Т. Теория праздного класса. – М.: Прогресс, 1987.

<sup>72</sup> Шумпетер Й.

<sup>73</sup> НортД. Институты, институциональные изменения и функционирование экономики / Пер. сангл. А.Н. Нестеренко; предисл. и науч. ред. Б.З. Мильнера. — М.: Фонд экономической книги Начала, 1997. — 180 с.

<sup>74</sup> Нуреев Р.М. Экономика развития: институциональные концепции становления рыночной экономики. Учебник. Москва: ИНФРА-М, 2001. - 152 с.

<sup>75</sup> Нестеренко А. Экономический рост на основе институциональных изменений// Вопросы экономики. - 1996.- №7.- С. 20-26.

Дуглас Норт институционал ўзгаришлар назариясининг асосий коидаларини қуидагича ифодалади<sup>79</sup>:

1. Институтлар ва ташкилотларнинг рақобат асосидаги ўзаро ҳамкорлиги институционал ўзгаришлар генератори бўлиб хизмат қилади.

2. Рақобат курашида омон қолиш ва ғолиб чиқиш учун ташкилот, фирма билимларга инвестиция киритиши керак. Ушбу билимларнинг хусусияти ва йўналиши иштирокчиларнинг ақлий салоҳиятига боғлик. Иқтисодий агентлар томонидан танланган билимлар мавжуд институтларнинг аста-секин ўзгаришига олиб келади.

3. Индивид билимларнинг у мазкур институционал шароитларда кутаётган фойдалиликнинг ошишига олиб келувчи турини ва йўналишини эгаллашдан манфаатдор.

4. Институтлар ўзгаришларининг катта қисми аста-секин юз беради ва «ривожланишнинг аввалги ҳаракат йўналиши самараси» таъсирига дучор бўлади. Ушбу самара юзага келишининг асосий сабаблари – мавжуд институтларнинг яқин ўзаро ҳамкорлигини назарда тутувчи ташки таъсилярнинг мавжудлиги, институтларнинг ўзаро боғлиқлиги, кўламнинг ижобий таъсири деб ҳисоблаш мумкин.

Д.Нортнинг фикрига кўра, институционал ўзгаришларга нисбий нархлардаги ўзгаришлар ва мафкуравий қарашлардаги ўзгаришлар сабаб бўлади :

1. Нисбий нархлардаги ўзгаришлар (яъни нархлар нисбатидаги ўзгаришлар). Техник тараққиёт, демографик вазият, сотиш бозорларининг очилиши\ёпилиши туфайли ишлаб чиқариш омилларининг нархлари (мехнат ва капитал, ер ва меҳнат, ер ва капитал нархларининг) ёки якуний маҳсулот нархлари билан ресурс нархлари ўртасидаги нисбат ўзгаради. Бундай ўзгаришлар натижасида иқтисодий агентлар ташкилий ва институционал ўзаро ҳамкорликнинг амалдаги шаклларини уларнинг самарадорлигини ошириш нуқтаи назаридан қайта кўриб чиқишиади.

2. Мафкуравий қарашлардаги ўзгаришлар.

Мафкура – бу инсонларнинг бир-бирига ва атрофдаги оламга бўлган муносабатларини англаб етиш ва баҳолашнинг асосида ётувчи тизимли тартибга солинган қарашлар йифиндиси. Амалий тажриба билан аввалги мафкура ўртасидаги номувофиқлик мафкуравий қарашларнинг ўзгаришига олиб келади.

Институтлардаги ўзгаришлар, агар бир ижтимоий гуруҳ наф кўрса, бутун жамият ҳам фойда кўришига олиб келади, бу иқтисодиёт фаолият

<sup>76</sup> Олейник А.Н. Институциональная экономика: Учебно-методическое пособие. М.: Инфра-М, 2002. - 416 с.

<sup>77</sup> Шаститко А.Е. Новая институциональная экономическая теория.- 4-е изд., перераб. и доп. - М.: ТЕИС, 2010. - 828 с.

<sup>78</sup> Кузьминов Я.И., Юдкевич М.М. Институциональная экономика: Курс лекций. - М.: МФТИ, 2002. - 237 с.

<sup>79</sup> North D.C. Five Propositions About Institutional Change //Explaining Social Institutions.-University of Michigan Press, 1995.

кўрсатишининг ижтимоий-иктисодий самарадорлиги ошишини англатади. Бошқа ҳолатларда бир гурухнинг наф кўриши бошқа гурухнинг фойдани бой беришига олиб келади, яъни институт ижтимоий-иктисодий самарадорликни қайта тақсимлайди. Институционал ўзгаришлар иктисодиёт фаолият кўрсатишининг ижтимоий-иктисодий самарадорлигини псайтирадиган варианлар ҳам бўлиши мумкин.

Амал қилиб турган институтларнинг ўзгартирилмаслиги мавжуд институтлар барча иктисодий агентларни қониқтиришини англатмайди. Ушбу ҳолат институтларни ўзгартиришдан кўрилган харажатлар ва фойда таққосланганда иктисодий агентларда “ўйинлар қоидалари”ни қайта кўриб чиқишидан манфаатдорлик юзага келмаслигини англатади.

## **16.2. Институтлар ривожланишининг аввалги ҳаракат йўналишига боғлиқлиги**

Эволюцион тарзда юзага келган институтлар кам харажатлар билан битимлар тузилишини таъминлашда ҳамиша ҳам самарали бўлавермайди. Эволюцион варианти белгилашдаги муҳим жиҳат қонунда ёзилган хуқуқда урф-одатлар ва анъаналар даражасида юзага келган тенденцияларни қайта тиклашдан иборат. Лекин кеча юзага келган тенденциялар бугун битимларни амалга оширишда ўринли бўлишига ҳеч қандай кафолат мавжуд эмас. Бу ерда институтларга Веблен томонидан берилган таърифни ёдга олиш ўринли: институтлар – «бу ўзининг мавжуд бўлишини номаълум узоқ муддатга чўзувчи инсонларнинг одатий турмуш тарзи»<sup>80</sup>. Эволюциянинг қайд этилган инерцион хусусияти ривожланишининг аввалги ҳаракат йўналишига боғлиқлик ёки ривожланишнинг тарихий белгиланганилиги самараси (path-dependency) номини олган. Бундай боғлиқлик ҳақида “кечаги институционал доиралар аҳамиятини йўқотмасдан қолиб, бугун ва келгусида танлаш варианларини чегаралаган” ҳолларда сўз юритилади<sup>81</sup>. Қисқача айтганда, тарих муҳим аҳамиятга эга.

Институтларнинг табиий эволюция натижаларининг турли аҳамиятга эгалигига ишонч ҳосил қилиш имконини берувчи мисоллар қўп. Бир томондан, анъаналарни ёки кенроқ маънода ўтган ҳолатни формаллаштириш тамойили умумий хуқуқнинг асосида ётади. Айнан Англия ва унга қарам бўлган мамлакатлар (ягона битим ҳисобида) энг кам трансакция харажатлари билан иктисодий ўзаро ҳамкорлик қилишни таъминлашда энг самарали ҳуқуқий тизими яратган.

Иккинчи томондан, Испания, Португалия ва Лотин Америкаси мамлакатларининг тарихий тажрибасидан кўриш мумкинки (уларнинг ҳуқуқий тизими меркантилизм<sup>82</sup> анъаналарини акс эттирган), институционал

<sup>80</sup> Веблен Т. Теория праздного класса. М.: Прогресс, 1984. С. 202.

<sup>81</sup> North D. Institutions, Institutional Change and Economic Performance. Cambridge: Cambridge University Press, 1990. P. 93.

<sup>82</sup> Меркантилизм – ушбу иктисодий назария вакиллари пул ва қимматли қофизлар давлатнинг асосий бойлиги деб қарашган. Ва унинг манбаси савдода деб ҳисоблашган. Товарлар импортини чеклашган. Экспортни

ривожланишнинг боши берк варианлари ҳам чексиз узоқ вақт мобайнида ўзини ўзи қайта тиклаши мумкин<sup>83</sup>. Ҳукуқда қайд этилган меркантилизм нормалари фақат қисқа муддатли даврда самарали эмас, балки қайта тақсимлашга йўналтирилган фаолият ёрдамида фойда олишга йўналтирилишга ёрдам беради (оддий утилитаризм нормаси ва рентани излаш). Э. де Сотонинг таъкидлашларича, «Перу жамияти қайта тақсимлаш битимларига асосланган ҳуқуқий тизимнинг оқибатларидан азият чекишади... Бизнинг ҳозирги кунимиз Испаниядан келган давомли меркантилистик анъананинг натижасидир»<sup>84</sup>.

Шундай қилиб, норасмий норма бутун жамият миқёсида индивидуаллаштирилган муносабатлар доирасидан ташқарида самарали ишлаши учун оддий очиқлигини таъминлашнинг ўзи кифоя қилмайди. Масалан, қонунчилик билан мустаҳкамланган «ўзиники ўзиникига ноилож дўст» нормаси инсонлар ўртасидаги индивидуаллаштирилмаган ўзаро ҳамкорликнинг асосида ётиши мумкин эмас. Норасмий норма иккинчи томоннинг “ўзиники” ёки “бегоналар” қаторига киришига қараб икки хил хатти-харакат стандартининг мавжуд бўлишини назарда тутувчи ўзининг икки томонлама табиатидан қутилиши керак. Шу ўринда, «оддий утилитаризм ва оппортунизм» каби нормаларнинг устунлик қилиши айнан иккинчи томоннинг “ўзиники” ёки “бегоналар”га ажратилиши билан боғлиқ. Чунки харажатларни унинг зиммасига юклаш мумкин бўлган бошқа индивид мавжуд бўлган тақдирдагина қўлга киритиладиган фойдалилик билан индивиднинг шахсий самарали фаолияти ўртасидаги боғлиқлик мавжуд бўлмайди.

Фақатгина бир қараашда норманинг таркибида ижтимоий санкцияларни легал санкцияларга алмаштириш унинг икки томонлама хусусиятидан маҳрум этиш имконини берадигандек туюлиши мумкин: ижтимоий санкцияларнинг таъсири ижтимоий жиҳатдан бир хил гурухлар доиралари ёки шахсан таниш инсонлар доираси билан чегараланган. Бироқ, ўзгаришлар нафақат санкцияларга, балки норма тузилмасининг бошқа қисмлари – атрибут ва мақсадга ҳам таъсир қилиши мумкин. Мақсадларга тўхталадиган бўлсак, мақсадларнинг оддий ҳозирги даврдан кейинги даврга ўтказиш доирасидан ташқарига чиқиши – уларнинг бутун жамият даражасидаги ўзаро ҳамкорликнинг ўзига хос жиҳатига мувофиқ талқин этилиши локал нормаларнинг умуман жамият доирасида амал қилувчи нормаларга ўтишининг муҳим шарти ҳисобланади<sup>85</sup>. Бартер алмашувининг асосида ётувчи “сен – менга, мен – сенга” нормаси қийматнинг умумий ёки пул шакли мавжудлиги нуқтаи назаридан талқин этилиши натижасида эмпатиянинг муайян иштирокчилари билан боғлиқ бўлмаган нормага айланиши лозим. Қийматнинг умумий шакли бартер битимлари суммаси билан айнан бир хил бўлмаганидек, умумий норма ҳам, ҳатто қонун кучига эга бўлса-да, локал нормалар бўла олмайди.

---

рагбатлантириб, савдо балансида ижобий савдони шакллантирганлар. Улар амалиётчи – иқтисодчилар бўлишган.

<sup>83</sup> Ibid. P. 96-101.

<sup>84</sup> Сото Э. де. Иной путь. Невидимая революция в третьем мире. M.Catallaxy, 1995. С. 240, 290.

<sup>85</sup> Ахиезер А. Россия: критика исторического опыта. Т. 1. М.: Философское общество СССР, 1991. С. 71.

### **16.3. Институтлар ўзгаришини мафкура назарияси асосида изоҳлаш**

Мафкура назарияси янги иқтисодий тарихнинг бир тармоғи ҳисобланади. Мафкура дейилганда ҳар куни юзага келадиган муаммоларни қабул қилишнинг уларни ҳал этиш учун талаб этиладиган ахборот миқдорини камайтириш имконини берувчи усули (ижобий таъриф), ва индивид ҳаракат қилаётган институционал доираларнинг адолатлилиги ёки қонунийлиги ҳақидаги фикр тушунилади (норматив таъриф)<sup>86</sup>. Биринчи таъриф мафкуранинг ташқи мухитни ва ўзаро ҳамкорлик иштирокчиларининг хатти-ҳаракатини талқин этишдан иборат бўлган янгича ифодалаш функцияси билан боғлиқ. Бошқача айтганда, мафкура ёрдамида индивид ўзининг хатти-ҳаракати тўлиқ мақбул бўлмаган ҳолларда қарорлар қабул қилишда ҳисобга олинадиган омиллар доирасини белгилаб олади. Бундан ташқари, муаммонинг ўзаро ҳамкорлик иштирокчилари томонидан умумий мафкуравий эътиқодлар асосида бир хил қабул қилиниши улар ўргасида алоқа ва ахборот алмашувини осонлаштиради ҳамда уларга янгича ифодалашнинг оқилона нормалари асосида ҳаракат қилиш имконини беради. Иккинчи таъриф ўзаро ҳамкорлик қанақа асосий қадриятлар ва нормалар асосида йўлга қўйилиши кераклиги тўғрисидаги норматив фикрни мафкура билан боғлайди. Институтларнинг ривожланишнинг аввалги ҳаракат йўналишига боғлиқлиги асосан институтларнинг янгича ифодалаш функцияси билан шартланган. «Индивидларнинг амалий тажрибаси аввалги мафкура асосида талқин этилмаса, улар ўзларининг мафкуравий қарашларини ўзгартиришади»<sup>87</sup>. Бироқ, тажрибанинг мафкурага мос келмаслиги дарҳол мафкуравий қарашларнинг тубдан ўзгаришига олиб келмайди – ўзгаришлар тузатишлар киритиш ва кичик ўсишлар хусусиятiga эга бўлади. Мафкурага асосланган қабул қилиш тозаловчи орқали ўтувчи тубдан янги тажриба салгина тузатишлар киритилган эски тажрибага айланади.

Мафкурадаги секин, қисман ўзгаришлар юз берадиган узоқ даврлар унда талқин этиш механизмининг алмашуви юз берадиган туб ўзгаришларнинг нисбатан қисқа даврлари билан алмашади. Янги тажриба юзага келишининг тезлиги билан мафкуранинг тубдан алмашиши эҳтимоли ўртасида боғлиқлик кузатилади.

Энди шуни таъкидлаш мумкинки, мафкурани юқорида таърифланган «узук-узук мувазанат» (punctuated equilibrium) усули билан ўзгартириш автоматик хусусиятга эга эмас, балки мафкуранинг ўзида унга жорий тузатишлар киритилиши учун масъул бўлган унсурлар мавжуд бўлган тақдирдагина амалга оширилади. Шу нуқтаи назардан мафкуралар икки хилда бўлади. Биринчи турдаги мафкуралар доирасида янги хаётий тажрибанинг юзага келган талқин этиш механизмларига зидлиги янги тажрибани қабул қилишдан ёки уни талқин этишдан ва умуман мафкурадан воз кечиш

<sup>86</sup> North D. Three Approaches to the Study of Institutions. P. 35; Norht D. Structure and Change in Economic History. P. 49.

<sup>87</sup> Norht D. Structure and Change in Economic History. P. 50.

кўринишига эга бўлади. Аксинча, иккинчи турдаги мафкуралар янги тажрибани синтез қилиш ҳамда мафкурага доимий тузатишлар киритиш орқали янги тажриба ва аввалги дунёқарашни интеграциялаш имконини беради. Масалан, умуман жамиятга кўчирилган норасмий нормалар амалда бўлиш ва қўллашнинг мутлақо янги шароитларига тушиб қолади. Норманинг таркиби билан норма бажариши лозим бўлган мақсадлар ўртасида қарама-қаршилик юзага келади. Ушбу қарама-қаршилик инверсия мантифи асосида (норасмий нормани ўзгартирган ҳолда уни легаллаштириш ёки норасмий нормани тақиқлаш), ёки медиация мантифи асосида (норасмий нормани умуман жамият доирасидаги ўзаро ҳамкорликнинг ўзига хос жиҳатига мувофиқ талқин этиш) ҳал этилиши мумкин.

### **Қисқача хуносалар**

Яна бир бор институционал ўзгаришларнинг эволюцион варианти билан боғлиқ асосий муаммони таъкидлаб ўтиш мумкин.

Эволюцион ўзгаришлар нормаларнинг фақат уларга туб тузатишлар киритиш ҳамда ўзгарган шарт-шароитлар ва/ёки инсонларнинг эҳтиёжларига мувофиқ талқин этилишини истисно этган ҳолда фақат ўхшаши бўйича ривожланишига йўл қўяди. Амалда бир норманинг ўзи турли вазиятларда ва турли (қонуний ва ноқонунний) шаклларда чексиз равишда қайта тикланиши мумкин. Агар норма бошданоқ ўзаро ҳамкорликни таъминлашда самарали ва универсал бўлса, муаммолар юзага келмайди. Бундай мос келиш эса, юқорида келтирилган мисоллардан кўриб турганимиздек қоида эмас, балки ундан истисно ҳисобланади.

### **Таянч сўз ва иборалар**

Эволюцион ўзгаришлар, эволюцион варианtlар, мерактилизм, мафкура.

### **Такрорлаш учун саволлар**

1. Институтлар ривожланишининг эволюцион вариантининг моҳияти нимадан иборат?
2. Институтларни эволюцион ўзгаришида нималар сабаб бўлади?
3. Институтлар ўзгаришини аввалги харакатлар йўналишларига боғлиқлиги нималарга асосланади?
4. Мафкура тушунчасига таъриф беринг.
5. Институтлар ўзгаришида мафкура қандай роль ўйнайди?

## XVII - боб. ИНСТИТУЛARНИ ИМПОРТ ҚИЛИШ

### 17.1. Институтлар ривожланишининг инқилобий варианти

Институтлар ўзгаришининг муқобил вариантини қидириш институционал ривожланишнинг учинчи – инқилобий вариантига олиб келади. У биринчи галда маълум намуналарга институтлар йўналтирилган ҳолда расмий доираларни (институтларни) ўзгартиришга уринишлардан иборат. Бу ерда гап ўзаро ҳамкорликни ва шу асосда институционал ривожланишнинг боши берк ҳаракат йўналишидан четга чиқишини таъминлашда ўзининг самарадорлилигини исботлаган расмий институтларни импорт қилиш ҳақида бораяпти. Бошқача айтганда, ўзгаришлар муайян натижага эришишга йўналтирилади, дастлабки шарт-шароитлар – жамиятдаги мавжуд норасмий институтлар эса охирги навбатда ҳисобга олинади.

Ривожланишнинг эволюцион вариантидан яна бир фарқ инқилобий ўзгаришларни амалга ошириш учун сиёсий интилишнинг зарурлигида. Давлат норасмий нормаларни қонуний қайд этишдан иборат оддий ролни эмас, балки давлат бош ислоҳотчи ролини бажаради.

Инқилобий ўзгаришлар биринчи навбатда расмий доираларга тааллуқли бўлади, чунки норасмий доираларга бевосита таъсир кўрсатиб бўлмайди, улар фақат янги расмий доиралар таъсирига жавоб сифатида индуктив тарзда ўзгартирилиши мумкин. Расмий доиралар ўзгаришлари қайси намуналарга йўналтирилган? Биринчидан, институтлар қандайдир идеал моделга мувофиқ тузилиши мумкин. Аммо институтлар ўша моделдан амалиётга тўғридан-тўғри кўчирилмайди, яъни фойдаланилмайди.

Ўзбекистон тарихида 1991 йил расмий доираларга кирувчи институтлар ўзгаришида муҳим бурилишни бошлаб берди. Давлат мустақиллигига эришиш Ўзбекистон учун тараққиёт йўлини ўзи танлашига имкон берди. Жаҳон амалиётида кенг тарқалган институтларни ўрганиш асосида Ўзбекистон ижтимоий йўналтирилган бозор иқтисодиётига ўтиш ҳамда демократик тамоилларга асосланган фуқаролик жамиятини барпо этиш мақсадида чукур институционал ва иқтисодий ислоҳотларни босқичма-босқич амалга оширеди. Бу жараёнларда коммунистик ғояларга асосланган ва режали иқтисодиётнинг расмий нормалари батамом тугатилиб, янги расмий нормалар яратилди ва улар амалиётга жорий қилинди. Шу тариқа Ўзбекистонда институтларнинг инқилобий ўзгариши юз берди. Натижада янги давлат бошқарув тизими, фуқаролик жамияти тамоиллари, хусусий мулқчилик шакллари, хуқуқлари ҳамда муносабатлари пайдо этилди. Ҳозирги давргача улар такомиллаштирилиб ва ривожлантирилиб келинмоқда. Ҳаракатлар стратегияси доирасида жамият ва иқтисодий фаолиятда мутлақо янги институтлар ва институционал нормалар пайдо бўлмоқда.

Институтлар мамлакат тарихида мавжуд бўлган, аммо жамиятнинг кейинги эволюцион ривожланиши жараёнида йўқолиб кетган урф-

одатларининг ижобий намуналарини қайта тиклаши мумкин. Масалан, Ўзбекистонда бозор ислоҳотлари босқичларида ўзбек халқининг ўзини яхши томондан кўрсатган хунармандчилик ва бошқа касб институтини қайта тикланиши оила хусусий мулкчилиги ривожланишига катта таъсир кўрсатли. Шу билан бир вақтда мамлакатда “Наврўз” умумхалқ байрами сифатида нишонлаш тикланди. Бу жамиятда маданият ривожига, биргаликда тинч-тотув яшашга, янгиланиш сари интилишга асос яратди.

Расмий институтлар бошқа мамлакатлардаги мавжуд бўлган намуналар бўйича янгиланиши ҳам мумкин. Шу ўринда турли мамлакатларга импорт қилинган институтларга мисол келтириш мумкин. Бунга Африка, Лотин Америкаси, Шарқий Европа мамлакатларида Европа ва Шимолий Америка институтлари намуналари бўйича қайта тикланаётган сиёсий (демократия институтлари) ва иқтисодий (бозор институтлари) институтлар мисол бўла олади. Ушбу ҳолат сиёсий институтларнинг, биринчи галда, европача давлат моделининг собиқ мустамлака мамлакатларга импорт қилинишини ифода этади. Бу ерда ҳудудий бирлик, либерал қоидалар, миллат ва давлатнинг мос келиши тамойиллари асосида қуриладиган европача давлат моделининг универсал модель сифатида мажбуран жорий этилиши ҳам экспорт қилувчи, ҳам импорт қилувчи мамлакатларнинг манфаатлари билан изоҳланади. Экспорт қилувчи мамлакатлар учун ўз давлат моделини универсаллаштириш, яъни мижоз муносабатини собиқ колониялардаги ўз таъсирини қайта тиклаш имконини беради. Институтларнинг импорт қилинишидан асосий манфаатдор бўлган ижтимоий гуруҳлар сифатида ўз ҳокимиятини сақлаб қолиш ва мустаҳкамлашга интилевчи янги сиёсий раҳбарлар элиталар ҳамда жамиятнинг анъанавозлигига барҳам беришга интилевчи зиёлилар ҳам иштирок этади<sup>88</sup>.

Шу тариқа фикр юритиб иқтисодий институтларнинг импорт қилинишини ҳам изоҳлаш мумкин. Институтларни экспорт қилувчи мамлакат унинг институтларини қайта тикловчи мамлакат билан савдо қилишда устунликка эга бўлади. Дарҳақиқат, институционал тизимларни бирхиллаштириш товарлар ва капитални экспорт қилиш билан боғлиқ трансакция харажатларини, хусусан, ахборотни излаш, ўлчаш, шартнома тузиш, мулк ҳуқуқларини туркумлаш ва муҳофаза қилиш ҳамда учинчи шахслардан ҳимоялаш харажатларини пасайтириш имконини беради. Иккинчи томондан, иқтисодий ўзаро ҳамкорликни таъминлашда ўзининг самарадорлилигини исботлаган институтларга эга бўлиб, синовлар ва ҳатолар усули билан оптималь институционал тузилмани излаш зарурлигидан халос бўлади. Институтлар бозорида (дунё бўйича) ҳамма вақт институтларни танлаш имконияти мавжуд. Масалан, агар америка банк ҳуқуқи (банкларнинг акциядорлик жамиятлари капиталидаги иштирокини чекловчи) тамойили бўйича тузилган банк тизими ишончни оқламаса, исталган вақтда корпоратив бошқарувнинг немис моделига ўтиш мумкин. Бундан ташқари, институционал моделлар учун туркумланган мулк ҳуқуқларининг мавжуд эмаслиги туфайли уларни қайта тиклаш

<sup>88</sup> Sadie B. L'Etat importe. Essai sur l'occidentalisation de l'ordre politique. Paris: Fayard, 1992. P. 50-57, 152.

харажатлари кам. Халқаро ҳуқуқда ҳам, алоҳида мамлакатлар ҳуқуқида ҳам институт намунаси муаллифи ҳисобланган мамлакатга қоплама ҳақи тўламасдан туриб у ёки бу расмий институтдан нусха олишга тўсқинлик қилувчи қоидаларни топиб бўлмайди.

Ўзбекистон ислоҳотлари тарихидан институтларни импорт қилишга ҳам, экспорт қилишга ҳам қўплаб мисолларни келтириш мумкин. Биринчи бундай тажриба хусусийлаштириш, фонд бозорини ташкил этиш, мулк ҳуқуқлари, иқтисодда янги мулк шаклларига эга бўлган юридик шахсларини ташкил этиш соҳаларида мавжуд. Кейинчалик ушбу соҳалардаги тажрибалар Ҳаракатлар стратегиясида<sup>89</sup> янги институтлар ва улар нормаларини шаклланишига, айниқса ривожланишни амалга оширишнинг мутлақо устувор хусусиятга эга бўлган институционал муҳит яратишига олиб келди.

Ислоҳотлар даврида институтларни импорт қилиш хориж давлатларига ҳам хос бўлган. Масалан, 90-йилларда Россиядаги бозор ислоҳотлари ҳам қўп жиҳатдан институтларни импорт қилиш стратегиясига асосланган. Биринчи навбатда, бу режали иқтисодиёт даврида мавжуд бўлган хуфёна бозор нормаларининг локал хусусияти билан чуқур инқирозда қолган буйруқбозлик иқтисодиёти институтлари ўрнига тезроқ бошқа институтларни топишга бўлган эҳтиёж ўртасидаги зиддият билан боғлиқ бўлган.

## 17.2. Институтларнинг конгруэнтлиги

Институтларни импорт қилувчи мамлакатда устунлик қилувчи, импорт қилинаётган институт амал қиласидан норасмий нормалар ва расмий нормалар конгруэнтлигининг даражаси ва хусусияти институтларни муваффақиятли импорт қилишга таъсир кўрсатувчи асосий омиллар ҳисобланади. Конгруентлик бу геометрик атама ҳисобланади ва жамиятда устунлик қилувчи норасмий нормалар ва импорт қилинаётган расмий нормалар ривожланишининг умумий тенденциялари мавжудлигини назарда тутади.

**Институтларнинг конгруэнтлиги** – институтлар умумий ривожланиш тенденцияларининг яқинлиги.

Нормаларнинг конгруэнтлиги кўпинча уларнинг **конвергенциясига** – турли мамлакатлар иқтисодий тизимлари институционал ривожланиши йўлларининг мос келишига олиб келади.

### *Институтлар конвергенцияси турлари:*

- 1) *ижсобий* – самарали, жамият учун оптималь бўлган институтларнинг шаклланишига олиб келади;
- 2) *салбий* – самарасиз институтларнинг ташкил этилишига ёрдам беради;
- 3) *эволюцион* (Й.Шумпетер, Ж.Гэлбрейт) – динамик жараён сифатида нормаларнинг яқинлашишини таҳлил қиласиди;
- 4) *статик* (Ф.Перу) – расмий ва норасмий нормалар бир-бирини тўлдиришини назарда тутади;

<sup>89</sup> Ўзбекистон Республикасини янада ривожлантириш бўйича Ҳаракатлар стратегияси. Ўзбекистон Республикаси Президентининг Фармони. ЎзР Қонун хужжатлари тўплами, 2017 й., 6-сон, 70-модда.

5) гибрид (Я.Тинберген) – расмий ва норасмий нормаларнинг ўзаро таъсирини ўзида намоён этади, бунинг натижасида институционал ривожланишнинг расмий ва норасмий нормалар ривожланишининг ҳаракат йўналишига мос келмайдиган янги якуний ҳаракат йўналиши пайдо бўлади.

Мавжуд норасмий институтлар билан жорий этилаётган расмий институтлар ўртасида ижобий конвергенция (ҳаракат йўналишлари ўхшашлиги) мавжуд бўлиши мумкинлигининг таҳлили институтларнинг хусусияти ва конгруэнтлигини ўлчаш методикалари ёрдамида ўтказилади.

Нормалар ўртасида конгруэнтликнинг мавжудли уларнинг яқинлашишига эга бўлиш, институционал ривожланиш тренди, ҳаракат йўналишини яқинлаштириш имконини беради. Шундай қилиб, биз расмий ва норасмий нормалар конгруэнтлигининг хусусиятини ва даражасини қандай қилиб баҳолашимиз ёки ҳатто ўлчашимиз мумкин деган савол туғилади.

Амалда институтларни импорт қилишнинг муайян ҳолатларини таҳлил қилишга йўналтирилганлиги ва, ўз навбатида уларни қўллаш соҳаларининг чекланганлиги билан боғлиқ камчиликларига эга бўлган бир неча методикалар маълум. Уларнинг ҳар бирини ўзига хос хусусиятлари мавжуд. Биринчидан, ҳуқуқ мажмуасига бошқа ҳуқуқий тизимлар унсурларини жорий этиш истиқболларини баҳолаш юридик методикаси. У қўйидаги эҳтимолга асосланади: «имплантация қилинаётган норма факат донорнинг юридик тизими ва рецепторнинг юридик тизими эквивалентликнинг бир синфига тегишли бўлган тақдирдагина ишлайди»<sup>90</sup>.

Яъни импорт қилинаётган ва мавжуд нормалар рефлексивлик ( $xRx$  ва  $yRy$ ), симметриклик ( $xRy$  и  $yRx$ ) ва транзитивлик ( $xRy$  ва  $yRz \Rightarrow xRz$ ), нисбатлари ёрдамида ёритилиши керак, бу ерда

- х – импорт қилинаётган норма,
- у – жамиятда устунлик қилувчи норма,
- R – улар ўртасидаги нисбат.

Иккинчидан, меҳнатга оид муносабатларни ташкил этишнинг турли анъаналарига эга бўлган мамлакатларда бир хил бошқарув усулларидан фойдаланиш истиқболларини баҳолаш мақсадида турли мамлакатлардаги бошқарув маданиятларини таққослаш учун ишлаб чиқилган Ж.Ховстед методикаси<sup>91</sup>. Ушбу методика расмий ва норасмий нормалар ўртасидаги масофани қўйидаги параметрлар бўйича ўлчаш имконини беради.

- ҳокимият сулоласи – унгача институтларнинг кам ҳуқуқли аъзолари ҳокимиятнинг керакли тенгсиз тақсимот сифатида қабул қиласидиган даражা.
- индивидуал ва жамловчи маданият – унда инсонлар ўзини уларнинг ўхшашлиги ўзининг ишлаб чиқариш ёки ижтимоий гурухга мансублигидан алоҳида ажратилган ёки, аксинча, уларнинг ўхшашлиги гурухга мансублик

<sup>90</sup> G re fife juridique. Reception/Dictionnaire encyclopédique de théorie et de sociologie du droit. A.-J. Arnoud (ed.). Paris: LGDJ, 1993. P. 273, 515-516.

<sup>91</sup> Hofstede G. Culture's consequences: international differences in work-related values. Beverly Hills, 1980; Hofstede G. Cultures and Organizations. Cambridge: Cambridge University Press, 1991.

фактидан ҳосил бўлган индивидлар сифатида қабул қиласиган даражада. Хусусан, индивидуал ва жамоавий маданиятлар 17.1-жадвалда қайд этилган нормаларнинг устунлик қилиши билан фарқ қиласиган.

17.1-жадвал

### **Индивидуал ва жамоавий маданиятлар нормалари**

<b>Индивидуал маданият</b>	<b>Жамоавий маданият</b>
Ижтимоий ҳолат индивидуал муваффақият билан белгиланади	Ижтимоий ҳолат жинс, миллат, оиласа мансублик асосида белгиланади
Хукуқ индивидуал хукуқларни муҳофаза қилишга йўналтирилган	Хукуқ гурӯҳ манфаатларини ҳимоялашга йўналтирилган
Инсонлар таваккалига (масъулиятни ўз зиммасига олган ҳода) эркин ҳаракат қиласиган	Инсонлар гурӯҳ манфаатларини ўз манфаатларидан устун қўйишлари керак
Нооммавий фикрни ифодалашга йўл қўйилади	Нооммавий фикрни ифодалаш маъқулланмайди
Қарорлар қабул қилишнинг индивидуал жараёни устунлик қиласиган	Қарорларни консенсус орқали қабул қилиш устунлик қиласиган
Лояллик ( фирмага, давлатга) маъқулланмайди	Муносабатлар лояллик асосида қурилади

Манба: [86].

- ноаниқлика йўл қўймаслик – таваккалчиликка нисбатан муносабат: бетарафлик, мойиллик ёки инкор этиш<sup>92</sup>.

- ҳаётда узоқ муддатли ёки қисқа муддатли мақсадларни назарда тутиб ҳаракат қилиш – жамғармаларга мойилликнинг мавжудлиги ва унинг интенсивлиги. Учинчидан, ҳукуқий муносабатларини тартибга соловчи расмий ҳукуқ институтлари ва норасмий нормаларнинг бир-бирига мос келиши даражасини аниқлаш учун таклиф этилган С.Корнел ва Ж.Колт методикаси<sup>93</sup>.

Таҳлилнинг ҳокимият институтларига йўналтирилганлигини ҳисобга олган ҳолда, методикада қуидаги параметрлар кўлланилади:

- ҳокимият таркиби – қонунчилик, ижроия ва суд ҳокимиятларини бўлиш учун (расмий ва норасмий нормалар даражасида) асослар мавжудми;
- ҳокимият ваколатлари – қайси ҳукуқлардан ҳокимият институтлари фойдасига воз кечилиши мумкин ва қайсиларидан умуман воз кечилмайди;
- ҳокимият институтларининг ижтимоий тузилмадаги ўрни – ҳокимият институти таянадиган ижтимоий тузилма: оила, локал ҳамжамият, авлод, миллат;
- ҳокимият манбаи – ҳокимият мерос қилинадиганми, сайланадиганми, харизматикми ёки эксперт қилинадиганми. Тўртинчидан, жамиятда ҳукумронлик қилаётган норасмий институтнинг идеал хилини ва импорт

<sup>92</sup> Handbook of Experimental Economics. Ed. by J. Kagel, A. Roth. Princeton: Princeton University Press, 1995. P. 620-623.

<sup>93</sup> Cornell S., Kalt J. Where does Economic Development Really Come From Constitutional Rule Among the Contemporary Sioux and Apache. P. 405-406.

қилинаётган расмий институтнинг идеал хилини ҳосил қилувчи нормаларни таққослашга асосланган методика<sup>94</sup>. Жамият асосий институтларининг (бозор, фирма, уй хўжалиги, давлатнинг) идеал хилларини яратиш шароитида ушбу ёндашув институционал ўзгариш динамикасининг кенг доирасини тадқиқ этиш имконини беради. Масалан, биз юқорида ишонч ҳосил қилганимиздек, қўйидаги нормалар йигиндиси бозорнинг идеал хили ҳисобланади:

- мураккаб утилитаризм;
- мақсадни кўзлаб оқилона ҳаракат қилиш;
- индивидуаллаштирилган ишонч;
- очиқлилик;
- ижобий маънодаги эркинлик;
- легализм.

Айнан ушбу нормалар мазкур жамиятда устунлик қилаётган норасмий нормаларни таҳлил қилиш учун параметрларни белгилаб беради. Натижада жамиятда индивидуаллаштирилган ишонч даражасини таърифловчи шкалаларни аниқлаш мумкин.

Шундай қилиб, институт импорт қилинган ҳолатда воқеалар ривожланишининг иккита сценарийини кўриш мумкин. Биринчидан, расмий ва норасмий нормаларнинг конгруэнтлиги ҳолатида институционал ривожланиши жадаллашуви юз беради. Лекин бунда институционал ривожланиш ҳаракат йўналишининг тубдан ўзгариши рўй бермайди, чунки расмий ва норасмий нормалар азалдан бир-бирига зид бўлмаган. Институт фақатгина ўзи вужудга келишининг бир қатор босқичларидан тезроқ ўтади (улар эволюцион ривожланиш ҳолатида анча кўп вақтни олган). Иккинчидан, расмий ва норасмий нормаларнинг ноконгруэнтлиги ҳолатида расмий ва норасмий нормалар ўртасидаги номувофиқлик туфайли институционал ривожланишининг сусайиши юз беради.

Иккинчи сценарий институционал ривожланиш ҳаракат йўналишининг тубдан ўзгариши рўй беришини умуман назарда тутмайди.

### **17.3 Ўзбекистон иқтисодиётини институционал ривожлантириш йўналишлари**

Ўзбекистон мустақиллигининг дастлабки йилларидан бошлаб босқичма–босқич амалга оширилган иқтисодий ва институционал ислоҳотлар жараёнида мамлакатимиз ижтимоий–иктисодий ҳаётида мутлақо янги институтлар яратилди. Шу билан бир вақтда жамият ва хўжалик фаолиятини юритиш ҳамда ривожланишини белгилаб берувчи расмий қоидаларни ўз ичига олевчи институционал мухит шаклланди. Шаклланган институционал мухит Ўзбекистон иқтисодиёти ривожланишини белгиловчи умумий институционал модел сифатида мулкчилик, ишлаб чиқариш ва тақсимот муносабатларига ҳамда янгича бошқариш тизимини барпо этилишига кучли таъсир қўрсатди.

<sup>94</sup> Олейник А. Издержки и перспективы реформ в России: институциональный подход//Мировая экономика и международные отношения. 1997. № 12; 1998. № 1.

Натижада мамлакатимиз иқтисодий ривожланиши босқичма–босқич барқарорлашди ва юқори иқтисодий ўсиш суръатлари таъминланмокда.

Шу билан бир қаторда, ушбу йўналишда ҳал этилиши лозим бўлган, ўз ечимларини кутаётган муаммолар, вазифалар ҳам мавжуд. Гап шундаки, ҳар қандай давлат ва унинг иқтисодиёти маълум билан институтлар доирасида фаолият юритади ва ривожланиб боради. Вақт ўтиши билан ўша институтлар ички ривожланиш талаблари ва ташки омиллар таъсири остида “эскиради”, улар тараққиётга тўсик бўлиб қолади. Шундай ҳолатларда мавжуд институтлар ва институционал нормаларни такомиллаштириш ёки улар ўрнига янгиларини киритиш лозим бўлади. Мисол тариқасида айтадиган бўлсақ, мамлакатимизда ўтган 2016 йилдан бошлаб Ўзбекистон Президенти Ш.Мирзиёев Фармонлари, Қарорлари орқали Хусусий мулкчилик, кичик бизнес, корпоратив бошқариш ва бошқа бир қанча йўналишларда институционал нормалар ҳамда меҳанизмлар такомиллаштирилди ва янги институтлар жорий қилинди.

Институционал нормалар ва меҳанизмлар иқтисодий ривожланишга таъсири этувчи омиллар самарадорлигини оширишга асос яратиши билан бирга, узоқ истиқболда иқтисодий ўсишга шароит очиб беради. Институционал муҳитни шаклланиши билан боғлиқ муаммолар ҳамда институционал чекловларни юзага келиши иқтисодий ривожланиш имкониятларини пасайтиради. Шуларни ҳисобга олганда мамлакатда шаклланган институционал муҳит сифатини иқтисодий ривожланишга ҳамда институционал ўзгаришларни иқтисодий ўсишга таъсирини баҳолаш ҳамда барқарор иқтисодий ривожланишни рафбатлантирувчи институтлар таркибини ва меҳанизмларни такомиллаштириш зарур ҳисобланади.

“Ҳаракатлар стратегияси”да давлат ва жамият қурилиши тизимини такомиллаштириш бўйича 7 та янги қонун қабул қилиш, 15 та амалдаги қонунларга ўзгартериш ва қўшимчалар киритиш орқали давлат ва жамият бошқарувига янги институционал – ҳукуқий нормалар киритилади ҳам мавжудлари такомиллаштирилади.

Ҳозирги кунда Ўзбекистонда шаклланган, кундалик ҳаётда фойдаланилаётган, айrim нокулай, такомилига етмаган институтлар мамлакатимиз иқтисодиётини янада барқарор ривожланишига ҳалақит берәётган тўсиқлардан ҳисобланади. Қайсиким улар орқасида яшириниб турган аниқ таркибга эга, мутаносиб, қарама–қаршиликларсиз институтлар мавжуд, ана шундай институтлар иқтисодий ўсишга янги туртки беради ҳамда ўзаро иқтисодий муносабатларни тезлаштиради ва соддалаштиради, халқаро майдонда Ўзбекистон обрўсини оширади.

Ҳар қандай янги институт ёки институционал нормалар, қоидалар тезда пайдо бўлмайди, ёки уларни амалга киритиш бирдан юз бермайди. Аксинча, айrim институтлар қанчалик жозибали бўлмасин, уларни қонунчиликка киритиш ҳамиша ҳам мақсадга мувофиқ ҳисобланмайди, ёки бундай ҳаракат ривожланишга тўсиқ бўлиб, мавжуд институционал мутаносиблигни бузиши мумкин. Шуларни ҳисобга олганда, Ўзбекистонда “Ҳаракатлар стратегияси”ни босқичма–босқич амалга ошириш тамоилларига амал қилган ҳолда, ўзини

оқлаган институционал механизмларни ривожлантиришнинг стратегик мақсадларга мувоғиқ такомиллаштириш талаб этилади. Шу нұқтаи назардан, Ўзбекистон Республикаси Президенти Ш.Мирзиёев Фармонлари, маъruzалари ва чиқишлиарида белгилаб берилган барқарор иқтисодий ривожланишни қўллаб–қувватлашнинг устувор вазифаларини амалда ижросини таъминлаш билан боғлиқ йўналишларда тадқиқотлар бажарилиши лозим.

Институционал нұқтаи назардан, давлатнинг асосий функцияларидан бири – бу мулкчилик ҳуқуқини ҳимоя қилишдир. Хусусий мулк – иқтисодий рақобатни ҳаракатга келтирувчи асосий куч ҳисобланади. Шу нұқтаи назардан хусусий мулк ҳуқуқини ҳимоя қилиш ва шартномалар бажарилишига давлат кафолатининг институционал механизмларини такомиллаштириш зарур. Чет эл инвестициялари ва инвесторларини ҳимоя қилиш, турли тадбиркорлик шакллари ривожланишини қўллаб–қувватлаш ва уларни рағбатлантириш институтлари, институционал нормалари ҳамда механизмлари шулар жумласига киради.

Рақобат шароитида иқтисодий ўсиш кўп жиҳатдан трансакциялар бажарилишига ва улар учун сарфланаётган харажатларга боғлиқ ҳисобланади. Ушбу муаммо юзасидан амалга оширилаётган тадқиқотлар назарий таснифга эга бўлиб, улар иқтисодий ривожланишнинг трансакция харажатларининг амалий жиҳатларини ҳисобга олмаган. Шу нұқтаи назардан макро ва микро даражада давлат ва бозор тузилмаларида трансакция харажатларини оптималлаштиришнинг институционал омилларини баҳолаш ва тавсиялар ишлаб чиқиши зарур.

Иқтисодий ўсишни барқарор суръатларини таъминлашнинг ўтган йилларда тўпланган тажрибаларидан келиб чиқиб, иқтисодиётнинг реал сектори тармоқларида меҳнат унумдорлигини ошириш учун бошқариш усусларини такомиллаштириш зарур.

Мамлакатимизда ЯИМ ҳажмини оширишнинг прогноз вариатлари ташқи шароитларга боғланмаслиги, инерцион хусусиятга эмас, балким инновацион - инвестицион тавсифга эга бўлиш ҳамда тегишли давлат ва нодавлат идоралари иши самарадорлигининг асосий мезонига айланиши керак.

Иқтисодиётнинг базавий тармоқлари, айниқса саноат ва қишлоқ хўжалигига иқтисодий ўсишни ресурслардан фойдаланишини кенгайтириш ҳисобига эмас, балким сифат жиҳатда такомиллаштириш ҳисобига эришиш лозим.

Ўзбекистонда ЯИМ ҳажмини 2030 йилга бориб 2 марта ошириш сиёсатининг муҳим йўналиши сифатида хусусий мулкчилик, кичик бизнес ва хусусий тадбиркорликни устувор ривожлантиришни ажратиш лозим. Шуни ҳисобга олиб, “Ҳаракатлар стратегияси”да белгиланганидек, кичик бизнеснинг янги субъектларининг пайдо бўлиши ва ривожланишини ҳар томонлама рағбатлантириш, кичик бизнес нуфузини ошириш, уларни қўллаб-қувватлашни фаоллаштириш ҳамда ҳимоя қилишнинг институционал нормаларини янада такомиллаштириш зарур.

## **Қисқача хуроса.**

Расмий институтларнинг импорт қилиниши билан боғлик инқилобий вариант ҳам институционал ривожланишнинг ҳаракат йўналишини тубдан ўзгартиришга қодир эмас. У мазкур йўналиш бўйича ҳаракатни тезлаштириши ҳам, сусайириши ҳам мумкин. Воқеалар иккинчи сценарий бўйича ривожланган тақдирда масалани импорт қилинаётган институтлар намуналарини алмаштириш орқали ҳал этиш мумкин. Бундай ёндашув расмий институтларни импорт қилувчи мамлакатнинг норасмий институтлари билан конгруэнтн бўлган экспорт қилувчи мамлакатни топиш имконини берган бўларди. Бундан кейин эса расмий ва норасмий нормалар ўзаро ҳамкорлигининг узоқ давом этадиган жараёни бошланади: янги расмий институтнинг жорий қилинишидан дастлабки туртки норасмий нормаларнинг реактив ўзгаришини келтириб чиқаради, норасмий нормаларнинг ўзгариши эса расмий институтнинг ташкилий тузилишига таъсир кўрсатади ва ҳоказо.

## **Таянч сўз ва иборалар**

Институтлар импорти, инқилобий вариант, институционал ривожланиш, конгруэнтлик, индивидуал маданият, жамоавий маданият, ишонч.

### **Тақрорлаш учун саволлар**

1. Институтлар ўзгариши инқилобий варианти нима?
2. Ўзбекистонда институтлар ўзгаришини тавсифлаб беринг.
3. Жамиятда йўқолиб кетган институтларни тиклашга мисоллар келтиринг.
4. Давлатлар ўртасида институтларни бирхиллаштириш қандай самара беради.
5. Институтлар конгруэнтлиги нимани билдиради?
6. Ўзбекистон иқтисодиёти институтларини такомиллаштириш зарурияти нималарга боғлик?

## **АДАБИЁТЛАР РЎЙХАТИ**

### ***I. Расмий манбалар***

1. Ўзбекистон Республикаси “Мулк тўғрисида”ги Қонуни. 1990 й. 31 октябрь.
2. Ўзбекистон Республикаси “Давлат тасарруфидан чиқариш ва хусусийлаштириш тўғрисида”ги Қонуни. 1991 й. 19 ноябрь.
3. Ўзбекистон Республикаси Конституцияси. 1992 й. 8 декабрь.
4. Ўзбекистон Республикаси “Акциядорлик жамиятлари ва акциядорлар хуқуқларини ҳимоя қилиш тўғрисида”ги Қонуни. 1996 й. 26 апрель.
5. Ўзбекистон Республикаси Фуқаролик Кодекси. 1996 й. 29 август.
6. Ўзбекистон Республикаси Солиқ Кодекси. 1997 й. 24 апрель.
7. Ўзбекистон Республикаси Ер Кодекси. 1998 й. 30 апрель.
8. Ўзбекистон Республикаси Уй-жой Кодекси. 1998 й. 24 декабрь.
9. Ўзбекистон Республикаси “Деҳқон хўжалиги тўғрисида”ги Қонуни. 1998 й. 20 апрель.
10. Ўзбекистон Республикаси “Нодавлат нотижорат ташкилотлари тўғрисида”ги Қонуни. 1999 й. 14 апрель.
11. Ўзбекистон Республикаси “Хусусий тадбиркорлик кафолатлари ва эркинликлари тўғрисида”ги Қонуни. 2000 й. 25 май.
12. Ўзбекистон Республикаси “Масъулияти чекланган ҳамда қўшимча масъулиятли жамиятлар тўғрисида”ги Қонуни. 2001 й. 6 декабрь.
13. Ўзбекистон Республикаси “Хусусий корхоналар тўғрисида”ги Қонуни. 2003 й. 11 декабрь.
14. Ўзбекистон Республикаси “Фермер хўжалиги тўғрисида”ги Қонуни. 2004 й. 26 август.
15. Ўзбекистон Республикаси “Муаллифлик хуқуки ва турдош хуқуqlар тўғрисида”ги Қонуни. 2006 й. 20 июль.
16. 2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегияси. Ўзбекистон Республикаси Президентининг 2017 йил 7 февралдаги ПФ-4947 сонли Фармонига 1-илова. ЎзР қонун хужжатлари тўплами, 2017 й., 6-сон, 70-модда.
17. Указ Президента Республики Узбекистан “О дополнительных мерах по обеспечению ускоренного развития предпринимательской деятельности, всемерной защите частной собственности и качественному улучшению делового климата”. 5.10.2016 г.
18. Указ Президента Республики Узбекистан «О мерах по коренному реформированию национальной системы оказания государственных услуг населению» от 12.12.2017 г. <https://www.norma.uz/ukaz> prezidenta respublikni uzbekistan 43.
19. Указ Президента Республики Узбекистан «О мерах по коренному совершенствованию системы защиты прав и законных интересов фермерских, дехканских хозяйств и владельцев приусадебных земель, эффективного использования повседневных площадей сельского хозяйства» от 9.10.2017 г. № УП-5199.

20. Постановление Президента Республики Узбекистан “О внедрении нового порядка формирования и финансирования государственных программ развития Республики Узбекистан”. 18.12.2017. <https://www.norma.uz/chastnoe/postanovlenie prezidenta respubliki uzbekistan 37>.

### **I. Ўзбекистон Республикаси Президентининг асарлари ва маърузалари**

21. Қонун устуворлиги ва инсон манфаатларини таъминлаш – юрт тараққиёти ва халқ фаровонлигининг гарови. ЎзР Президентининг Конституция кунига бағишиланган мажлисда сўзлаган нутқи. 7.12.2016 й.

22. Послание Президента Республики Узбекистан Шавката Мирзиёева Олий Мажлису. 25.12.2017 г. [https://www.norma.uz/vajnie\\_sobitiya/](https://www.norma.uz/vajnie_sobitiya/) poslanie - prezidenta-respublikি uzbekistan. Shavkata-mirziyeeva-oliy\_majlisi.

### **II. Maxsus китоблар ва илмий тўпламлардаги мақолалар**

23. Каримов И.А. Ўзбекистон иқтисодий ислоҳотларни чукурлаштириш йўлида. – Т.: Ўзбекистон, 1995. - 269 б.

24. Каримов И.А. Жаҳон молиявий-иктисодий инқизози, уни Ўзбекистон шароитида бартараф этишнинг йўллари ва чоралари. - Т.: Ўзбекистон, 2009.

25. Агабекян Р.А., Баядурян Г.А. Институциональная экономика: бизнес и занятость: Учебное пособие. – М.: Магистр, 2008.

26. Агеев А.И. Предпринимательство: проблемы собственности и культуры. - М., 1991.

27. Беркинов Б.Б., Неделькина Н.И. Мулк ҳуқуқлари алмашиши жараёнида трансформация ва трансакция харажатлари. Монография. Тошкент: Фан ва технология, 2015 й. 132 б.

28. Беркинов Б.Б., Умаров И.Ю., Суннатов М.Н. Институционал иқтисодиёт. Амалий машғулотлар учун ўкув қўлланма. – Т.: “Фан ва технология”, 2014 й. 252 б.

29. Беркинов Б.Б., Эргашхўжаева. Ш.Дж., Трансакция харажатларини бошқаришнинг илмий – услугий асослари. Монография. – Т.: “Fan va texnologiya”, 2017 й., 236 б.

30. Беркинов Б.Б., Ахмедов У.Қ. Уй хўжаликлари ривожланиши ва оила даромадларини ошириш истиқболлари. Монография. – Т.: “Fan va texnologiya”, 2013 й. 144 б.

31. Вольчик В.В. Институциональная и эволюционная экономика: учебное пособие // В.В.Вольчик. – Ростов н/Д: Изд-во ЮФУ, 2011. – 228 с.

32. Введение в институциональную экономику: Учебное пособие. /Под.ред. Д.С.Львова. – М.: Из-во “Экономика”, 2005.

33. Веблен Т. Теория праздного класса. – М.: Прогресс, 1987.

34. Гребенников В.Г. Эволюция институциональных систем. - М.: Наука, 2004.

35. Грибов А. Ю. Институциональная теория денег: сущность и правовой режим денег и ценных бумаг. – М.: РИОР, 2008.

36. Гэлбрейт Дж.К. Экономические теории и цели общества. – М.: Прогресс, 1976.

37. Дементьев В.В. Институты, поведение, власть. Донецкий

национальный технический университет. – Дон НТУ, 2012. 310 с.

38. Данилов С.Ю. Конституционная экономика в зарубежных странах: Учеб. пособие. /С.Ю.Данилов; Гос.ун-т – Высшая школа экономики. – М.: Изд. дом ГУ ВШЭ, 2008.

39. Институциональные основы формирования многоукладной экономики. Монография. /Под общ. ред. И.Л.Бутикова. – Т.: Консаудитинформ, 2002.

40. Институциональная экономика: Учебник. /Под общ. ред. А. Олейника. – М.: ИНФРА-М, 2009.

41. Институциональная экономика: новая институциональная экономическая теория: Учебник. /Под общей ред. д.э.н., проф. А.А. Аузана. – М.: ИНФРА-М, 2006.

42. Коуз Р. Фирма, рынок и право. – М.: Дело, 1993.

43. В. May., К. Яновский, С. Жаверенков, Д. Маслов. Институциональные предпосылки современного экономического роста. – М.: ИЭПП, 2007. – 133 с. (Научные труды Института переходного периода. № 106 Р). [www.iet.ru](http://www.iet.ru), E-mail: [inxo@iet.ru](mailto:inxo@iet.ru)

44. Неделькина Н.И. Институты права собственности в Республики Узбекистан. //Иқтисодий ислоҳотлар амалда: эришилган ютуқлар, муаммолар ва иқтисодиётнинг ривожланиш истиқболлари: Ўзбекистон Республикаси мустақиллигининг 18 йиллигига бағишланган илмий-оммабоп мақолалар тўплами. – Т.: Иқтисодиёт, 2009.

45. Нуриев Р.М. Институционализм: вчера, сегодня и завтра. Предисловие к учебному пособию А.Оленика. “Институциональная экономика”/Р.М.Нурьев. – М.: ИНФРА – М, 2000. -70 с.

46. Норт Д. Институты, институциональные изменения и функционирование экономики. – М.: Фонд экономической книги «Начало», 1997.

47. Олейник А.Н. Институциональная экономика: Учебное пособие. – М.: ИНФРА-М, 2009.

48. Ортиқов А.А. Исоҳўжаев А.Т., Шестаков А.В. Хуфиёна иқтисодиёт: Ўқув қўлланма. /Масъул муҳаррир – ю. ф. д., проф. У.Тожихонов. – Т.: Ўзбекистон Республикаси ИИВ Академияси, 2002.

49. Рабочая тетрадь по дисциплине «Институциональная экономика». Ташкентский государственный экономический университет. Кафедра «Макроэкономика». Изд. «Иқтисодиёт», 2017, 104 с.

50. Сухарев О.С. Институты и экономическое развитие. – М.: ООО ИКП «ДeКА», 2005.

51. Сухарев О.С. Институциональная экономика: теория и практика. /О.С.Сухарев; Ин-т экономики РАН. – М.: Наука, 2008.

52. Тарушкин А.Б. Институциональная экономика. Учебное пособие. – СПб.: Питер, 2004.

53. Ташматов Р.Х. Фермер хўжаликларининг институционал асосларини такомиллаштириш. // Иқтисодий ислоҳотлар амалда: эришилган ютуқлар,

муаммолар ва иқтисодиётнинг ривожланиш истиқболлари: Ўзбекистон Республикаси мустақиллигининг 18 йиллигига бағишиланган илмий-оммабоп мақолалар тўплами. – Т.: Иқтисодиёт, 2009.

54. Ташматов Р.Х., Хашимов У. Особенности земельно-имущественных отношений в фермерских хозяйствах Узбекистана: V Международная научно-практическая конференция. Сборник тезисов. – Пенза: Пензенский государственный университет архитектуры и строительства, 2009.

55. Ходжсон Джейфри. Экономическая теория и институты: Манифест современной институциональной экономической теории. /Пер. с англ. – М.: Дело, 2003.

56. Шаститко А.Е. Новая институциональная экономическая теория, 3-е изд., перераб. и доп. – М.: МГУ, ТЕИС, 2002. – 591 с.

57. New institutional economics.  
<http://ebooks.cambridge.org/abook.jsf?bid=CBO9780511754043>. Cambridge books Online Cambridge University Press, 2016.

58. Dayglass North. Institutions, institutional change and economic performange. First published, 1990. Reprinted, 1991 (twice), 1995, 1996. Cambridge University Press.

59. Эггерсон Т. Экономическое поведение и институты. – М.: ДЕЛО, 2001. 18-19 б.

60. On Economic Institutions: Theory and Applications. Alder-shot: Edrdward Elgar, 1995.

61. [www.agro.uz](http://www.agro.uz) – Ўзбекистон Республикаси Қишлоқ ва сув хўжалиги вазирлиги расмий сайти.

62. [www.gki.uz](http://www.gki.uz) – Ўзбекистон Республикаси Давлат рақобат қўмитаси расмий сайти.

63. [www.gov.uz](http://www.gov.uz) – Ўзбекистон Республикасининг ҳукумат портали.

64. [www.lex.uz](http://www.lex.uz) – Ўзбекистон Республикаси Қонун ҳужжатлари маълумотлари миллий базаси.

65. [www.stat.uz](http://www.stat.uz) – Ўзбекистон Республикаси Давлат статистика қўмитаси расмий сайти.

66. [www.fermers.uz](http://www.fermers.uz) – Информационный фермерский портал Узбекистана.

67. Статистический сборник “Статистическое обозрение Узбекистана” за 2010 -2015 гг. (электронная версия: источник [www.stat.uz](http://www.stat.uz))

68. Ўзбекистон саноати. ЎзР Давлат статистика қўмитаси. Тошкент, 2016. – 149 б.

69. Ўзбекистон ҳудудларининг йиллик статистик тўплами. ЎзР Давлат статистика қўмитаси. Тошкент, 2016. – 244 б.

## ГЛОССАРИЙ

**Бозор конституцияси** – бозорда битимларни амалга ошириш ва унда мувозанатга эришиш имконини берувчи хатти-ҳаракатларнинг ўзаро шартланган нормалари йифиндисини ташкил этади.

**Бюрократик рента** – ўз лавозим мавқеидан ноқонуний тарзда даромад олиш учун фойдаланувчи давлат амалдори томонидан олинган даромад (масалан, пора, совгалар ва ҳ.к.).

**Бюрократиянинг иқтисодий назарияси** – ижтимоий танлов назариясининг йўналишларидан бири бўлиб, у қимматбаҳо неъматларни ишлаб чиқармайдиган ва даромадлари ўз фаолияти натижаларини сотиш билан боғлик бўлмаган ташкилотларнинг фаолиятини ўрганади.

**Давлат** – чегаралари унинг фуқароларга солиқ солиши қобилияти билан белгиланган жуғрофий худудга жойлашган, ҳукмини амалга оширишда қиёсий устунликка эга ташкилот.

**Дисвазифа** – бирор-бир орган, тизим, иқтисодий институт вазифаларининг асосан сифат жиҳатдан бузилиши.

**Жамоавий хатти-ҳаракат харажатлари** – Ж.Комманс методологиясидан келиб чиқсан ҳолда, институтларни ташкил қилиш ва улар фаолиятини таъминлаш харажатлари.

**Ижтимоий танлов назарияси** – улар ёрдамида инсонлар ҳукумат муассасаларидан ўз манфаатлари йўлида фойдаланувчи турли усулларни ўрганувчи назария.

**Институт** – инсонлар томонидан барпо этиладиган ва ўзаро ҳамкорликни таркибловчи сиёсий, иқтисодий ҳамда ижтимоий меъёр ва қоидалар.

**Институт** – жамият аъзолари ўртасидаги ўзаро муносабатларни белгилаб берувчи расмий қоидалар ва норасмий нормалар тизими.

**Институтопровайдер** – неоинституционал назария доирасида – ишлаб чиқариш институтлари ва келишувлар ишлаб чиқувчиси ва тарқатувчиси ролини, институтлар инкубатори ролини (тегишли институционал муҳитда янги институтларни етишириш), якка тартибдаги институционал интегратор ролини (ушбу нормага амал қилувчилар таркибига янги индивидларни жалб этиш) бажарган ҳолда неоинституционал таркибга таъсир этувчи ташкилот.

**Институционаллаштириш** – индивидлар ўртасидаги муносабатларда жамият аъзоларининг катта қисми томонидан фойдаланиладиган муайян қоидалар ёки нормаларни мустаҳкамлаш.

**Институционал вакуум** – илгариги хўжалик тизимини бошқариш механизмининг тугатилиши ва янги механизмнинг мавжуд эмаслиги туфайли институционал тизимда энг кам трансакция харажатларига эга битимларнинг амалга оширилишини қўллаб-қувватлашга қодир расмий институтларнинг мавжуд эмаслиги ёки етишмаслиги.

**Институционал матрица** – тарихан барқарор шаклланган, дастлабки давлатларнинг пайдо бўлиши ва барча кейинги институционал тузилмаларнинг ривожланишини белгилаб берган, ўз навбатида, моҳияти ҳамон сақланиб

қолган бирламчи моделни такрор яратишга хизмат қилувчи асосий ижтимоий институтлар тизими.

**Институционал низо** – расмий ва норасмий қоидалар ўртасидаги номувофиқлик натижаси. Бир ҳолатда, институционал низо истиқболсиз институтларнинг пайдо бўлиши, бошқа ҳолатда эса самарасиз бўлса-да барқарор ҳосилалар – институционал тузоқларнинг пайдо бўлишига олиб келади.

**Институционал технология** – институтларни жорий этиш (импорт қилиш), шунингдек, иқтисодий тизим фаолияти трансакция харажатларининг пасайишига олиб келиш ва иқтисодий ўсишни таъминлашга қодир янги институтларни ишлаб чиқиши (етиштириш) билан боғлиқ технология.

**Институционал тузоқ** – ўзини-ўзи қўллаб-қувватловчи хусусиятга эга самарасиз барқарор норма (самарасиз институт).

**Иштирокчи** – мол-мулкка нисбатан мулкчилик ҳукуқидан жамиятга нисбатан талаб ҳуқуқи эвазига воз кечувчи иқтисодий агент.

**Иқтисодиётдаги маъмурий тўсиқлар** – давлат органларининг қарорлари билан белгиланган, уларга амал қилиш бозорда фаолият юритишнинг мажбурий шарти ҳисобланган, бюрократик тартиботларни ўташ учун одатда бюджетга тушмайдиган тўловларни жорий этувчи қоидалар.

**Иқтисодий империализм** – неоклассик ёндашув асосида жамият тўғрисидаги фанларнинг бутун тарқоқ оиласини унификациялаш.

**Келишувлар нисбатининг** қуйидаги варианtlари мавжуд:

**Муроса** – унда турли келишувлар талаблари ўртасидаги зиддиятга барҳам берувчи синтетик нормалар намоён бўлувчи келишувлар нисбати.

**Уринииш** – унда бир ўзаро ҳамкорликнинг ўзи бир-бирини истисно этувчи нормалар асосида амалга оширилиши мумкин бўлган келишувлар нисбати.

**Экспансия** – унда ўзаро ҳамкорликни ташкил этиш илгари бошқа келишувлар ҳукмронлик қилган соҳалардаги келишувлардан бирининг нормалари асосида амалга ошадиган келишувлар нисбати.

**Кооперация** – инсонлар гурухининг ҳамкорлиги тури бўлиб, унинг натижасида бирор-бир ресурсларни биргаликда фойдаланиш якка тартибда фойдаланишдагига нисбатан яхшироқ натижаларга эришишга ёрдам беради.

**Коррупцияни институционаллаштириш** – қарорлар коррупцияланган сиёsatчилар томонидан хусусий компаниялар манфаатлари йўлида эмас, балки коррупцияланган бюрократик тузилмалар манфаатлари йўлида қабул қилинадиган маъмурий ва сиёсий коррупцияни синтез қилиш.

**Коуз теоремаси:** агар мулк ҳуқуқи аниқ тафсирланган бўлса, яъни хўжалик юритувчи субъектлар ҳуқуқларининг чегаралари аниқ белгиланган бўлса ва ижро этилса, у ҳолда томонлар ўртасидаги ушбу мулкдан фойдаланишдан етказилган заарлар бўйича ихтилофли масалани учинчи томон (давлат)ни жалб этмаган ҳолда ҳал этиш мумкин, чунки мазкур ҳолатда трансакция харажатлари кам бўлади.

**Коуз теоремаси** (Ж. Стиглер томонидан ифодаланган): мукаммал рақобат шароитида хусусий ва ижтимоий харажатлар teng бўлади.

**Коуз теоремаси** (Т. Эггерссон томонидан ифодаланган): агар трансакция харажатлари катта бўлмаса, у холда иқтисодиёт, ундаги мавжуд сиёсий ва бошқа институтлар тўпламидан қатъи назар, оптималь траектория бўйича ривожланади.

**Кредитор** – тадбиркорлик фаолияти билан боғлиқ хатарлардан воз кечган сармоядор.

**Лоббизм** – давлат ҳокимиятининг қонун чиқарувчи ва ижро этувчи органларига мақсадли таъсир этиш йўли билан алоҳида ташкилотлар ва турли жамоатчилик гурухлари манфаатларини амалга оширишнинг алоҳида тизими ва амалиёти.

**Мувозанатларнинг қўйидаги турлари мавжуд:**

*Парето бўйича мувозанат* – ўйинчилардан бирининг ҳолатини, иккинчи ўйинчининг ҳолатини ёмонлаштирган ҳолда, яхшилаб бўлмайдиган вазият.

*Штакельберг бўйича мувозанат* – ҳеч бир ўйинчи ўз ютугини бир томонлама тартибда ошира олмайдиган вазият. Бунда қарор дастлаб биринчи ўйинчи томонидан қабул қилинади, сўнгра иккинчи ўйинчига маълум бўлади.

*Нэш бўйича мувозанат* – ўйинчиларнинг ҳеч бири ўз харакатлари режасини ўзгартирган ҳолда ўз ютугини бир томонлама ошира олмайдиган вазият.

*Устун стратегияли мувозанат* – бошқа иштирокчининг ҳаракатларидан қатъи назар иштирокчига максимум фойдалиликни таъминловчи ҳаракатлар режаси.

**Мураккаб утилитаризм** – индивид томонидан ўз фойдалилигининг самарали фаолият асосида оширилиши.

**Мутассиблик (рутин)** – (французча “routine” – ўрганилган йўл маъносини англатади) одатга кирган усул, бирор-бир фаолият тури учун одатдаги иш усули, ўзгаришдан чўчиш, турғунлик.

**Норма** – институционал мухитда индивидларнинг ўз танловини амалга оширишда фойдаланиладиган асосий унсур ҳисобланади.

**Оддий утилитаризм** – индивиднинг самарали фаолияти билан боғлиқ бўлмаган ҳолда ўз фойдалилигини оширишга интилиши.

**Олий мулк** – давлат мулкининг дастлабки шакли ҳисобланади.

**Оппортунистик хатти-ҳаракатлар** – ўз манфаатига эришиш учун алдаш, ёлғон, ўғирлик ва бошқа қабиҳликларни амалга ошириш.

**«Принципал-агент» муаммоси** – «агент»нинг «принципал» топшириғи ва кўрсатмасини бажаришдаги ҳийласи (найранги). Ҳийла ишлатиш (найранг) ахборот асимметрияси ва «агент» фаолияти устидан юқори даражадаги назоратнинг туфайли мумкин бўлади.

**Расмий қоидалар** – конституциялар, қонунлар, суд қарорлари, маъмурий хужжатлар.

**Реклама** – имкониятли харидорларга сотувчилар хақида маълумотлар бериш усули.

**Сармоядор** – тадбиркорлик ролидан воз кечган капиталист.

**Солик бўшлиғи** – назарда тутилаётган солик тушумларининг суммаси билан реал йифилган даромад ўртасидаги фарқ.

**Табақали мулк** – олдинги даврда асосий меҳнат шароити бўлган табиий ресурсларга табақали монополиялар шаклланиши билан тавсифланади, мулкдорларнинг ўзларига «бириқтирилган» мол-мулкни тасарруф этиш хуқуки борган сайин кенгайиши билан изоҳланади.

**Ташкилий маданият** – ташкилот аъзолари ўртасидаги ўзаро муносабатларни тартибга солувчи ва уларнинг жамоавий билимлари ва тажрибасининг ифодаси ҳисобланган меъёрлар, қоида ва анъаналар йифиндиси.

**Ташкилот** - хукмонлик муносабатлари, яъни иштирокчиларнинг айримлари - «агентлар» томонидан ўз ҳаракатлари устидан назорат ҳуқуқининг унинг бошқа иштирокчиси - «принципал»га топширилиши асосида қурилган мувофиқлаштириш бирлиги.

**Ташқи таъсиrlар (экстерналийлар)** – нархда ўз аксини топмаган қўшимча харажатлар ёки фойдалар. Ижобий ташқи таъсиrlар бир иқтисодий субъект фаолияти бошқа субъектлар учун қўшимча фойдаларнинг пайдо бўлишига олиб келган ҳолларда юзага келади, бунда у ишлаб чиқарилаётган неъматнинг нархларида ўз аксини топмайди. Салбий ташқи таъсиrlар бир иқтисодий субъект фаолияти бошқа субъектлар учун қўшимча харажатларни келтириб чиқарган ҳолларда юзага келади.

**Трансакция** – шартнома шаклига эга бўлган битим.

**Трансакция харажатлари** – ишлаб чиқариш жараёни билан боғлиқ бўлмаган харажатлар, хусусан, ахборотни тўплаш ва қайта ишлаш харажатлари, мунозараларни ўтказиш ва қарорлар қабул қилиш харажатлари, шартномаларнинг бажарилишини назорат қилиш ва ҳуқукий ҳимоялаш харажатлари.

**Трансакция харажатлари** – мулкилик ҳуқуқларини алмашиш ва ҳимоялаш билан боғлиқ барча харажатлар.

**Трансформация харажатлари** – иқтисодий тизимдаги эски институтларни тугатиш, янги институтларни шакллантириш (ёки импорт қилиш) ва мослаштириш билан боғлиқ харажатлар.

**Үй хўжалиги** – инсон капиталини ишлаб чиқаришнинг умумий вазифалари, яшаш, бюджет ва оила-қариндошчилик алоқалари билан бирлашган кишилар гурӯҳи.

**Фирма ички тузилишининг вариантлари**

*Аралаши тузилма*, агар бўлинмалардан бири унитар корхонадаги сингари фирма раҳбарияти томонидан тўлиқ назорат қилинса, иккинчи бўлинма холдингдаги каби фирма раҳбариятига молиявий жиҳатдан қарам бўлса, учинчи бўлинма эса операцион мустақилликка эга бўлиб, мультидивизионал тузилмадаги каби ўз харажатини қоплаш тамойили асосида фаолият юритган тақдирда, юзага келади.

*Мультидивизионал тузилма* – маҳсулот тури, савдо маркасига кўра ёки жуғрофий белги бўйича ўз харажатини қоплаш ва ўзини-ўзи молиялаш

тамойили асосида фаолият юритувчи ярим мухтор ишлаб чиқариш бўлинмаларини ташкил этишни назарда тутади.

*Холдинг тузилмаси* – қарорлар қабул қилиш ва «агентлар» ҳаракатлари устидан назорат жараёнини имкон қадар марказлашган тизимдан чиқаришни намоён этади.

*Унитар тузилма* – хукмронлик муносабатларининг максимал даражада марказлашувини назарда тутади.

*Хусусий мулкчилик* – индивиднинг жамоавий хўжалик фаолиятидан ажralиб чиқшини ўзида намоён этади.

**Хуфиёна иқтисодиёт** – унда иқтисодий фаолият қонун доирасидан ташқарида амалга ошириладиган, яъни битимлар қонундан, хўжалик турмушининг хукуқий меъёрлари ва расмана қоидаларидан фойдаланилмаган ҳолда амалга ошириладиган соҳа. Хуфиёна иқтисодиёт қуидаги уч унсурдан таркиб топади:

*Норасмий иқтисодиёт* – иқтисодий фаолиятнинг ошкора турлари, унда харажатларни пасайтириш мақсадида товар ва хизматларнинг қайд этилмаган тарзда ишлаб чиқарилиши ўрин тутади (таъкидлаш лозимки, давлатдан яшириладиган барча фаолият турлари хукуқий меъёрлар билан тартибга солиниши мумкин эмас ва мулкчилик хукуқларини ҳимоялашнинг муқобил механизmlари қўлланилишини талаб этади).

*Соҳта иқтисодиёт* – қўшиб ёзишлар, чайқовчилик битимлари, порахўрлик ва пулни олиш ҳамда бериш билан боғлиқ ҳар хил товламачилик ҳаракатлари иқтисодиёти.

*Криминал иқтисодиёт* – қонуннинг (биринчи навбатда – Жиной ва Фуқаролик кодексларининг) тўғридан-тўғри бузилиши ва мулкчиликнинг қонуний ҳукуқларига тажовуз қилиш билан боғлиқ иқтисодий фаолият.

**Хуфиёна иқтисодиёт** – биринчи навбатда иқтисодий ҳолат, чунки ушбу сектор иштироқчиларининг хатти-ҳаракатлари оқилоналик мотиви ва иқтисодий фойда билан изоҳланади. Бу ерда фаолият юритувчи иқтисодий субъектлар ўзига хос “*homo economicus*” модели билан ёритилади.

**Хуфиёна иқтисодиёт** – у учун одатий хўжалик фаолиятини юритища мавжуд қонунларга амал қилиш харажатлари (трансакция харажатлари) ўз мақсадларига эришишдан кўриладиган фойдадан юқори бўлган инсонлар учун паноҳ (Э. де Сото).

**Шартнома** – белгаланган институционал доираларда шахсларнинг онгли равишда ва эркин танлови натижаси ҳисобланган мулкчилик ҳукуқлари билан алмашиш ва уларни ҳимоялаш тўғрисидаги келишув.

*Сотии тўғрисидаги шартнома* – бир хил даражада хатарга бетараф бўлган шахслар ўртасидаги келажакда шартноманинг бажарилиши жараёнида амалга ошириладиган вазифалар доирасини белгилаб берувчи келишув.

*Ёллаш тўғрисидаги шартнома* – хатарга бетараф бўлган шахс ва хатарга карши шахс ўртасидаги келажакда шартноманинг бажарилиши жараёнида амалга оширилиши мумкин бўлган вазифалар доирасини белгилаб берувчи

келишув. Бунда хатарга қарши шахс хатарга бетараф бўлган шахсга ўз ҳаракатлари устидан назорат қилиш ҳуқуқини топширади.

**Шартномавий давлат** – фақат унга фуқаролар томонидан топширилган ҳуқуқлар доирасида ва уларнинг манфаатлари йўлида куч ишлатиш монополиясидан фойдаланувчи давлат, фуқаролар эса солиқларни тўлашга мажбурият деб эмас, балки ўз зиммасига ихтиёрий равишда олинган бурч сифатида қарайди.

**Эксплуататорлик давлати** ўз даромадини (солик тушумларини), аникрофи, - давлат аппаратини назорат қилувчи гуруҳнинг даромадини ошириш учун мажбур қилиш монополиясидан фойдаланади.

**Экстремал вазиятлар** – мулк ҳуқуқини қайта тақсимлашни қонуннинг қабул қилиниши натижасида зарар кўрган томонларни хуфиёна ҳаракат қилишга ундайдиган ҳолат.


**Қариндош-уруғчилик капитализми** – сиёсий ва иқтисодий иерархияда ролларнинг қариндошчилик ёки ошначилик белгиси бўйича, яъни бирор-бир оиласи қавмга ёки “қалин дўстлар” жумласига киришига кўра тақсимланиши.

**Хисоб-китобларнинг пулсиз шакли** – бартер алмашуви, ўзаро ҳисоб-китоб (клиринг) схемалари, шунингдек, нотижорат йўли билан барча кредитлаш турлари (шу жумладан, тўламасликлар).

## “Институционал иқтисодиёт” дарсликка иловалар


1-илова

### Ўзбекистон Республикаси иқтисодиётининг институционал таркиби



2-илова


### Ўзбекистон Республикасида 2005-2016 йилларда ялпи ички маҳсулот суръатлари (олдинги йилга нисбатан фоизда)



Манба: ЎзР Давлат статистика қўмитаси маълумотлари асосида тузилган.

3-илова


### Реал ЯИМнинг аҳоли жон бошига ўсиш суръатларининг ўзгариш динамикаси (барқарор ўсиш йиллари)



Манба: ЎзР Давлат статистика қўмитаси маълумотлари асосида тузилган.


4-илова

### Ўзбекистон Республикасида ялпи ички махсулот таркиби (жамига нисбатан фоизда)



Манба: ЎзР Давлат статистика қўмитаси маълумотлари асосида тузилган.

**Ўзбекистон Республикасида 2001-2016 йилларда инвестициялар суръатлари (аввалги йилга нисбатан фоизда)**




Манба: ЎзР Давлат статистика қўмитаси маълумотлари асосида тузилган.

**Ўзбекистон иқтисодиёти тармоқларида бандлар сонининг ўсиши динамикаси (жамига нисбатан, %)**

Тармоқлар	2009 й.	2010 й.	2011 й.	2012 й.	2013 й.	2014 й.	2015 й.	2015 йил 2009 йилга нисбатан, %
Саноат	1513,1	1539,6	1563,5	1589,9	1615,3	1642,3	1668,3	110,3
Қурилиш	1008,6	1065,1	1093,4	1130,3	1169,3	1208,6	1248,5	123,8
Қишлоқ хўжалиги	2898,4	3127,5	3247,3	3260,8	3369,3	3531,3	3610,7	124,6
Транспорт ва алоқа	579,5	603,8	619,2	638,7	660,9	684,8	710,7	122,6
Савдо ва умумий овқатланиш	1185,7	1243,2	1282,3	1330	1379,1	1431,2	1481	124,9
Коммунал хўжалиги	381,7	400,5	417,1	432,7	448,3	464,9	481,5	126,1
Соглиқни саклаш ва спорт	866,1	894,1	908,5	924,1	924,6	925,1	925,6	106,9
Таълим ва санъат	1572,9	1609,9	1637,9	1642,9	1643,8	1644,9	1645,9	104,6
Молия, банк ва сунгурта	63,6	66,3	69,8	65,5	65,6	64,2	64,3	101,1
Бошқалар	1258,5	1078,4	1080,1	1208,9	1247,1	994,6	994,8	79,0

7-илова



Ўзбекистонда 2004-2016 йилларда реал ЯИМ ҳажмининг ўзгариш динамикаси


8-илова

**Ўзбекистон иқтисодий ривожланиши асосий қўрсаткичларининг ўзгариш динамикаси**

(млрд. сўм)

Йиллар	Аҳоли сони, минг киши	Аҳоли даромади	Аҳолининг асосий капиталга инвестиациялари	Аҳоли жон бошига даромад, минг сўм
<b>Хақиқатда</b>				
2005	26263	10877,6	361,1	444,2
2010	28228	47767,7	2448,1	1672,2
2011	29341	63882	3357,1	2156,9
2012	29775	77293	4539,6	2595,9
2013	30241	95676	5941,5	3088,5
2014	30759	110215	7350,5	3610,5
2015	31300	122966	8614,4	4280,1
2016	31900	141601	12108	6258
<b>Прогноз</b>				
2018 (I-вар)	32151	185898	16266	5782
2018 (II-вар)	32858	274114	28037	8342
2020 (I-вар)	33357	233254	21934	6997
2020 (II-вар)	33980	435087	54681	12804
2021 (I-вар)	37571	258955	25031	7490
2021 (II-вар)	34837	548148	76365	15735

**2009-2014 йилларда амалга ошириш кўзда тутилган Инвестицион  
лойиҳалар дастури (иқтисодиёт тармоқлари таркибида, млн долл.)**



Манба: ЎзР Давлат статистика қўмитаси маълумотлари асосида тузилган.

**Корхона ва ташкилотларнинг мулкчилик шакллари бўйича тақсимланиши (1 январга; минг)**  
**(фермер хўжаликларисиз)**

	2001 й.	2002 й.	2003 й.	2004 й.	2005 й.	2006 й.	2007 й.	2008 й.	2009 й.	2010 й.	2011 й.
<b>Жами</b>	<b>157,4</b>	<b>165,7</b>	<b>187,2</b>	<b>196,3</b>	<b>210,8</b>	<b>218,5</b>	<b>231,8</b>	<b>250,1</b>	<b>257,7</b>	<b>274,4</b>	<b>283,4</b>
шу жумладан мулкчилик шакллари бўйича:											
давлат	25,0	26,2	26,1	26,0	25,3	24,2	24,0	32,7	34	36,9	39,4
нодавлат	132,4	139,4	161,1	170,3	185,5	194,3	207,8	217,4	223,7	237,5	244,0
улардан:											
фуқаролар хусусий мулки	77,1	78,5	84,8	92,4	94,6	91,5	95,2	98,5	100,5	104,5	107,3
акциядорлик жамиятлари	7,8	7,7	7,6	5,0	2,5	2,2	2,0	1,9	1,8	1,4	1,2
чет эл фуқаролари ва ташкилотлари қўшма корхоналари	2,9	2,9	3,0	3,2	3,4	3,6	3,8	4,1	4,3	4,4	4,6
бошка нодавлат мулк шакллари	44,6	50,4	65,7	69,7	85,0	97,0	106,8	112,9	117,1	127,2	130,9

Манба: Йиллик статистик тўплам. 2008. Ўзбекистон Республикаси Давлат статистика қўмитаси. –Т., 2009. -201 б. Йиллик статистик тўплам. 2012, -187 бет.


**Корхона ва ташкилотларнинг корхона турлари бўйича тақсимланиши (1 январга; минг)**  
**(фермер хўжаликларисиз)**

	2001 й.	2002 й.	2003 й.	2004 й.	2005* й.	2006 й.	2007 й.	2008 й.	2009 й.	2010 й.	2011 й.
<b>Жами</b>	<b>157,4</b>	<b>165,7</b>	<b>187,2</b>	<b>196,3</b>	<b>210,8</b>	<b>218,5</b>	<b>231,8</b>	<b>250,1</b>	<b>257,7</b>	<b>274,4</b>	<b>283,4</b>
шу жумладан корхоналар:											
ўрта	6,9	7,0	6,9	-	-	-	-	-	-	-	-
кичик	21,5	21,3	22,4	18,5	16,1	15,5	16,6	18,7	19,6	22,2	21,7
микрофирмалар	109,1	116,6	137,4	159,8	156,4	164,7	176,3	185,0	190,6	202,0	210,0
бошқалар	19,9	20,8	20,5	18,0	38,3	38,3	38,9	46,4	47,5	50,2	51,7

Манба: Йиллик статистик тўплам. 2008. Ўзбекистон Республикаси Давлат статистика қўмитаси. –Т., 2009. -201 б. Йиллик статистик тўплам. 2012, -187 бет.


\* Вазирлар Маҳкамасининг 11.10.2003 йилдаги 439-сонли қарорига асосан.

### Иқтисодиёт секторларининг ялпи ички маҳсулот (ЯИМ) улуши, фоиз



Манба: ЎзР Давлат статистика қўмитаси маълумотлари асосида тузилган.

### Ўзбекистонда давлат ва нодавлат секторларининг нисбати, 2011 йилда умумий ҳажмга нисбатан фоизда



Манба: ЎзР Давлат статистика қўмитаси маълумотлари асосида тузилган.

## **Ўзбекистонда мулк ҳуқуқининг асосий манбалари**

I. ЎзР Конституцияси; ЎзР Фуқаролик кодекси; ЎзР Ер кодекси.

II. “Давлат тасарруфидан чиқариш ва хусусийлаштириш тўғрисида”ги ЎзР Қонуни; “Мулк тўғрисида”ги ЎзР Қонуни; “Давлат уй-жой фондини хусусийлаштириш тўғрисида”ги ЎзР Қонуни; “Муаллифлик ҳуқуқи ва турдош ҳуқуқлар тўғрисида”ги ЎзР Қонуни; “Хусусий тадбиркорлик кафолатлари ва эркинликлари тўғрисида”ги ЎзР Қонуни; “Хусусий мулкни ҳимоя қилиш ва мулкдорлар ҳуқуқларининг кафолатлари тўғрисида”ги ЎзР Қонуни.

III. “Хусусий корхоналар тўғрисида”ги ЎзР Қонуни; “Нодавлат нотижорат ташкилотлар тўғрисида”ги ЎзР Қонуни; “Фермер хўжалиги тўғрисида”ги ЎзР Қонуни; “Деҳқон хўжалиги тўғрисида”ги ЎзР Қонуни; “Оилавий тадбиркорлик тўғрисида”ги ЎзР Қонуни ва бошқалар.

## **Мулк ҳуқуқи институтининг асосий тамоилилари**

1) хусусий мулкнинг давлат мулки билан бир қаторда конституциявий тан олиниши ва давлат мулкининг ҳам, хусусий мулкнинг ҳам юридик жиҳатдан тенг ҳимояланиши;

2) ҳар қандай объектнинг хусусий мулк сифатида тан олиниши, қонунда кўрсатиб ўтилганлар бундан мустасно;

3) якка тартибдаги шахснинг хусусий мулкида бўлган объектлар сифати ёки қийматига чекловларнинг мавжуд эмаслиги;

4) хусусий мулк унинг мулқдори томонидан исталган вактда учинчи томонга мулкни топшириш усусларини тартибга солувчи тегишли қоидаларга амал қилинган ҳолда топширилиши мумкинлиги;

5) хусусий мулк обьекти ашёларни ҳам, мулкий ҳуқуқларни ҳам ўз ичига олиши;

6) хусусий мулк эгаси бундай мулкни бошқа шахсга мулкни, ишончли мулкчилик асосида тасарруф этувчи шахсга мулкчилик ҳуқуқини ўтказмаган ҳолда, ишончли бошқаришга топширилиши мумкинлиги;


7) давлат мулкни, ўзига тегишли корхонани хўжалик юритиш ёки тезкор бошқариш ҳуқуқларида топширилиши мумкинлиги;

8) барча ер ва табиий ресурслар мутлақ давлат мулки ҳисобланиши;


9) давлат ер ва минерал ресурслардан фойдаланиш, уларга эгалик қилиш ва уларни тасарруф этиш ҳуқуқини хусусий (жисмоний ёки юридик) шахсга топширилиши мумкинлиги;

10) жамият эҳтиёжлари учун хусусий мулк реквизиция қилинишига фақат қонунда кўрсатилган алоҳида ҳолатларда рухсат этилиши ва мулкдор учун Фуқаролик кодексининг 203-моддасидаги реквизициялаш тўғрисидаги қоидада акс этган ҳимоялаш чораларини назарда тутади.

### Мулк шаклларининг ривожланиши



### Ўзбекистонда мулкчилик шаклларини таркибий тузилиши



**Акциядорлик жамиятида мулкий хуқуқларнинг тақсимланиши**

Мулкий хуқуқ турлари	Мулкий хуқуқ субъектлари			
	Акциядор, корхона ходими	Акциядорлар йиғилиши	Ижро этувчи орган, корхона дирекцияси	Давлат мулки қўмитаси
Эгалик қилиш хуқуқи	+		+	+
Фойдаланиш хуқуқи	+		+	+
Тасарруф этиш хуқуқи	+		+	+
Даромад олиш хуқуқи	+		+	+
Капитал қиймат хуқуқи		+		
Хавфсизлик хуқуқи			+	+
Мерос ва васиятнома бўйича ўтиш хуқуқи	+			
Муддатсизлик хуқуқи	+			
Заарарли фойдаланишни таъқиқлаш хуқуқи				+
Ундириш кўринишидаги жавобгарлик хуқуқи	+	+		
Қолдиқ хусусияти хуқуқи		+		

**Фермер хўжаликларида ерга бўлган мулкий хуқуқлар тақсимоти**

Мулкий хуқуқ турлари	Фермер хўжалиги	Давлат
Эгалик қилиш хуқуқи	-	16 -м. ЕК
Фойдаланиш хуқуқи	13 -м. ФХҚ, 53 -м. ЕК	-
Тасарруф этиш хуқуқи	-	16 -м. ЕК
Даромад олиш хуқуқи	17-м. ФХҚ, 173 м. ФК	-
Капитал қиймат хуқуқи	-	16 -м. ЕК
Хавфсизлик хуқуқи	17 -м. ФХҚ	-
Мерос ва васиятнома бўйича ўтиш хуқуқи	13 , 21 -мм. ФХҚ	-
Муддатсизлик хуқуқи	-	10,16 -м. ЕК
Заарарли фойдаланишни таъқиқлаш хуқуқи	-	36 -м. ЕК, 173 -м. ФК
Ундириш кўринишидаги жавобгарлик хуқуқи	227 -м. ФК	16 -м. ЕК
Қолдиқ хусусияти хуқуқи	-	36 -м. ЕК

*20-илюва*

### **Ўзбекистонда хусусий мулк шаклидаги корхоналар**

1. Акциядорлик жамиятлари (АЖ)
2. Маъсулияти чекланган жамият (МЧЖ)
3. Қўшимча маъсулиятли жамият (ҚМЖ)
4. Қўшма корхоналар
5. Хусусий корхоналар
6. Оила тадбиркорлиги
7. Фермер хўжаликлари
8. Дехқон хўжаликлари
9. Ширкат хўжалилари (яйлов чорвачилигига)

*21-илюва*

### **Хусусий мулк ҳуқуқи**

**(“Хусусий мулкни ҳимоя қилиш ва мулқдорлар ҳуқуқларининг кафолатлари тўғрисида”ги ЎзР Қонуни, 2012 й. 24 сентябрь, № 366)**

Хусусий мулк ҳуқуқи шахснинг қонун ҳужжатларига мувофиқ қўлга киритган мол-мулкка эгалик қилиш, ундан фойдаланиш ва уни тарсарруф этиш ҳуқуқидир.

Хусусий мулк бўлган мол-мулкнинг миқдори ва қиймати чекланмайди. Хусусий мулк дахлсиз ва давлат ҳимоясидадир.

Давлат хусусий мулкнинг бут сақланишини таъминлаш ва унинг кўпайтирилиши учун барча зарур шароитларни яратади.

Мулқдор фақат қонунда назарда тутилган ҳолларда ва тартибдагина ўз мол-мулкидан маҳрум этилиши мумкин.

*22-илюва*


### **Ўзбекистонда кичик бизнес ва хусусий тадбиркорлик ривожланишининг макроиқтисодий кўрсаткичларининг ўзгариш динамикаси**

Кўрсаткичлар	Ўлчов бирлиги	Йиллар			
		2000	2010	2014	2015
1. ЯИМ да хусусий мулк улуши, шу жумладан кичик бизнес ва хусусий тадбиркорлик улуши	%	72,6	79,6	82,9	83,0
2. Кичик бизнес ва хусусий тадбиркорлик сони	минг	149,3	201,7	221,1	226,0
бандлар	минг киши	6679 (2005)	9253,4	9897,5	10178,9
экспортдаги улуши	%	10,6	13,6	26	26,9
импортдаги улуши	%	27,4	36,6	45,3	44,5
Кичик бизнесда банд бўлган бир ишчига ЯИМ ишлаб чиқариш	млн. сўм	15,3	19,1	35,1	37,1

\* Дехқон ва фермер хўжаликларисиз. Давлат статистика қўмитаси маълумотлари.

23-илова

### Кичик бизнес ва хусусий тадбиркорликнинг бошқа институтлар билан алоқаси



Манба: Муаллиф ишланмаси.

24-илова


### Кичик бизнес ва хусусий тадбиркорликни қўллаб-куватловчи институтлар



Манба: Муаллиф ишланмаси.

25-илова


### Ўзбекистонда акциядорлик жамиятлари сони ўзгариш динамикаси



Манба: «Альманах Узбекистана» статистик тўплам маълумотлари асосида тузилган, 2010.


26-илова

### Ўзбекистонда акциядорлик жамиятларининг умумий устав фонди, млрд.сўм




Манба: «Альманах Узбекистана» статистик тўплам маълумотлари асосида тузилган, 2010.

**Кичик бизнес ва хусусий тадбиркорлик ЯИМдаги улуси, фоизда**




Манба: ЎзР Давлат статистика қўмитаси маълумотлари асосида тузилган.

**Кичик бизнес ва хусусий тадбиркорликнинг иқтисодиёт соҳалари бўйича маҳсулот ишлаб чиқаришдаги салмоғи, фоизда**



Манба: ЎзР Давлат статистика қўмитаси маълумотлари асосида тузилган.

**Корхона чиқимларининг умумий таркибида трансакция  
харажатларининг ўрни**



Манба: Муаллиф ишланмаси.

**Ўзбекистонда саноат тармоғи ривожланишининг асосий кўрсаткичлари  
динамикаси (млрд.сўм)**

Йиллар	Саноат махсулотлари ишлаб чиқариш	Саноатга киритилган инвестициялар	Саноатда бандлар, минг киши
2000	462.0	221.0	1145.0
2001	969.0	514.0	1160.0
2002	1079.0	502.	1186.0
2003	1553.0	574.3	1223.0
2004	2147.0	763.4	1284.0
2005	3371.0	1032.4	1348.0
2006	4597.0	1384.6	1402.0
2007	5907.0	2223.2	1446.0
2008	9148.0	3293.8	1487.0
2009	11651.0	3556.9	1513.0

2010	14883.0	4659.9	1540.0
2011	18864.0	6070.3	1564.0
2012	23457.0	7794.0	1590.0
2013	28800.0	9813.4	1615.0
2014	34401.0	13164.5	1642.0
2015	40709.0	17041.0	1668.0
2016	46709.0	18772.0	1695.0

Манба: ЎзР Давлат статистика қўмитаси маълумотлари асосида тузилган.

Бозорбой Беркинович Беркинов

## ИНСТИТУЦИОНАЛ ИҚТИСОДИЁТ

“IQTISODIYOT” – 2018

*Мұхарріп  
Мирхидоятова Д.М*

*Мусақхұх  
Ходжаев И.*

Лицензия АІ № 240 04.07.2013 ы. Теришга берилди 01.07.2018 ы. Босишига рухсат этилди 13.07.2018 ы.  
Қоғоз бичими 60x80 1/16. Times гарнитураси. Офсет босма. Офсет қоғози. Шартли босма табоғи 16,0.  
Хисоб нашр варағи 15,7 Адади 70 нұсха. 046 – сонли буюртма. Баҳоси келишилган нархда

“IQTISODIYOT” нашриёти ДУКнинг матбаа бўлимида чоп этилди.  
100003, Тошкент ш., Ислом Каримов кўчаси, 49-уй.

65.01(5Ў) Институционал иқтисодиёт: Дарслик  
3 – нашр, қайта ишланган  
/Беркинов Б.Б. – “IQTISODIYOT”,  
2018. – 256 б.

1. Беркинов Б.Б.

ISBN-978-9943-5185-7-5

УДК: 330(575.1) Б 50  
ББК: 65.01(5Ў)